

O'ZBEKISTON RESPUBLIKASI
OLIY VA O'RTA MAXSUS TA'LIM VAZIRLIGI

SAMARQAND DAVLAT UNIVERSITETI

DILOROM SALOHIIY

**NAVOIYSHUNOSLIK.
ALISHER NAVOIY G'AZALLARINI
SHARHLAB O'RGANISH**

O'quv qo'llanma

Kitob quyidagi ko'rsatilgan
muddatda topshirilishi shart

Oldingi foydalanishlar
miqdori

584

iv g`azallarini

na)

O'ZBEKISTON RESPUBLIKASI OLIY VA O'RTA
MAXSUS TA'LIM VAZIRLIGI
SAMARQAND DAVLAT UNIVERSITETI

DILOROM SALOHIIY

NAVOIYSHUNOSLIK

ALISHER NAVOIY G'AZALLARINI
SHARHLAB O'RGANISH

Universitetlarning 5120100 – filologiya va tillarni
o'qitish (o'zbek filologiyasi), pedagogika institutlarining
o'zbek tili va adabiyoti fakultetlari uchun o'quv qo'llanma

*Samarqand davlat universiteti
ilmiy kengashi tomonidan
nashrga ruxsat berilgan
(2019 yil, 28 noyabr,
4 - bayonnoma)*

Samarqand – 2019

UO'K: 821.512.133 (092)

KBK: 83.3 (50')

S26

Mas'ul muharrir:
Boqijon To'xliyev,
filologiya fanlari doktori, professor

Taqrizchilar:
Karomat Mullaxo'jayeva,
filologiya fanlari nomzodi, dotsent

Alisher Razzoqov,
filologiya fanlari bo'yicha falsafa doktori (PhD)

Salohiy, Dilorom. Navoiyshunoslik. Alisher Navoiy g'azallarini sharhlab o'rganish (o'quv qo'llanma). / D. Salohiy. – Samarqand: SamDU, 2019. –236 b.

Ushbu o'quv qo'llanma respublika oliy o'quv yurtlari o'zbek filologiyasi fakultetlari bakalavriat ixtisosligi talabalari uchun mo'ljallangan bo'lib, navoiyshunoslik fanining Alisher Navoiy g'azallarini sharhlab o'rganish kursi mavzularini qamrab oladi. Unda Navoiy boy lirik merosining mavzu ko'lami, nasriy bayonlari va g'oyaviy-badiiy xususiyatlari haqida ma'lumot beriladi. Tadqiqot ikki bo'limdan iborat bo'lib, birinchi bo'limdan ulug' shoir lirik merosining o'rganilishi va tarkibi haqida umumiy ma'lumotlar, ikkinchi bo'limdan esa g'azallar sharhlari o'rin olgan.

Qo'llanmada muallifning O'zbekiston Respublikasi Oliy va o'rta maxsus ta'lim vazirligining tavsiyasiga ko'ra 2013 yil "Zarafshon" nashriyotida chop etilgan "Navoiy nazmiyoti" nomli o'quv qo'llanmasi materiallaridan ham foydalanilgan.

O'quv qo'llanma Samarqand davlat universiteti ilmiy kengashining 2019 yil 28 noyabrda 4-sonli yig'ilishi qarori bilan nashrga ruxsat berilgan.

ISBN-978-9943-6316-7-0

Dilorom Salohiy, "Navoiyshunoslik. Alisher Navoiy g'azallarini sharhlab o'rganish", 2019.

2


TAQDIM

Bugungi kunda mukammal shakllangan va taraqqiy etayotgan jahon navoiyshunosligi tajribasi ulug' o'zbek shoiri va mutafakkiri Alisher Navoiy ijodining sharq badiiy tafakkuri oliy mahsuli ekanini e'tirof etmoqda. Bu olamshumul ijodning o'zigacha mavjud bo'lgan forsiy va turkiy adabiyot erishgan barcha yutuqlarni mujassam etgan, xususan, turkiy adabiyotning keyingi taraqqiyotiga zamin yaratgan poetik, falsafiy, badiiy-estetik qarashlar tizimini shakllantirgan mukammal nazariyaga asoslanganligi ayon bo'ldi.

Alisher Navoiy she'riyati bugungi kunda o'zbek adabiyotshunosligi fani sarhadlaridan ancha kengroq doirada, juda ko'p xorijiy mamlakatlar olimlari ilmiy ishlarida ham o'rganilmoqda. Bugungi kunga qadar Navoiy lirik merosining mukammal nashrlari amalga oshirildi, buning asosida shoir biografiyasi, dunyoqarashi, ijodiy metodi va adabiy-tanqidiy qarashlari, san'atkorligi masalalariga doir dalillar to'plandi va tahlil etildi, shuningdek, shoir ijod etgan tarixiy sharoit va uning buyuk mutafakkir faoliyatiga ta'siri masalalari o'rganildi.

O'zbek adabiyotshunosligida buyuk mutafakkir Alisher Navoiyning ijodiy merosi va badiiy mahoratini o'rganish sohasida bir qator ilmiy tadqiqotlar amalga oshirildi va bu ilmiy yutuqlardan respublikamiz oliy o'quv yurtlari filologiya fakultetlari bakalavriat va magistratura ta'lim yo'nalishlarining barcha bosqichlarida foydalanilmoqda. Xususan, birinchi, ikkinchi kurslarda o'tiladigan «O'zbek mumtoz va milliy o'yg'onish adabiyoti» fanini, yuqori kurslarda ikki yil davomida o'qiladigan "Navoiyshunoslik" ixtisoslik kursi va Navoiy ilmiy-badiiy, nasriy hamda lirik ijodini chuqurroq o'rganishga moslangan tanlanma fanlarni, magistratura yo'nalishidagi maxsus fanlarni o'tishda shu kunlarga qadar A. Qayumov, B. Valixo'jayev, A. Hayitmetov, A. Abdug'afurov, Yo. Is'hoqov, I. Haqqulov, S. G'anieva, R. Vohidov kabi olimlar asarlari asosiy qo'llanma vazifasini bajarib keldi. Ammo, fanimiz

3



milliy mafkuramiz zaminida rivojlanib borayotgan bugungi kunda adabiy merosni o'rganishning yangi mezonlari qaror topdi, yangi adabiy manbalar kashf etildi, yangi fikr-qarashlar ro'yobga chiqa boshladi. Shu boisdan XX asrning 80-yillari oxirigacha chop etilgan va ulug' shoir she'riyati masalalarini yoritishga bag'ishlangan darslik va qo'llanmalardagi ayrim qarashlarni qayta nazardan o'tkazish, ayrim masalalarga aniqlik kiritish, munosabat bildirish ehtiyoji paydo bo'ldi. Ana shu ehtiyojga javoban yurtimiz o'z siyosiy mustaqilligiga ega bo'lgan va qadimiy milliy-ma'naviy qadriyatlarimiz tiklangan keyingi chorak asr davomida navoiyshunos olimlar N.Komilov, M. Muhiddinov, A.Abduqodirov, Sh.Sirojiddinov, A.Erkinov, G.Xollieva, U.Jo'raqulov, K.Mullaxo'jaeva, Z.Mamadaliyeva, O.Davlatov, I.Pardaeva, A.Razzoqov va D.Yusupovalarning ilmiy tadqiqotlari hamda o'quv adabiyotlari yuzaga keldi. Ushbu qo'llanma muallifi ham tadqiqotida o'zbek filologiyasi fakulteti bakalavriat ta'lim yo'nalishida o'qitiladigan fanlarga tuzilgan yangi dastur asosida "Navoiyshunoslik" fanining "Alisher Navoiy g'azallarini sharhlab o'rganish" qismi uchun shoir lirikasi g'oyaviy va badiiy-estetik xususiyatlarini yoritishni ko'zda tutadi. Buning sababi shundan iboratki, muallif Navoiy she'riyati sohasida bajarilgan avvalgi tadqiqotlarni to'ldiruvchi, ba'zi o'rinlarda yangicha munosabatni talab etuvchi ilmiy dalillar va mulohazalarni bayon etadi, bu sohadagi qator masalalarga yangicha yondashadi.

O'quv qo'llanmada Alisher Navoiy she'riyati taraqqiyoti tarixini kuzatish, shoir g'azaliyoti g'oyaviy-badiiy qimmatini haqida fikr yuritish va Navoiy poetik uslubi o'ziga xos xususiyatlarini ochib beruvchi nazariy masalalarga diqqatni jalb etish ko'zda tutiladi, fanimizning bu sohada qo'lga kiritgan yangi ilmiy natijalari, yosh olimlar tadqiqotlarida olg'a surilgan g'oyalar va fikr-mulohazalar e'tiborga olinadi. Xususan, ulug' shoir ijodida ilm-ma'rifat talqini va kichik lirik janrlar tadqiqi masalalari yoritilishida filologiya fanlari bo'yicha Falsafa doktorlari (PhD) Alisher Razzoqov va Iroda

Pardayeva, o'zbek mumtoz adabiyotida turkona uslub masalalari tahlilida ilmiy izlanuvchi Rahima Daminova tadqiqotlarida keltirilgan yangi ma'lumotlardan foydalanildi. Albatta, tadqiqotda qusur va kamchiliklar bo'lishi tabiiy. Shuning uchun ushbu o'quv adabiyoti haqidagi har qanday xolisona fikr va mulohazalar muallif tomonidan samimiyat bilan qabul qilinadi, minnatdorchilik bildiriladi va kelgusida nazarda tutiladi. (Manzilimiz: Samarqand shahri, Universitet xiyoboni, 15. E-mail: dsalohiy@gmail.com; diloromopa1959@umail.uz).

Mazkur qo'llanma garchi filolog-bakalavriat va magistrant talabalarga mo'ljallangan bo'lsa-da, undagi yangi adabiy-ilmiy material, adabiy-ma'rifiy yo'nalishdagi tahlil natijalari hamda xulosalar katta va kichik ilmiy izlanuvchi xodimlar, adabiyot tarixi mutaxassislari uchun ham foydali bo'lishi mumkin.

ALISHER NAVOIY SHE'RIYATIDA LIRIK JANRLAR TARAQQIYOTI

Nizomiddin Mir Alisher Navoiy she'riyatini o'rganish tarixi va manbalari.

Dars rejasi:

1. Alisher Navoiy she'riyatining o'z zamondoshlari va keyingi asrlar mualliflari tomonidan o'rganilishi.
2. Navoiy poetik uslubi va badiiy tasvir prinsiplarini nazariy asoslarda ilmiy o'rganish.
3. Navoiy lirikasi sohasida olib borilgan tekstologik tadqiqotlar. Sharhlar.

Tayanch so'z va iboralar: *badiiy ijod, tafakkur, iste'dod, e'tirof, talqin, nashr, Navoiy, ma'naviy, lirik, epik, meros.*

1.

Alisher Navoiy lirik ijodi o'ziga qadar turkiy adabiyot erishgan barcha yutuqlarni umumlashtirib, butun Sharq adabiyoti, xususan g'azalchiligini yangi taraqqiyot bosqichiga ko'tardi. Akademik Oybek yozganidek, shu boisdan ham "Navoiyning yoshlikdan boshlab to umrining so'ng sanalariga qadar yozgan lirik she'rlarini ihota etgan "Chor devon"ining ideya va badiiy shakli, tili va masterligi, tarixiy ahamiyati va boshqa jihatlardan chuqur tadqiq etish ko'p yilga cho'ziladigan og'ir va muhim ishdir".¹ Navoiy nazariy qarashlarini o'rganish tarixi salkam olti asrni ishg'ol etib turibdi. Bu katta tarixiy jarayon Navoiy lirik merosini tekshirish uslubi, yo'nalishlari va ilmiy ahamiyati jihatidan to'rt bosqichda davom etganligini kuzatish mumkin. Chunonchi, turkiy tildagi g'azalni o'z davrining yetuk lirik janri sifatida katta taraqqiyot bosqichiga ko'targan malik ul-kalom Mavlono Lutfiydan boshlab o'sha davrning Kamol Turbatiy, A'loiy Shoshiy, Abulqosim Bobur,

¹ Ойбек. Навоий гулшани. – Тошкент: Бадий адабиёт, 1967. 31-б.

Sayyid Hasan Ardasher, Pahlavon Muhammad kabi shoir va allomalari Navoiy ilk lirikasi yuksak badiiyligiga tahsin o'qib, yuqori baho berar ekanlar, buni bevosita yosh shoarning kelgusidagi katta muvaffaqiyatlariga, butun Sharq badiiy tafakkurining o'lmas dahosi sifatida taniluviga ilk guvohlik, bashorat deb tushunmoq joizdir. She'riy san'atning bu nozikfahm allomalari yosh Alisher Navoiyning o'z g'azallarida badiiy mazmun va badiiy shakl unsurlaridan ularning o'zaro uzviy bog'lanishi asosida ustalik bilan foydalana olganligi, bu sohadagi yetuk badiiy mahoratiga diqqatlarini jalb etganlar. Bu esa Navoiy ilk nazmiyoti uning davrida yaratilayotgan asarlardan alohida ajralib turganligini, unga bo'lgan jiddiy qiziqishni ta'kidlab, bevosita bu sohir badiiy ijod sirlarini o'rganish sohasiga poydevor bo'lib xizmat qildi. Navoiy «Ilk devon» ining uning o'zi tomonidan emas, balki she'riyat muxlislari tomonidan tuzilishi sharq devonchiligi tarixida misli ko'rilmagan hodisa bo'lib, bu ham o'z navbatida shoir lirikasining sharq g'azalchiligi an'analari va u davrda shakllanib ulgurgan normativ poetika mezonlari asosida maxsus tekshiruv manba'si bo'lavi lozimligiga bir ishora edi. Shu tariqa Navoiyning ilk lirikasidagi san'atkorlik mahoratiga o'ziga xos yondashuv, uni chin ma'noda favqulodda iste'dod sifatida tan olish, targ'ib etish tarzidagi ijodiy munosabatlar turkiy va fors-tojik she'riyati yetuk mutaxassislari tomonidan yuzaga keldi va bu jarayon Navoiy ijodining 25 yoshgacha bo'lgan davrini qamrab olib, uni ilmiy ijodiy o'rganishning birinchi bosqichini tashkil etadi. Bu davrda Navoiy lirik shoir sifatidagina mashhur bo'lib, uning g'azal, ruboiy, muxammas, mustazod janrlaridagi asarlari va hasbi hol tipidagi masnaviysi ma'lum edi. Bundan ko'rinadiki, Navoiyning poetik mahorati uning katta, mashhur zamondoshlari tomonidan asosan 5 lirik janrda yaratilgan asarlari yuzasidan e'tirof etilib (bizgacha yetib kelgan tarixiy ma'lumotlarga ko'ra, ko'proq g'azal janridagi), u ham bo'lsa, o'rta asrlar sharq adabiyotshunosligi uslubiga xos bo'lgan umumiy fikrlardan iborat edi. Ammo, mashhur shaxslarning shoirga

bo'lgan e'tibori va uning ijodi yuzasidan bildirilgan mazkur umumiy fikrlar Navoiyning bu davrda o'z lirikasi misolida turkiy g'azalchilikni badiiy tasvir jihatidan yangilayotganligi (Lutfiy e'tirofi: bir bayt misolida), she'rlarida emotsional-ruhiy ta'sirning va badiiy lavhalarning betakrorligi (Abulqosim Bobur, Sayyid Hasan Ardasher bilan bog'liq xotiralar tafsilotlari), adabiy-tanqidiy qarashlarining o'ziga xos mazmun va yo'nalishga ega ekanligi (Shayx Kamol Turbatiy bilan uchrashuv epizodi va b.) kabi masalalarni qamrab oladi.

Alisher Navoiy esa umumiy ta'rifu tavsifdan farqli o'laroq o'zining «Muhokamat ul-lug'atayn» asarida Mavlono Lutfiy ijodi turkiy she'riyatning yozma adabiyot an'analari doirasidagi taraqqiyotini boshlab berganligini ta'kidlaydi. Ulug' shoir «Majolis un-nafois»da turkiygo'y shoirlar haqida so'z yuritar ekan, Mavlono Yaqiniy, Mavlono Atoiy, Mavlono Muqimiy, Mavlono Kamoliy, Mavlono Sakkokiy, Mavlono Gadoiy boralarida «turkiygo'ydur, atrok orasida ko'p shuhrat tutti», deb yozadi, ammo, Mavlono Lutfiy muqobalasida ularni «forsiy va turkiyda naziri yo'q erdi», deya baholamaydi. Buning sababi shundan iboratki, Mavlono Lutfiyga qadar va unga zamondosh bo'lgan turkiygo'y shoirlar ijodi asosan ma'lum ma'noda mavzu va mazmun jihatidan chegaralangan «turkiy» janridagi she'rlar doirasida qolgan bo'lsa (kichik lirik janrlarni istisno etganda), Lutfiy «turkiy» she'r imkoniyatlaridan, uning vazni va badiiy tasvir usullaridan foydalanib, yangi mazmun va shakldagi g'azallar yaratdi. Navoiyning adabiyotshunoslikka doir asarlarida tilga olingan o'rta asr o'zbek she'riyatidagi adabiy-badiiy yo'nalish asosini «turkiy» janri va bu janrda she'r yozgan «turkiygo'y» shoirlar ijodi tashkil etadi. Shoir «Majolis un-nafois» asarida «turkona» istilohini qo'llar ekan, bu ma'noda «turkiy» she'rning o'ziga xos xususiyatlari – turk tili, ishqiy mavzu, sodda va tushunarli, ta'sirchan badiiy tasvir va ramal bahridan iborat ekanligini bayon etadi. Mavlono Lutfiy ijodi sharq poeziyasida klassik maqomdagi fors-tojik she'riyati va turkona she'riyatning

go'zal bir tarzidagi uyg'unlashuvi, sintezi sifatida namoyon bo'lganligini qayd etadi. Shu boisdan ham o'z ijodining mavqeyi va darajasini ravshan idrok etgan Mavlono Lutfiy o'n ikki mingdan iborat forsiy va turkiy abiotini turkiy she'riyatni mumtoz maqomga ko'tarayotgan Alisher Navoiyning bitta baytiga almashtirishni orzu qiladi.

Mavlono Abdurahmon Jomiy esa Alisher Navoiyni va uning bosh vazir sifatida olib borgan faoliyatini Yusuf payg'ambar faoliyati bilan tenglashtiradi. Feodal zulmining oldini olish va adolat o'rnatish, bunda mamlakatni boshqarishdagi bosh vazirning roli «Haft avrang»da asosiy masala qilib qo'yilgan edi.

Podshoh – Fir'avn Yusufni Zulayhoning kuyovi Azizi Misr o'mniga bosh vazir etib tayinlaydi. Mamlakatning 14 yillik ixtiyorini unga topshiradi. O'zi esa Yusufga halaqit bermaslik uchun shu muddatga mamlakat ishlaridan chetlashadi. Yusuf aql va tadbir bilan g'allani ehtiyojga qarab odilona tarqatadi. Haqiqatan ham o'z davrida tadbirkor vazir «Navoiyning buyuk madaniyat arbobi, she'riyat va san'at homiysi sifatidagi shuhrati yaqin sharq o'lklarida afsonaviy bir tus olgan»²:

Muborak bar shahu arkoni davlat,
G'azanfarhaybatoni shersavlat!
Ba taxis on javonmarde k - sh az der,
Nasab chun nom boshad sher bar sher.
Yake dar az diji davron kananda,
Yake sarpanja bo go'ron zananda.
Ba rasmi ta'miya z - on burdamash nom,
Ki monad dur az on andeshai om.
Va gar ne, kay tavon z - on fahmi darrok,
Ba sad huqqa naxuft in gavhari pok.
Kunad dar she'r tab'ash mo'shikofy,
V - az on mo' no'gi kilkash sha'r bofy.

² X. Арасли. Ахдий Бағдодий Навоий ҳақида. // ЎТА, 1977, №4, 43-б.

Nihad z-in sha'ri mushkin domi dilho
Dihad az she'ri shirin komi dilho...
Vale, dar borgohi odamiyat,
Chuz o' kam yoft rohi mahramiyat...³

Ana shu jihatlardan Navoiy lirikasiga nisbatan bo'lgan bu davrdagi adabiy-tanqidiy munosabatni uning ijodi badiiy afzalliklarini e'tirof etgan holda, munosib baholash, targ'ib etish tarzidagi ijodiy o'rganish deb ko'rsatish mumkin.

Navoiyni nafaqat yetuk zullisonayn shoir, balki lirikaning 16 janrida samarali ijod qilgan buyuk mutafakkir sifatida juda keng miqyosda maxsus o'rganish badiiy-tarixiy xarakterdagi asarlar va risolalarda uning o'z zamondoshlari va keyingi asrlarda yashagan mualliflar ijodida xam ko'zga tashlanadi. Shoir g'azallarining chuqur mazmuni, ilg'or g'oyaviy-falsafiy asoslardagi estetik namoyishi Nuriddin Abdurahmon Jomiy, Sulton Husayn Boyqaro, Davlatshoh Samarqandiy, Mirxond, Xondamir, Kamoliddin Binoiy, Abdulloh Xotifiy, Hakimshoh Qazviniy, Zayniddin Vosifiy, Zahiriddin Muhammad Bobur kabi allomalar tomonidan katta hurmat bilan tilga olinadi. **Shoir ijodi badiiyatini tanqidiy o'rganishning bu bosqichi uning avvalgi davridan umumiy ta'rif-tavsif mazmunidagi fikrlardan konkretlikka - Navoiy lirikasining son va sifat jihatidan originalligi, aruz vaznining turkiy g'azalchilik asosidagi taraqqiyotiga qo'shgan hissasi (Zahiriddin Muhammad Bobur), badiiy san'atlarning an'anaviy poetika qonuniyatlarini rad etmagan holda ijodiy rivojlantirilishi (Atoullah Husayniy, Zayniddin Vosifiy) kabi ilmiy, tahliliy asoslardagi yo'nalishlari bilan farq qiladi.** Bu o'rinda shuni ta'kidlash lozimki, Navoiy poetikasi sohasida zamonaviy adabiyotshunoslik fani nuqtai nazaridan ilmiy-nazariy tadqiqotlarning dunyoga kelishida Navoiy merosi yuzasidagi

³ Мирзоев А. Тасвири Навой дар "Юсуфу Зулайхо"и Чомй. //Садои Шарк, 1971, № 5. С. 140.

adabiy-tanqidchilik tarixining bu davrida yaratilgan asarlar asosiy manba'lardan bo'lib xizmat qiladi. Chunki, turkiy klassik g'azalning eng baland ravnaqi davrida uning dinamikasini ta'minlovchi Navoiy lirikasi yuzasidan bildirilgan adabiy-tanqidiy mulohazalar o'sha davr adabiyotshunosligi xarakterini, lirikaning bevosita o'rta asrlar musulmon madaniyati taraqqiyotiga qo'shgan hissasini (o'sha davr adabiyotshunosligi nuqtai nazaridan), uning jamiyat turli tabaqalariga mansub she'riyat muxlislari bilan munosabatini va boshqa ko'p masalalarni oydinlashtirishga sabab bo'lishi shubhasizdir.

2.

Navoiy g'azaliyoti badiiyligini, uning poetik uslubi va badiiy tasvir prinsiplarini nazariy asoslarda ilmiy o'rganish XX asr boshlarida (30-yillarning ikkinchi yarimlarida) akademik Oybek, prof. E.Bertels, A.K. Borovkov, Maqsud Shayxzoda, Hodi Zarif asarlarida amalga oshirildi. Akademik Oybekning 1936 yilda yozilib, 1961 yilda «O'zbek tili va adabiyoti masalalari» jurnalining 1, 2, 5-sonlarida e'lon qilingan Navoiy g'azaliyoti haqidagi ikki maqolasida shoir lirikasining asosiy mohiyati, poetikasining xususiyatlari sohasida fikr yuritiladi. Jumladan, muallif shoir poetik uslubini tahlil etar ekan, uning badiiy tasvir prinsiplariga alohida e'tibor beradi. Bir o'rinda: «Navoiyning poeziyasi metaforikdir, - deb yozadi olim, - Navoiyning metaforalari aksar haqiqatan chuqur, original bo'ladi. Fikr va narsalar orasida kutilmagan, yangi munosabatlarni, yangi tomonlarni ochajak bir xarakterdadir... Umuman, Navoiyda so'z yuqori narsalarga ishora qilishi kerak».⁴ Oybek Navoiy poeziyasining mazmun va badiiy shakl jihatidan xarakterli belgilarini qayd etar ekan, «Navoiy poeziyasida o'tkazilgan g'oyalarning ijtimoiy-sinfii xarakteri, badiiy formaning belgili ideologiya bilan shartlanganligi, umuman

⁴ Ойбек. Асарлар. XIX томлик. IX том. - Тошкент: Фан, 1974. 38-б.

Navoiy uslubini tug'dirgan sharoit va h.k. masalalar qoldikim, asl ilmiy tekshirish busiz bo'lmaydi», - degan xulosaga keladi⁵.

Alisher Navoiy lirikasini nazariy jihatdan tadqiq etishda Maqsud Shayxzodaning ilmiy faoliyati ayniqsa diqqatga sazovordir. Olim «Navoiyning lirik qahramoni» nomli ilmiy ishi va shu sohadagi qator maqolalarida⁶ shoir lirik qahramoni xususiyatlari, uning g'oyaviy intilishlari, shoir lirikasidagi badiiy tasvir prinsiplarini o'rganish haqida mulohazalar bildiradi.

Shayxzoda ilmiy tekshirishlarining uslubiy asoslari Navoiy lirikasini nazariy o'rganishning o'ziga xos yetuk bosqichi sifatida ko'zga tashlanadi. Navoiy poetikasini o'rganish sohasida keyingi davrda chiqqan va chiqayotgan monografik tadqiqotlarda Shayxzoda ilmiy uslubining bevosita ta'siri borligi muhim ahamiyatga egadir. Zero, bu narsa o'zbek adabiyotshunosligining zamonaviy jahon adabiyotshunosligi uslubiy asoslarida taraqqiy etishiga vosita bo'lgan sabablardan biridir.

Navoiy poetikasi masalalarini maxsus o'rganish Hodi Zarifning «Ruboiy», «Lutfiy va Navoiy» nomli maqolalarida tilga olinib, shoir lirikasining g'oyaviy-badiiy mohiyati, o'zbek poeziyasi an'alarining Navoiy she'riyati taraqqiyotida tutgan o'rni kabi sohalarda jiddiy fikrlar bayon qilinadi.

Samarqand navoiyshunoslik maktabi asoschilari akademik Vohid Abdullayev⁷ va professor Abdurahmon Sa'diy⁸ tomonidan amalga oshirilgan katta ilmiy qimmatga molik tadqiqotlarda ham Navoiy lirikasi xususiyatlari, undagi original badiiy tasvir ko'rinishlari,

⁵ Ойбек. Асарлар. XIX томлик. IX том. - Тошкент: Фан, 1974. 40-б
⁶ Қаранг: Шайхзода М. «Алишер Навоий лирикасининг баъзи бир поэтик усуллари ҳақида («Ғаройиб уссиғар» девони асосида)», «Устоднинг санъатхонасида», «Ғазал мулкининг султони» ва б.
⁷ Абдуллаев В.А. Навоий Самарқандда. Тошкент, 1968.
⁸ Абдурахмон Саъдий. Алишер Навоийнинг адабий-танқидий қарашларига доир// Докт. дисс., 1958; Маллаев Н. Ўзбек адабиётида ғазал ва унинг ривожиди Навоийнинг роли// «Ўзбек тили ва адабиёти масалалари». 1961, 3-сон; Навоий лирикаси. Ўзбек адабиёти тарихи. I-том. Тошкент, 1963.

uning nazariy asoslari va adabiy ta'sir doirasi kabi masalalarga ahamiyat beriladi.

O'zbek adabiyotshunosligi va adabiy tanqidchiligining 60-yillardan bugungi kunlarga bo'lgan faoliyati Navoiy lirikasi masalalarini poetika ilmining nazariy asoslari, spetsifik qonuniyatlari nuqtai nazaridan ilmiy o'rganishning hajm va ilmiy salohiyat, salmoq jihatidan yuksak taraqqiyot bosqichiga chiqayotganligidan guvohlik beradi.

N.Mallayevning «O'zbek adabiyotida g'azal va uning rivojida Navoiyning roli», «Navoiy lirikasi»⁹, akad. V.Zohidovning «Ulug' shoir ijodining qalbi»⁹, A.Abdug'afurovning «Navoiy ijodida satira»¹⁰, shuningdek, M.Yunusov, E.Rustamov, O.Nosirov, I.Haqqulov, Sh.Sharipovlarning monografik tadqiqot va maqolalari shoir lirik merosini turli yo'nalishda tekshirishga bag'ishlanadi.

B.Valixovning Navoiy lirikasi badiiyati xususiyatlari va shoir san'atkorligi ko'rinishlariga bag'ishlangan «Mumtoz siymolar», «Alisher Navoiy she'riyati» nomli asarlari va bir qator maqolalarida¹¹, M.Muhiddinovning adabiy aloqa va o'zaro ta'sir masalalari aspektidagi «Alisher Navoiy va uning salafllari ijodida inson konsepsiyasi» nomli doktorlik dissertatsiyasida, R.Orzibekovning «O'zbek lirik poeziyasida g'azal va musammat» nomli monografiyasida shoir poetikasiga aloqador muhim masalalar tahlil etiladi.

Respublikamiz o'z mustaqilligini qo'lga kiritgandan so'ng, buyuk mutafakkir ilmiy-badiiy merosining shu kungacha tadqiq etilmagan qirralarini ochib berishga e'tibor kuchayib ketdi. I.Haqqulov, S.Olimov kabi olimlarning bu sohadagi faoliyatlari

⁹ Зоҳидов В. Улуғ шоир ижодининг қалби -. Тошкент, 1970.

¹⁰ Абдуғафуров А. Навоий ижодида сатира. - Тошкент, 1979.

¹¹ Қаранг: Валихўжаев Б. Ўзбек эпик поэзияси тарихидан. - Тошкент, 1974; Барҳаёт шеърят// Ленин йўли. 1986, 8 февр.; Алишер Навоий ижодида туркий ва туркийгўйлик ҳақида// Ад. Жанрлар ва бад. Маҳорат мас-ри. - Самарқанд, 1988; Мумтоз сиймолар. - Тошкент: Абдулла Қодирий н-даги ХМН, 2002.

diqqatga sazovordir. I.Haqqulov Navoiyning falsafiy-tasavvufiy dunyoqarashi, ilohiyotga munosabati, asarlaridagi teran ma'rifiy ma'no – mazmun, timsollar va ramzlar haqida qator monografiya, risola va ilmiy maqolalar yozdiki, bu hodisa navoiyshunoslik fanining o'ziga xos yangi yo'nalishdagi taraqqiyotiga sabab bo'ldi.¹²

Ammo, Navoiy lirikasini o'rganish sohasidagi mazkur katta ilmiy jarayonda yuzaga kelgan tadqiqotlarga xos umumiy xususiyat shuki, ularda umuman Navoiy lirikasi haqida, shoir poetik tasvirining ayrim usullari, mahorat masalalari va boshqa sohalarida maqola yoki monografik tadqiqot mavzui doirasida fikr yuritiladi.

Navoiy poetikasining asosiy xususiyatlari, undagi obrazlar tizimi, badiiy tasvir usullari, lirik janrlar rivojiga taalluqli sistemali ravishdagi izchil tadqiqotlar A.Hayitmetovning «Navoiy lirikasi» va Yo.Is'hoqovning «Alisher Navoiy ilk lirikasi», «Navoiy poetikasi» kabi monografiyalari va qator maqolalarida tahlil etildiki, bu narsa Navoiy lirikasini poetikaning o'ziga xos tizimi qonuniyatlari nuqtai nazaridan ilmiy-uslubiy yo'nalishda o'rganishni boshlab berdi.

«Navoiy lirikasi» asarida¹³ A.Hayitmetov Alisher Navoiy lirikasining tur xususiyatlari, tematikasi va asosiy obrazlarini tadqiq etadi. Muallif shoir lirikasining g'oyaviy-badiiy xususiyatlari, uning sharqona lirik an'analarga munosabati masalalarini batafsil muhokama etadi. A.Hayitmetov «Alisher Navoiyning ijodiy metodi masalalari»¹⁴, «Navoiy dahosi»¹⁵ monografiyalarida ham shoir lirikasi va ijodiy uslub uslubining bir qator muhim xususiyatlari, uning lirik asarlarida ijodiy uslub ifodasi mavzuiga diqqatini jalb etadi.

¹² Каранг: Хаққулов Иброҳим. Зағжирбанд шер қошида. – Тошкент: Юлдузча, 1989. – 223 б.; Хаққулов И. Ғазал гулшани. – Тошкент: ФАН, 1991. – 70 б.; Хаққулов И. Шерият – руҳий муносабат. – Тошкент: Чўлпон, 1991. – 240 б.; 240 б.; Навоийга қайтиш. – Тошкент: “ТАМАДДУН”, 2015. 312 Б.

¹³ Хайитметов А. Навоий лирикаси. – Тошкент, 1962.

¹⁴ Хайитметов А. Навоийнинг ижодий методи масалалари. – Тошкент, 1963.

¹⁵ Хайитметов А. Навоий даҳоси. – Тошкент, 1970.

Yo.Is'hoqov birinchi bo'lib Navoiy lirikasining badiiy evolyusiyasini bosqichma-bosqich, uning ilk davridan balog'at bosqichiga yetgunga qadar namoyon bo'ladigan xususiyatlarini, shu bosqichlar orasidagi umumiy bog'lanishni o'rganish maqsadida shoirning «Ilk devon»iga murojaat qiladi.¹⁶ «Ilk devon»ning, uning asosida Navoiy ilk lirikasining maxsus o'rganilishi shoir ijodiy mahoratining tadrijiy takomili, san'atkorligi va g'oyaviy dunyoqarashining o'ziga xos o'zgarishlari, kamolot bosqichiga yetish jarayonini kuzatishga imkon beradi.

Olim o'zining keyingi asari «Navoiy poetikasi»¹⁷da lirik janrlar va badiiy tasvir poetikasi xususiyatlarini muhokama etadi. Bu asar Navoiy poetikasini o'rganish sohasidagi keyingi tadqiqotlar uchun o'ziga xos tayanch manba' bo'lib ham xizmat qiladi. Chunki, o'zbek lirik poeziyasining janr jihatidan boyib, mukammal holga kelishida Navoiy g'azaliyotining o'rni va roli masalasi, shoir poetikasining ichki spetsifik qonuniyatlari va poetik uslubining originalligini ta'minlovchi asosiy omillar bu asarda izchil tahlil etilgan. Bundan tashqari, muallif bu asarida birinchi bo'lib o'zbek poeziyasida o'zining ma'lum an'alariga ega bo'lgan lirik janrlarning Navoiy lirikasida yangicha rivojini va turkiy adabiyotda paydo bo'lmagan yoki qat'iy qonuniyatiga ega bo'lmagan ba'zi bir janrlarning shoir g'azaliyotidagi yangi hayotini kuzatadi. Ikkinchidan, «asosiy lirik janrlarni, adabiy kanon va an'alar bilan munosabati nuqtai nazaridan sistemali tahlil etish asosida, ularning ichki dinamikasi va adabiy jarayondagi mavqeini belgilash hamda shu asosda Navoiyning lirik janrlarning taraqqiyot tarixidagi rolini ko'rsatish»¹⁸ masalasi ilk bor tadqiqot doirasiga tortiladi. Uchinchidan, Navoiy badiiy tasvir poetikasi uchun xos bo'lgan yetakchi shamoyil badiiy tasvir vositalari va sharq poetikasining an'anaviy qonuniyatlari

¹⁶ Исҳоқов Ё. Алишер Навоийнинг илк лирикаси. – Тошкент, 1965.

¹⁷ Исҳоқов Ё. Навоий поэтикаси. – Тошкент, 1983.

¹⁸ Исҳоқов Ё. Навоий поэтикаси. – Тошкент, 1983. 9-б.

nuktai nazaridan ochib beriladiki, bu ham asarning muhim ilmiy qimmatini belgilaydi.

Alisher Navoiy lirikasi masalalarini yangicha yo'nalishda, o'ziga xos ilmiy nuqtai nazardan tadqiq etish XX asr 90-yillarida A.Abdug'afurov tomonidan yo'lga qo'yildi. Olim Navoiy lirik devonlarining yaratilish davrlarini aniq belgilash, devonlarga kirmay qolgan she'rlarni aniqlash yuzasidan kuzatuvlar olib borish, devonlar debochalarida namoyon bo'lgan buyuk shoirning o'ziga xos badiiy tasvir uslubini ochib berish, shu nuqtai nazarlardan Navoiyning o'zidan keyingi shoirlar ijodiga bo'lgan ta'sirini tekshirish kabi masalalarni tadqiq etishni maqsad qilib qo'yadi. «Badoe' ul-bidoya», «Xazoyin ul-maoniy» devonlarining tartib berilish sanalari jiddiy ilmiy dalillar asosida aniqlanishi olimning navoiyshunoslik fani rivoji uchun amalga oshirgan muhim xizmatlaridan biridir. Shuningdek, Navoiy qalamiga mansub bo'lib, boshqa shoirga nisbat berilgan she'rlar, shoir ijodiga nisbatan bo'lgan e'tiborsizlik natijasida yuzaga kelgan chalkashlik, xatoliklarga ham olim birinchilardan bo'lib ochiq munosabat bildiradi.¹⁹

Ulug' shoir she'riyatidagi badiiy san'atlar, ularning xususiyatlari, istiloh va ta'riflari va shu bilan bog'liq juda ko'p masalalarni alohida mavzu sifatida o'rganish lozimligini "G'azal mulkingning sultoni"

¹⁹ Қаранг: Абдуғафуров А. Навоий сатираси. 1-китоб. - Тошкент: ФАН - 1966. - 316 б.; Абдуғафуров А. Эрк ва эзгулик куйчилари. - Тошкент: Адабиёт ва санъат - 1979. - 160 б.; А. Абдуғафуров. Буёк бешлик сабоқлари. - Тошкент: Адабиёт ва санъат - 1995. - 184 б.; А. Абдуғафуров. Қалб қаъридаги қадриятлар. - Тошкент: Адабиёт ва санъат - 1998. - //Ўзбек тили ва адабиёти. - 1994. - № 4-56. - Б.9-16; А. Абдуғафуров. «Хазойин ул-маоний» жумбоқлари. (Биринчи мақола) адабиёти. - 1995. - № 1. - Б.10-18.; Абдуғафуров А. «Хазойин ул-маоний» жумбоқлари// Ўзбек тили ва адабиёти. - 2000. - № 5. - Б.3-11.; Абдуғафуров А. «Бадоеъ ул-бидоё»нинг тузилиш санаси //Ўзбек тили ва адабиёти. - 1989. - № 4. - Б.3-9.; Абдуғафуров А. Шэърят саройи //Ўзбекистон адабиёти ва санати. - 1998. - 6-февраль.; Абдуғафуров А. «Хазойин ул-маоний» жумбоқлари //Ўзбек тили ва адабиёти. - 1998, №6. - Б.3-10.

nomli maqolasida Maqsud Shayxzoda shunday uqdirgan edi: "Taassuf bilan aytishga to'g'ri keladiki, klassik poetikani tekshirish ishlari, xususan, poetika andozalari bilan buyuk shoirlarimiz ijodini o'lchash va tahlil qilish masalalari adabiyotshunosligimizda juda kam shakllangan sohalardandir".²⁰ Taniqli olim A.Rustamov ustoz olim belgilab ketgan bu sohada qimmatli tadqiqot yaratdi. U Navoiy asarlari badiiyati sirlarini chuqur o'rganib, "Navoiyning badiiy mahorati" nomli kitob yozdi²¹ va unda "Navoiyning badiiy vositalari", "Navoiyning qofiya va sa'jlari", "Navoiyning vaznlari" nomli sarlavhalar ostida shoir mahorati, ijodining badiiy yetukligi asoslarini chuqur tadqiq qilib berishga muayassar bo'ldi.

Alisher Navoiyning adabiy-estetik qarashlari taniqli olim H.Qudratullaev ilmiy ishlarida o'zining keng va batafsil ifodasini topdi.²²

Xullas, Alisher Navoiy lirikasi ma'no sarhadlarini tushunib yetishga bo'lgan e'tibor shoirning o'z davridan buyon uzluksiz ortib borayotgan bo'lsa-da, bu o'rinda XX asr navoiyshunosligining o'rni alohida bo'lganligini ta'kidlab o'tmoq lozim.

Zamonaviy navoiyshunoslikda M.Imomnazarovning alohida o'rni borligini ta'kidlash zarur. Olim Alisher Navoiy asarlari konkordansining ilmiy va uslubiy tadqiqi bo'yicha o'ziga xos yo'nalishini yaratgan. Unda qayd etilishicha, 1967-1990 yillar (24 yil) davomida Alisher Navoiy hayoti va ijodiga oid 107 ta alohida kitob va risolalar, turli nashrlarda shoir ijodidan 230 ta namunalar va 2418 ta maqola e'lon qilingan.²³ O'z-o'zidan bu qadar katta hajmdagi ishlarda Alisher Navoiy merosi talqinida o'xshash va farqli jihatlar bo'lishi tabiiy ekanligini qayd etadi olim.

Navoiyshunos olim Sh.Sirojiddinovning "Alisher Navoiy. Manbalarning qiyosiy-tipologik, tekstologik tahlili" nomli

²⁰ Шайхзода М. Асарлар. У1 томлик. 1У-т. - Тошкент: Бадий адабиёт, 1972. 48-б.

²¹ Рустамов А. Навоийнинг бадий маҳорати. - Тошкент: Адабиёт ва санъат, 1979.

²² Қудратуллаев Ҳ. Навоийнинг адабий-эстетик қарашлари. - Тошкент:

²³ Имомназаров М. Навоийшуносликка кириш. - Тошкент: ФАН, 2013.



monografiyasida 20 dan ortiq mualliflarning asarlarida buyuk o'zbek mutafakkiri va shoirining hayoti hamda faoliyatiga baho berilgani ta'kidlanadi. Kitobda olim Zayniddin Vosifiyning "Badoe' ul-vaqoe'" asaridagi Navoiy tarjimai holiga oid asosiy ma'lumotlar *mundarijasini* 17 bandda sanab ko'rsatadi, Xondamirning Alisher Navoiy haqida maxsus bitilgan "Makorim ul-axloq" asari asrlar davomida Navoiy dahosi mohiyatiga yetishga intilgan muxlislarga ochqich vazifasini o'taganligiga e'tibor qaratadi.²⁴ Monografiyada keltirilgan asarlarning aksariyati fors tilida yozilgan bo'lib, ulardan, Navoiy qalamiga mansub shaxsiy qaydlardan tashqari, faqat ikkitasi turkiy tilda bitilgan. Bular - Husayn Boyqaroning "Risola" hamda Zahiriddin Muhammad Boburning "Boburnoma" asarlaridir.

Navoiyshunosligimizning keyingi davri vakillari ham navoiyshunoslik she'rshunosligi sohasida o'zlarining bir qator izchil ilmiy tadqiqotlarini yuzaga keltirdilar. Shoir devonlari manbalari, tekstologiyasi va germeneytik talqinlari sohasida A.Erkinov, shoir lirikasi tasavvufiy talqinlari xususida K.Mullaxo'jaeva, Z.Mamadaliyeva, N.Bozorova, N.Bekova, M.Rajabova, O.Davlatov, Z.Hamidova, A.Razzoqov va N.Ramazonovlar o'zlarining qimmatli tadqiqotlarini yaratdilar. Bu jarayon, xususan o'zbek navoiyshunosligi sohasida bugungi kunda katta ilmiy-ijodiy rivoj va muvaffaqiyat bilan davom etmoqda. Alisher Navoiy ijodining bugunga qadar turli yo'nalishlarda o'rganilishi haqida ancha mufassal ma'lumot akademik B.Valixo'jaevning "Mumtoz siymolar"²⁵ va iqtidorli olim D.Yusupovning "O'zbek mumtoz va milliy uyg'onish adabiyoti (Alisher Navoiy davri)" nomli o'quv qo'llanmasida keltirilgan.²⁶

²⁴ Сирожиддинов Ш. Аlisher Navoiy. Манбаларнинг қиссий-типологик, текстологик таҳлили. – Тошкент: Академнашр, 2011. – Б. 9.

²⁵ Валихўжаев Б. Mumtoz siymolar. II жилдлик, 1-ж. – Тошкент: Абдулла Қодирий н-даги ХМН, 2002. 61-65-б.

²⁶ Юсупова Д. Ўзбек мумтоз ва миллий уйғониш адабиёти (Аlisher Navoiy davri). – Тошкент: "TAMADDUN", 2016. 268-269-б.;

Navoiy nazmiyotini o'rganishning mazkur xronologiyasi nazariy nuqtai nazardan amalga oshirilgan asarlar yuzasidan bo'lib, bu sohadagi matnshunoslik, ya'ni shoir lirik merosining ilmiy-tanqidiy matnini yaratish maqsadida olib borilgan tadqiqotlar ham katta ahamiyatga egadir.

3.

Navoiy asarlari, shu jumladan, uning lirikasi sohasida olib boriladigan tekstologik tadqiqotlar adabiyotshunoslik taraqqiyoti uchun ikki yo'nalishda xizmat qiladi: 1) Navoiy she'riyatning ilmiy-tanqidiy tekstini yaratish va bu asosda shoir lirikasi ilmiy va ilmiy-ommabop nashrlarini amalga oshirish uchun; 2) mazkur sohadagi tekshiruvlar Navoiy lirik merosi yuzasidan olib boriladigan nazariy xarakterdagi ilmiy tadqiqotlar uchun ham asosiy zamin vazifasini o'taydi. Navoiy lirik merosini tekstologik nuqtai nazardan o'rganish sohasida amalga oshirilgan eng birinchi katta tadqiqot O'zbekistonda xizmat ko'rsatgan fan arbobi, Beruniy nomidagi respublika davlat mukofoti laureati, filologiya fanlari doktori H.S.Sulaymonovning 1961 yil oktyabr oyida himoya qilgan «Alisher Navoiy lirikasining tekstologik tadqiqoti» mavzuidagi doktorlik dissertatsiyasidir. Yirik olim Navoiy devonlarining jahon kitob xazinalarida saqlanayotgan 200 dan ortiq turli nusxalarini ko'rib chiqib, ulardan 20 tasini tadqiqot uchun asos qilib oladi va «Xazoyin ul-maoniy» devonlarining muallif nusxasini yaratadi. Bundan tashqari, shoir devonlari fotonusxalarini sinchiklab o'rganish, o'nlab qo'lyozmalarni bir-biriga solishtirish natijasida olim Navoiyning hali fanga noma'lum bo'lgan ikki rasmiy devoni «Badoe' ul-bidoya» va «Navodir un nihoya» ni aniqladi. Navoiyning forsiy she'rlar to'plami - «Devoni Foni» ham bevosita H.Sulaymonovning sermashaqqat izlanishlari natijasida fanga ma'lum etildi. Ana shu qo'lyozmalar asosidagi izlanishlar jarayonida u Navoiy she'riyatining xronologiyasi, tarkibi, mundarijasi kabi bir qancha muhim ilmiy muammolarni hal etadi. H. Sulaymonov ko'p yillik mehnat va uzoq izlanishlar samarasi sifatida yuzaga kelgan

Navoiy lirik asarlari mukammal tekstlarining nashrlari masalasiga ham jiddiy e'tibor berdi. «Xazoyin ul maoniy» ning olim tomonidan tiklangan avtor redaksiyasi 1959-60 yillarda O'zbekiston SSR «Fan» nashriyotida chop etildi. Olimning bu ilmiy faoliyati Navoiy lirikasining keyingi davrdagi tadqiqotchilari uchun keng va qulay imkoniyatlar yaratdi. «Navoiy devonlarini tekshirish natijasida H. Sulaymonov chiqargan ilmiy xulosalar birinchi galda shuning uchun ham qimmatliki, qo'lyozmalarning aksariyati Navoiy hayotligida yaxshi kotiblar tomonidan ko'chirilgan, ko'plarining kolofonida ko'chirilish sanalari bor».²⁷ H.Sulaymonovning 1967 yilda O'zbekiston SSR FA Davlat Adabiyot muzeyiga asos solishi va unga rahbarligi davrida Navoiy lirik merosining keyingi ilmiy tadqiqotlari va ilmiy hamda ommaviy nashrlari uchun zamin yaratildi.

Navoiy asarlarining 60-yillarda nashr etilgan ko'ptomli to'plamlari ulug' shoir adabiy merosining yagona ilmiy-tanqidiy tekstini tuzish ishini yanada takomillashtirish uchun xizmat qildi, bu sohadagi ko'pgina masalalarni, chigalliklarni hal etishga yo'l ochdi. 1987 yildan boshlab O'zFA Pushkin nomidagi til va adabiyot instituti hamda H.S.Sulaymonov nomidagi Qo'lyozmalar instituti tomonidan shoir mukammal asarlari to'plami nashrlarining amalga oshirilishi adabiyotshunoslikning juda ko'p sohalarida jiddiy qidiruv va tadqiqot ishlarini olib borishga da'vat etdiki, biz bu haqda maxsus to'xtalmoqchimiz.

Navoiyning «Badoe' ul-bidoya» va «Navodir un-nihoya» devonlari Hamid Sulaymonov tomonidan Parij Milliy kutubxonasi va Britaniya muzeyidagi qo'lyozmalar asosida fanga ma'lum etilgan edi. Keyinchalik bu devonlarning Toshkent nusxalari ham aniqlandi. Jumladan, «Navodir un-nihoya» devonining yagona nodir qo'lyozmasi haqida 1968 yilda Porso Shamsiev «Navoiy asarlarining yangi topilgan qo'lyozmalari» nomli maqolasida ma'lumot beradi. Oradan yigirma yillar muddat o'tkach, bu

²⁷ Қайумов А. Алишер Навоий. – Тошкент: Камалак, 1991. 58-б.

devonlarning tekstologik tahrir etilib birinchi marta chop etilishi adabiy hayotimizda muhim hodisa bo'ldi. Bu adabiy hodisaning muhimligi shundaki, birinchidan, Navoiy matining «Badoe' ul-bidoya» va «Navodir un-nihoya» devonlari bilan boshlanishi shoir lirik merosini uning tabiiy xronologik tartibi asosida o'rganish uchun imkon yaratadi.

Adabiyotshunoslik va adabiy-tanqidiy qarashlarning muhim asoslaridan biri - badiiy asarlar yuzasidan yozilgan ilmiy sharhlardir. Navoiy o'zining barcha adabiyotshunoslik va tilshunoslikka oid ilmiy asarlarida sharhlarga keng o'rin beradi. Shoirning «Majolis unnafois» asari buning yorqin timsolidir. Jumladan, shoir tazkiraning 8-majlisida Husayniy devonidagi g'azallar misolida sharhning mo'jaz namunasini ko'rsatib berdi. Navoiy Husayniy devoniga baho berar ekan, uning boshqa shoirlar ijodida va devonlarida uchramaydigan jihatlariga e'tibor beradi. Navoiyning bu sohadagi ilmiy uslubi hali ochilmagan juda ko'p fazilatlarga ega bo'lib, maxsus tadqiqotlarni kutmoqda.

Navoiydan avval o'tgan sharq filologlari asarlarida, shoir zamondoshlari va undan keyingi davr adabiyotshunosligida ham sharhlar katta mavqe' egallaydi. Zero, **sharhlar adabiyotshunoslik nazariyasi va uning taraqqiyoti uchun har doim ilmiy manba', aniq negiz bo'lib xizmat qilgan. Shu nuqtai nazardan davrimiz navoiyshunosligida shoir asarlari yuzasidan amalga oshirilgan ilmiy-analitik sharhlar tekstologiya fanining maxsus tarmog'ini shakllantirdi, desak xato qilmaymiz.** Bu yo'nalishda 60-yillardan keyin yaratilgan asarlar Navoiy merosini benuqson, mukammal tushunish, undan chin ma'noda badiiy zavq olish uchun katta imkoniyat bo'lib xizmat qiladi. Bu sohaning izchil rivoji akad. A.P.Qayumov ilmiy faoliyati bilan bog'liqdir. Olim Navoiyning «Xamsa» si dostonlari yuzasidan yaratgan «Hayrat ul-abror» talqini, «Farhod va Shirin» sirlari, «Ishq vodiysi chechaklari» nomli asarlarida dostonlarning g'oyaviy - badiiy yo'nalishi va estetik fazilatlarini ochib berishda adabiy tahlil - sharh usulidan

unumli foydalanadi. Mazkur ilmiy faoliyatning izchil rivoji natijasida keyingi yillarda adabiyotshunoslarimiz Navoiy lirikasining badiiyligi sirlarini tadqiq etishda jiddiy yutuqlarni qo'lga kiritmoqdalar.²⁸ Yirik adabiyotshunos olim N. Komilovning «Ma'nolar olamiga safar» kitobi Hazrat Navoiy g'azallariga yozilgan sharhlardan tarkib topgan.²⁹ Buxorolik nuktadon olim R. Vohidovning bu olim faoliyati haqidagi quyidagi e'tirofi haqligiga birgina shu kitobning o'ziyoq dalil bo'la oladi: «Najmiddinning g'azallar sharhi, tasavvufga doir tadqiqotlari istiqlol mafkurasi bilan qurollangan ilmiy hayotimizda nodir hodisalardir».³⁰

Kitobda Alisher Navoiyning 50 g'azaliga sharh yozilgan va olimning mavzuga oid 5 maqolasi ilova qilingan.

Olim har bir so'z, ibora, ishora ma'no-mazmuni qatlariga chuqur kirar ekan, «Navoiyni tushunish uchun hakim bo'lish kerak», degan xulosaga keladi. Chunki, shoir g'azallarining har baytida bir hikmat nazarda tutilgan. Bu hikmat esa ulug' shoir falsafiy tafakkuri, e'tiqodi hosilasidir. Olim oddiy inson mushohada qobiliyati qiyinchilik bilan o'zlashtiradigan g'oyat murakkab ilmiy masalalarni sodda va oson bir tarzda tushuntiradi, ortiqcha tafsilotlarga o'rin bermaydi. «Tashqi dunyo va undagi narsalar mohiyat emas, balki hodisadir, - deb yozadi olim. Mohiyat – Ruhi mutlaq yoki orif ko'nglidagi ma'rifat. Ayni vaqtda, moddiy dunyo – shakl, ruh esa – mazmun».³¹

Adabiyotshunos olim B. Tuxlievning bu sohadagi faoliyati ayniqsa e'tiborga sazovor bo'lib, olim taniqli navoiyshunoslar K.Mullaxo'jaeva, D. Yusupova, Z.Mamadaliyeva, O.Davlatov ilmiy-ijodiy guruhi bilan «Xazoyin ul-maoniy» devoniga kirgan g'azallar

²⁸ Шoirнинг 550 йиллик юбилейи муносабати билан ёзилган шархларнинг бир қисми «Алишер Навоий. Ғазаллар. Шархлар» номи билан китоб ҳолида нашр этилди. Тошкент. Камалак, 1991.

²⁹ Н.Комилов. Маънолар оламига сафар. – Тошкент: «TAMADDUN», 2012.

³⁰ Р. Вохидов. Илоҳий ишқ жозибаси. – Самарқанд: «Зарафшон», 1998. 54-б.

³¹ Н.Комилов. Маънолар оламига сафар. – Тошкент: Тамаддун, 2012.165-б.

sharhlarini to'plab, nashr ishlarini amalga oshirmoqda.³² Bu esa kelgusida Navoiy asarlarining sharhli nashrlarini amalga oshirish uchun ilmiy zamin bo'lib xizmat qiladi.

Navoiy o'zining olamshumul ijodi misolida lirikaning jamiyat ma'naviy-ma'rifiy taraqqiyotida tutgan o'rni, uning badiiy ijod, qolaversa, adabiyotshunoslik va adabiy tanqid sohalari rivojiga bo'lgan ta'siri doiralarini ham ko'rsatib berdiki, bu narsa uni keng ko'lamda - g'oyaviy-badiiy, adabiy-estetik, ilmiy-nazariy aspektlarda yanada chuqurroq o'rganishni taqozo etadi.

Mavzuni mustahkamlash uchun savollar:

1. Alisher Navoiy ijodini o'rganish va unga baho berish necha bosqichda va qanday mazmunda davom etdi?
2. «Ilk devon» ni o'rgangan olimlar kimlar va ularning tadqiqotlari haqida fikringiz qanday?
3. Alisher Navoiy qaysi asarlarining ilmiy-tanqidiy nashrlari yaratilgan?
4. Navoiyga zamondosh bo'lgan qaysi olimlarni va ularning asarlarini bilasiz?
5. Ulug' shoir she'riyati masalalarini o'rgangan navoiyshunos olimlar haqida ma'lumot bering.
6. Navoiyshunoslik fanining tekstologiya sohasida qanday yutuqlarni qo'lga kiritganligi haqida ma'lumotga egasiz?
7. Manbashunos va matnshunos olimlar va ularning tadqiqotlari haqida nimalarni bilasiz?
8. Tahlil, talqin, sharh, izoh, nasriy bayon kabi tadqiqot usullarining ma'nolarini tushuntirib bering.

³² Тўплаб нашрга тайёрловчи Б. Тухлиев.

Zaruriy adabiyotlar:

1. Abdurahmon Jomiy va Alisher Navoiy. Toshkent: FAN, 1966. 152 b.
2. Abdullaev V. Navoiy Samarqandda. - Toshkent: Badiiy adabiyot, 1968. 136 b.
3. Abdug'afurov A. Buyuk beshlik saboqlari. - Toshkent: Adabiyot va san'at, 1995. 184 b.
4. Alisher Navoiy ijodiy merosini o'rganish problemalari. Ilmiy maqolalar to'plami. - Samarqand: SamDU, 1990. 182 b.
5. Alisher Navoiy: qomusiy lug'at. 1-2-jildlar. - Toshkent: Sharq, 2016.
6. Atulloh Husayniy. Badoyi'u-s-sanoyi'. - Toshkent: Adabiyot va san'at, 1981. 400 b.
7. Valixo'jaev B. Mumtoz siymolar. II jildlik. Toshkent: Abdulla Qodiriy nomidagi Xalq merosi nashriyoti, 2002.
8. Vohidov R., Eshonqulov H. O'zbek mumtoz adabiyoti tarixi. - T.: O'zYU Adabiyot jamgarmasi nashriyoti, 2006.
9. Zahiriddin Muhammad Bobur. Boburnoma. - Toshkent: Yulduzcha, 1990. 368 b.
10. Is'hoqov Yo. Alisher Navoiyning ilk lirikasi. - Toshkent: FAN, 1965. 140 b.
11. Is'hoqov Yo. Navoiy poetikasi. - Toshkent: FAN, 1983. 168 b.
12. Komilov N. Ma'nolar olamiga safar. - Toshkent: "TAMADDUN", 2012. 316 b.
13. Rustamov A. Navoiyning badiiy mahorati. - Toshkent: Adabiyot va san'at, 1979. 308 b.
14. Shayxzoda M. Asarlar. VI tomlik. 4 t.: G'azal mulkingning sultoni. - Toshkent: Badiiy adabiyot, 1972. 372 b.
15. Sharq mumtoz poetikasi. MANba va talqinlar - Toshkent: O'zbekiston milliy ensiklopediyasi, 2006. 429 b.
16. Yusupova D. O'zbek mumtoz va milliy uyg'onish adabiyoti (Alisher Navoiy davri). - Toshkent: "TAMADDUN", 2016. 302 b.
17. Qayumov A. Alisher Navoiy. - Toshkent: Kamalak, 1991. 173 b.

18. G'iyosiddin Xondamir. Makorim ul-axloq. - Toshkent: "Akademnashr" - 2018. 370 b.
19. Hayitmetov A. Navoiy lirikasi. - Toshkent: FAN, 1975.
20. Hakimov M. Navoiy asarlari qo'lyozmalarining tavsifi. - Toshkent: FAN, 1983. 199 b.
21. Haqqulov I. G'azal gulshani. - Toshkent: FAN, 1991. 70 b.
22. Haqqulov I. She'riyat - ruhiy munosabat. - Toshkent: Adabiyot va san'at, 1989. 240 b.
23. Haqqulov Ibrohim. Navoiyga qaytish. 3-kitob. - Toshkent: "TAMADDUN", 2016. 316 b.

Alisher Navoiy she'riyati

Dars rejasi:

1. Alisher Navoiy she'riyati misolida sharq devonchiligi an'alarining yangilanishi.
2. Navoiyning turkiy tildagi devonlari.
3. "Devoni Foniyy".

Tayanch so'z va iboralar: *g'azal, ruboiy, tuyuq, qit'a, janr, badiiy san'atlar, devon, debocha, xazoyin.*

1.

Sharqda devon tartib berish an'anasi ancha qadimiy tarixga ega. Devon tartib berish, she'rlar majmuasini yuzaga keltirib kitob yaratish arablarda islom dinigacha bo'lgan davrda ham mavjud bo'lgan. Abu Mansur as-Saolibiyning "Yatimat ad-dahr" kitobiga yozgan so'zboshisida Ismatulla Abdullaev sharqshunos olim I.Yu.Krachkovskiy so'zlariga asoslanib, arab she'riyatida asosiy o'rin tutgan qasida Muhammad (s.a.v.) dan bir yuz ellik yillar ilgari paydo bo'lganligi haqida gapiradi.³³ Bundan shunday xulosa chiqarish mumkinki, u paytlarda turli-tuman mavzularda yozilgan hamda hajv janrini ham o'z ichiga qamrab olgan qasidalaridan devon tuzish odat bo'lgan. Mahmud Koshg'ariyning yirik olim Solih Mutallibov tomonidan nashr etilgan nusxasida Koshg'ariy tomonidan "shoir yozdi", "shoir dedi", degan iboralar ishlatiladi-ki, shuning o'ziyoq turkiy tilli xalqlar orasida ham she'riy to'plamlar yuzaga keltirish tajribasi uzoq tarixga ega ekanligidan dalolat beradi. Lekin, biz tushunadigan ma'nodagi mumtoz devonlar IX-X asrlardan keyin yuzaga kela boshlagan. Shubhasiz, she'riy majmua, devon tartib berishning o'ziga xos xususiyatlari, an'analari ham ana

³³ Абу Мансур ас-Саолибий. Ятимат ад-дахр. – Тошкент: "Фан", 1976. 46-б.

shu davrlarda shakllangan. Tarixiy ma'lumotlarga ko'ra, o'sha paytlarda devonlar qofiya yoxud radiflari ma'lum harflar bilan tugagan she'rlarni bir kitob shaklida muqova bilan ihotalash asosida kitob yaratishdan iborat bo'lgan. So'ngra, arab yozuvida yigirma sakkiz harf mavjud bo'lganligi uchun devonlarda ham ana shu harflarni ma'lum miqdordagi she'rlar bilan to'ldirish asosiy qoidalardan hisoblangan.

G'azal janri forsiy va turkiy tillardagi adabiyotlarda X asrlardan keyin shakllana boshlab, XIU asrlarda o'z takomilini topadi.³⁴ Ammo bu hodisa turkiy tildagi adabiyotda forsiy tildagi adabiyotga nisbatan qariyb bir asrdan ko'proq vaqt keyin sodir bo'lganligini ham qayd etib o'tmoq lozim. Jumladan, Xoja Ahmad Yassaviyning "Devoni hikmat" kitobida bitta-ikkitagina g'azal uchrashi fikrimizni asoslay oladi. Zeroki, bu davrlarda Nosiri Xusrav (1004-1088) kabi forsiygo'y shoirlar sohibidevon bo'lganlar. Alisher Navoiygacha bo'lgan davrda devon tartib berishning yana boshqa talablari ham avjud bo'lgan. Xususan, shoirlar devon tartib berganda unga hamd va na'tlardan keyin birinchi galda qasida janrida yozilgan she'rlarni kiritganlar. Shundan so'nggina boshqa janrlardagi she'rlarga o'rin berilgan.

Alisher Navoiy devon tartib berishning bunday an'alariga tanqidiy munosabatda bo'lgan. Bu o'rinda navoiyshunos olim Yo. Is'hoqovning: "Navoiyning devon poetikasi sohasidagi mavjud an'analarga tanqidiy munosabati yigitlik davridayoq shakllangan"³⁵ligi xususidagi mulohazasi zamirida katta haqiqat yotadi. Agar ulug' shoirning o'zi tuzgan birinchi rasmiy devoni bo'lmish "Badoe' ul-bidoya" debochasidagi devon takomili yuzasidan bildirgan fikrlariga e'tibor qaratadigan bo'lsak, Navoiyning faqat o'z davri she'rshunosligidagina emas, balki

³⁴ Қаранг: Шайхзода М. Асарлар. 6 томлик. 4-т.: Ғазал мулкининг султони. – Тошкент: Бадий адабиёт, 1972.

³⁵ Исҳоқов Ё. Навоий поэтикаси. – Тошкент: "Фан", 1983. 12-б.

umuman ko'hna sharq poetikasi sohasida kashshoflarcha yo'l tutganligining guvohi bo'lamiz.

"Badoe' ul-bidoya" devoniga yozilgan debocha Alisher Navoiyning badiiy ijod masalalariga munosabatini o'rganish jihatidan ham muhim ahamiyatga molikdir. Shoirning ma'lumot berishicha, u "umr shabistoni sham'lari nuridan munavvar hamda yigitlik gullari atridan muattar" bo'lgan davrlaridayoq uning ko'ngliga mahbuba ishq g'ulg'ula soladi. Natijada uning she'rlari "nazm durdonalari to'kila boshlaydi". Uning yozgan she'rlari "xarobot durdno'shlari, munojot xirqapo'shlari, avom va fozil xalq orasida" mashhur bo'ladi. O'z zamonasining "karim ul-xulq ozodalari, azim ush-sha'n shahzodalarining iltifotiga musharraf bo'ladi". Ayniqsa tug'ma iste'dod sohibi bo'lgan Navoiyning ijodi temuriy shahanshoh Sulton Husayn Boyqaro nazariga tushishi uni badiiy ijod bilan jiddiy shug'ullanishiga rag'bat beradi. Bu yirik davlat arbobi, yuksak madaniyat va salohiyat sohibi bo'lmish shaxs Navoiy ijodining ibtidosidan to intihosiga qadar eng samimiy muxlisi, mubohisi, mudaqqiqi bo'lgan. Navoiy o'z ijodining ilk davri va ilk tanqidchisi haqida debochada shunday samimiy so'zlarni bitadi: "... matla'e yo ortuqroq yo tamom g'azal tilim so'zlarni bitadi: "... matla'e yo ortuqroq yo tamom g'azal tilim xomasi taqirig'a kelsa erdi, filhol ani mushkbor qalam birla kofurkirdor safhag'a raqam qilib, oqu qaroni andin maxtut qilur erdi va yana ham anga qarobat hisobliq tezfa'm shahzodalar va musohib intisobliq xushtab' mirzodalar mutaaddid savob qilib, soyir ulusqa yoyilur erdi va oshiqpesha beqarorlar jalisi mehnati va ma'shuqsheva gul'uzorlar anisi suhbat bo'lub, xavosu avom arosida ishtihori tamom va intishori molokalom topar erdi".³⁶

Debochada shoir o'zidan avval o'tgan va o'ziga zamondosh bo'lgan Amir Xusrav Dehlaviy, Xoja Hofiz Sheroziy, Abdurahmon Jomiy, Mavlono Lutfiylarni, Xoja Hofiz Sheroziy, Abdurahmon darajasida e'tirof qiladi. Yosh qalamkashlardan esa o'zining "forsiydisor va turkiyshior yori azizi" Shayxim Suhayliyni katta

³⁶ Алишер Навоий. МАТ. 20 жылдлик. 1-ж. – Тошкент: "Фан", 1987. 13-6.

hurmat bilan tilga oladi. Buning boisi shuki, bu shoirlar she'rlarida ma'no latif badiiy libosga omuxta qilingan holda yuzaga chiqarilgan. Shunday ekan, Navoiy bu donishmand zotlarni:

Oyni yorug', charxni demak baland,
Tab'i baland elga emas diltisand

degan haqiqatni anglab yetmagan shoirlardan ajratib ko'rsatadi.

Debochada yana shu narsa e'tiborga loyiqlik, badiiy ijod uchun osoyishta, ma'mur, adolatga asoslangan davlatning yuzaga kelishi, davlat boshlig'ining esa dono, xalqparvar bo'lishdan tashqari ma'rifatparvar ham bo'lishi katta ahamiyatga egadir. Alisher Navoiy o'z hayotining ma'lum davrlarida ana shunday imkoniyatga ega edi, ya'ni "mulk shabistoni bir davlat mash'ali bila ravshan bo'ldi". Davlat rahbari Sulton Husayn Boyqaro unig do'sti, musohibi, muqaviyi, ijodining mudaqqiqi ham edi. Shuning uchun ham Navoiy yozgan har bayt shohbayt, har bir noma – shohnoma rutbasiga ega bo'ldi:

Bo'ldi, chu shoh surdi isloh etarg'a xoma,
Har bayti – shohbayte, har noma – shohnoma.

Navoiy ba'zi asarlarida Husayn Boyqaro shaxsiyati va siyosatidagi nuqsonlarni ham tanqid qilgan va shu yo'l bilan podshoh saltanatining ravnaqiga foyda yetkazgan.

Alisher Navoiy birinchi devonini tuzishgacha bo'lgan davrlarda badiiy ijodga o'ta talabchanligidan o'z she'rlarini "xoshok singari qadri arzon" deb hisoblar edi. Husayn Boyqaro unga badiiy ijod mahsuloti shoirga farzand bo'lishi, hatto shoirninggina emas, elning ham farzandi sifatida qadr topishi haqidagi fikrlarni uqdiradi. Uning:

Ulus tab'ing sahobi yomg'uridin,
Bo'lub serob, bal nazming duridin

degan soʻzlaridan badiiy ijod faqatgina xususiy ish emas, balki ijtimoiy ish ekanligiga imon keltiradi hamda zudlik bilan devon tartib berishga kirishadi.

Shunday qilib, Alisher Navoiy devonlarining tuzilish jihatidan avvalgi devonchilikdan farqlari asosan uning "Badoe' ul-bidoya" devoniga yozgan debochasida bayon etiladi. U badiiy ijodda xalqqa foydali mazmunning muhimligi, badiiy shaklning ham goʻzal ishlangan boʻlishi, gʻazal yaratganda koʻproq mavzuning yakpora usulda yozilishiga eʼtibor berish, har bir lirik navʼ xususiyatiga koʻra mazmun tanlash, sevgi-muhabbat mavzuidagi sheʼrlarda ham maʼrifatomez fikrlarni jo qilish, bu navʼ sheʼriyatda behayo tavsifni yoʻlatmaslik kabi masalalar yoritilishiga eʼtibor qaratadi. Bizningcha, Alisher Navoiyga devon tuzish masalasida Shamsiddin Muhammad Hofiz Sheroziy ibrat rolini oʻynagan boʻlishi mumkin. Bu hodisa Alisher Navoiyning Hofiz Sheroziy haqida umrining oxirlarida yaratgan bir asarida: "asrori gʻaybiya va maoniyi haqiqiyaki, surat kisvatida va majoz libosida ado qilibdurlar", deb yozishi, Hofiz sheʼrlarining "alfoz latifligʻi, tarki pokizaligʻi, ado salosati va latofati, maʼni gʻaribligʻi" xususida havas bilan soʻzlashi va "hyech devon Hofiz devonidan yaxshiroq emas", degan fikrga qoʻshilishi fikrimizga dalil boʻla oladi.³⁷

2.

Alisher Navoiy oʻzbek va tojik tillarida oʻn olti sheʼriy janrda asarlar yaratdi. Uning «Xazoyin ul-maoniy» majmuasi va boshqa sheʼriy devonlarida gʻazal birinchi oʻrinda turadi. Shuning uchun taniqli olim Maqsud Shayxzoda uni «Gʻazal mulkining sultoni» deb taʼriflagan edi.

³⁷ Алишер Навоий. Асарлар. ХУ томлик. ХУ-т. – Тошкент: Фафур Фулом Н-даги АСН нашриёти, 1970. 184-б.

Navoiyga qadar gʻazal yaratish anʼanasi qariyb besh asrlik tarixni qamrab oladi. Navoiy poetika sohasida oʻzigacha boʻlgan anʼanalarni ijodiy davom ettirdi. U uch daryo - arab adabiyoti, fors-tojik adabiyoti, turkiy adabiyot - suvini ichib, oʻz badiiy mahoratini kamolga yetkizdi.

Alisher Navoiy lirik merosi yetti turkiy va bir fors-tojik tilidagi devonda jamlangan. Uning manbalari quyidagilar:

I. «Ilk devon». Bu devonning ikki nusxasi mavjud, ular Sankt-Peterburgda Saltıkov-Shchedrin kutubxonasida saqlanadi. Devon Navoiy davrining mashhur xattoti Sultonali Mashhadiy tomonidan tuzilgan, deb taxmin qilinadi. Chunki, uning kotibi Sultonali Mashhadiydir. Devonning ikkinchi nusxasi 1568 yili Hirotda Mahmud kotib tomonidan koʻchirilgan.

Mazkur devon 870-hijriy, 1465-66-melodiy yillarda shoirning muxlislari tomonidan tuzilgan. Devonga juda zukko sheʼriyat muxlisi tartib bergan. Asar yetti rangdagi bezaklar bilan nihoyatda chiroyli bezatilgan. Devonning faksimil (foto) nusxasini birinchi marta professor Hamid Sulaymonov nashrga tayyorladi va uni «Ilk devon» deb nomladi.

Alisher Navoiy bu devon haqida oʻzining birinchi rasmiy devoni «Badoe' ul-bidoya» debochasida shunday deydi: «Xaloyiq orasida ming bayt – ikki ming bayt ortuqroq – oʻksukrakkim, oʻzlari jamʼ qilib erdilar, bagʻoyat mashhur boʻlib erdi».³⁸

«Ilk devon» uch ming baytga yaqin asardir. Unda toʻrt sheʼriy naʼvdagi asarlar mavjud. Bular: gʻazal, mustaʼzod, muxammas va ruboiy. Devonga 391 gʻazal joylashtirilgan boʻlib, shulardan ikkitasi «Ul parivash muddaiga mehribondur, bizga yoʻq» misrasi bilan boshlanuvchi gʻazal 203, 228-oʻrinlarda va «Yuzungni koʻrdi, koʻzlarimni bogʻla, ey qotil» misrasi bilan boshlanuvchi gʻazal 237, 281-oʻrinlarda ikki qaytadan berilgan. Shunga koʻra, devondan Navoiyning 389 gʻazali oʻrin olgan, muxammas va mustazod – 1 tadan, ruboiy esa 41 ta. Devon:

³⁸ Алишер Навоий. МАТ. 20 жилдлик. 1-ж. – Тошкент: "Фан", 1987. 24-б.

Iloho, podshoho,
kirdigoro,
Sanga ochug' nihonu oshkoro

matla'li hamd bilan boshlanadi. Bu g'azal devonni tuzgan yoki ko'chirgan kishi tomonidan birinchi – «ochuvchi» g'azal sifatida tanlab olingan. Keyinchalik, u Navoiyning tahriri bilan «Xazoyin ul-maoniy» devonlariga joylashtirilgan. Devon ruboiy janridagi asarlar bilan tugaydi. Oxirgi ruboiy ushbu:

Oxir dami umr ista shitob, ey soqiy,
Tutg'il manga oncha mayi nob, ey soqiy,
Kim hashrda mast o'layu, xarob, ey soqiy,
To anglamay, etsalar azob, ey soqiy.

Ushbu devon Alisher Navoiyning 24-25 yoshlariga qadar yozgan lirik merosini qamrab oladi. Devonning oqquyunli turkmanlar mujallad qilgan nusxasi haqida navoiyshunos olim A. Erkinov ma'lumot beradi.³⁹ Mazkur devon 1378-1508 yillarda Ozarbayjon va G'arbiy Eron hududida hukmronlik qilgan o'g'uz turklari bo'lmish Oqquyunlilar sulolasi muxlislari tomonidan tuzilgan va fanda "Oqquyunli muxlislar devoni" nomi bilan yuritilmoqda.⁴⁰

II. «**Badoe' ul-bidoya**». («Go'zallikning boshlanishi»). «Badoe' ul-bidoya» devonining tuzilgan davri haqida taniqli adabiyotshunos olimlar Hodi Zaripov, Hamid Sulaymonov, Maqsud Shayxzoda, Natan Mallaevlar fikr bildirib, umumiy tarzda 1469 yildan 1470 yilning o'rtalarigacha bo'lgan davrni belgilaydilar. Professor A.

³⁹ Эркинов А. Навоийнинг мухлислари томонидан тuzилган яна бир девони. // ЎТА, 2012, 1-сон, 28-34-б.
⁴⁰ Бу ҳақда яна қаранг: Юсупова Д. Ўзбек мумтоз ва миллий уйғониш адабиёти (Алишер Навоий даври). – Тошкент: "TAMADDUN", 2016. 34-35-б.; 32

Abdug'afurov esa bu devon 1478-79 yillarda tuzilgan ekanligini ta'kidlaydi.⁴¹

Devonning XV asrda kitobat qilingan nusxalari jahonning turli kitob ma'xazlarida saqlanadi. Uning 1481-1482 yillarda ko'chirilgan bir nusxasi Londonda, 1484 yilda yozilgan bir nusxasi Bokuda, 1486 yilga taalluqli bir nusxasi Toshkentda, XVI va XX asrlarga tegishli ikki nusxasi Samarqandda saqlanmoqda.

Devon haqida birinchi ma'lumotni Hamid Sulaymonov «Xazoyin ul-maoniy» devonlariga yozgan so'z boshisida keltiradi. Uni birinchi bo'lib nashrga tayyorlagan olim esa Sharofiddin Sharipov edi. Alisher Navoiyning 20 tomlik MATi nashr etilishi munosabati bilan filologiya fanlari nomzodi Maryamxon Rahmatullaeva devonning ikkinchi, ancha mukammal nusxasini nashrga tayyorladi.²

Alisher Navoiy 1469 yilda Xuroson poytaxtini egallagan do'sti Sulton Husayn Boyqaro taklifi bilan Hirotga qaytgach, podshoh hokimiyatini mustahkamlash uchun ko'p vaqt va katta kuch sarfladi. Ammo, tabiatidagi o'ta kamtarlik va oriyatchanlik bois o'z she'rlarini devon sifatida tartibga keltirmadi. Bunga Sulton Husayn Boyqaroning befarq qarab turmaganligi, do'stiga devon tuzish uchun farmon berganligi haqida "Badoe' ul-bidoya" devoni debochasida shunday satrlar keltiriladi:

Nido yetkurdi nogah munshiyi roz,
Ki: - «Ey afsungaru afsonapardoz...
So'zung bir avj uza chekti alamni,
Ki surdung arsh lavhig'a qalamni...
Valekin bu qadar bikri parison,
Banot un-na'shdek bo'lmish parishon.
Tilarbiz bu parishon bo'lsa majmu',
Ravon bo'lkim, emastur uzr masmu'.

⁴¹ Бу ҳақда қаранг: А. Абдуғафуров. «Бадоеъ ул-бидоё»нинг тузилиш санаси. // ЎТА, 1991, 4-сон, 3-9-бетлар. ² Қаранг: Алишер Навоий. МАТ. 20 томлик, 1-том. Т.: Фан. 1987.

Bu nav' istaydur emdi royi oliy,
Ki qilg'ay fikrating devon xayoli...
Chu bilding hukm, bor, ishtin ruju' et,
Ravon maqsud sori – o'q furu' et.
Murattab qilmag'uncha, tinma bir dam,
So'z o'ldi muxtasar, v-Allohu a'lam.⁴²

«Badou' ul-bidoya» ning ungacha yozilgan devonlardan ajralib turuvchi xususiyatlarini shoir o'zining shu devonga yozgan debochasida ko'rsatib o'tadi. Bunday tub farqlar debochada ko'rsatilishicha, beshtadir. «Necha nav' ishkim, munda mar'iy bo'lubturur, o'zga davovinda ko'rinmaydurur», - deb yozadi shoir. Bular quyidagilar:

- Alisher Navoiy o'zigacha yaratilgan devonlarning qusuri sifatida devon tartib beruvchilar forsiy va turkiyzabon shoirlar yozuvida mavjud bo'lgan 4 harfga e'tibor qilmasliklarini ta'kidlaydi va u devonini 32 harf bilan tugagan she'rlardan iborat qilib tartib beradi;

- Navoiy devonining yana bir xususiyati unda har bir hafdagi she'rlarning boshida hamd yoxud na't shaklidagi she'rlar kiritilishidir. Navoiyning e'tiroficha, har bir harfga bitilgan g'azaliyotning avvalgi harflarga bitilgan g'azallar bilan uslub jihatidan tafovutlari mavjud bo'lib, unga rioya qilmaslik sohibi devonlarning nuqsonidir;

- Shoir o'z devonining xususiyati sifatida ko'rsatgan yana bir belgisi – har bir harfdagi turkum she'rlarning g'oyaviy va badiiy ta'sir quvvatiga alohida e'tibor qaratganligida ko'zga tashlanadi. Navoiyning fikricha, muhabbat mavzuida yozilgan she'rlarda ham «nasihatoro va ma'vizatoso» baytlar kiritilishi lozim;

- «Badoe' ul-bidoya» ni o'zga devonlardan ajratib turuvchi yana bir xususiyati shundan iboratki, g'azal yozgan ayrim

⁴² Алишер Навоий. МАТ. 20 жылдик. 1-ж. – Тошкент: «Фан», 1987. 19-б.
34

shoirlar she'rlarining tadrijiylik, yakporalik jihatiga e'tibor qilmaydilar. Navoiy devonida she'rlarning yakpora bo'lishiga e'tibor beriladi;

- nihoyat, «Badoe' ul-bidoya»ning beshinchi xususiyati - unda shoirning o'z zamonida shoe' bo'lgan barcha nav' (janr)dagi she'rlarini devon tarkibiga kiritishidir.

Devonga faqat masnaviy va qasida janrida yozilgan asarlar kiritilmagan. Shunday qilib, devondan 777 g'azal, 3 ta musta'zod, 5 ta muxammas, 2 ta musaddas, 3 ta tarjeband, 46 ta qit'a, 85 ta ruboiy, 10 ta lug'az, 52 ta muammo, 10 ta tuyuq, 53 ta fard o'rin olgan. Bu jihatdan «Badoe' ul-bidoya» janrlar nuqtai nazaridan Navoiygacha tuzilgan va Navoiy davrida tartib berilgan devonlar ichida eng mukammal devon hisoblanishga loyiq.⁴³

III. «Navodir un-nihoya» («Nihoyatda ko'p nodirliklar»).

«Badoe' ul-bidoya» devonidan keyin oradan 6-7 yillar o'tgach, Navoiy ikkinchi devoni – «Navodir un-nihoya» ga tartib beradi. Bu devonning 1487 yili Hirotda mashhur xattot Abduljamil kotib tomonidan ko'chirilgan nusxasida esa 860 g'azal bor. Bu devonlar Hamid Sulaymonov tomonidan Parij Milliy kutubxonasi Britaniya muzeyidagi qo'lyozmalar asosida fanga ma'lum etilgan edi. Keyinchalik bu devonlarning Toshkent nusxalari ham aniqlandi. «Navodir un-nihoya» devonining yagona nodir qo'lyozmasi haqida 1968 yilda Porso Shamsiev «Navoiy asarlarining yangi topilgan qo'lyozmalari» nomli maqolasida ma'lumot beradi.

O'zbek adabiyotshunoslari tadqiqotlarida «Navodir un-nihoya» devoni «... 1486 yilda tuzilgan deb taxmin qilinadi».⁴⁴ A. Abdug'afurov Husayn Boyqaroning «Risolai Husayn Boyqaro» asari 1485 yilda yozilganligini tasdiqlovchi xulosalarida bu asarda Navoiyning faqat bitta devoni – «Badoe' ul-bidoya» haqida fikr bildirilganligini ta'kidlaydi. «Navodir un-nihoya» ning esa 1487

⁴³ Бу ҳақда тўлароқ маълумот олиш учун қаранг: Д. Салоҳий. «Бадоеъ ул-бидоя» малоҳати. Т.: Фан. 2004. 134 б.

⁴⁴ Абдуғафуров А. Эрк ва эзгулик куйчилари. Тошкент, 1979 й. 62-б.

yilda ko'chirilgan nusxasi ma'lum. Demak, 1486 yilda «Badoe' ul-bidoya» devonining navbatdagi nusxasi ko'chirilishi davrida Navoiy «Navodir un-nihoya» devonini tuzish bilan band bo'lgan yoki uni tuzish ishini yakunlagan.

B. Valixojaev devonning Tehrondagi Guliston qasrida saqlanayotgan noto'liq nusxasi haqida ma'lumot beradi. Bu devon nusxasida Alisher Navoiyning o'z dastxati va muhrining aksi bor.⁴⁵ XX asr 80-yillari oxirida adabiyotshunos olim S.G'anieva ushbu devonning Alisher Navoiy muhri bosilgan nusxasi faksimilesini Eron Islom Respublikasi kitob markazidan olib keldi va 1991 yilda «Navoiy dastxati» nomi bilan nashr ettirdi.

«Navodir un-nihoya» devoniga «Ilk devon» tarkibidagi she'rlardan 91, «Badoe' ul-bidoya» devonidan 117 g'azal kiritilgan. Bu o'rinda shuni ta'kidlash joizki, «Navodir un-nihoya» ning ilmiy-tanqidiy nashridan (MAT, 20 tomlik, II tom) 862 g'azal o'rin olgan deb ko'rsatilgan. Aslida devonning bu nashri 860 g'azaldan tashkil topgan. «Yuz o'tida yuz qatra su ne tong xo'yi g'altonidin» va «Necha davron ahlining bedodidin shiddat chekay» misralari bilan o'rinlarda, ikkinchi g'azal esa 760 va 838 o'rinlarda takror keltiriladi.

Alisher Navoiyning o'zining ma'lumotiga ko'ra, u bu devoniga ham debocha yozgan. Ammo, bu debocha «Navodir un-nihoya» ning bizga ma'lum bo'lgan qo'lyozma nusxalarida yo'q. Devonning janr tarkibi yakrang, ya'ni faqat g'azallardan tashkil topganligini nazarda tutsak, shoir bu devonga yozgan debochasida g'azal haqida o'zining nazariy va badiiy-estetik qarashlarini chuqurroq rivojlantirgan, degan fikrga kelish mumkin. «Navodir un-nihoya» devonidan joy olgan 860 g'azaldan 851 g'azal keyinchalik shoirning «Xazoyin ul-maoniy» devonlari tarkibiga kiritilgan.

⁴⁵ Маълумот учун қаралсин. Валихўжаев Б. Алишер Навоий шеърляти. Қўлланма. Самарқанд: 2001.

IV. «Xazoyin ul-maoniy». (Ma'nolar xazinasi). Alisher Navoiy o'zining «Xazoyin ul-maoniy» devonlar kulliyotiga debocha yozar ekan, bu kulliyotning ham yuzaga kelishida barcha imkoniyatlarni Husayn Boyqaro yaratganligini, shunday devon tuzishga yana buyruq bilan muallifni majbur etganligini alohida uqtirgan. Bu bilan buyuk shoir xalq orasida «Chor devon» deb shuhrat qozongan «Xazoyin ul-maoniy» ning yuzaga kelishida Sulton Husayn Boyqaroning beqiyos madadini yuksak baholaydi va o'z devonlar kulliyotini ana shu maqsad evaziga «Xazoyin ul-maoniy» deb ataganligini faxr bilan tilga oladi:

Bu bahrki, ganji lomakoniy dedilar,
Har qatrasin obi zindagoniy dedilar,
Shah maxzani tab'idin nishoni dedilar,
Kim, ani «Xazoyin ul-maoniy» dedilar.

Alisher Navoiyning bu qiyin, ammo saodatbaxsh yumushga sa'y ko'rsatgan davri 1490 yillar edi.⁴⁶

A. Abdug'afurov «Xazoyin ul-maoniy» devonlarining tuzilishi davriga oid tadqiqotlarida bu devonlarning Navoiy tomonidan uch qayta tahrir etilganligi va ularning oxirgi redaksiyasi 1498 yilga tegishli ekanligi xususida fikr yuritadi. Olimning xulosalariga ko'ra, Navoiy bu devonlarini yangi yozilgan she'rlar bilan muntazam to'ldirib borgan. Devonlarning ikkinchi redaksiyasi 1498 yilda tahrir etib yakunlanadi.

«Xazoyin ul-maoniy» devonlarining H. Sulaymonov tomonidan tiklangan avtor redaksiyasi 1959-1960 yillarda O'zbekiston Respublikasi FA «Fan» nashriyotida chop etildi.

«Xazoyin ul-maoniy» devonlaridan 3132 asar o'rin olgan. Bular 2600 g'azal, 133 ruboiy, 10 muxammas, 4 musta'zod, 5 musaddas, 4

⁴⁶ Абдуғафуров А. «Хазойин ул-маоний» девонларининг тартиб берилиш даври ҳақида. //ЎТА, 1995. №3,4; Абдуғафуров А. Шеърят саройи. //ЎзАС, 1998. 6-февраль, 1-3 бетлар.

tarje'band, 210 qit'a, 10 lug'az, 52 muammo, 13 tuyuq, 86 fard, 1 masnaviy, 1 qasida, 1 musamman, 1 tarkibband, 1 soqiynoma bo'lib, 16 she'riy janrdagi asarlardir. Devonlardagi baytlarning umumiy soni 22450,5 tadir.

Kulliyot to'rt devondan iborat:

- «G'aroyib us-sig'ar» («Bolalik davrining qiziqarli hodisalari»);

- «Navodir ush-shabob» («Yigitlikning nodirliklari»);

- «Badoe' ul-vasat» («O'rta yoshlik go'zalliklari»);

- «Favoyid ul-kibar» («Keksalik foydalari»).

Bu asar ham shoir tomonidan debocha bilan ziynatlangan. Debochada adabiyotshunoslikning nazariy masalalari xususida so'z yuritiladi.

«Xazoyin ul-maoniy» devonlariga shoirning avvalgi devonlaridan qanchadan g'azal kiritilgan va kiritilmay qolganligi quyidagi jadvalda o'z aksini topgan:

Devonlar	G'azallarning umumiy soni	«XAZOYIN UL-MAONIIY» devonlariga	
		Kiritilgan	Kiritilmagan
Ilk devon	389		
Badoe' ul-bidoya	777	263	126
Navodir un-nihoya	860	735	42
		851	9

Kuzatishlardan shu narsa aniqlandiki, Alisher Navoiy «Xazoyin ul-maoniy» devonlari uchun 1014 ta yangi g'azal ixtiro qilgan. Shoir «Badoe' ul-bidoya» va «Navodir un-nihoya» devonlaridan «Xazoyin ul-maoniy» tarkibiga ko'chirgan 1586 g'azaldan 252 tasini turli mazmun va shaklda tahrirdan o'tkazgan. 1334 g'azal esa «Xazoyin ul-maoniy» ga o'zgartirishsiz kiritilgan.

«Xazoyin ul-maoniy» devonlari tartib berilgandan so'ng shoirning 1498-1500 yillar orasida yozgan g'azal va boshqa

na'vlardagi she'rlari to'liq holda hozircha fanga noma'lum. Ammo, bu she'riyat durdonalarini qidirish ishlari davom etmoqda.⁴⁷

3.

«Devoni Foniyy». Bu devonga 1499-1500 (m) yildan oldin, taxminan 90-yillarning ikkinchi yarmida tartib berilgan. Devondagi she'rlarda Foniyy taxallusi qo'llanilganligi bois «Devoni Foniyy» deb yuritilgan.

«Devoni Foniyy» ning Parij (2 ta), Turkiya (2 ta), Hirot (2 ta) va Eron (1 ta) kutubxonalarida saqlanayotgan yetti nodir qo'lyozma nusxalari mavjud. Bulardan Parij Milliy kutubxonasida saqlanayotgan ikki nusxa H. Sulaymonov e'tirofiga ko'ra, ancha mukammaldir.

Devon debocha bilan boshlanadi va 9 ta she'riy nav'da yozilgan asarlardan iborat. Bular quyidagilar: qasida – 10 ta, g'azal – 554 ta, musaddas – 1 ta, marsiya – 1 ta, qit'a – 72 ta, ruboiy – 73 ta, tarix – 16 ta, muammo – 373 ta, lug'az – 9 ta. Devondan jami 1109 asar o'rin olgan bo'lib, ular 6197 baytni tashkil etadi.

«Devoni Foniyy» g'azaliyoti o'zbek va tojik adabiyotshunoslaridan H. Sulaymonov, A. Mirzoev, R. Hodizoda, Sh. Shomammedov, B. Valixo'jaev, A. Shomammedov, Yo. Is'hoqov tomonidan g'oyaviy mazmun va badiiyat nuqtai nazaridan o'rganilgan. Devon tarkibidagi g'azallar shoirning turkiy tildagi she'rlaridan ayrim xususiyatlari bilan ajralib turadi. Chunonchi, ularni ikki guruhga ajratish mumkin; birinchisi – tatabbu' deb nomlangan g'azallar Hofiz Sheroziy, Xusrav Dehlaviy, Abdurahmon Jomiy va boshqa shoirlar g'azallariga javobiya tarzida yozilgan she'rlardir. «Muxtara» esa «mening ixtirom» degan

⁴⁷ Ф. Сулаймонова. Алишер Навоийнинг янги топишган ва «Хазойин ул-маоний» таркибига киритилмаган 40 ғазалини «Айёми висол ўлди яна...» (Т. 1998) номли тўпламда эълон қилди; М. Салоҳиддинова Султон Масъуд Мирзо Шоҳий мухаммаслари таркибидан шоирнинг яна бир янги ғазалини фанга маълум қилди (номз.дисс. Самарқанд, 2004).

ma'noni bildiradi. Navoiy bu turdagi g'azallarni yangi, o'ziga xos uslubda yaratganligi uchun shunday deb ataydi.

Devonda «Dar bayoni voqye» deb nomlangan g'azallar guruhi uchraydi. Bu g'azallar mazmuniga ko'ra voqyeaband she'rlar bo'lib, shoir ularda o'z boshidan kechirgan ba'zi voqyea-hodisalarni hikoya qiladi.

Devondan ikki turkum qasidalar o'rin olgan. Birinchi turkum olti qasidadan iborat bo'lib, «Sittai zaruriya» («Olti zarurat») deb nomlanadi. Shoir asarga alohida debocha yozib, unda asarning tuzilish sababi, yili, qasidalarining joylashtirilish tartibi va har birining mavzusi haqida aniq ma'lumot beradi. Alisher Navoiy «Muhokamat ul-lug'atayn» asarida bu mavzuda shunday yozadi: «Bu olti qasida hamd va na't va sano va ma'vizatdur va ahli tasavvuf va haqiqat tili bila ma'rifat». Bu qasidalar quyidagilar: 1) «Ruhul-quds»; 2) «Aynul-hayot»; 3) «Tuhfat ul-afkor»; 4) «Quvvat ul-qulub»; 5) «Minhoj un-najot»; 6) «Nasim ul-xuld».

Qasidalarining ikkinchi turkumi «Fusuli arbaa» («To'rt fasl») deb ataladi va o'n qasidani o'z ichiga oladi. Shu o'rinda Navoiy Xoja Salmon qasidasiga javoban yana bir qasida boshlaganligi haqida ma'lumot beradi. Ammo, bu qasida hozirgacha fanga noma'lum. Alisher Navoiyning forsiy devonidan o'rin olgan boshqa lirik nav' va turdagi she'riyat namunalari ham nihoyatda go'zal ma'nolar va badiiy bezaklarga boy bo'lib, Sharq badiiy tafakkurining betakror namunasi sifatida e'zozlanadi.

Mavzuni mustahkamlash uchun savollar:

1. Alisher Navoiy lirikasining umumiy hajmi va janrlari haqida ma'lumot bering.
2. «Badoe' ul-bidoya» devonida shoir adabiyotshunoslikka doir qanday nazariy masalalarni muhokama etgan?

3. «Xazoyin ul-maoniy» devonlari nashri, devonlar kompozitsiyasi, ularga kirgan asarlar janrlari, mavzulari va g'oyaviy asoslari haqida ma'lumot bering.

4. Alisher Navoiyning har bir devoniga nechta janrdagi lirik asarlar kiritilgan?

5. Ulug' shoir devonlariga kirgan g'azallarni qanday tartibda joylashtirgan?

6. «Ilk devon» qo'lyozmalari va nashr nusxalari haqida nimalarni bilasiz?

7. «Badoe' ul-bidoya» devonining Alisher Navoiy nomidagi Davlat Adabiyot muzeyida saqlangan Toshkent qo'lyozma nusxasi haqida ma'lumot bering.

8. Navoiy devonlarining dunyo kitob xazinalarida saqlanayotgan qo'lyozmalari haqida nimalarni bilasiz?

9. «Devoni Foni» ning tuzilish davri, qo'lyozma nusxalari va tadqiqotchilari haqida ma'lumot bering.

10. «Devoni Foni» tarkibi, mazmun-mundariyasi, asarlar janrlari haqida gapirib bering.

Zaruriy adabiyotlar:

1. Alisher Navoiy. MAT. XX tomlik. 1-6 tomlar. -Toshkent: FAN - 1987-1990. T. 1. - 1987-724 b; T. 2. - 1987-620 b; T. 3. - 1988-614 b; T. 4. - 1989-558 b; T.5. - 1990 542 b; T.6. - 1990-366 b.
2. Alisher Navoiy. Ilk devon. Faksimil nashr.
3. Alisher Navoiy asarlari tilining izohli lug'ati. IV tomlik. - Toshkent: O'z FA - 1983-1984-1985. T. 1. - 1983-656 b; T. 2. - 1983-642 b; T. 3. - 1984-622 b; T. 4. - 1985-646 b.
4. Abdug'afurov A. «Xazoyin ul-maoniy» jumboqlari. (Birinchi maqola) //O'zbek tili va adabiyoti. - 1994.- № 4-5-6.- B.9-16.
5. A. Abdug'afurov. «Xazoyin ul-maoniy» jumboqlari. (Ikkinchi maqola) //O'zbek tili va adabiyoti. - 1995.- № 1.- B.10-18.
6. Abdug'afurov A. «Xazoyin ul-maoniy» jumboqlari// O'zbek tili va adabiyoti. - 2000.- № 5.- B.3-11.

7. Abdug'afurov A. «Xazoyin ul-maoniy» jumboqlari //O'zbek tili va adabiyoti. - 1998, №6.- B.3-10.
8. Valixo'jaev B. Alisher Navoiy she'riyati. Samarqand: SamDU. 2002.
9. Vohidov R. Alisher Navoiy va ilohiyot. – Buxoro: Buxoro, 1994. - 176 b.
10. Rustamov A. Aruz haqida suhbatlar. – Toshkent: Adabiyot va san'at, 1972 -56 b.
11. Muhiddinov M. Komil inson – adabiyot ideali. Toshkent: «Ma'naviyat», 2005.
12. Salohiy D. «Badoe' ul-bidoya» malohati. Toshkent: Fan, 2003.
13. Sulaymonova F. Ayyomi visol o'ldi yana... - Toshkent: Fan, 1997.
14. Yusupova D. O'zbek mumtoz va milliy uyg'onish adabiyoti (Alisher Navoiy davri). – Toshkent: "TAMADDUN", 2016.
15. Haqqulov I. Tasavvuf va she'riyat. – Toshkent: Adabiyot va san'at, 1989. – 240 b.

NAVOIY SHE'RIYATIDA BADIY MAHORAT MASALALARI

Dars rejasi:

1. Alisher Navoiy she'riyatida adabiy-estetik tamoyillar va uslub xususiyatlari.
2. Poetik matnda shakl va mazmun masalasiga doir.
3. Navoiy she'riyatining vazn xususiyatlari.

Tayanch iboralar: *muammolar, vazn masalalari, badiiy san'atkorlik, ijtimoiy lirika, shakl, mazmun, yevropa, germenevtika, talqin, tahrir.*

1.

Alisher Navoiy lirikasi xususiyatlarini tekshirish sohasi keyingi yillarda qator ilmiy tadqiqotlar bilan boyidi. Ammo, bu mavzu hanuz navoiyshunoslikning juda ko'p yo'nalishlarida ilmiy izlanishlar olib borishga ehtiyoj tug'dirmoqda. Bunday izlanishlar jarayoni Navoiy poetik uslubining haqiqiy qiyofasini, uning butun boyligi, go'zalligi, sermazmunligini kashf etish imkoniyati bo'lib xizmat qiladi.

Navoiyning she'riy uslubini aniq tasavvur etish uchun bir qator ilmiy masalalarga e'tibor qaratish lozim bo'ladi. Bu – shoirming aruz texnikasi sohasidagi mahorati, uning badiiy san'atkorlik sohasida qo'llagan yangi tasvir usullari va kashfiyotlari, she'r kompozitsiyasi sohasidagi yangicha qarashlar, lirikaning ijtimoiy vazifasi haqidagi o'ziga xos mulohazalar va sh.k. masalalardan iborat. Shu masalalarga qisqicha to'xtalsak.

1. Sharq mumtoz adabiyoti tarixida aruz vaznlaridan eng mukammal foydalangan shoirlardan biri Alisher Navoiydir. U o'z badiiy ijodi misolida o'rta asrlarda arab va fors-tojik adabiyotlarida ancha mukammal ishlangan va go'zal lirik she'rlar, devonlar shaklida ommalashgan aruz vazniga asoslangan she'riy san'atni turkiy til imkoniyatlari vositasida badiylikning eng baland maqomiga ko'tardi va bu bilan aruz fanining yana bir til doirasidagi nazariy va amaliy taraqqiyotiga asos soldi. U o'zining aruz nazariyasiga bag'ishlangan «Mezon ul-avzon» asarida bu ilm sohasidagi ma'lumotlarni yig'ib, tartibga solib, tushuntirib berish bilangina chegaralanib qolmadi. Uning bu risolani

yozishdan maqsadi aruz fanidagi muammolarni ommalashtirish, ularni arab va fors-tojik adabiyotlari maydoniga olib kirishgina emas, «balki aruz problemalarining birmuncha yangi talqinini berish va aruzni boyitish»⁴⁸ dan iborat edi.

Arab alifbosining turkiy til ehtiyojlariga to'liq javob bera olmasligi va bu til imkoniyatlarini ancha chegaralab qo'yishi, aruzda bitilgan nazmiy asarlarda biror harfning notabiiy cho'zilishi bilan bog'liq nuqsonlar yuz berishi xususida Zahiriddin Muhammad Bobur o'z davrida muhtasari ma'lumot bergan edi. Ma'lumki, vazn she'riy misralarda ko'p noaniqliklarni ravshanlashtiradi. So'z tarkibi, talaffuzi, shakl va bo'g'inlari, majoziy ma'no, ko'p ohanglilik kabi unsurlar vazn talablaridan kelib chiqadi. Agar matnda ba'zi anglashilmovchiliklar ko'zga tashlansa, uni vazn talablari nuqtai nazaridan tekshirib aniqlik kiritish mumkin.

Navoiy lirikasi, epik va nasriy asarlari vaznlari xususida bir qator ilmiy tadqiqotlar bajarilgan bo'lsa-da, ular Navoiyning aruz fanida naqadar mukammal ijod etganligini ta'kidlagan, isbot etgan holda, uning turkiy aruz taraqqiyotiga qo'shgan hissasini aniqlash uchun yetarli manba' bo'la olmaydi. Bu hol Navoiy ijodiy jarayoni xususiyatlarini ham jiddiy va har tomonlama o'rganishni taqozo etadi. Navoiy asarlari matnlarini vaznlari sohasida qiyoslab o'rganish natijalari esa shoir g'azallari matnlarining mukammalroq, asliyatga yaqinini topish, ilmiy-tanqidiy matn yaratish sohasidagi izlanishlarga muhim yangilik bo'lib qo'shiladi.

Turkiy tilli xalqlar ijodiyotida aruz juda uzoq tarixga ega bo'lsa-da, uni adabiyotshunoslik fani talablari nuqtai nazaridan nazariy jihatdan o'rgangan va ommalashtirgan shaxs Navoiy edi. Aruzning amaliy taraqqiyotini ta'minlashda shoirning «Xazoyin ul-maoniy» devonlarini tuzish davridagi ijodiy mehnati boshqa juda ko'p omillar qatorida o'ziga xos bir bosqich bo'ldi.

Alisher Navoiyning aruz sohasida erishgan yutuqlari va uning adabiyotshunoslikdagi ahamiyati belgilanar ekan, eng avvalo XIV-XVI asrlarda yashagan barcha fors-tojik va turkiy shoirlar asarlarining poetik matn variantlari qiyosiy tekshirilishi, ikkinchidan, arab, fors-tojik va turkiy

⁴⁸ Абдуғафуров А. Навоий сатираси. 1-китоб. — Тошкент, Фан, 1966. 267-бет.
44

adabiyotlarda mavjud bo'lgan barcha asarlarning vazn tahrirlari sohasi qiyosiy o'rganilishi, uchinchidan, kelib chiqishi turkiy bo'lib, fors-tojik tilida ijod qilgan shoirlarning ham she'riy uslublari o'rganilishi lozimdir. Bu o'z navbatida Navoiy ijodi badiiy yetukligiga asos bo'lgan muhim unsurlarning ochilishi uchun imkon yaratadi.

2. **Navoiy o'zining har bir asarida adabiyotga biror yangilik berishni maqsad qilib qo'yadi.** Klassik she'riyatning eng ko'p bahs-munozaralarga sabab bo'ladigan badiiy san'atlar sohasida shoir g'azallari variantlarini o'rganish ham turkiy she'riyatning ba'zi nazariy masalalarini ilmiy idrok etishga, shubhasiz, xizmat qiladi:

Birinchidan, Alisher Navoiy o'z lirikasida badiiy san'at vositalaridan mukammal darajada foydalanar ekan, o'sha davr turkiy she'riyatida avvaldan ma'lum bo'lgan va mustahkam qonuniyatga asoslangan san'atlarning shoir g'oyaviy maqsadini yanada aniqroq aks ettirib faoliyat ko'rsata olishi mumkinligini isbotlab berdi.

Ikkinchidan, Navoiy badiiy adabiyotning vazifasi jamiyatga badiiy shaklda xizmat qilishdan iborat ekanligini, mukammal yaratilgan insonning fikri va so'zi ham go'zal, mukammal, yoqimli bo'lishi lozimligini o'z she'riyati misolida tasdiqlaydi. Bu bilan Navoiy o'rta asr sharq adabiy merosi butun insoniyat kelajagiga daxldor olamshumul ahamiyatga ega bo'lib, uning shaklbozlikdangina iborat emas ekanligini qayta-qayta uqdiradi. Agar lirikaning katta ijtimoiy vazifasi shubhasiz ravshan bo'lmaganda edi, Navoiy o'z she'rlaridagi har bir bayt yoxud so'z mavqeyi masalasiga jiddiy e'tibor bermagan bo'lar edi.

Uchinchidan, shoir turkiy til xususiyatlari, stilistikasi qonuniyatlari, og'zaki badiiy yodgorliklarning yozma adabiyotga, xususan, lirikaga ta'siri masalasi, umuman, XU asr ijodiy poetik uslubi va bu uslub negizini tashkil etuvchi xalqchillik tamoyilini mukammal darajaga yetkazishga muvaffaq bo'ldi. Shoir yangi turkiy so'zlar, iboralar, maqollarni o'z nazmiga kiritdi, ularga sayqal berdi. Demak, turkiy tilning hazrat Navoiy ijodi orqali boyishi va yangilanishi, kamolat cho'qqisiga ko'tarilishida uning o'ziga xos estetik zakovatining ham ma'lum darajada o'z o'mi va hissasi bor ekan.

To'rtinchidan, «Majolis un-nafois» tazkirasidan ma'lumki, Navoiy o'zidan ilgari o'tgan va zamondosh bo'lgan shoirlar ijodini ziyaraklik bilan kuzatgan, badiiy jihatdan tahlil etgan, ba'zilariga o'z mulohazalarini bildirgan. Navoiy tahlillari chuqur nazariy asosda puxta ishlangan ilmiy tahlillar bo'lib, o'rta asr sxolastikasidan ancha yiroqdir. Navoiy o'z asarlariga ham tanqidiy nuqtai nazardan yondashadi, tahlil etadi, qayta ishlaydi. Demak, Alisher Navoiy bugungi rivojlangan adabiyotshunosligimizdagi analitik uslubning ham boshlovchisi, asoschisi bo'lib qoladi.

Beshinchidan, Navoiy davrida badiiy san'at vositalari haqidagi ilmlarni o'rganib, umumlashtirib va tasnif etib beruvchi ikki asarning paydo bo'lishi o'sha davrda adabiyotshunoslikning bu sohasiga nisbatan bo'lgan qiziqishni kuchaytirdi. Navoiyning o'z she'rlarida badiiy san'atning takomiliga e'tibor berishi unga zamondosh bo'lgan va undan keyin ijod etgan turkiy tilli shoirlarni ham ijodiy izlanishlarga rag'batlantirdi. Zahiriddin Muhammad Bobur, Fuzuliy, Ogahiy, Avaz O'tar, Furqat kabi shoirlar ijodi bunga yorqin misol bo'la oladi.

Alisher Navoiy g'azallari matnlarining badiiy san'at vositalari nuqtai nazaridan tahlili va talqini uning nihoyatda ke'ng dunyoqarashi va zakovatli she'rshunoslik sohasidagi chuqur bilimi va o'z davri uchun taraqqiyparvar bo'lgan g'oyaviy-estetik mavqye'idan dalolat beradi.

Alisher Navoiy badiiy asar kompozitsiyasini ishlashda jahon adabiyoti miqyosida tengi yo'q so'z san'atkorlaridan biri hisoblanadi.⁴⁹ U o'zining birinchi rasmiy devoni «Badoe' ul-bidoya»ga yozgan debochasida g'azal poetikasi va kompozitsiyasi masalalariga to'xtaladi va bir qator tanqidiy mulohazalar bayon etadi.

U she'rning g'oyaviy va badiiy ta'sir kuchiga alohida e'tibor bergani holda, g'azalning g'oyaviy-estetik asoslarini tashkil etuvchi qat'iy adabiy qonuniyatlarni yuzaga keltiradi, deb hisoblaydi. Shu maqsadda shoir sharq devonchiligi sohasida to'plangan an'ana va

⁴⁹ Хусайн Воиз Кошифийнинг «Бадоеъ ал-афкор фи санойиъ ал-ашъор» ва Атоуллох Хусайнийнинг «Бадойиъ ус-санойиъ» асарлари.
⁵⁰ Бертельс Е.Э. Избранные труды. «Наваи и Джами». — М., Наука, 1965. С.164.

tajribalarni umumlashtirib, ularni tamoman yangi shakl va mazmunda rivojlantirib dunyoga keltirgan devoni «Badoe' ul-bidoya»ga «Debocha» yozadi. Bu debochada Navoiy badiiy ijodda xalqqa foydali mazmunning muhimligi, badiiy shaklning ham go'zal ishlangan bo'lishi, g'azal yaratganda ko'proq mavzuning yakpora usulda yozilishiga e'tibor berish, har bir lirik janr xususiyatiga ko'ra mazmun tanlash, muhabbat haqidagi she'rlarda ham ma'rifatli fikrlarni joylashtirish, bu nav' she'riyatda behayo tavsifni yo'latmaslik masalalari xususida fikr bildiradi.

Navoiy ijodiy prinsipining muhim ko'rinishlaridan biri sifatida uning o'z devonlarini «Debocha»lar bilan ta'minlaganligi hodisasini qayd etish lozim. Bu mavzu o'zbek adabiyotshunosligida V.Zohidov,⁵¹ M.Solihova⁵² maqolalarida, F.Karimova⁵³ nomli muallifning nomzodlik dissertatsiyasida maxsus o'rganilgan. Shoir o'zi tartib bergan «Badoe' ul-bidoya», «Navodir un-nihoya» devonlari, «Xazoyin ul-maoniy» devonlar kulliyotiga maxsus debochalar yozadi. «Navodir un-nihoya» devoniga yozilgan debocha hali noma'lum bo'lib, bizgacha yetib kelgan ikki debocha mazmunidan anglashilishicha, Navoiyni kompozitsiya borasida nafaqat alohida olingan lirik janr doirasidagi, balki, umuman badiiy ijoddagi an'anaviy yakranglik qanoatlantirmay, u bu sohada ham yangilikka, mukammallikka intiladi. Shu jihatdan mazkur «Debocha»lar, shoir devonlari mundarijasi haqida qisqacha ma'lumot beruvchi «muqaddimalargina» bo'lib qolmay, Navoiyning poetika sohasidagi chuqur ilmiy kashfiyotlarini, she'rshunoslikning nazariy masalalari tahlili va taraqqiyotini, qolaversa, yangi adabiy kanonlar majmuasini o'zida aks ettiruvchi ilmiy asarlar hamdir. Bundan ko'rinadiki, Navoiy fehrast yoki debocha kabi bir qarashda katta ilmiy ahamiyatga ega bo'lmagandek tuyulgan, alohida adabiy janr sifatida e'tirof etilmagan, biroq, devon muallifining adabiyotshunoslikning dolzarb masalalari xususidagi fikrlarini bayon etishi uchun qulay imkoniyat yaratuvchi ushbu miniatyur

⁵¹ Зоҳидов В. Дебочанинг сири. Тошкент, 1975; Жаҳон бадийяти зарварақлари. Тошкент, 1980.

⁵² Солихова М. Навоий дебочаларида шоир биографиясига доир маълумотлар. //Адабий мерос. 1-т. Тошкент, 1968.

⁵³ Каримова Ф. Ўзбек адабиётида debocha. (НДА). Тошкент, 1993.

ilmiy asarlar kompozitsiyasiga ham o'ziga xos yangiliklar kiritadi, ularning ilmiy funksional imkoniyatlarini kengaytiradi. Bu debochalarda va shu klassik nazmiyotida Alisher Navoiy ko'rsatib bergan asosiy adabiy-estetik prinsiplar haqidagi fikrlar mavjud edi. Shu boisdan ham Navoiy «Xazoyin ul-maoniy» devonlar kulliyotiga yozgan debochasida «agar mening devonlarimni ko'chirar ekanlar, bu devonlarning yuzaga kelishidan iborat debochamni ham albatta qo'shib ko'chirsinlar», deb uqdiradi.

Navoiyning kompozitsiya masalasida g'azalga nisbatan bo'lgan qator talablari, ya'ni, g'azalning aniq bir mavzusi bo'lishi lozimligi, shoir g'oya-maqсадining shu mavzu orqali ifodalanishi, lirik qahramon kechinmalarining konkret sharoit bilan bog'lanishi, baytlarning mazmunan izchil rivoji, matla' va maqta'ning ham mavzu va mazmun yuzasidan mantiqan o'rinli, g'azal g'oyasi bilan uyg'un bo'lishi kabi masalalar uning o'zi tomonidan nazariy jihatdan ishlanib, qat'iy adabiy kanon darajasiga yetgan edi.

3. Navoiy devonlarida yetuk sharqona falsafiy tafakkurning yuksak badiiy ifodasi bo'lmish hamdlar keng o'rin egallaydi. Ma'lumki, daho so'z san'atkorining umumbashariy ijodi har qanday milliy (tor ma'noda: millat ma'nosida), irqiy, diniy, mafkuraviy hududlarni yorib chiqadi va faqat insonni ulug'laydi, uning kamoloti uchun xizmat qiladi. **Navoiy ijodining olamshumul ahamiyatini ta'minlovchi asosiy omillardan biri ham uning islom ma'naviy xazinasidan, tasavvuf ilmidan bahramandligi, ilg'or fikrli sufiylar oqimiga mansubligi edi.**

Alisher Navoiyning dunyoqarashiga ko'ra, adabiy tafakkur insonning katta jismoniy, ruhiy mehnatlarning zahmatini chekib, o'zini har tomonlama poklab erishadigan bashariy boyligidir. Navoiy adabiy tafakkurining beqiyos, olamshumul parvozigacha sabab bo'lgan narsa uning badiiy tasvir sohasidagi beqiyos san'atkorligidir.

Har qanday devonning birinchi - boshlovchi g'azali muallif nazarida shu devonni tashkil etuvchi boshqa g'azallardan g'oyaviy-badiiy yetukligi, tasvir prinsiplari va ifoda uslubining yangiligi, o'ziga xosligi bilan ajralib turishi lozim. Ikkinchidan, devonni ochuvchi g'azal o'quvchi nigohida shu devonning badiiy qimmatini, g'oyaviy ruhi, shoir uslubi va poetik stillari,

adabiy an'analarga munosabati, poetika sohasidagi ilmiy-nazariy bilim va imkoniyatlari kabi jihatlardan muayyan tasavvur hosil qiladi. Devonning boshlovchi g'azaliga mazkur ma'nodagi talab va mas'uliyatlarning yuklanishi bu g'azal mavqye'ining devon g'azaliyoti doirasida ustunligi haqida fikr o'yg'otadi.

«Xazoyin ul-maoniy» devonlariga tartib berish davrida hamd ruhidagi g'azallar Navoiy lirikasida salmoqli o'rinni egallab turardi. Shoir bu devonlar kulliyotining o'z hayoti va ijodi, qolaversa, o'z davri, vatani, xalqi, turkiy til taraqqiyoti uchun naqadar muhim va jiddiy ahamiyatga ega ekanligini his etar edi. Shu boisdan devonlar kulliyotini ochuvchi hamd Navoiyning butun hayoti davomida, ya'ni 7-8 yoshlardan 50 yoshdan oshgunga qadar yaratgan g'azallari ichida eng go'zali, g'oyaviy-badiiy jihatdan mukammali, a'lo maqomdagisi bo'lishi kerak edi. Lirik merosi kulliyotining bu yuksak mavqe'li o'miga Navoiy «Badoe' ul-bidoya» devoni uchun yozilgan «Ashraquat...» bilan boshlanuvchi g'azalni munosib ko'radi. Bu g'azal Navoiy tomonidan eng badiiy yuksak deb baholanishining tasdig'i uning biror satriga tahrir kiritilmaganligida ham namoyon bo'ladi. Demak, bu tanlov orqali Navoiy «Ashraquat...» yozilgan davr, ya'ni o'zining 25-38 yoshlar oralig'idagi ijodi lirik mahoratining cho'qqisi bo'lganligiga bilvosita ishora etadi.

Shoir lirikasida aynan shu davrda janr rang-barangligi ham kuchli bo'lganligini (13 xil janrda ijod qilgan), badiiy san'atlar texnikasi, tasvir usullari va boshqa sohalardagi dinamik rivoj namoyishi ko'zga tashlanadi.

Navoiy o'z hamd va na'tlarida til ilmi qonuniyatlari va qoidalariga, ayrim so'zlar va so'z birikmalari etimologiyasiga, sodda va xalqchil til xususiyatlariga katta e'tibor berdi.

4. O'rta asr adabiyotshunoslari shakl va mazmun munosabatlari tushunchasini «lafzu maoniy» jumlasini bilan ifodalaydilar va shaklga aloqador bo'lgan barcha unsurlarni «lafz» so'ziga tegishli deb biladilar. Ularning aksariyati o'z asarlarida shakl va mazmunning to'liq mutanosibligini, o'zaro teng darajada uyg'unligini yoqlaydilar. Alisher Navoiy esa bu masalaga yangicha yondashadi, ya'ni, har qanday badiiy asarda, jumladan, lirikada ham mazmun har doim shakldan ustun bo'lmog'i

kerakligi, she'ming go'zal shakli g'oya va mazmunning to'la va yorqin ifodasi uchun xizmat qilmog'i lozimligini birinchilardan bo'lib ta'kidlaydi.

Bu hodisa Navoiyning adabiyot va adabiyotshunoslik taraqqiyotiga qo'shgan hissasi va beqiyos yutug'i edi. Alisher Navoiyning badiiy asarlarida ma'no va mazmuni birlamchi o'ringa qo'yishi, shaklni va uning ma'no va mazmunga nisbatan bo'lgan munosabatlarini ikkilamchi tobe' unsur sifatida baholashi hozirgi davr adabiyotshunosligining estetik talablariga mos keladi va buyuk ijodkorni taraqqiyparvar adabiyot nazariyotchisi sifatida namoyon etadi.

Alisher Navoiy she'r kompozitsion mukammalligi sohasida ijodiy ish olib borar ekan, avvalo g'azallarining semantik-stilistik strukturasi va ulardagi emotsional tasvir yo'siniga alohida e'tibor berdi. She'r kompozitsiyasini poetik usullar, badiiy tasvirning yangi ko'rinishlari bilan yanada boyitdi. Navoiy nafaqat g'azalning kompozitsion butunligi, undagi qismlarning emotsional-estetik funksiyalari haqidagi qarashlarini, balki, bu bir she'riy asarda g'oyaviy mazmun va badiiy shakl garmoniya prinsiplari asosida bequsur yaratilishi lozimligini ifoda etdi. Navoiy g'azallar g'oyaviy badiiy takomilini ko'zda tutib olib borgan ijodiy mehnati g'azal janrining turkiy adabiyotdagi kompozitsion mukammallikka erishuviga katta ta'sir ko'rsatdi.

5. Navoiy lirikasida ijtimoiy masalalarning qo'yilishi va hal etilishi ancha keng doiradagi g'azallarda kuzatiladi.

«Xazoyin ul-maoniy» devonlariga avvalgi uch devon tarkibiga kirmagan ijtimoiy mavzudagi 62 g'azal joylashtirilgan. Bu g'azallarining avvalgi devonlarda uchramasligi ularning «Navodir un-nihoya» tartib berilgandan keyin yozilganligiga ishora etadi. Navoiyning 45 yoshdan keyingi hayoti davomida davr voqyealari va zamondoshlariga bo'lgan munosabati, jamiyat ijtimoiy voqye'ligining shoir taqdiridagi aks sadosi uning ushbu davr lirik ijodida o'ziga xos yo'nalishlarda ifoda etiladi. Hamdlarda (orifona g'azallarda) avvalgi devonlarning shu tipdagi g'azallarida ko'rinmagan xususiyat - tasvir ob'ekti bo'lmish Tangri taologa munojot, iltijo ohanglarining ustuvorligi ko'zga tashlanadi. Badiiy ifodaning vaf, ta'rif, tavsif formasida ijod etilgan hamdlar turkumi shoir keksalik

lirikasida sharhi hol, mushohada tipidagi tasviriy usullar vositasida mazmunan kengayib boradi. Mamduhga bevosita murojaat, o'tinch, iltijoli fikrlar Navoiy hamdlarining maqta'dan oldingi baytlari va maqta'larida ifoda etilib, shoiming bu sohadagi estetik prinsiplari asosini belgilaydi.

Navoiyning keksalik davrida yozilgan ijtimoiy ma'no kasb etuvchi g'azallar badiiy tasvir usullari va mazmun-mundarijasiga ko'ra shoir dunyoqarashining bu davrdagi o'zgarishlarini bir necha aspektda ifodalab beradi. Bu g'azallarining barchasida mavzu-g'oya ifodasi, tasvirlanmish va tasviriy imkoniyatlar turlicha bo'lsa-da, yakuniy fikr bir xil ma'noda, ya'ni o'zlikdan kechib, fanoga yuz tutish maqsadi ifodasi bilan intiho topadi. Jumladan, qarilik lirikasi g'oyaviy motivlari shoir tasvir-ifoda uslubining quyidagi yo'nalishlarida talqin etiladi:

- a) munojot tipidagi g'azallarda;
- b) didaktik nasihat yoki tajribali keksaning yoshlarga beradigan pand-o'gitlari ifodalangan g'azallarda;
- v) sufiylik ruhida yozilgan - orifona yoki bevosita tasavvuf masalalarini muhokama va targ'ib etuvchi g'azallarda;
- g) «qarilik» va «yigitlik» mafhumlari vositasidagi mushohadaviy-didaktik g'azallarda.

Ijtimoiy mavzu vositasida yuzaga kelgan didaktika shoir hayotining turli davrlarida o'sha davr mazmuni bilan hamohang ravishda namoyon bo'ladi. Yigitlik davrida u optimistik, hayotsevar tonusda falsafiy mohiyat kasb etadi; o'rta yoshlikda umuman bu foniq dunyodan «qo'l yuvish», uni rad etish ma'nosidagi passiv didaktika shaklida ifodalanadi; keksalik davri g'azallarida didaktik bo'yoq shoirning sufiylik dunyoqarashi asosidagi fikrlarida o'z aksini topadi. Keksalik lirikasida ijtimoiy mavzuning mantiqiy rivoji va xulosasi uchun xizmat qiluvchi didaktikaning avvalgi davr g'azaliyotidan farqli jihati shundaki, unda yana hayotga muhabbat (yigitlik lirikasidagi kabi jo'shqin, ilmiy-falsafiy ohanglarda bo'lmasa-da), uni ongli kechirishga rag'bat targ'ib etiladi.

Navoiyning «llk devon» da ijtimoiy mavzu talqini kuchli biografik asosga ega bo'lsa, «Badoe' ul-bidoya» da bu mavzu shoir falsafiy

qarashlarining nazariy masalalarini ham qamrab olgan holda ifoda etiladi. Chunonchi Navoiy «zamon» va «ahli zamon» dan qattiq shikoyat, tanqid ruhidagi fikrlari vositasida shu zamon noetukligiga sabab bo'lgan muammolar, illatlarni ochib tashlashga, shu munosabat bilan inson ruhida dunyosi va jamiyat kasalliklariga davo izlashga intiladi, o'z davrida ma'rifat vositasida komil insoniy jamiyat qurishga umid bog'laydi. Bu g'azallarida yuksak optimistik ruh hukmron bo'lib, ular Navoiyning barcha davrlarida yaratilgan g'azallaridan ana shu jihatlari bilan ajralib turadi. Agarda Navoiyning 30-40 yoshlari oralig'ida buyuk Temuriylar davlatidagi g'oyaviy katta ijtimoiy-siyosiy faoliyatining badiiy ijodiga bo'lgan ta'sirini idrok etadigan bo'lsak, bu hodisaning tabiiy ekanligiga amin bo'lamiz. Bu davrda Shoir lirikasida Navoiy ijtimoiy didaktikani falsafiy didaktika darajasiga ko'tarib, asarlarida yanada yuksakroq maqomda o'z ifodasini topdi. Navoiy lirikasidagi qahramoni keyinchalik uning ijodiy kamoloti cho'qqisi bo'lmish «Xamsa» dostonlari qahramonlari obrazlarida o'zining mukammal siymosiga ko'rinishiga ega bo'ldi. Shu nuqtai nazardan Navoiyning hayotsevar va insonparvar ijtimoiy lirikasini falsafiy-ilmiiy-didaktik lirika deb baholash mumkin.

«Navodir un-nihoya» tuzilgandan keyin yozilgan va «Xazoyin ul-ma'oni» devonlaridan o'rin olgan ijtimoiy ruhdagi g'azallar Navoiyning keksalik lirikasida ham g'oyaviy-tematik va badiiy jihatdan muayyan o'zgarishlar sodir bo'lganligini ko'rsatadi. Chunonchi, bu davrda shoirning ijtimoiy masalalarga bo'lgan munosabatida sufiylik dunyoqarashining kuchli ta'siri seziladi.

Muxtasar xulosa shundan iboratki, Navoiy o'zining olamshumul ijodi misolida lirikaning jamiyat ma'naviy-ma'rifiy taraqqiyotida tutgan o'rni, uning badiiy ijod, adabiyotshunoslik va adabiy tanqid sohalari rivojiga bo'lgan ta'siri doiralarini ham ko'rsatib berdi va bu narsa shoir lirikasini keng ko'lamda g'oyaviy-badiiy, adabiy-estetik, ilmiy-nazariy aspektlarda yanada chuqurroq o'rganishni taqozo etadi.

2.

O'rta asrlar klassik poeziyasining turli masalalari g'arb adabiyotshunoslari asarlarida o'rganilgan bo'lib, uzoq tarixga egadir. G'arb olimlari o'rta asrlar sharq adabiyotida o'ziga xos mustaqillik, originallik haqida fikr yuritar ekanlar, aksari yevropa poeziyasi materiallariga suyanib ish ko'radilar. Ana shu sababdan ham ularning bildirgan fikrlari va xulosalarida biryozlamalik, chegaralanganlik ko'zga tashlanadi. Jumladan, biz nazarda tutayotgan mavzu - badiiylik ilmi masalalarining o'rganilishi xususida ham xuddi shu holni ko'rish mumkin. Bunday g'arb nazariyotchilarining fikrlariga ko'ra, sharq klassik poeziyasida an'anaviylik kuchli bo'lganligi sababli, originallik, o'ziga xoslik faqat badiiy asarning tashqi ko'rinishi, shaklidagina namoyon bo'ladi. Ya'ni, klassik poeziyada mavzu va mazmun avvaldan belgilab berilganligi, har bir shoir o'z mahoratini ana shu mavzuning yangicha talqini, badiiy ishlanilishida ko'rsatishi lozim ekanligi, bu sohada qat'iy an'anani buzishga huquqi yo'k ekanligini ko'zda tutib, g'arb mualliflari: «...авторы стремьются превзойти друг друга в мастерстве владения формой и достигают в сопереживании высокого артистизма», degan xulosaga keladilar. Bu nuqtai nazarga ko'ra, o'zining mustaqil ijodkor ekanligini ta'kidlash uchun o'rta asr klassik poeziyasi vakili o'z badiiy yaratmasining shakligagina e'tibor qaratishi lozim (ya'ni, badiiy san'atlar o'yinini ko'rsatishigina kifoya) bo'ladi.

Fransuz olimi P.Zyumtor asarlarida ham xuddi shu mazmundagi fikrlar takrorlanib, u hatto o'rta asr o'quvchisi poetik asardan uning badiiy shaklidan o'zga hech narsa kutmaydi, bu poeziyaning asosiy xususiyati uning namoyishkorligidadir (aynan: «театральность» so'zini qo'llaydi) deyishgacha boradi. U e'tirozga o'rin qoldirmaydigan bir tarzda o'rta asr sharq poeziyasida «mazmun, ma'no va axborotga nisbatan shakl katta ahamiyatga egadir», degan fikrni bildiradi.

Arab poeziyasini o'rganagan ingliz olimi X.A.R. Gibbning ta'kidlashiga ko'ra ham, «сelyu yego (ya'ni, klassik shoirning - S. D.) было, развивая ту или иную тему по четко обозначенной канве, украсит yeyo всемирно доступными средствами искусства, превзойти своих предшественников и

sovremennikov krasotoy, vyrazitelnostyu, sjatostyu frazy, pravdivo opisaniya i vospriyatiya deystvitelnosti».

Shunga o'xshash fikrlarni bir-birini takrorlovchi va shu zamin fikrlarini rivojlantiruvchi boshqa bir qator g'arb va ba'zi rus olimlari asarlarida ham ko'rish mumkin. Qizig'i shundaki, klassik arab, fors-yoki turkiy poeziyaning ayrim davrlari yoxud alohida olingan yozuvchilarning jumrasini yuzasidan chiqarilgan xulosalar ko'p hollarda umuman O'rta asr Sharq poeziyasi va uning barcha davrlariga nisbat beriladi.

Albatta, bu muammoga turli yondashuvlar, nuqtai nazarlar mavjud bo'lib, jumladan, rus olimlari D.S.Lixachev, I.Ya.Krachkovskiy, M.V.Jimmunskiy, A.B.Kudelin kabilar yuqorida keltirilgan mulohazalariga tamoman farqqiluvchi fikrlarni bayon etganlar. Masalan, M.V.Jimmunskiy jahon adabiyotshunosligidagi bunday «formalistlar»ni tanqid qilib, klassik arab poeziyasidagi badiiy libos bevosita davr va uslub masalalari bilan bog'liq ekanligini, ya'ni har bir davrda adabiy asar ma'lum uslubda yozilgan davr yangilanishi bilan uslub ham yangilanishini ta'kidlaydi va shunday deydi: «...evolyusiya stilya kak sistema xudojestvenno-vyrazitel'nyx sredstv ili priyomov tesno svyazana s izmeneniem obshchego xudojestvennogo zadaniya, esteticheskix navykov i vkusov, no takje vsego miroozhivleniya epoxi.»

Darhaqiqat, har qanday qalamkash o'z asarini biror maqsadni ko'zga yaratadi. Islomgacha bo'lgan davr arab sahrolarida bitilgan g'azallarda shoir o'zining nuqtadonligi, topqirligi, fahmi tez va farosatliligi, hofiza quvvati bilan boshqalardan ustunligini namoyish etishni maqsad qilib qo'ygan bo'lsa, o'rta asrlar nihoyasi, insoniyat sharq o'yg'onish davrining kamoloti cho'qqisiga yetgan bir davrda bu davrning eng yetuk vakili Alisher Navoiy albatta, badiiy asar yaratishdan tamoman o'zga maqsadlarni ko'zlagan edi. Navoiy ijodida poetik san'atlar shoimning ezgu maqsadlari, estetik idealini badiiy ifoda etish uchun vosita bo'lib xizmat qilgan. «Navoiy uchun hech qachon she'riy san'atlar shunchaki bir san'atkorlikni namoyish qiluvchi vositalar bo'lgan emas. U haqiqiy novator ijodkor sifatida, o'zining butun san'atkorlik mahoratini, muhim ijtimoiy-siyosiy fikrlari, olijanob

o'oyalari ni yuksak badiiy saviyada ifoda qilish uchun dadillik bilan ishga olgan».

Alisher Navoiy butun ilmiy va badiiy ijodida, davlat arbobi sifatidagi siyosiy-ijtimoiy faoliyatida islom sarchashmalari bo'lmish Qur'oni Karim va hadisi shariflardagi umumbashariy, ilg'or g'oyalariga tayandi, tasavvuf nazariyasi, uning ilmiy-g'oyaviy asosi bo'lmish ujuduyun ta'limotini chuqur o'rgandi va targ'ib etdi. Buyuk shoir Sharq o'yg'onishi jarayonida yuzaga kelgan eng ilg'or ijtimoiy-falsafiy namda badiiy tafakkur yutuqlarini o'z asarlarida boy falsafiy mazmun va go'zal badiiy nafosat uyg'unligida o'quvchisiga taqdim etdi. Uning falsafiy badiiy tafakkuri taraqqiyoti islom ma'naviyatini keng idrok qilish va uni o'z ijodiy va ijtimoiy faoliyatida targ'ib etish g'oyalari bilan bevosita bog'liqdir.

Qur'oni Karimda va hazrati islom payg'ambari Muhammad alayhi-s-salom hadislarida ifodalangan fikrlar Alisher Navoiyning badiiy asarlarida go'zal tashbehlar, betakror lavhalar vositasida aks etadi. Shuning uchun ham bu davrni mukammal o'rganmay turib, o'rta asrlar sharq adabiyoti ma'no va mazmun jihatidan cheklangan, deya da'vo qilish biryoqlama xulosalardan o'zga narsa emasdir.

Mavzun (vaznga solingan) fikrning oddiy axborot vositasi bo'lmish tilga nisbatan maftunkor, jozibali va yoqimli bo'lishida badiiy san'at yaratuvchi unsurlarning katta ahamiyatga ega ekanligi bir qator islom ulomalari asarlarida ham qayd etiladi.

Islom ulamolarining uqdirishicha, Qur'oni Karim - ilohiy kitob, «Allohning so'zi» bo'lganligi tufayli, o'zining betakrorligini ta'minlovchi qator xususiyatlarga egadir. Bu xususiyatlarni inson nutqining biror ko'rinishida - oddiy, badiiy, nazmiy yoki nasriy bo'lsin - ifodalash mushkul, to'g'rirog'i, ularni inson zoti o'z tilida ifodalay olmaydi. Buni isbot etish uchun musulmon ulamolari Qur'oni Karim badiiyatini o'rganish va uni arab nazmi va nasrining eng yuksak namunalari bilan solishtirishga ehtiyoj sezganlar. Shu tariqa Qur'oni Karim va musulmon ulamolari bevosita adabiyotshunoslik muammolari muhokamasiga tortiladilar.

Arab musulmon nazariyotchilaridan Abd-al-Qahir Jurjoniy o'zining «Dalo'il al-e'joj» va «Kitob asror al-balog'a» asarlarida Qur'oni Karimning

betakror badiiyatini ta'minlashi mumkin bo'lgan barcha omillar ma'nan anglanishi mushkul bo'lgan so'zlarda (alfoz mufrad), ularni ohangdorligida, harf va harakatlar munosabati yoki ruknlarda, vasi qofiyalarda, o'xshatish va istioralarda aks etishi mumkinligini taxmin qilish va bu mulohazalarini ilohiy kitob asosida mukammal o'rganadi. Nilbo muqaddas kitobning betakror jozibasi va maftunkorligini yolg'iz o'z san'atlar tashkil eta olmasligiga imon keltirgan olim, uning ilohiy go'zalligi o'ziga xos va faqat ungagina munosib bo'lgan uslubi, nazmidadir, degan xulosaga keladi.

Al-Jurjoniy badiiy shakl va mazmun uyg'unligida yaratilgan badiiy asarda mazmun yetakchi o'rin tutishini ta'kidlaydi. Biroq, uning fikricha, har qanday mazmun biror shaklda namoyon bo'ladi. Adabiy asarda shakl o'zgarishi bilan mazmun ham ma'lum darajada o'zgaradi. Shu nuqta nazardan arab adabiyotshunosi klassik adabiyotda shakl mukammalligiga ma'no, mazmun mukammalligiga, dinamikasiga xizmat qiladi, degan xulosaga keladi.

O'rta asrlarda Sharq adabiyoti tarixida adabiyotshunoslik masalalar bilan eng ko'p va izchil shug'ullangan Alisher Navoiy bu masala xususida katta ilmiy qimmatga ega bo'lgan fikrlarini bayon etdi.

Shoirning fikricha, poetik asarda badiiylikni ta'minlovchi omillardan birinchisi poetik mazmundir. Shoirning katta ishonch bilan uqdirishicha, poetik mazmun badiiy asarning joni bo'lsa, boshqa omillar go'yo unga komillikni, bashariy qiyofani bag'ishlovchi chiroyli libosga o'xshaydi.

Shoir o'zining «Muhokamat ul-lug'atayn» asarida turkiy tilning badiiy asar yaratishdagi imkoniyatlari xususida fikr yuritib «...bu lafzda muncha vus'at va maydonida fus'hat topilur. Kerakkim, munda har nav' suxanguzorlig' va fasehguforlig' va nazmsozlig' va fasonapardozlig' osonroq bo'lg'ay...Bu tilda g'arib alfoz va ado ko'pdur», deb yozadi. Buyuk shoir ana shu mulohazalardan kelib chiqib, fikrni badiiy ifodalashda turkiy tilning badiiy shakllari, xilma-xil imkoniyatlaridan g'oyat san'atkorlik bilan foydalanadi. Shoiming g'azallarda tadrijiylik va yakporalik, voqyeabandlik va voqyeabayonlik xususiyatlari haqidagi fikrlari orqali poetik asar

mukammalligini ta'minlovchi omillar badiiy shaklga nisbatan badiiy mazmun bilan, muallifning g'oyaviy maqsadlari bilan ko'proq bog'liq ekanligi anglashiladi.

Navoiy o'zining shu tariqa nazariy qarashlarini turkiy va fors-tojik tillarida yaratgan barcha nazmiy asarlarida barkamol namoyish etdi. U adabiyotshunoslikka oid «Majolis un-nafois» tazkirasida, «Muhokamat ul-lug'atayn», «Mezon ul-avzon», «Mufradot» kabi asarlarida, bir qator holotlarida biz yuqorida keltirgan ba'zi g'arb tanqidchilarining sharq'azalchiligini «artistizm» dan iborat, degan tushunchalariga nisbatan o'zining sof ilmiy nuqtai nazarini bayon etgan edi, lirikasi misolida esa o'z fikrlarining amaliy ifodasini ko'rsatdi.

3.

Sharq mumtoz adabiyoti tarixida aruz vaznlaridan eng mukammal foydalangan shoirlardan biri Alisher Navoiydir. U o'z badiiy ijodi misolida o'rta asrlarda arab va fors-tojik adabiyotlarida ancha mukammal ishlangan va go'zal lirik she'rlar, devonlar shaklida ommalashgan aruz vazniga asoslangan she'riy san'atni turkiy til imkoniyatlari vositasida badiiylikning eng baland maqomiga ko'tardi va bu bilan aruz fanining yana bir til doirasidagi nazariy va amaliy taraqqiyotiga asos soldi. **U o'zining aruz nazariyasiga bag'ishlangan «Mezon ul-avzon» asarida bu ilm sohasidagi ma'lumotlarni yig'ib, tartibga solib, tushuntirib berish bilangina chegaralanib qolmadi. Uning bu risolani yozishdan maqsadi aruz fanidagi muammolarni ommalashtirish, ularni arab va fors-tojik adabiyotlari maydoniga olib kirishgina emas, «balki aruz problemalarining birmuncha yangi talqinini berish va aruzni boyitish»dan iborat edi⁵⁴.** «Mezon ul-avzon» asarining mazmuni va shoiming butun poetik ijodi shundan guvohlik beradiki, bu vazifani yetuk qalam sohibi o'z ulug' rutbasiga munosib bir tarzda amalga oshirdi.

Arab alifbosining turkiy til ehtiyojlariga to'liq javob bera olmasligi va bu til imkoniyatlarini ancha chegaralab qo'yishi, aruzda bitilgan nazmiy

⁵⁴ Алишер Навоий. XV томлик. Т.22. – Тошкент: Адабиёт ва санъат – 1966. 267-б.

asarlarda biror harfning notabiiy cho'zilishi bilan bog'liq nuqsonlar berishi xususida Zahiriddin Muhammad Bobur o'z davrida ma'lumot bergan edi. Ma'lumki, vazn she'riy misralarda ko'p noaniqlik ravshanlashtiradi. So'z tarkibi, talaffuzi, shakl va bo'g'inlari, majoziy ko'p ohanglilik kabi unsurlar vazn talablaridan kelib chiqadi. Agar ba'zi anglashilmovchiliklar ko'zga tashlansa, uni vazn talablari nazaridan tekshirib aniqlik kiritish mumkin. Ana shu nuqtai nazar kuzatishlarimiz natijasida «Xazoyin ul-maoniy» devonlaridan ilgari berilgan ikki devondagi ba'zi baytlarning yangi devonga boshqa shu mazmun bilan kiritilganligining guvohi bo'ldik. Masalan, «Badoe' ul-bidoya» devonidagi 114-g'azalning ikkinchi bayti fikrimizga dalil bo'ladi. G'azal:

Ey orazi nasrin, sochi sunbul, qadi shamshod,
 Bulbul kibi hajringda ishim nolavu faryod.

matla'i bilan boshlanadi. Bu matla'ni Navoiy namunaviy misol tariqasida «Mezon ul-avzon»ning hazaj bahriga taalluqli bo'limiga ham kiritgan. G'azalning ikkinchi bayti «Badoe' ul-bidoya»da quyidagichadir:

Ko'zlaringga sayd o'ldi ko'ngul, vah, qutulurmu,
 Bir qushki, aning ko'yida bo'lg'ay iki sayyod.

G'azal «Navodir un-nihoya» ga kiritilmagan, «G'aroyib us-sig'ar» esa ikkinchi baytining quyidagicha ko'rinishi bilan joylashtirilgan:

Sayd o'ldi ko'ngul ko'zlaringga, vah, qutulurmu,
 Bir qushki, aning ko'yida bo'lg'ay iki sayyod.

G'azal aruzning hazaji musammani axrabi makfufi maqsur bahrida yozilgan bo'lib, o'zgarishga uchragan baytlarning taqti'larini solishtirib ko'raylik. Baytning «Badoe' ul-bidoya» ko'rinishidagi taqti'i:

Ko'z la: ri/mafulu/ na say do'l di /mafo'iylu/ ko' nul vah qu /mafo'iylu/ tu lur mu /mafo'iyl/

Bir qush ki /mafulu/ anin ko': yi /mafo'iylu/ da bo'l g'ayi /mafo'iylu/ ki say yod /mafo'iyl/.

«G'aroyib us-sig'ar» da o'zgartirib berilgan misra'ning taqti'i:

Say do'l di /mafulu/ ko' nul ko'zla /mafo'iylu/ ri na vah qu /mafo'iylu/ tu lur mu /mafo'iyl/.

Ko'rinib turganidek, bayt musamman bo'lib (sadr hashv hashv aruz⁵⁵ ibtido' hashv hashv zarb), baytning sadr va ikki hashvida o'zgarish uchraydi. Aruz ilmidan xabardor o'quvchiga ma'lumki, bayt ruknlarga bo'linib, ruknlar qisqa, cho'ziq va o'ta cho'ziq hijolarning turli birikmalaridan tashkil topadi va buning natijasida bahr vujudga keladi. Sabab, vatad, fosila deb ataluvchi turli hijolardan tashkil topgan juzv yoki ruknlar o'z qat'iy qonuniyatlariga ega bo'lib, ulardagi ahamiyatsiz ko'ringan kamchilik ham vaznning buzilishiga yoki ohangning notekisligiga sabab bo'ladi. Demak, bayt xoh arabiy, xoh forsiy, xoh turkiy bo'lsin, aruzning «afoiyl» va «tafoiyl»lari⁵⁶ talablariga rioya qilinishi zarur. Biroq, biz shu o'rinda mazkur qonuniyatlar arab tilining leksik-semantik va orfoepik xususiyatlaridan kelib chiqib tashkil topganligini unutmashimiz lozim. Ana shu jihatdan ham turkiy tilda g'azal yozish shoirdan ikki hissa ko'proq mahoratni talab qiladi. Nazarda tutayotgan baytimizning «Ko'zlaringga sayd o'ldi» birikmasida زوك - sababi xafiyf, (aruz vaznining eng kichik ko'rsatkichi sifatida harf va harakatlar tushuniladi. Unli va undosh harflar, fatha, kasra va zamma harakatlaridan tashkil topgan bo'laklar juzvlar deyiladi. Ular sabab (arabcha: bois, bog'lov, arqon), vatad (arab.: qoziq) va fasila (arab.: oraliq, ajralish) bo'lib, har biri o'z navbatida ikkiga bo'linadi: sababi xafiyf, sababi saqiyl, vatadi majmu', vatadi mafruq, fasilai sug'ro, fasilai kubro. Aruzning bu

⁵⁵ А.Рустамов ва А.Абдурахмоновлар байтнинг садрини ибтидоъ, ибтидоъсини эса садр деб хатоликка йўл қўйганлар. Қ.: А.Рустамов. Навоийнинг бадий маҳорати. Тошкент - 1979, А.Абдурахмонов. Аруз назарияси. Хўжанд - 1993. Ваҳоланки, арузга доир барча машҳур асарлар, шу жумладан, «Мезон ул-авзон» да ҳам байтнинг биринчи рукни «сadr» дейилди.

⁵⁶ Алишер Навоий. XV томлик. Т.22. – Тошкент: Адабиёт ва санъат – 1966. 139-б.

tarkibiy qismlari haqida «Mezon ul-avzon» va «Muxtasar»da sodda tushunarli ma'lumotlar berilgan. Arab va ba'zi fors-tojik aruzshunos asarlarida bu sohada ba'zi bahs-munozarali fikrlar ham mavjud bo'lgan. Masalan, ularning bir necha turi - sababi mutavosit, vatadi mujtami, xafiyf, fasilai axaf, fasilai vasati, fasilai xafiyf, fasilai uzma' va b. haqida ma'lumotlar bor. Hatto, XVI asr mashhur aruzshunosi Sayfi Buxoroyi masalan, fasilaning asosiy juzv bo'lmay, balki sabab va vatadlarning birikmalaridan hosil bo'lishi haqida o'zidan avvalgi fors-tojik mualliflari fikrlariga qo'shiladi. عزل - vatadi majmu' bo'lib kelyapti. Aslida qisqich bo'g'in bo'lishi kerak bo'lgan - «la» vazn talabi bilan cho'ziq bo'g'in bo'lish kelishga mahkum. Chunki, aruzda prosodik urg'u har doim vatadga tushib shu sababdan ham vatad bo'linmaydi. Ma'lumki, nutqda pauzalar sintagmalarda hyech qachon so'zlar bo'linmaydi. Prosodik pauzalar albatta so'zlarni bo'lib keladi. Bundan tashqari, bir so'z yonidagi so'z ham bir qismini olishi mumkin. Masalan: /ko'z/ lo: ri / na say / do'l di / yo' / ko' nul / vah qu / tu lur mu / kabi va h.k. Bu esa ruknning tahlilida turk xususiyatlari nuqtai nazaridan so'z ohangida notabiiylik hosil qiladi. G'azal matnining ikkinchi variantida birikmadagi arabcha «sayd» so'zini misr tili boshiga qo'yilib, sadrning كيسد و خلوا ko'rinishiga erishilgan. Ya'ni, birikmada ص - sabab, خلواد - vatad bo'lib, biror-hijo zo'rati cho'zilmaydi. Bunda tabiiyki, arab alfaviti bilan kirill yozuvi o'rtasidagi arab va turkiy tillar o'rtasidagi tafovutni ham unutmaslik lozim, albatta.

Hashvlarda ko'zda tutilayotgan so'z birikmasining sabab va vatad munosabatlari o'zgarmagan. Umuman, baytda aruzning nazariy talablarida birortasiga ham putur yetmagan, ammo bu yerda she'rshunos o'quvchi nozib tab'ini qoniqtirmagan narsa turkiy so'zdagi bitta hijoning notabiiy cho'zilib natijasida paydo bo'lgan ohangdagi notekislikdir. Bu bir qarashda «aruz buzilganmikin», degan fikrga ham olib keladi. Baytning keyingi ko'rinishi nihoyatda ravon va xushohangdir.

Xuddi shunday tafovut «Navodir un-nihoya» devonidan «Badoe' ul-vasat» ga ko'chirilgan 555-g'azalda ham uchraydi. G'azal «Badoe' ul-bidoya» devoniga kiritilmagan, «Navodir un-nihoya» da esa 723-o'rindagi keladi. G'azal:

Tong'g'a solma va'dai vaslingni bori bu kecha,
Kim meni o'lturg'usi tong intizori bu kecha

matla'i bilan boshlanib, aruzning ramali musammani solimi mahzuf bahrida tuzilgandir. G'azalning beshinchi bayti «Navodir un-nihoya» da quyidagi ko'rinishda berilgan:

Bazmida anglading, ey sham'u qadah yig'lab, kuyub,
Buki o'lturdi meni hajr iztirobi bu kecha.

«Badoe' ul-vasat» da bayt quyidagi shakldadir:

Anglading bazmida, ey sham'u qadah yig'lab, kuyub,
Buki o'lturdi meni hajr iztirobi bu kecha.

O'zgarishga uchragan misra'larning taqti'larini solishtiraylik:

1. Baz mi da: an /foilotun/ la: di ney sham /foilotun/ 'u qa dah yig' /foilotun/ lab ku yub /foilun/
2. An la din baz /foilotun/ mi da ey sham /foilotun/ 'u qa dah yig' /foilotun/ lab ku yub /foilun/

Ma'lum bo'layotganidek, baytning birinchi ko'rinishida sadrda ikki cho'ziq hijo ketma-ket kelib, a tovushi zo'raki cho'zilyapti. Sadr - foilotun - ikki sababi xafiyf va o'rtada bir vatadi majmu' birikmasidan tuzilgan. Bu yerda sababi xafiyf زب , ya'ni - fo, vatadi majmu' esa هيمه - ilo, va yana bir sababi hafiyf - گنا - tun-dan iboratdir. Ma'lumki, vatadi majmu' ikki mutaharrik (yoki zarbli) va bir sokindan (yoki harakatsiz, zarbsiz) harfdan tashkil topadi. Keltirayotgan misolimizda esa bir sokin yetishmaydi. Ya'ni, vatad ikki mutaharrik (ا) va (و)dan iborat bo'lib qolgan. ا (alif) oldidan bir sokin yetishmayotganligi sababli [a] fonemasi talaffuzida ohang zo'raki cho'zilyapti.

Bundan tashqari, [a] fonemasi baytning birinchi hashvida ham ch
hijo sifatida kelib [la:], vazn ohangi buzilmasligi uchun so'z birin
notabiiy bir shaklda talaffuz etiladi.

Misra' ohangidagi ana shu nuqson so'zlar o'mini almashtirish o
baytning keyingi variantida tuzatilgan. Kotib aybi bilan baytning bir
matnida ohang saktaligi yuz bergan bo'lsa, uning ikkinchi misra'
(fikrimizcha, baytning muallif nusxasi ham aynan shu matn bo'lishi ko
ma'ho va ohang uyg'unligi, so'zlar va harflar orasidagi uyg'unlik go'z
tarzda tiklanadi. Ya'ni, baytning sadridagi vatadi majmu' quyidagi shak
hosil šilinadi: گنا - sababi hafiyf (fo), گنیل - vatadi majmu' (ilo) va -
sababi hafiyf (tun). Vatadi majmu' aruzda talab qilinganidek, ikki mutabiq
- ل va - hamda bir sokin - گن dan iboratdir.

Quyidagi baytlardagi o'zgartirishlar ham yuqoridagi nuqtai
nazarlar natijasida amalga oshirilgan bo'lib, tag'yirdan so'ng
g'azallarning benuqson ravonligiga va xushohangligiga erishilgan.
Solishtirib ko'ring:

1. «Badoe' ul-bidoya» devonidagi 585-g'azalning beshinchi bayti:

Tiyg' ila g'amgin ko'ngul o'tig'a taskin bermading,
Eltkumdur ohkim tufroqqa ul suv hasratin.

Shu baytning «Favoyid ul-kibar» devonidagi ko'rinishi:

Tiyg' ila g'amgin ko'ngul o'tig'a taskin bermading,
Ohkim, tufroqqa elturmen ul suv hasratin.

O'zgartirilgan misra'larning taqti'lari:
El t kum dur /foilotun/ o h kim tuf /foilotun/ roq qa ul suv /foilotun/ ha
ra tin /foilon/;
O h kim tuf /foilotun/ roq qa el tur /failotun/ me n ul suv /failotun/ ha
ra tin /failun/.

II. «Navodir un-nihoya» devonidagi 573-g'azalning uchinchi bayti:

Ishq dardinmu deyin, hajri nabardinmu deyin,
Bu qatiq dard aro vaslining davosinmu deyin?

Bu g'azal «Badoe' ul-bidoya» da yo'q, «G'aroyib us-sig'ar» devonida esa
283-o'rinda keltirilgan. Baytning «G'aroyib us-sig'ar» dagi ko'rinishi:

Ishq dardinmu deyin, hajri nabardinmu deyin?
Bu qatiq dardlar aro vasli davosinmu deyin?!

O'zgartirilgan misra'lar taqti'lari:

Bu qatiq dar /foilotun/ da: ro vas li /foilotun/ ni da vo sin /foilotun/ mu
de yin /foilon/

Bu qatiq dard /foilotun/ la ra ro vas /foilotun/ li da vo sin /foilotun/ mu
de yin /foilon/.

III. «Navodir un-nihoya» devonidagi 283-g'azalning maqta'i:

Ey Navoiy kisvati faqr fano egniga sol,
Yo'qsa xirqang tengdurur gar atlas o'lsun gar palos.

Shu bayt «G'aroyib us-sig'ar» da 230-o'rinda quyidagi ko'rinishda berilgan,
«Badoe' ul-bidoya» da esa yo'q:

Ey Navoiy kisvati faqr fano sol egniga,
Yo'qsa xirqang tengdurur gar atlas o'lsun, gar palos.

O'zgartirilgan misra'lar taqti'lari:

Ey na vo yi /foilotun/ kis va ti faq /foilotun/ ru fa no eg /foilotun/ ni na
sol /foilon/;

Ey na vo yi /foilotun/ kis va ti faq /foilotun/ ru fa no so /foilotun/ na /foilon/ va b.

Vazn talablari yuzasidan yana quyidagi ko'rinishdagi o'ziga tuzatishlarga duch keldik. Ma'lumki, aruz arab tili xususiyatlariga qonunlariga moslab yaratilgan fan bo'lib, uning o'ziga tashabbusi bunday chegaralar doirasidan chiqishi tabiiydir. Masalan, turkiy aruzda harfning bitta qisqa yoki bitta cho'ziq hijo bo'lib kelishi hollari uchraydi. Auzshunoslikda juz'iy xato sanalmagan, balki umuman ayb hisoblanmagan. Misollarga murojaat etaylik. «Navodir un-nihoya» devoniga 358-o'rin kirgan g'azalning ikkinchi bayti:

Dayr jannatdur gar anda jilvagar har mug'bacha,
Shakl zohir aylar anda huru g'ilmondin bade'.

shaklida berilgan. Bu g'azal «Badoe' ul-bidoya» da yo'q, «Xazoyin» da maoniy» ning birinchi devoniga kirgan va ko'rinishi quyidagicha:

Dayr jannatdur gar anda jilvagar har mug'bacha,
Shaklikim zohir qilibtur huru g'ilmondin bade'.

O'zgartirilgan misra'larning taqti'lari:

Shakl 1 zo hi: /foilotun/ ray la ran da /foilotun/ hu ru g'il mon /foilotun/ din ba de' /foilon/;

Shakl 2 kim zo /foilotun/ hir qi lib tur /foilotun/ hu ru g'il mon /foilotun/ din ba de' /foilon/.

Baytning satrida bir ج (ro) harfi bir hijo bo'lib kelyapti /day r jan na/ foilotun, ibtido'da ham shu hol qaytarilgan /shakl 1 zo hi:/ - foilotun. Ko'rinayotganidek, ibtido'da vatadi majmu'da ط ج bir harakat (fatha, kasra yoki zamma) va bir sokin yetishmayapti. Ikkinchi sababi hafiif - ج ga harakat bir sokin yetishmayapti. Albatta, aruzda bunday ochiq hijolarning cho'ziq o'qilishida hech qanday taajjubli o'rin yo'q. Biroq, g'azalning keyingi variantida baytning avvalgi ko'rinishidagi yetishmayotgan o'rinlar

o'ldirilgan, «zohir» so'zi /zo: hi:/ sifatida emas, o'zining tabiiy talaffuzida qo'llanilib, bayt ohangi ravonligi yanada oshgan. Bundan tashqari, misra'dagi mazmunan ortiqchalik qilayotgan «anda» so'zi (hol) ham tarkibdan chiqarib tashlangan. Chunki, bu so'z baytning birinchi misra'sida bor bo'lib, uning ikkinchi misra'da ham qaytarilib kelishi natijasida hyech qanday badiiy san'at hosil bo'lmayapti, balki baytga ortiqcha yuk bo'lib tushyapti.

Xuddi shunday yana bir baytga e'tibor qilaylik. «Badoe' ul-bidoya» devoniga kirgan g'azalning matla'i:

Sarvdin gul butmasa qad uzra ruxsori nedur?!
Jon agar shirin desa, la'li shakarbori nedur?!

Baytning «Badoe' ul-bidoya» dagi ko'rinishi («Navodir un-nihoya» da bu g'azal yo'q):

Sarv uza gul butmasa qad uzra ruxsori nedur?!
Jon agar shirin desa la'li shakarbori nedur?!

Yoki:

Bordi Navoyiyo aning ko'yiga zorliq ko'ngul,
Ko'rgil agar inonmasang yo'l uza qonidin asar.
(«Navodir un-nihoya» 225-g'azal)

Maqta'ning «Navodir ush-shabob» dagi shakli:

Bordi Navoyiyo aning ko'yiga yorialiq ko'ngul,
Ko'rgil agar inonmasang yo'l uza qonidin asar.

Yoki quyidagi maqta':

Za'fdin maxmurliq yiqti Navoiy jismini,
Yor bazmi ayshida yod aylang ul aftodadin.
(«Badoe' ul-bidoya», 533-g'azal)

«G'aroyib us-sig'ar» da quyidagicha keltirilgan:

Za'fdin maxmurliq yiqti Navoiy jismini,
Yor ayshi bazmida yod aylang ul aftodadin.

(478-b.)

«Badoe' ul-bidoya» ning 310-g'azali ikkinchi bayti ham shunday maqsadda o'zgarishga uchragan:

La'lidin tirguzmak etsam orzu ayb etmangiz,
Hyech kim o'lturmak etmaydur Masihodin tama'.

«G'aroyib us-sig'ar» da:

La'lidin tirguzmak etsam orzu ayb etmangiz,
Kim kishi o'lturmak etmaydur Masihodin tama'.

(306-b.)

Shu kabi bir qator baytlarda uchraydigan tafovutlar bir harfning hijo bo'lib kelishining oldini olish maqsadida ehtiyotkorlikni talab qiladi.

Aruz fani harf va tovushlarning fonetik va orfoepik xususiyatlariga bog'liq bo'lganligi sababli ba'zi aruz amaliyotida ko'p uchraganligidan ahamiyatsiz bo'lib ko'ringan hodisalarga ham diqqatni jalb etishni talab qiladi.

G'azallar matnlarini qiyoslar ekanmiz, ko'p o'rinlarda «erur» fe'llari «bo'lur» bilan almashtirilganligini ko'rib chiqish zarur. «Bo'lur» va «erur» orasidagi leksik-semantik farq hozirgi zamon fe'l formalariga tegishli. Lekin, biz uchratganimiz variant baytlar matnida bunday tafovut, ya'ni ma'no jihatidan jiddiy ahamiyatga ega bo'lgan hodisalarga ham diqqatni jalb etishni talab qiladi. Ammo [e] va [b] fonemalarining xususiyatlari, so'zdagi va gapning stilistik tizimidagi mavqe'i masalalari esa e'tiborga egadek tuyuladi. Shu nuqtai nazardan ba'zi baytlar tahliliga qo'shilsak, A.Rustamovning yozishicha, [e]fonemasi turkiy so'zlarda ochiq

bo'g'inda bir qisqa bo'g'in hosil qiladi,⁵⁷ yopiq bo'g'inda esa bir cho'ziq bo'g'in hosil qiladi va turkiy so'zlarda doim so'z boshida keladi. Navoiyning ba'zi baytlarida bu fonema yolg'iz o'zi bir cho'ziq bo'g'in bo'lib keladi. Masalan,

Men xud o'ldim lek har oshiqki erur pokboz,
Navha tortib motamim tutmoqqa ma'zur o'lmasun.

Ramal bahrida yozilgan bu musammanning uchinchi rukni uchinchi hijosi yolg'iz [e] fonemasidan iboratdir. Xo'sh, buning nimasi ayb, aruzda kerakli o'rinda boshqa unli tovushlar singari [e] ham cho'zib aytilaveradi, degan fikr tug'ilishi tabiiy. Lekin, bu yerda gap shundaki, kitobatda ikki ع ning yonmayon joylashuvi natijasida -l alifning mavqe'i ancha susayib, /هكقيشاءروريا/, talaffuzda [e] dan oldin beixtiyor bir j (yo) ham orttirilgandek tuyuladi /j erur/. Bu ham aruz san'atida bor bo'lgan hodisa, ya'ni «...har harfki lafzda kelgay, agarchi kitobatda bo'limg'ay, taqti'da hisobg'a kirg'ay...».⁵⁸

Agar «erur» so'zidan oldin kelgan so'z undosh harf bilan tugaganda, bunday bo'lmas edi, ya'ni bayt uchinchi ruknining vatadi majmu'idagi yetishmayotgan mutaharrik harf o'rninga j talaffuz etilyapti. Boshqa matnda bu so'z «bordur» so'zi bilan almashtirilgandan so'ng rukndagi vatadi majmu' ham, sababi hafiyf ham to'liq bo'lib /بكراب - vatad, رود - sabab/, misra' ravon va mukammal ko'rinishga ega bo'ladi:

Men xud o'ldum lek har oshiqki bordur pokboz,
Navha tortib motamim tutmoqqa ma'zur o'lmasun.

Xuddi shunday tahrir «erur» lafzining «bilgil» lafzi bilan o'zgartirilishi natijasida quyidagi baytda ham amalga oshirilgan:

⁵⁷ Рустамов А. Навоий тилининг фонетик хусусиятлари. //Навоий ва адабий таъсир масалалари. Тошкент - 1968, 262-б.

⁵⁸ Алишер Навоий. XV томлик. Т.22. – Тошкент: Адабиёт ва санъат – 1966. 150-б.

Kesgali hushu xirad naxlini erur arrae,
Har xaroshekim junun sharhida faryodimda bor.
[«Badoe' ul-bidoya», 171-b., 6-bayt]

Kesgali hushu xirad naxlini bilgil arrae,
Har xaroshekim junun sharhida faryodimda bor.
[«Favoyid ul-kibar», 136-b.]

Mazkur muqoyasalardan shu narsa ma'lum bo'ladiki, o'z tilshunosligi Navoiy davri tilining fonetikasiga oid birqator ilmiy ishlar ega bo'lsa-da, Navoiy tilining fonetik xususiyatlari bilan bog'liq bo'lgan masalalarni to'la to'kis hal qilib beruvchi ilmiy tadqiqotlarga ega emas va narsa tilshunoslar va aruzshunoslar diqqatini jalb etishi lozim bo'lgan muhim masalalardan biridir.

Shoir devonlaridagi nihoyatda ravon va mukammal baytlarning bir necha variantlari uchraydi. Bu shunday matn variantlariki, ularda mukammalligini faqat shoiming eng daqiqunnazar, she'rshunos o'quvchisigina his eta oladi. Masalan, «Badoe' ul-bidoya» devonidan o'lgan quyidagi baytlarda bir qarashda ma'no va mazmun takror yuzasidangina tafovut borgan o'xshaydi. Biroq, e'tibor qilinsa, bayt aruz ikki ketma-ket kelgan undosh harfdan birining qisqartirilishi natijasida baytdagi ohang jilosi yanada tiniqlashgan. G'azal aruzning harbi musammani solim bahrida yozilgan bo'lib, tafovut g'azalning oltin baytida uchraydi:

Sovurg'il aql evin gardun, meni majnun qachon o'lsam,
Tanim tufrog'iyu ohim yelidin girdibod aylab.

Taqti'i:
Sovur g'i: laq /mafo'iylun/ levin gar dun /mafo'iylun/ meni maj nu
/mafo'iylun/ qacho no'l sam /mafo'iylun/
Tanim tuf ro /mafo'iylun/ g'iyu o him /mafo'iylun/ yeli din g
/mafo'iylun/ dibo day lab /mafo'iylun/.

Bu bayt «Navodir ush-shabob» da shunday:

Sovurg'il aql evin gardun meni majnun agar o'lsam,
Tanim tufrog'iyu ohim yelidin girdibod aylab.

Uning boshqa variantidagi misra' taqti'i:

Sovur g'i: laq /mafo'iylun/ levin gar dun /mafo'iylun/ meni maj nu
mafo'iylun/ nagar o'l sam /mafo'iylun/.

Nazar solinsa, bayt ruknlaridagi sabab va vatadlar mukammal hosil qilingan. Biroq, baytda bitta «qachon» lafzining «agar» lafi bilan almashtirilishi natijasida misra' ohangida biror o'rinda ham to'xtalish yuz bermayapti.

«Badoe' ul-bidoya» devoniga kirgan bir g'azalning maqta'iga ham o'ziga xos nozik bir tuzatish kiritilgan. Bu g'azal «Navodir un-nihoya» ga ham kiritilgan bo'lib, bu matnda o'zgarish yo'q. Ammo, u «Xazoyin ul-maoniy» devonlaridan «Navodir ush-shabob» ga kiritilishdan oldin o'zgartirishga uchragan. Mana o'sha bayt-maqta:

Ey Navoiy, gar vafosi qolmamish oning sanga,
G'am yemakim, anga husnining vafosi qolmamish.

«Husnining» lafzidagi -ni egalik va -ning kelishik qo'shimchalarining «ni: ni:» tarzida ikki qayta takrorlanishi so'z ohangi notabiyligiga sabab bo'lishi mumkinligi bois «anga husnining» birikmasini «anga ham husnin» birikmasi bilan almashtirish maqsadga muvofiqdir. Chunki, -ning qo'shimchasi taqti'da bir cho'ziq (-) ni: bo'lib keladi. Bu ha'da «Mezon ul-avzon» da shoir shunday yozadi: «Yana ortuqsi «nun» larkim, so'z irtiboti uchun «ning» /گنید/ lafzida bitilur, misli «oning» va «mening» va «sening» lafzida, andoqkim bayt:

Ey ko'ngul bilgilki bu jon ne seningdur, ne mening,
Balki oningdur desang, kimning deyinkim yorning.

Bobur o'z ilmiy tadqiqotlari bilan XV asr adabiyotshunosligi bo'lgan aruz haqidagi bahsu munozaralarga to'liq yakun yasadi. Uning kuzatishlari natijasida aruz ilmini yanada yuqori bosqichga ko'tarildi.

«Muxtasar» o'zigacha fors-tojik adabiyotida bo'lgan va «Mezon ul-avzon» dagi aruz nazariyasiga oid qarashlarni ijodiy jihatdan umumlashtirganligi va buning natijasida aruz nazariyasi hududini kengaytirganligi bois keyingi davrda eng ishonchli nazariy qo'llanma hamda manba' bo'lib qoldi.

Aruz nazariyasining keyingi ilmiy o'rganilishi Abdulrauf Fitrat, Sulton, Sodiq Mirzaev, Alibek Rustamov, Ummat To'ychiev, Hojjahmedov va A.Abdurahmonov kabi olimlar faoliyati bilan bog'liq. O'zbek aruzining Navoiy va Boburdan keyingi rivoji A.Fitratning «Adabiyot qoidalari», «Aruz haqida», (Toshkent, 1936), I.Sultonovning «Adabiyot nazariyasi» (1939), N.Shukurovning «Adabiyotshunoslik kirish», A.Rustamovning «Aruz haqida suhbatlar» (1972), «Navoiy badiiy mahorati» (1979), U.Tuychievning «Aruzshunoslikka doir» (1979) va A.Abdurahmonovning «Aruz nazariyasi» kabi asarlarining dunyoga kiritilishi bilan bog'liq. I.Sultonov tomonidan «Mezon ul-avzon» ning (1971) tanqidiy matni tayyorlanib, nashr ettirilishi, mashhur sharqshunos olim Sodiq Mirzaevning Navoiy aruziga bag'ishlangan nomzodlik dissertatsiyasi bu sohada qo'llanma sifatida kiritilgan eng katta muvaffaqiyatlardan biridir.

Adabiyotshunoslikda asarlar matnlarini qiyosiy o'rganish, ularni ma'lum sohalarida qandaydir yangiliklar kiritilishiga, muammolar va masalalarning paydo bo'lishiga sabab bo'ladi. Bugungi kunda aruz ilmiy jihatdan keyingi rivoji va ommalashuvi masalasi davrimiz adabiyotshunosligini dolzarb nuqtalaridan biridir. Navoiy asarlari vaznlari va u bilan bog'liq muammolar, jumladan, shoir g'azaliyotida vazn nuqtai nazaridagi muamla ko'pgina muammolar, jumladan, shoir g'azaliyotida vazn nuqtai nazaridagi muamla amalga oshirilgan tahrirlarni jiddiy o'rganish bu sohada ma'lum darajada ijobiy siljishga olib kelishi mumkin. Tojik olimi R.Musulmonqulov o'zining «Persidsko-tadjikskaya klassicheskaya poetika X-XV vv» nomli kitobida shunday yozadi: «Analiz nablyudeniy srednevekovykh avtorov po povodu

arusheniy ot delnyimi poetami nekotorykh kanonov aruza pomog by byasnit vopros o proisxojdennii i razvitiu tadjiksko-persidskogo aruza».

Turkiy aruzning ham paydo bo'lishi va taraqqiyoti masalasi fanimizda anuz ochiq turgan muammolardan biridir. Navoiy o'zining «Majolis un-nafois» asarida forsiy va turkiyzabon shoirlar ijodlaridagi qator kamchilik va nuqsonlar haqida nazokat bilan gapirib o'tadi. Biroq, undan keyingi adabiyotshunoslikda aruz qonuniyatlari sohasida turli davr shoirlari ijodida ko'zga tashlangan yutuq va kamchiliklar, ahli tab'ning o'z ijodlariga bo'lgan munosabatlari, o'z ijodiy mahsulotlarini o'zlari isloh qilishlari masalalari bilan bog'liq e'tiborga molik biror tadqiqot ko'zga tashlanmaydi.

Navoiy lirikasi, epik va nasriy asarlari vaznlari xususida bir qator ilmiy tadqiqotlar bajarilgan bo'lsa-da, ular Navoiyning aruz fanida naqadar mukammal ijod etganligini ta'kidlagan, isbot etgan holda, uning turkiy aruz taraqqiyotiga qo'shgan hissasini aniqlash uchun yetarli manba' bo'la olmaydi. Bu hol Navoiy ijodiy jarayoni xususiyatlarini ham jiddiy va har tomonlama o'rganishni taqozo etadi. Navoiy asarlari matnlarini vaznlari sohasida qiyoslab o'rganishimiz natijalari esa shoir g'azallari matnlarining mukammalroq asiyatga yaqinini topish, ilmiy-tanqidiy matn yaratish sohasidagi izlanishlarga muhim yangilik bo'lib qo'shiladi.

Turkiy tilli xalqlar ijodiyotida aruz juda uzoq tarixga ega bo'lsa-da, uni adabiyotshunoslik fani talablari nuqtai nazaridan nazariy jihatdan o'rgangan va ommalashtirgan shaxs Navoiy edi. Aruzning amaliy taraqqiyotini ta'minlashda shoiming «Xazoyin ul-maoniy» devonlarini tuzish davridagi ijodiy mehnati boshqa juda ko'p omillar qatorida o'ziga xos bir bosqich bo'ldi.

Mavzuni mustahkamlash uchun savollar:

1. Turkiy tilli xalqlar ijodiyotida aruz uzoq tarixga ega ekanligi haqida Alisher Navoiy qaysi asarida ma'lumot beradi?
2. Alisher Navoiy o'z lirikasida badiiy san'at vositalaridan mukammal darajada foydalanar ekan, o'sha davr turkiy she'riyatidagi an'analarga qanday munosabatda bo'ldi?

3. Navoiy «Majolis un-nafois» tazkirasida qay tariqa o'ziga o'tgan va zamondosh bo'lgan shoirlar ijodini badiiy tahlil etgan?
4. Navoiy ijodiy tamoyillaridan biri bo'lmish uning o'z davri «Debocha»lar bilan ta'minlaganligi hodisasini qanday tushuntirish mumkin?
5. O'rta asr adabiyotshunoslari tomonidan qo'llangan «lafza» jumlasini qanday tushunasiz?
6. Ulug' shoiming ijtimoiy mavzu vositasida yuzaga kelgan «g'azallari haqida nimalarni bilasiz?»
7. Shoir hayotining turli davrlarida o'sha davr mazmuni hamohang ravishda namoyon bo'lgan she'riyat adabiyotshunoslari tomonidan qanday tavsiflangan?
8. G'arb olimlari o'rta asrlar sharq adabiyotida o'ziga xos mustaqil originallik haqida fikr yuritish ekanlar, sharq poetikasiga qanday beradilar?
9. Arab musulmon nazariyotchilaridan Abd-al-Qahir Jurjoni o'zining «Dalo'il al-e'joz» va «Kitob asror al-balog'a» asarlarida Qur'oni Karimni betakror badiiyatini ta'minlashi mumkin bo'lgan omillar haqida qanday ma'lumot beradi?
10. Bobur o'z ilmiy tadqiqotlari bilan XV asr adabiyotshunoslari tomonidan bo'lgan aruz haqidagi bahsu munozaralarga qay tariqa yakun yasadi?

Zaruriy adabiyotlar:

1. Абдуғафуров А. Буюк бешлик сабоқлари. - Тошкент, 1995. 186 б.
2. Абдуғафуров А. Навоий сатираси. - Тошкент: ФАН, 1966. 316 б.
3. Бертельс Е.Э. Избранные труды. «Наваи и Джами». - М., Наука, 1965. С.164.
4. Валихўжаев Б. Мумтоз сиймолар. 2 томлик - Тошкент, 2002. 508 б.
5. Воҳидов Р. Алишер Навоий ва илоҳиёт. - Бухоро, 1994. 176 б.
6. Зоҳидов В. Дебочанинг сири. - Тошкент, 1975.
7. Каримова Ф. Ўзбек адабиётида дебоча. (НДА). - Тошкент, 1993.
8. Комилов Н. Маънолар оламига сафар. - Тошкент: "TAMADDUN", 2012.

9. Куделин В.Г. Средневековая арабская поэтика. - Москва: Наука, 1991. 362 с.
10. Мирзоев А.М. Рудаки и развитие газели. - Сталинабад: Таджикгосиздат, 1958. 71 с.
11. Мусульманкулов Р. Персидско-таджикская поэтика X-XV вв. - Москва: Наука, 1989. 240 с.
12. Муҳиддинов М. Комил инсон – адабиёт идеали. – Тошкент: Маънавият, 2005.
13. Османов М.Н. Стиль персидско- таджикской литературы. (X-XII вв). - Москва: Наука, 1971. 267 с.
14. Проблемы арабской культуры. - Москва: Наука, 1987. 392 с.
15. Проблемы восточного стихосложения. - Москва: Наука, 1973. 184 с.
16. Проблемы исторической поэтики литератур Востока. - Москва: Наука, 1988. 312 с.
17. Сирожиддинов Ш. Навоий навосидан баҳра олиб... - Самарканд: "Зарафшон", 1996. – 184 б.
18. Филлмор Ч. Основные проблемы лексической семантики. // Новое в зарубежной лингвистике. Вып. XI. – Москва, 1983. С. 32-34.
19. Ҳасанов С. Бобурнинг “Аруз рисоласи” асари. – Тошкент: Фан, 1981. 132 б.
20. Шидфар Б.Я. Образная система арабской классической литературы (У1-XII вв). – Москва: Наука, 1979. 254 с.
21. Шпет Г.Г. Внутренняя форма слова. – Москва: Наука, 1927. 136 с.
22. Шпет Г.Г. Герменевтика и её проблемы. – Москва: Наука, 1923. 128 с.

NAVOIY IJODIDA TURKIY SHE'RIYAT TARAQQIYOTI MASALALARI

Dars rejasi:

1. Alisher Navoiy ijodida qadimiy turkona she'riyat an'analarining yangilanishi.
2. Ijtimoiy ruhdagi g'azallarda g'oya-mazmun va obraz takomili.
3. Alisher Navoiyning o'z davrida keng tarqalgan janrlardagi asarlari.

Tayanch iboralar: "Mezon ul-avzon", poetika, ma'muriy she'riyat, turkona, turkiy, jamiyat, ahli davron, sufiyona, keksalik, mafhum.

1. Markaziy Osiyoda mo'g'ul istibdodidan so'ng boshlangan turkiy yuksalish davrida turkiy tilda badiiy asarlar yaratilgan bo'lgan ehtiyoj kuchaydi. X-XII asrlar o'zbek diniy adabiyotida xususan, Xoja Ahmad Yassaviy ijodida turkiy she'riyatning asosiy tarkibiy omillaridan biri bo'lmish xalqchilik an'anasi – badiiy fikrning til va uslub jihatidan oddiy xalqqa tushunarli, ta'sirchan she'riy ifodasi ko'zga tashlansa, XVI asr boshlaridagi adabiy yodgorliklarda nafaqat mavzu va mazmun, balki shakl jihatidan turk o'ziga xos turkonalikka intilish, aniqrog'i, turkiy qo'shiq uslubi vazniga murojaat etish hollari kuzatiladi. Nosiruddin Burhoniddin o'g'li Rabg'uziyning «Qisas ul-anbiyo» (1310/11) asarida turk qo'shiqning shoyon vaznlaridan biri ramali musammani maqsud yozilgan she'rning uchrashi bunga bir misol bo'la oladi:

Kun hamalga kirdi ersa, keldi olam navro'zi,
Kechdi bahman, zamharir qish, qolmadi qori bo'zi.

Haydar Xorazmiy Nizomiyning «Maxzan ul-asron» dostoni tarjimasiga kirishar ekan, turkiy tilda yozilishi lozim bo'lgan azimiy asarlarning badiiy jihatdan yuksak, ya'ni tom ma'noda tarkona bo'lishi uchun she'rning qo'shiq janri bilan uyg'unligi muhim talablardan biri ekanligini ta'kidlab, «Gulshan ul-asron» dostonida yozadi:

Turk zuhuridur o'chunda bukun,
Boshla ulug' yir bila turkona un.
Rost qil ohangi navovu hijoz,
Tuz yotug'on birla shudurg'uni soz.
Turk surudini tuzuk birla tuz,
Yaxshi ayolg'u bila ko'kla qubuz.

Turkiy tildagi xalqchil she'riyatning turkiy mumtoz she'riyat darajasiga yetish jarayoni, ma'lum bo'lganidek, XV asrning ikkinchi yarimlarigacha davom etadi. Bu ijodiy takomil jarayoniga Alisher Navoiy lirikasi yakun yasadi. Navoiy qadimgi o'zbek tilining taqdiri yuzasidan Sulton Husayn Boyqaro amalga oshirgan siyosati va amaliy tadbirlarni o'ziga xos yo'sinda qo'llab-quvvatladi. Har ikki tilda (forsiy va turkiy) ijod qilish iqtidoriga ega bo'lgan Husayn Boyqaro o'z asarlarini, asosan, o'zbek tilida yaratganligi tasodifiy emas edi va Navoiy «Muhokamat ul-lug'atayn» da yozishicha, uning tomonidan «...iltifot va ixtimom yuzidin ba'zi ma'nilar topib, nazm qilurg'a hukmlar ham joriy bo'ldi va so'z uslubig'a ta'yinlar va adosig'a ta'limlar ham izhori bo'ldi». Binobarin, u «Majolis un-nafois» ning 8-majlisida Husayniy g'azallarining qofiya va radiflaridagi ixtirolarini ta'rif etadi. Navoiy turkiygo'y shoirlar ijodida qofiya masalasiga jiddiy e'tibor berib (Atoiy baytini eslang), qofiyaning ohang jihatidan muvofiq bo'lishini turkona (ya'ni, sodda, xalqona, og'zaki ijod namunalariga yaqin) deb baholaydi. Biroq, bu hodisani klassik Sharq she'riyati badiiy qonuniyatlari talablari nuqtai nazaridan tanqid («aybg'inasi»)

qiladi. Shoirning Husayniy devonidan keltirgan baytlari muzm turkona, qofiyaning asosi bo'lmish raviiy nuqtai nazaridan klassik adabiyot qofiya nazariyasi talablariga javob beradi bo'lganligi sababli ham tahsinga sazovor bo'ladi. Demak, munosabat bilan Navoiy Husayniyning ijodi turkiy she'riy mumtoz adabiyot poetikasi qonun-qoidalari doirasiga kirishi uchun katta ahamiyatga ega bo'lganligini bilvosita ta'kidlaydi. Tur she'riyatning badiiy qonuniyatlar tizimi talablariga yaqin, tal rivojini yanada tezlatish uning adabiy-estetik o'ziga xosligi ijtimoiy faolligini oshirish uchun nimalarga e'tibor qilin kerakligini Navoiy birinchi bo'lib anglab yetdi. Eng avvalo, she turkona uslubiy asoslardagi she'riyatning klassik uslub darajasida takomili uchun turkonalik an'analaridan katta mahorat bilan foydalanib ijod qildi. Ikkinchidan, turkiy she'riyatni mustaqil musammat kabi yangi janrlar bilan boyitdi. Bundan so'ng, betak badiiy tasvir usullari va favqulodda ta'sirchan badiiy lavha yaratish bilan bir qatorda, tatabbu va tazmin san'atlarining ham yangicha namoyishini ko'rsatdi.

Shu o'rinda Alisher Navoiyning «turkona» atamasiga bo'lgan munosabatini aniqlab olmoq lozim. Navoiy bu atamani ham ijod ham salbiy ma'noda qo'llaydi. Taniqli adabiyotshunos Yo.Is'hoq Navoiyning turkona she'riyatga bo'lgan salbiy munosabati quyidagi mulohazalar bilan izohlaydi: «...poetik sintaksisning oddiyligi, yengil vaznlarning (ko'proq yengil vaznga ega ramal hazaj bahri) qo'llanilishi, qofiya masalasida folklorga yaqinlik (ya'ni, alliteratsion-intonatsion prinsipning saqlanganligi), janr hukmronligi (ko'proq tuyuq) poetikasi (g'azalning hajmi kompozitsiyasi, tematikasi) borasida ham o'ziga xoslikka ega. Lekin bunday xarakterdagi she'rlar uchun xilma-xil murakkab figuralar xarakterli bo'lmasa-da, tajnis san'ati muhim mavqyega ega. Shoirning «turkona» ga bo'lgan ijobiy munosabatini esa «turkiy» deb atalmish qo'shiq turiga nisbatan aytilgan mulohazalarida anglab olish mumkin: «Yana surudedurkim, ani «turkiy» debdurkim»

bu lafz anga alam bo'lubdur va ul g'oyatdin tashqari dilpisand va ruhafzo va nihoyatdin mutajoyiz aysh ahdig'a sudmand va majlisoro suruddur...» Ko'rinayotganidek, Navoiy turkona she'riyatga shakl va poetika talablari nuqtai nazaridan baho berganda salbiy munosabat bildiradi, mavzu, ma'no-mazmun nuqtai nazaridan yondashganda esa ijobiy fikrlar bayon etadi. «Mezon ul-avzon» asarida shoir turkiy tildagi she'rlarni «asosan, qo'shiqlar» vaznlari nuqtai nazaridan tahlil etar ekan, «turkiy» deb atalmish qo'shiq turiga alohida to'xtaladi. Navoiy yuqorida keltirgan tavsifda «turkiy» ni «surud» deb atagan. Surudning bir ma'nosi – ashula, qo'shiq bo'lsa, ikkinchi ma'nosi she'r – demakdir. Akademik B.Valixo'jaev mulohazalariga ko'ra, Navoiy «turkiy» ning yozma adabiyot poetikasi qonuniyatlarini qabul qilganligiga e'tibor berib, uning she'rlik ma'nosiga ko'proq moyillik ko'rsatganligi sezilib turadi. Shu nuqtai nazardan, «...shoir «turkiy» ga alohida she'r janri sifatida qaraydi va uning o'ziga xos janriy xususiyatlarini ham ko'rsatib o'tadi. Bulardan birinchisi shundan iboratki, turkiy eski o'zbek tilida yozilib, shu munosabatda turkiy nomi bilan shuhrat qozongan... Ikkinchidan «turkiy» «g'oyatdin tashqari dilpisand va ruhafzo va majlisoro suruddur», uchinchidan, «turkiy» da fikr ravon til va badiiy jihatdan noziklik bilan ifodalangan, va nihoyat, to'rtinchidan, u ramali musammani maqsur vaznida yozilgan». Shu tarzda olim Navoiyning «Mezon ul-avzon» da bergan ma'lumotlariga asoslanib, «turkiy» ning boshqa she'riy janrlardan farq qiluvchi o'ziga xos xususiyatlarini, qisqacha bo'lsa-da, bayon etadi. Ta'kidlash joizki, Navoiyning «Majolis un-nafois» va «Mezon ul-avzon» asarlaridagi boshqa ma'lumotlar ham «turkiy» ning janr xususiyatlarini aniqroq tasavvur etishga imkon beradi.

Bobur ham xalq qo'shiqlaridan tarxoniy va turkiy haqida ma'lumot berar ekan, «Sulton Husayn Mirzoning zamonida yana bir surud chiqdikim, «turkiy» ga – o'q mavsum bo'ldi, anga ushbu vaznni taqsim qilurlar, ul dag'i ikki davrda bog'lanibdur», – deydi. Demak, Alisher Navoiy va Boburning ilmiy risolalarida maxsus

qayd etilib, muayyan shakl va mazmun hamda tematik jihatdan qiyofasiga ega bo'lgan «turkiy» she'r bu davrda lirik janr darajada ko'tarila borgan.

She'riyatda shakl va mazmun munosabatlari masalalar mazmun yetakchiligini doim ta'kidlagan Navoiy «turkiy» yangi mazmun va rang-barang mavzular bilan boyitish maqsad qildi. Ya'ni, Alisher Navoiy «turkiy» si faqat ishqi muhabbat bilan bog'liq bo'lgan kayfiyat bayoni yoki tasviriy iborat bo'lib qolmay, unda falsafiy munosabat kuchayadi, iborat va muhabbat tushunchasi, yor va uning tasviri tushuncha yanada kengayadi. Shu nuqtai nazardan, Navoiyning «turkiy» uslubda muayyan syujet chizig'iga ega bo'lgan yakporatadriji g'azallarni ko'plab yaratganligi e'tiborlidir. Xosha «Ilk devon» dan «Kecha kelgumdur debon...», «Yog'lig'ing, eykim, tikarsen...» parivashkim...», «Yog'lig'ing, eykim, tikarsen...» g'azallarining o'rni olishi fikrimizga yorqin misoldir.

Navoiy «turkiy» sining yana bir xususiyati shundaki, she'r devonlarida, bir tomondan, oshiqona turkiy she'rlar mavjud bo'lgan ikkinchi tomondan, «turkiy» ga xos vazn va uslubda bitgan ijtimoiy falsafiy va satirik g'azallar ham uchraydi.

Alisher Navoiyga qadar yashagan va unga zamondosh bo'lgan turkiygo'y shoirlar ijodi, asosan, ma'lum ma'noda tematik jihatdan chegaralangan «turkiy» janridagi she'rlar doirasida qolgan bo'lgan (tuyuq janrini istisno etganda), Navoiy bu janr imkoniyatlarini yanada vazni va badiiy tasvir uslubidan foydalanib, yangi mavzu shakldagi g'azallar yaratdi.

Alisher Navoiy «Mezon ul-avzon» da qo'shiqlarning bir nechturini tavsiflab beradi, ya'ni, «Birisi «tuyug'» durkim, ...», «Va yana turkiy qo'shiq durkim, ...», «Yana «chinga» durkim, ...», «Va yana turkiy ulusida bir suruddurkim, ani «muhabbatnoma» derlar...», «Va yana turkiy bu xalq orasida bir surud bor ekandurkim... ani «musta'zod» derlar...», «Yana Iroq ahli tarokimasida surude shoe'kim, ani «aruzvoriy» derlar...», «Yana sudedurkim, ani «turkiy» debdurkim...

kabi. Ana shu qo'shiq turlaridan bo'lmish musta'zodning Navoiyga qadar ijod qilgan shoirlardan faqat Gadoiy devonida yagona namunasi uchraydi.

Navoiy musta'zod uslubida she'rlar bitib, o'zining birinchi rasmiy devoni «Badoe' ul-bidoya» ga uning uchta namunasini kiritadi. «Xazoyin ul-maoniy» devonlarning har biriga bittadan asarni joylashtirgan. Shoirning devonlari debochalarida batafsil asoslab bergan tadvinchilik (devon tartib berish) sohasidagi badiiy-estetik tamoyillarini nazarda tutadigan bo'lsak, uning bu hodisadan ko'zda tutgan maqsadi ayon bo'ladi. Buyuk shoir devon tartib berganda imkon qadar bircha lirik janrdagi asarlarni kiritmoq lozimligini ta'kidlar ekan, musta'zodni o'zbek mumtoz she'riyatining lirik janrlaridan biri sifatida o'rtnashib qolishini maqsad qiladi. Shu bilan birga, o'zidan keyin devon tartib beruvchilarga bu janrda ham she'rlar ijod qilish lozimligini bilvosita uqdiradi.

Alisher Navoiy o'zbek mumtoz she'riyatida musammat janri taraqqiyotiga asos solgan ijodkordir. Navoiyga qadar musammatning faqat mustaqil (tab'i xud) shakllaridagi namunalarigina yaratilgan edi. O'zbek lirik poeziyasida g'azal va musammat tarixi va rivojini mufassal tadqiq etgan olim R.Orzibekov bu haqda shunday yozadi: «...Musammatning tazmin usulidagi ilk namunalarini yaratish bilan Navoiy o'z g'azali asosida musammatlar yaratish an'anasini boshlab berdi. Alisher Navoiy boshqa qator lirik janrlarning reformatori bo'lganidek, Sharq musammatchiligi imkoniyatlarini kengaytirdi. U o'z ijodi misolida bu sohada ham hayotbaxsh adabiy maktab yaratdi. Musammatning muxammas, musaddas va musamman kabi tazmin shakllarini kashf etdi». Olim keyingi yillarida Shayx Ahmad Taroziyning «Funun ul-balog'a» nomli asarining topilishi va ilmiy jamoatchilikka taqdim etilishi munosabati bilan yozgan maqolasida garchi Navoiy va Husayniyning ijodida musammatning g'azallar asosidagi tazmin namunalarini yaratish usullari kashf qilingan va badiiy ijod tajribasiga joriy etilgan bo'lsa-da, uning mustaqil (tab'i xud)

g'azallarning matla'lari bir xil bo'lganidek, hajm jihatidan ham bir xil, yetti baytlidir.

Tazmin va tatabbu san'ati ishlatilgan «Xazoyin ul-maoniy» dagi 433-g'azalda avvalgi g'azalning vazni, radifi va beshta qofiyasi saqlangan. Ikkala g'azal ham tasvir asosiga qurilgan bo'lsa, birinchi semantik-emotsional tasvir g'azallar kompozitsiyasi asosini tashkil etadi. G'azallarni baytma-bayt tekshiradigan bo'lsak, ikkinchi g'azalda tasvirlangan biror obraz yohud badiiy lavha voqiyalar g'azalda ham shu tasvir ob'ekti yoki u bilan bog'liq voqiyalar yanada yorqinroq, kengroq ifodalab keladi. Ikki she'rda mazmun mos bo'lgan baytlarning qofiyalari ham bir xil. Endi bayt yonma-yon qo'yib, muqoyasa qilib ko'raylik.

Avvalo, ko'ngil obrazi bilan bog'liq lavha:

Demang ko'nglung qanikim, hajrdin behush edim,
Qay sori borg'onin ul bexonumonim bilmadim.
(«Navodir un-nihoya», 3-bayt)

Ul pari to jilva qildi bordi ko'nglum, vah, qayon,
Bo'ldi ul ovvorai bexonumonim, bilmadim.
(«Xazoyin ul-maoniy», 5-bayt)

Yorning ta'na qilishi bilan bog'liq lavha, «Navodir un-nihoya» to'rtinchi bayt:

Vaslidin so'z deb bu yanglig' ta'nig'a xush kelmasin,
Bilmadim, ey qotili nomehribonim, bilmadim.
«Xazoyin ul-maoniy», uchinchi bayt:

Demadingmu, dema rashkimniki, boqting g'ayrimu,
Bilmadim, ey kofiri nomehribonim, bilmadim.

Maqta'din oldingi bayt ikki g'azalda ham ijtimoiy-falsafiy fikrlar o'zanida, shoirning foniy bo'lmoq, o'zligidan qutulmoq xususidagi mushohadalari asosiga qurilgan.

«Navodir un-nihoya», oltinchi bayt:

O'zlukimdin ranja erdim ichkali jomi fano,
Bexud o'ldum o'ylakim nomu nishonim, bilmadim.

«Navodir ush-shabob», oltinchi bayt:

Do'stdin bildim nishon, to topmadim o'zdin nishon,
Lek o'zdin toki bor erdi nishonim, bilmadim.

G'azallar maqta'larida mazmunan lirik qahramon – shoirning ruhiy holati bayonida tafovut ko'rinadi. Birinchi g'azal maqta'ida oshiqning tushkun, shikoyatomuz holati tasvirlansa, ikkinchi g'azal maqta'i optimistik ruh bilan sug'orilgan:

«Navodir un-nihoya», yettinchi bayt:

Ey Navoiy, oshiq o'lg'onda dedim qolg'ay nihon,
Bo'ylakim olamni tutqay dostonim bilmadim.

«Navodir ush-shabob», yettinchi bayt:

Ey Navoiy, yor ko'ngli mehrmu qildi ayon,
Yo asar qildi anga o'tlug' fig'onim, bilmadim.

Shu va boshqa jihatlariga ko'ra «Xazoyin ul-maoniy»ga kiritilgan mazkur g'azalni tatabbu san'atining go'zal namunasi deb baholash mumkin.

Shuningdek, g'azallariga o'z baytlarini tazmin qilish hodisasi boshqacharoq shaklda shoirning yana bir g'azalida uchraydi. «Navodir ush-shabob» dagi 468-, 469-g'azallarning ikkinchi baytlari aynan o'xshash, matla'lari esa mazmunan bir-biriga juda

yaqin. Bu g'azallar misolida ham Navoiy tatabbuning namunasini, iqtizo san'ati va tazmin san'atining salx namoyish etadi. Ya'ni, 468-g'azalga tatabbu qilib yaratilgan g'azalning ikkinchi bayti tazmin qilinib, avvalgi g'azal aynan olingandir. Tazminning salx shakli esa g'azalning matn

- Vahki, o'tlug' chehra ochib xonumonim o'rtading, Otashin la'lingdin aytib nukta, jonim o'rtading (468-g').
- Otashin ruxsori ochib xonumonim o'rtading, Xonumonim xud ne bo'lg'ay jismu jonim o'rtading (469-g').

To'rtinchi bayt:

- O't aro qil to'lg'onib kuygondak ul yuz shavqidin, Nechakim tob urdi jismi notavonim o'rtading (468-g').
- To'lg'onib kuysam ajab yo'q o'tqa tushgan sho'ladek, Chun firoq o'tida jismi notavonim o'rtading (469-g').

va maqta'ida ishlatilgan:

- Ey Navoiy, to belu og'zi xayoli aylading, Boru yo'q, ya'niki paydovu nihonim o'rtading (468-g').
- To Navoiydek belu og'zing xayoli birla men, Ushbu yo'q savdoda paydovu nihonim o'rtading (469-g').

G'azallarning har biri alohida o'z tasvir usuli, ixcham, ya'ni kompozitsiyasiga ega bo'lgan g'azallar ekanligidan dalolat beradi. G'azallarning biri (468) «Navodir un-nihoya» ga 354-o'rinida ikkinchisi (469) «Badoe' ul-vasat» ga 358-o'rinida o'zgartirish kiritilgan. Demak, Navoiy g'azallarini devonlariga tartib bilan joylashtirar ekan, ularning semantik strukturasi, kompozitsiyasiga tuzilishiga alohida e'tibor bergan. Buning natijasida g'azalning kompozitsiyasi bilan bog'liq badiiy san'at usullarining (tatabbuning tazmin) o'z g'azaliyotida ijodiy rivojlanishiga va bu sohada

an'analarning yangi-yangi o'zanlarda taraqqiy etishiga imkoniyat yaratgan.

Xulosa shuki, donishmand adabiyot nazariyotchisi va mutafakkir shoir Alisher Navoiy benazir lirikada o'zbek she'riyatining qadimiy an'analari va badiiy o'ziga xosliklaridan jodiy foydalanib ulkan ijodiy muvaffaqiyatlarga erishgan va bu hol avlodlar uchun alohida ibrat va xos maktab vazifasini o'tayveradi.

2.

Insonga yaratguchi tomonidan hadya etilgan iste'dod, qobiliyat harakatga keltirilmasa, sayqallanmasa so'nib ketishi muqarrardir. Alisher Navoiyning «Nasoyim ul-muhabbat» asarida mashhur sufiy Bahouddin Naqshbandning o'z piri ruhoniysi Abduxoliq G'ijduvoni bilan uchrashuvi voqyeasi quyidagicha hikoya qilinadi: «Andoqki, der ermishlarki, mabodii ahvolda bir kecha g'alaboti jazabotdin Buxoro mazorotidin uch mazorga yetishdim. Har mazorda bir chirog'don ko'rdum, yonadurg'on yog'i to'la va fatilalari yog' ichinda. Ammo fatilalarga biror nima harakate bermoq kerak erdiki, yaxshi tutashqay va yorug'ay. So'nggi mutabarrak mazorda qiblag'a mutavajjih o'lturdum va ul tavajjihda g'aybate voqye' bo'ldi. Mushohada qildim. Qibla devori shaq bo'ldi va bir ulug' taxt paydo bo'ldi...

Pire ko'rdum nuroniy. Salom qildim. Javob berdilar; va so'zlarki, suluk mabdaida va vasatida va oxirida kerakliktur, manga bayon qildilar va dedilarki, ul charog'larki, ul kayfiyat bila sanga ko'rguzdilar ishorat va bashoratdur sanga bu yo'l qobiliyat va iste'dodidin. Ammo iste'dod fatilasini harakatg'a kelturmak kerak, to yorug'ay va asror zuhur qilg'ay...»⁶⁰

Parvardigori Olamning xos bandalari - ahli hol manoqiblarida keltirilgan ushbu parchadan ko'rinayotganidek, hattoki raso aql, e'tiqod, valoyat va juda ko'p fazilatlar bilan oddiy insondan balandroq turguvchi avliyoulloh ham o'zlariga hadya etilgan iste'dod, qobiliyatni muntazam

⁶⁰ Абдуғафуров А. Навоий сатираси. 1-китоб. - Тошкент: ФАН - 1966. - 131 б.

tarbiya qilmoqlari, o'stirmoqlari, rivojlantirmoqlari zarur ekan. yetkazishni lozim topdi. Shu tariqa bungacha biror shoir yoxud nasmavis tajribasida ko'rilmagan, o'z davri adabiy jamoatchiligining yuksak etiboriga sazovor bo'lgan «Xazoyin ul-maoniy» devonlari dunyoga keldi. Ijodiy mahsuldorlikning bu ko'rinishi Navoiydan keyingi adabiyot ahli biografiyasida ham uchramaydi. Navoiy o'zining bu farahbaxsh ijodiy mehnati qay yo'sinda kechganligini «Xazoyin ul-maoniy» debochasida batafsil bayon etadi. Shoiming yoshlik va yigitlik davri lirikasida ilohiy ilhom bilan dunyoga kelgan quyma g'azallar uchraydiki, keyinchalik shoir ulaming biror satriga ham qalam tegizmagan. «Kecha kelgumdur debon...», «Ul parivashkim...», «Furqatingdin zafaron...», «Orazin yopqoch...» kabi mashhur g'azallar shular jumlasidandir. Biroq, ana shu g'azallar yaratilgan davrdagi yolqinli ilhom, yetuk mahorat shoiming keyingi davrlardagi she'riyat sohasida erishgan chuqur bilimi, tajribasi, yuksak ijodkorlik saviyasi uchun asos bo'ldi, desak adashmaymiz. Demak, yoshlik davridagi mahorat yetukligi, keksalik davridagi bilim, tajriba barkamolligi shoir poetik uslubining muntazam takomili uchun xizmat qildi. Shu munosabat bilan shoir devonlari qo'lyozma nusxalarida she'riyat matnlari turli variantlari uchrashi hodisasiga e'tibor qilsak.

Demak, har bir iste'dod egasi tinmay o'z mahoratini oshirishga, ta'biyotga intilmog'i lozim. Ijodkorning hayotiy tajribasi, dunyoqarashi, ijtimoiy salohiyati, ijodiy uslubi kabi qator tushunchalar esa mahorat jilolarini maqomda kuzatuvchi, isloh etuvchi vositalardir. Binobarin, ana shu ijodkorning etilgan fazilatlar uyg'unlikda ma'lum chegaraga yetgach, ijodkor mahoratiga o'zi baho bera oladi. Bu tabiiy hol. Chunki, iste'dod egasi ijodiy imkoniyatlarini mukammal tasarruf eta olganligiga amin bo'ladi. mahorati darajasini chetdan kuzata oladi.

Chunonchi, Alisher Navoiy «Muhokamat ul-lug'atayn» asarida ijodiga komil ishonch bilan «xayolimg'a andoq kelurkim, so'zum mar'atim avjdin quyi inmag'ay va tartibim kavkabasi a'lo darajadin o'zga yozgan beganmagay», deya yuksak baho beradi. Shoiming bu fikrlari zarur ekan. Navoiy yotgan katta haqiqat izoh talab etmaydi. Biroq, shu narsa ayonki, Navoiy benazir shoir va daho mutafakkir sifatida XV asr adabiy hayotida birinchi paydo bo'lmadi. U juda kichik yoshligidanoq yorqin iste'dod bo'lib ko'rsatib tashlandi va o'z asri madaniy, adabiy muhiti ta'sirida buyuk shoir sifatida mutafakkir darajasiga yetdi. O'zidagi ilohiy inoyat - iste'dod ne'matini jamiyatga erta anglagan Navoiy uni yuzaga chiqarish uchun qattiq mehnat qilgan. U mashaqqatlar chekish lozimligini ham tushundi. Xuddi shu mehnat keyinchalik, shoiming olamshumul ijodini tinmay yuksaklikka undovga kuch bo'ldi.

Bu ilohiy iste'dod o'z ijodiga nisbatan nihoyatda talabchan bo'lgan Navoiy o'z iste'dodiga o'zi hakamlilik qildi, asarlariga muttasil yangiliklar o'zgartirishlar kiritib turdi. Yoshi 50 dan oshgan, salomatligi tartib bilan yomonlashgan bir davrda esa «Xazoyin ul-maoniy» devonlariga tartib bilan kabi juda katta va sermashaqqat mehnatni ham amalga oshirdi. Bu davrda Navoiy nazmiyotining adadi ancha katta bo'lib shoir o'z lirik yaratmalarini kulliyotini saylanma sifatida, she'rlarining eng yaxshilarini tanlab tartib bilan ham bo'lar edi. Biroq, har bir asarini o'ziga farzand deb bilgan shoir, ijodiy merosni qaytadan ko'zdan kechirishni, unga yangidan sayqal berib, takmilini

yetkazishni lozim topdi. Shu tariqa bungacha biror shoir yoxud nasmavis tajribasida ko'rilmagan, o'z davri adabiy jamoatchiligining yuksak etiboriga sazovor bo'lgan «Xazoyin ul-maoniy» devonlari dunyoga keldi. Ijodiy mahsuldorlikning bu ko'rinishi Navoiydan keyingi adabiyot ahli biografiyasida ham uchramaydi. Navoiy o'zining bu farahbaxsh ijodiy mehnati qay yo'sinda kechganligini «Xazoyin ul-maoniy» debochasida batafsil bayon etadi. Shoiming yoshlik va yigitlik davri lirikasida ilohiy ilhom bilan dunyoga kelgan quyma g'azallar uchraydiki, keyinchalik shoir ulaming biror satriga ham qalam tegizmagan. «Kecha kelgumdur debon...», «Ul parivashkim...», «Furqatingdin zafaron...», «Orazin yopqoch...» kabi mashhur g'azallar shular jumlasidandir. Biroq, ana shu g'azallar yaratilgan davrdagi yolqinli ilhom, yetuk mahorat shoiming keyingi davrlardagi she'riyat sohasida erishgan chuqur bilimi, tajribasi, yuksak ijodkorlik saviyasi uchun asos bo'ldi, desak adashmaymiz. Demak, yoshlik davridagi mahorat yetukligi, keksalik davridagi bilim, tajriba barkamolligi shoir poetik uslubining muntazam takomili uchun xizmat qildi. Shu munosabat bilan shoir devonlari qo'lyozma nusxalarida she'riyat matnlari turli variantlari uchrashi hodisasiga e'tibor qilsak.

«Badoe' ul-bidoya» devoniga tartib berishga kirishgan shoir unga «Ilk devon» dan 161 g'azal kiritadi va g'azallardan 34 tasi variantlarga ega. Jumladan, «Ilk devon» dagi «vafo» radifli g'azalning birinchi misra'siga kiritilgan tuzatish o'n yildan ortiq vaqt mobaynida Navoiy poetik uslubida ijtimoiy ruh keskin ortib, uning bu sohadagi dunyoqarashi g'azallarida yorqinroq aks eta borganligidan dalolat beradi. G'azalning bosh misra'si «Ilk devon» da «Kimsa hargiz ko'rmadi chun nav'i insondin vafo» tarzida berilgan bo'lib, shoir «nav'i insondin» izofali so'z birikmasini «ahli davrondin» birikmasi bilan almashtiradi. Demak, Navoiy 20-25 yoshlarida umuman inson zotidan vafo kutish befoyda, degan xulosaga kelgan bo'lsa, 30-40 yoshlarida esa bu fikrini o'z davri ijtimoiy voqye'ligi sabablari bilan bog'laydi. U davron ahli bevafoqligi konkret, muayyan feodal jamiyatda xalqning ijtimoiy himoyasizligi, siyosiy notinchliklar girdobidagi nochorligi zaminida yuz berayotganligi oqibati ekanligini idrok etadi. Shu bois «Ilk devon» lirikasidan farqli o'laroq, «Badoe' ul-bidoya» da Navoiy tabiat

yetukligi javhari bo'lmish insonga qaratilgan norozilik, shikoyatlar davrining ma'lum tabaqasi vakillariga, jamiyatning muayyan shaxslari - xudbin, johil, munofiq'larga nisbatan bayon etadi. K devonlardan o'rin olgan ijtimoiy ruhdagi g'azallarda shoiming nisbatan bo'lgan salbiy munosabati «inson», «nav'i inson» iboralari «ahli davron», «ahli zamon», «ahli jakon», «el», «ulus» iboralari ifodalanadi. «Badoe' ul-bidoya» devonidagi g'azallar esa Navoiyning davri ijtimoiy muhiti voqye'ligiga, bu muhitni ma'naviy tubanlash shaxslarga qaratilgan fikrlari, falsafiy mushohadalari o'zanida ijtimoiy-falsafiy ruh kasb eta borganligidan guvohlik beradi.

Shu bilan bir qatorda devonning aksari she'rlarida «zamon ahli» dan shikoyat motivlari ustunlik qiladi. Ma'lumki, shoir «ilk devon» idan bevosita shu mavzuda ijod etilgan 7 g'azal o'rin olgan g'azallar quyidagi misralar bilan boshlanadi:

- 1) Dahr elidin naf' agar yo'qtur zarar ham bo'lmasa;
- 2) Oncha davron birla ko'rdum ahli davrondin jafu;
- 3) Ey kungul bir nav' o'lubmen ahli davrondin malul;
- 4) Bo'lmish andoq munqati' ahli zamondin ulfatim;
- 5) Xalq mehriга yana yorab meni zor aylama;
- 6) Manga ne manzilu ma'vo ayon, ne xonumon paydo;
- 7) Kimsa hargiz ko'rmadi chun nav'i insondin vafo.

Bu davrda Navoiyning o'z davri va zamonasiga munosabati qahramonning davron va xalqdan shikoyati ohangidagi shaxs kechinmalari doirasida torroq mazmunda:

Ey ko'ngul, fikringni qilkim, do'stu dushmanlar yuzun
Ko'rmas erdi bo'lmasa sen zori hayrondin malul
Turfa ko'rkim xalq komi birla umrum bo'ldi sarf,
Turfaroq bukim, birovg'a yoqmadi bir xizmatim

tarzida ifodalansa, «Badoe' ul-bidoya» devonida mazkur mavzu chuqur sotsial mazmun kasb etib, shoir mulohazalari ba'zan falsafiy oqim

yo'naltiriladi. Zotan, «shoir hayotining turli davrlarida yaratilgan g'azallarda barcha problemalarning qo'yilishi va hal etilishi yo'llari ham turlicha bo'lgan».⁶¹

Shoir «Badoe' ul-bidoya» devoniga bu g'azallardan bittasini («Bo'lmish andoq munqati' ahli zamondin ulfatim») kiritadi. Biroq, u «Badoe' ul-bidoya» ga shu mavzudagi 7 yangi g'azalini joylashtiradiki, ularda davr va davr ahldan shikoyat, tanqid ijtimoiy falsafiy yo'nalishda g'azaldan g'azalga izchil rivojlantirilib, shoir uslubida tendensioz mohiyat kasb etadi:

- 1) Parim bo'lsa uchib qochsam ulustin to qanotim bor;
- 2) El tilidin jonima gar yuz balo mavjud erur;
- 3) Men jahondin kechdimu kechmas mening jonimdin el;
- 4) Bu kun ahli jahondin xastaxotirmen, jahondin ham;
- 5) Mehr ko'p ko'rguzdim ammo, mehribone topmadim;
- 6) Vafo ahlig'a davrondin yetar javru jafu asru;
- 7) Vahki, umrum borcha zoyi' bo'ldi el komi bila.

Mazkur g'azallarda «ahli davron», «ahli zamon», «xalq», «dahr eli» kabi iboralar «jahon», «ahli jahon» kabi iboralar orqali kengroq tushunchalar darajasiga ko'tariladi, «el», «ulus» kabi umumlashma obrazlar vositasida shoiming keskin, murosasiz xulosalari uning «o'z davri xaqidagi siyosiy aybnomasi»⁶² sifatida ifodalanadi. Mazkur mavzulardagi g'azallarda «ilk devon» dagi shu mazmunda yaratilgan g'azallardan farqli o'laroq, shoiming falsafiy mushohadalari bir necha yo'nalishda taraqqiy ettiriladi. **Ijtimoiy ruh hukmron bo'lgan kichik lirik asarga jahon falsafiy tafakkurining o'zak masalalari bo'lmish - inson xilqati va uning ongli umr kechirish borasidagi qarashlari, insonning mukammal shaxs sifatida shakllanuvi, ana shu shaxsning tom ma'nodagi erkinligi masalalari ham mohirona singdirib yuboriladi. Shu taxlit lirikaning eng xalqchil navi bo'lmish ijtimoiy ruhdagi g'azal keng falsafiy mohiyat kasb etadi, bu esa o'z navbatida buyuk shoirning sharq falsafasi taraqqiyotiga qo'shgan qimmatbaho ulushidir.** Shoir poetik uslubining bu xususiyati uning 25

⁶¹ Иззат Султон. Навоийнинг қалб дафтари. – Тошкент: Адаб.ва сан. - 1973. - 36 б.
⁶² Ўша китоб, 42-б.

yoshgacha yaratgan asarlarida ko'zga tashlanmaydi. Navoiyning «jahon
«ahli jahon» dan noroziligi, zamondoshlari haqidagi tanqidiy mulohaza
uning ijtimoiy voqye'lik va ilg'or falsafiy dunyoqarash asosida shakllan
o'z ijobiy ideali bilan bevosita aloqador tarzda aks etadi.

Shoimning taxminan 1485 yillarda tartib berilgan «Navodir un nihoya»
devonini «Ilk devon» va «Badoe' ul-bidoya» devonlari bilan qiyoslash
devon uchun yangi yozilgan g'azallarni aniqlash qiyin emas. Ushbu
devonga shoimning ijtimoiy mavzudaga 12 yangi g'azali joylashtirilgan:

1. Do'stlar ahli zamondin mehr umidi tutmangiz;
2. Do'stlar, olam eliga yoru hamdam bo'lmangiz;
3. Meni men istagan o'z suhbatig'a arjmand etmas;
4. Qildi dushman rahm baskim, qildi javr izhor do'st;
5. Dahrin mehru vafo qilma havas;
6. Menku, davron zulmidur ko'nglumga, balki jonga ham;
7. Oncha yig'latti jafodin do'stdur deb sevganim;
8. Qon yutib umri jahon ahlidin bir yor istadim;
9. Shahru kishvardin ilik yub, xonumondin kechgamen;
10. Oshiq o'ldim necha javr ahli zamondin tortayin;
11. Topmadim ahli zamon ichra bir andog' hamdame;
12. Demangiz har kimni kim bir yor ila bor ulfati.

Bu g'azallarda ijtimoiy ruh hukmron bo'lsa-da, «Badoe' ul-bidoya»
ning shu mavzuda yozilgan she'rlaridagi kabi badiiy tasvirda keng, chuqur
falsafiy fikrlarning ijtimoiy masalalar zaminida ifodalanish xususiyati
yaqqol ko'zga tashlanmaydi. Bu davr lirikasida (shoimning 45 yoshlaridagi
keyin) tasvir ob'ekti muayyan sotsial masalaning etik planidagi g'azallarda
iboratdir. Ba'zan ijtimoiy muammolar yechimi shoimning sufiy
mulohazalari zaminida yakun topadi. Navoiyning bu tipdagi g'azallari
«davron», «jahon» va «ahli jahon» dan qattiq shikoyat, norozilik, o'zini
bu sohada nochorligi uchun iztirob chekish motivlaridan ko'ra, zamondoshlari
nomukammalligi sabablarini mushohada etish, o'zini undan chetga olib
kayfiyatlar ustun turadi:

Shahru kishvardin ilik yub, xonumondin kechgamen,
Xonumondin kim desun ikki jahondin kechgamen.

Har zamon boshimg'a yuz tig'i halok aylab qabul,
Umrin tortib etak, billahki jondin kechgamen,
Shahru kishvar, xonumon, ikki jahonu umru jon
Xud ne bo'lg'ay, muncha yuz kom o'lsa ondin kechgamen...

Voizo, aylab yengillik, nechakim kavsar mayin
Maqtasang xoshoki men ratli garondin kechgamen;

Ey Navoiy necha qilg'aylar etakdek poymol,
Men dog'i emdi etak ahli jahondin tortayin;
Yo'q vafo jinsi bani odamda bo'l navmidkim,
Sen vafo ko'rmak uchun xalq o'lg'usi yo'q odame.

Nukta nozik bo'ldi asru, bo'lg'ay erdi koshki,
Shammai bu ramzdin zohir qilurg'a mahrame.

«Navodir un nihoya» devoni shoir 40-50 yoshlari orasida tuzilganligi,
«Badoe' ul bidoya» yaratilgandan keyin (1479-1485 yillar oralig'ida)
yozilgan she'rlar shu devondan o'rin olganligi hodisasi mazkur devonning
shoir poetik ijodi bu davri xususiyatlarini ifoda etuvchi tekshirish ob'ekti
sifatida katta ilmiy qimmatga ega ekanligini ta'kidlaydi.

Navoiy ijtimoiy lirikasi takomili tahlili bu mavzuning «Xazoyin ul-
maoniy» g'azallarida g'oyaviy-semantik va badiiy ifoda uslubi sohasida
mavjud bo'lgan yo'nalishlarini kuzatishni ham taqozo etadi.

Albatta, Navoiy lirikasida ijtimoiy masalalarning qo'yilishi va hal
etilishi ancha keng doiradagi g'azallarda kuzatiladi. Shoir bu masalaga o'z
lirikasida goh bevosita, goh bilvosita munosabat bildiradi. Navoiyning
mazkur mavzu doirasidagi muammolarga bevosita yondashuvi uning shu
plandagi tadriji g'azallarida aks etadi. Biz o'z mulohazalarimizni asosan
shunday g'azallar yuzasidan bayon etmoqdamiz.

«Xazoyin ul-maoniy» devonlariga avvalgi uch devon tarkibiga
kirmagan ijtimoiy mavzudagi 62 g'azal joylashtirilgan.⁶³

⁶³ Н.Шукуров. Бу олам сахнида... Тошкент, 1982, 82-б.

Bu g'azallarning avvalgi devonlarda uchramasligi ularning «Navoiy un-nihoya» tartib berilgandan keyin yozilganligiga ishora etadi. Navoiy 45 yoshdan keyingi hayoti davomida davr voqyealari va «davron ahli» bo'lgan munosabati, jamiyat ijtimoiy voqye'ligining shoir taqdiridagi sadosi uning ushbu davr lirik ijodida o'ziga xos yo'nalishlarda ifoda etilgan. Jumladan, hamdlarda (orifona g'azallarda) avvalgi devonlarning shu tipidagi g'azallarida ko'rinmagan xususiyat - tasvir ob'ekti bo'lmish Tangri tasavvufi munojot, iltijo ohanglarining ustuvorligi ko'zga tashlanadi. Badiiy ifoda ushbu lirikasida sharhi hol, mushohada tipidagi tasviriy usullar vositasi bilan mazmunan kengayib boradi. Mamduhga bevosita murojaat, o'tinchi, ikkinchi tipidagi fikrlar Navoiy hamdlarining aksari maqta'dan oldingi prinsiplari bilan maqta'larida ifoda etilib, shoirning bu sohadagi estetik prinsiplari o'ziga xos belgilanganligi ma'lum. Ammo, quyidagi g'azal Navoiyning ko'tarinki tipidagi belgilaganligi ma'lum. Ammo, quyidagi g'azal Navoiyning ko'tarinki tipidagi belgilaganligi ma'lum. Ammo, quyidagi g'azal Navoiyning ko'tarinki tipidagi belgilaganligi ma'lum.

Yorab, o'lg'on chog'da jonim jismi vayrondin judo,
Ul bo'lib mundin judo, sen bo'lmag'il andin judo.
Chun judo bo'lsam meni g'amnok yo'qu boridin,
Ne g'amim, sen bo'lmasang men zori hayrondin judo.
Naqdi jon chiqqonda imon gavharin ko'nglumga sol,
Aylag'il jondin judo, lek etma imondin judo.
Xonumondin oyirib, qilg'onda zindon ichra hibs,
Qilma lutfung men aloxonu alomondin judo.
Hashr g'avg'osi aro osiylik'img'a rahm qil,
Lutf ila ilgim tutub, qil ahli isyondin judo.

Garchi o'ldum kofiri ishq ahli islom ichra qot,
Ul zamonkim bo'lg'usi kofir musulmondin judo.

Elga maxlas istasang, yetti tamug'ni ayla kul,
Aylabon bir sho'la bu ohi duraxshondin judo.

Jannat istab aylaganlarni ibodat, qilmag'il,
Kavsaru to'biyu qasru huru rizvondin judo.

Borchadin ayru Navoiyg'a qilib vasling nasib,
Qilmag'il, yorab, ani mundin, muni andin judo.

Navoiyning keksalik davrida yozilgan ijtimoiy ma'no kasb etuvchi g'azallar badiiy tasvir usullari va mazmun-mundarijasiga ko'ra shoir dunyoqarashining bu davrdagi o'zgarishlarini bir necha aspektda ifodalab beradi. Ammo, bu g'azallarning barchasida mavzu-g'oya ifodasi, tasvirlanmish va tasviriy imkoniyatlar turlicha bo'lsa-da, pirovard natijada yakuniy fikr, xulosa bir xil ma'noda, ya'ni o'zlikdan kechib, fanoga yuz tutish maqsadi ifodasi bilan intiho topadi. Jumladan, qarilik lirikasi g'oyaviy motivlari shoir tasvir-ifoda uslubining quyidagi yo'nalishlarida talqin etiladi:

- a) munojot tipidagi g'azallarda;
- b) didaktik nasihat yoki tajribali keksaning yoshlarga beradigan pand-o'gitlari ifodalangan g'azallarda;
- v) sufiylik ruhida yozilgan - orifona yoki bevosita tasavvuf masalalarini muhokama va targ'ib etuvchi g'azallarda;
- g) «qarilik» va «yigitlik» mafhumlari vositasidagi mushohadaviy-didaktik g'azallarda.

Ijtimoiy mavzu vositasida yuzaga kelgan didaktika shoir hayotining turli davrlarida o'sha davr mazmuni bilan hamohang ravishda namoyon bo'ladi. Chunonchi, yigitlik davrida u optimistik, hayotsevar tonusda falsafiy mohiyat kasb etadi; o'rta yoshlikda umuman bu foni dunyodan «qo'l yuvish», uni rad etish ma'nolari singdirilgan lirik qahramon tushkun kayfiyati va noumidligi sharhidan iborat bo'lgan passiv didaktika shaklida ifodalanadi; keksalik davri g'azallarida didaktik bo'yoq shoirning sufiylik dunyoqarashi asosida

ilgari surilgan fikrlarida o'z aksini topadi. Keksalik lirikasida mavzuning mantiqiy rivoji va xulosasi uchun xizmat qiluvchi asosning avvalgi davr g'azaliyotidan farqli jihati shundaki, unda ongli kechirishga rag'bat, hayotning har bir inson o'z mabdai, Parvay Oliyga komil qiyofada qovushmog'i uchun bir vosita, imkoniyat ekanligi anglash lozimligi targ'ib etiladi. Binobarin, «davr», «zamon», «davron» angli bedodligi, zulmu sitamlari insonni yetuklikka undovchi va unga qiyofa baxsh etishga xizmat qiluvchi vosita ekan, bu hodisalarni sabr oqilona idrok etmoqlik va faqat maqsad sari intilmoqlik, foni bo'lib topmoqlik asosiy maqsad ekanligi uqdiriladi. Navoiyning turli davrlar yaratilgan devonlarini ko'zdan kechirish orqali bunga amin bo'lish mumkin. Masalan, aksari g'azallari yigitlik davriga taalluqli «Badoe' ul-bi» devonidagi falsafiy-didaktik pafos bilan ijod etilgan quyidagi baytga e'tibor qiling:

- Kimsa yuz yil komronlik qilsa, bilkim, arzimas
 Dahr aro bir lahza bo'lmoqqa birov komi bila;
- Besha sherin gar zabun qilsang shijoatdin emas,
 Nafs itin qilsang zabun, olamda yo'q sendek shujo';
 - Gulxaniyidin gulxan olotin tama' qilmoqdurur
 Har kishi dunyolik etsa ahli dunyodin tama';
 - Chiqib bu dayrdin Isog'a nevchun hamnafas bo'lmay,
 Bihamdillah, tajarrud birla himmatdin qanotim bor
 va b.

O'rtayoshlik lirikasi - «Navodir un-nihoya» da:

- Sabr ko'p qilsang favoyid ko'p deding, nosih, ne sud
 Kim ko'ngulning hajr aro bir lahzalik yo'q toqati;
- Kimki davron sog'aridin dam-badam xunob ichar,
 G'am yo'q ar har dam g'amin ayturg'a topsa hamdame...

Yo'q vafo jinsi bani odamda bo'l navmidkim,
 Sen vafo ko'rmaq uchun xalq o'lg'usi yo'q odame;

- Vafo ahlin charx bekom etib,
 Jafo xaylini komron qildilo;
- Intihosi ishqning hijron emish, ey ahli ishq,
 Vasli davroni aro mag'rur bo'lmang asru ham.

Keksalik davri - «Xazoyin ul-maoniy» devonlarida:

- Zulmu bedod aylab andoq buzmamish davron meni,
 Kim, topa olg'ay o'zi tuzmakka ham imkon meni;
- Davron guliyu gulshani xoreg'a arzimas,
 Gulgun mayi baloyi xumorig'a arzimas.
 Ming yil kishi jahon eliga qilsa shohlik,
 Bir dam alar ihonatu orig'a arzimas...
 - Kirg'il fano yo'lig'a, Navoiyki, dahri dun
 Bu umri besabotu madorig'a arzimas;
 - Yormangiz Farhodu Majnun oldida ko'ksunim,
 Botinimning dardu dog'in ahli zohir ko'rmasun.
 Kim, Navoiydek fano vodiysig'a istar huzur,
 Kechsin o'zdin, balki xud o'zluksi hozir ko'rmasun;
 - Dema dardingni nihon tutg'ilki, yuz ming dardni
 Maxfiy etsam, qilmish o'lg'aymen nihon mingdin birin;
 - Jahonda faqr kasb et, mayli ko'p qilma g'ino sori,
 Ki, mundin oz etibdur orzu farzona andin ko'p;
 - Ehtiyojimni ulustin uz, xudoyo, faqr ila,
 O'yla faqrkim, anga bo'lmas xudog'a ehtiyoj.
 Olam aholidin vafo muhtoji bo'lmakim, alar
 Ham chekarlar bu mato'i bebahog'a ehtiyoj;

- Navoiyo, tutar ahli fano najot yo'lin,
Erishmak istar esang ishda, ham alami erish.

Mazkur baytlarda Navoiyning sufiyona qarashlari uning ijtimoiy didaktik mushohadalari fonida tasvirlangan. Shoiming bu davr lirikasida A.Hayitmetov «eng sermahsul bosqich» (ya'ni, lirikaning 16 janri) qilingan) deb ataydi.⁶⁴

H.A.Jo'raev esa «Alisher Navoiy keksalik davri lirikasi» mavzusi nomzodlik dissertatsiyasida shoiming bu davr lirikasidagi avvalgi bosqichlardan farq qiluvchi jihatlariga: sharq klassik she'riyatining barcha janrlarida murojaat qilinganligi, obrazlar tizimi boyiganligini, mavzular doirasidagi kengayganligi, g'oyalar chuqurlashuvi, dunyoqarashdagi o'zgarishlarini, masalalarga e'tibor qaratadi. Muallif Navoiy keksalik davri lirikasini o'ziga xos g'oyaviy-tematik va badiiy jihatlarini o'rganar ekan, «Navoiy keksalik davri lirikasini bir necha yirik qismlarga ajratish mumkin: oshiqlik, rindona, orifona, tasavvufiy xarakterdagi she'rlardir. Bu she'rlar navbatida yana bir necha turkumlarga (satirik, didaktik, sharhi hol yoki hol va b.) bo'linadi», degan xulosaga keladi.

Keksalik lirikasining ajralib turuvchi xususiyatlaridan yana bir shoining bu davrda yaratilgan g'azallarida «qarilik», «keksa», «men qari kabi jummalarni qo'llashi, yoshi o'tib qolganligi, zaif ahvolini tez-tez ta'kid olishi hodisasidir. «Xazoyin ul-maoniy» devonlarining nomlanishi shu xarakterga ega bo'lsa-da, Navoiy bu turkum g'azallarini asosan «Favoyid ul-kiban» devoni uchun maxsus ijod etgan bo'lishi ham muhimdir. «Yigitligingda qarilarg'a qilmading xidmat», «Qarida garchi sabuk ruhda farovondur», «Oqara boshladi boshu to'kula boshladi tish», «To yigit erub misralari bilan boshlanuvchi «Favoyid ul-kiban» dan joy olgan g'azallarda shoir yoshining o'tganiga ishora qilish bilan didaktik fikrlari bayoni uchun ruhiy zamin hozirlaydi. Ushbu g'azallar Navoiyning «Visolim shomima» yo'q hajri subhi mehnat afzoyi», «Ko'ngul, qayg'urmakim, dashti fano»

⁶⁴ Хайитметов А. Навоийнинг ижодий методи масалалари. — Тошкент: ФАН, 1963. — 166 б.

borg'udekturmen», «Tariqi ishq aro gar o'zni fard bilsa birov» kabi orifona g'azallari bilan mavzu va ma'no-mazmun inkishofi, sufiyona va didaktik mushohadalarining mantiqiy yaqinligi jihatidan o'ziga xos uyg'unlikka ega.

Demak, Navoiyning ketma-ket tuzilgan devonlaridagi muayyan bir mavzuga doir turkum g'azallarining g'oyaviy-badiiy xususiyatlari shoir poetik uslubi evolyusiyasi haqida ba'zi yakuniy fikrlarga kelish uchun ham asos bo'la oladi:

1. Navoiyning ijtimoiy mavzudagi g'azallari uning har bir devonida son jihatidan ortib borgan. «Ilk devon» da bu mavzuda 7 g'azal joylashtirilgan bo'lsa, «Badoe' ul-bidoya» da yana 7 g'azal kiritilgan. Bu 7 yangi g'azal Navoiyning 25 yoshlaridan 38 yoshlargacha bo'lgan hayoti mobaynida ijod etilgan va bevosita shoiming ana shu yillardagi ijtimoiy, falsafiy, ma'rifiy, badiiy-estetik qarashlarini ifoda etadi.

«Navodir un-nihoya» devoniga bu mavzuda avvalgi ikki devonda bo'lmagan 2 yangi g'azal kiritilgan. Bu g'azallar ham shoiming 38-46 yoshlari oralig'idagi ijodi xususiyatlari haqida ma'lumot beradi.

«Xazoyin ul-maoniy» devonlariga shoiming avvalgi uch devonidagi barcha ijtimoiy mazmundagi g'azallari kiritilgan bo'lib, uning bu ruhda 1485 yildan (ya'ni, «Navodir un-nihoya» tartib berilgandan) keyin yozilgan 62 g'azali ham o'rin olgan. Bu g'azallar ham shubhasiz Navoiyning qarilik davri falsafiy mushohadalari va ijtimoiy-didaktik qarashlari haqida eng mukammal ma'lumot beruvchi manbalardir. Shunday ekan, shoir ijtimoiy lirikasining butun ijodi misolidagi evolyusiyasi xususiyatlari Navoiy hayotining qaysi davrida qanday ruh va uslubda ijod etganligi to'g'risida ma'lumot bera oladi.

2. «Ilk devon» dan o'rin olgan ijtimoiy ruhdagi 7 g'azal asosida shoiming bekaslik⁸⁷, ma'naviy yolg'izlik, do'stu ag'yor - «zamon ahli» dan vafo o'miga jafo ko'rish» kabi ohanglardagi shikoyatlari, tanqidiy mulohazalari yotadi. «Badoe' ul-bidoya» devonida esa, avvalo bu mavzuni yorituvchi obrazlar turkumi - tasvir ob'ektining hududiy masshtabi kengaygan. Jumladan, bu devonda «zamon», «ahli zamon», «ahli davron», «xalq» kabi iboralarga nisbatan «jahon», «ahli jahon», «dahr» iboralari ko'proq ishlatilgan.

Ikkinchidan, «Ilk devon» da ijtimoiy mavzu talqini kuchli birog' asosga ega bo'lsa, «Badoe' ul-bidoya» da bu mavzu shoir fikr qarashlarining nazariy masalalarini ham qamrab olgan holda ifoda etgan. Chunonchi Navoiy «zamon» va «ahli zamon» dan qattiq shikoyat, ta'nuq va ruhidagi fikrlari vositasida shu zamon noetukligiga sabab bo'lgan muammolar, illatlarni ochib tashlashga, shu munosabat bilan insoniyat dunyosi va jamiyat kasalliklariga davo izlashga intiladi, o'z davrida muayyan vositasida komil insoniy jamiyat qurishga umid bog'laydi. Bu g'azallarda yuksak optimistik ruh hukmron bo'lib, ular Navoiyning barcha davrlarida yaratilgan g'azallaridan ana shu jihatlari bilan ajralib turadi. Navoiyning 30-40 yoshlari oralig'ida O'rta asr Sharqi yuksalishining javob bo'lmish buyuk Temuriylar davlati doirasida olib borgan g'oyat muvaffaqijim ijtimoiy-siyosiy faoliyatining badiiy ijodiga bo'lgan ta'sirini idrok etadigan bo'lsak, bu hodisaning tabiiy ekanligiga amin bo'lamiz. Bu davr lirikasida Navoiy ijtimoiy didaktikani falsafiy didaktika darajasiga ko'tardi. Shu lirikasida namoyon bo'lgan bu hayotsevar pafos keyinchalik uning asarlarida yanada yuksakroq maqomda o'z ifodasini topdi. Navoiyning ushbu davr lirikasidagi qahramoni keyinchalik obrazlarida o'zining cho'qqisi bo'lmish «Xamsa» dostonlari qahramonlari obrazlarida o'zining mukammal siymosiga, ko'rinishiga ega bo'ldi. («Xamsa» ning shu yillarida yozilganligini eslang). Shu nuqtai nazarlardan Navoiyning ushbu davr hayotsevar va insonparvar ijtimoiy lirikasini falsafiy-ilmiiy-didaktik deb baholash mumkin.

3. Bu davr lirikasi boshqa mavzulardagi g'azallar misolida ham tasvir tiplari va ifoda usullarining rang-barang va serqirraligi bilan ajralib turadi. Buning isboti sifatida shoir barcha devonlarining ochuvchi hamd qiyosiy xarakteristikasini keltirish mumkin. Ma'lumki, Navoiyning «Ilk devoni» «Iloho...» deb boshlanuvchi hamd bilan ochiladi. Bu g'azallarda Navoiy keyinchalik rasmiy devoni «Badoe' ul-bidoya» bilan boshlanuvchi joylashtiradi. O'zining birinchi rasmiy devoni «Badoe' ul-bidoya» «Ashraquat min aksi shamsil-ka'si anvorul hudo» misrasi bilan boshlanuvchi g'azal bilan ochadi. «Navodir un-nihoya» devonining birinchi g'azali «

san'atlardan raddul-matla' san'atini qo'llashning eng ko'p foizi (50%) davrga to'g'ri keladi.⁶⁵

4. «Navodir un-nihoya» devonidan o'rin olgan ijtimoiy mavzular g'azallar avvalgi ikki devon doirasidagi shunday g'azallardan g'oyaviy mundarijaviy qurilish jihatidan jiddiy farq qiladi. Bu g'azallarda shoir qahramoni kayfiyatidagi tushkun, pessimistik ruh badiiy tasvir jarayoni yorqin fon bo'lib xizmat qiladi. Shoir badiiy obrazlari ana shu fonda ta'kid etiladi. Bu davr lirikasida sotsial didaktika Navoiyning dunyoqarashi asosida yuzaga kelgan sufiyona xulosalari bilan namoz ketadi (Nukta nozik bo'ldi asru, bo'lg'ay erdi koshki, Shammai bu ramzi zohir qilurg'a mahrame...»). «Dahr» va «dahr eli» bevafoqligi, johilligi qattiq iztirob chekkan shoir bu jahon va undagi insonlar uchun qayg'unga befoyda, undan butunlay ko'ngul uzmoq kerak, degan xulosaga keladi. Navoiyning shu mazmundagi eng mashhur baytlarining ham ayni shu davrda yaratilganligi muhim ahamiyatga egadir:

Gar budur olam, kishig'a mumkin ermas anda kom,
Haq magarkim kom uchun boshtin yaratqoy olame.

Yo'q vafo jinsi bani odamda bo'l navmidkim,
Sen vafo ko'rmak uchun xalq o'lg'usi yo'q odame.

«Navodir un-nihoya» devoni shoirning 45 yoshigacha yaratgan g'azallarini o'z ichiga olib, uning «Xazoyin ul-maoniy» devonlariga ko'rib debochasida keltirgan kishi hayoti fasllari haqidagi o'z e'tiroflariga ko'ra o'rta yoshlik lirikasini tashkil etadi.

5. «Navodir un-nihoya» tuzilgandan keyin yozilgan va «Xazoyin ul-maoniy» devonlaridan o'rin olgan ijtimoiy ruhdagi g'azallar Navoiyning keksalik lirikasida ham g'oyaviy-tematik va badiiy jihatdan muayyan o'zgarishlar sodir bo'lganligini ko'rsatadi. Chunonchi, bu davrda shoir ijtimoiy masalalarga bo'lgan munosabatida sufiylik dunyoqarashining kuchli ta'siri seziladi.

⁶⁵ Исхоков Ё. Навоий поэтикаси. — Тошкент: ФАН - 1983. — 144-б.

devoniga kiritadi. Shoirming zamondosh tarixnavislari shoh saroyi bazmlarda bu "bag'oyat ruhafzo" qo'shiq kuylanar ekan, tinglovchilar shavqdan "yoqalarini chok etgan"lari haqida yozadilar. Mustazodlar mazmunda yozilgan. Ammo diqqatga sazovor jihat shuki, buyuk shoir mavzu doirasidagi asarlarini ham yangi-yangi tasviriy vositalar boyitadi, fikrni yangi badiiy libos bilan o'raydi. Masalan, quyidagi fikrimizni tasdiqlay oladi:

Masjid yo'lin asrab necha din ahli yo'luqsa,
rahzanliq etarsan,
Tengri yo'lini asramoq, ey kofiri xudroy,
bu nav' bo'lurmu?

- " -

Ul sho'x Navoiyni dedikim qilayin qatl
bir ko'z uchi birla,
Ey voyki, bir ham anga ko'z solmadi, ey voy,
qatl ushbudur, ushbu!

Devondan joy olgan **muxammas** va **musaddas**larda mavzu tabiiy bandlarga asos bo'lgan baytlar oldingi misralarda kengaytirilib, mazmuni boyitilib kelinishi, qofiyalarning barcha uzvlari uyg'unligi shoir poetik uslub xususiyatini yorqin namoyon etadi. Muxammaslarning uchta Navoiy Lutfiy g'azallari asosida yaratilgan, ikkitasi esa "tab'i xud" muxammaslari. Shoir bu janrlardagi asarlarida ham uz ijodiy uslubiga sodiq holda she'rlar ijtimoiy-falsafiy ma'nolar bilan to'yintiradi. Masalan, tab'i muxammaslarning birida oxirgi band quyidagicha bitilgan:

Shahlik etgandin ne hosil faqr sirrin bilmayin,
Hyech kim mulki baqo sultoni bo'lg'onmu ekin,
Foniyi mahz o'lmayin Sulton Abulg'oziy bikin,
Ey Navoiy, davlati boqiy tilarsen vaslidin,
Oni kasb etmak fano bo'lmay, ne imkon oqibat?

"Badoe" ga joylangan musaddaslar ham ikkita bo'lib, ular ham Mavloni Lutfiy g'azallari asosida yaratilgan. Bu janrdagi she'rlarga ham Navoiy muxammaslarga qo'llangan talablar darajasida yondashadi. Masalan, Mavloni Lutfiy g'azalidagi bir baytda poetik obraz sifatida qo'llangan bodom, ko'z, qaro so'zlaridan foydalanib, quyima badiiy band yuzaga keltiradi:

Ko'zlaring bodomi hajridin bo'lub jismim saqim,
Chiqti jonim, ey qaroko'z, baski hajring berdi biym,
Bu vasiyat qilmishamkim, mushfiq yoru nadim,
Na'shima ul ko'y tufrog'ini qilg'aylar harim,
Chun qaro bodom tobut uzra rasmedur qadim,
Ko'z janozam sori solkim, sensizin bo'ldim qatil.

Tarje'band janridagi she'rlar buyuk shoirming ijtimoiy-falsafiy, ma'rifiy-sufiyona qarashlarini o'rganishda muhim ahamiyatga ega. Tarje'bandlarda shoir muayyan turkum masalalarga qayta-qayta murojaat etadi. Xudo va borliqning mohiyati, eng so'nggi haqiqat, odam aqlining tanish qobiliyati, din va tasavvuf kabi bir qancha masalalar shular jumlasidandir. Besh-olti yoshlaridayoq Fariduddin Attorning "Mantiq ut-tayr" kabi ma'rifiy dostonini yod olgan, bolalarcha ongiga singdirishga intilgan, butun umri davomida tahlil va idrok eta borgan, ilmi va qalbi kamolini istagan shoir tarje'bandlarida o'y-fikrlarini ochiqroq, yorqinroq bayon etdi. U 1476 yilda Abdurahmon Jomiy rahbarligida naqshbandiya sulukiga rasman kirib, o'zini qiziqtirgan savollarga birma-bir javob izladi. Ammo uni qiziqtirgan masalalarni na falsafa, na ilm-fan, na tariqat va suluklar, na din qoniqarli tarzda hal qilib bera oldi. Shu boisdan tarje'bandlarda shoirming chuqur o'y-mulohazalari, uzluksiz savollari, hayratlari va hayrona kayfiyati o'z ifodasini topadi:

Nechun may bila bo'lmasun ulfatim,
Ki jon qasdi aylar g'amu mehnatim.

Nazar ayla bu korgah vaz'ig'a,
Ki ortar tamoshosida hayratim...

Yoki:

Jahon qasrig'adur suv uzra bunyod,
Chu yo'q bunyodi ondin bo'lmog'il shod.

Ne shod o'lg'ay kishi bir qasrdinkim,
Oni tengri yaratmish mehnatobod.

Emastur qasr, balkim qosiredur,
Ki taqsir aylamas aylarg'a bedod...

Vale ne ishvasig'a i'timode,
Ne oning va'dayi vaslig'a bunyod.

Visoli ko'z yumub-ochquncha oxir,
Firog'i ko'z ochib-yumg'uncha barbod...

Refrent:

Baqosizdur jahon ra'nosi, valloh,
Jahon ra'nosi yo'qkim, mosivalloh!

Buyuk shoir inson umri va jamiyat hayotiga nazar tashlar ekan, uning bag'oyat bebaho va inson uchun baxt-saodat manbai emasligiga ishonish hosil qiladi. Ammo u jamiyatdan yuz o'girishni xayoliga ham keltirmaydi, balki qanoat, sabr kabi yuksak insoniy fazilatlar vositasida hayotni oqilona kechirishga da'vat etadi. Uning bu mazmundagi fikrlari **qit'a** janridagi she'rlarida o'zining yorqin ifodasini topgan. Jumladan, u bir qit'asida:

Qanoat tariqig'a kir, ey ko'ngul,
Ki xatm o'lg'ay oyini izzat sanga.

Desang shoh o'lay, yeru ko'k basdurur
Bu bir taxtu ul chatri rif'at sanga

deya ko'ngliga nasihat qiladi. Qit'aning davomida shoir bu maqsadni kishi amalga oshirishi uchun naqshbandiylik tariqatini o'zlashtirishi lozimligini aytadi. Hatto naqshbandiylik tariqatining asosiy talablarini bir-bir sanab o'tadi:

Desang, xilvatim anjuman bo'lmasun,
Kerak anjuman ichra xilvat sanga.

Vatan ichra sokin o'lub, soyir o'l,
Safardin agar yetsa mehnat sanga.

Nazami qadamdin yiroq solmag'il,
Bu yo'l azmi gar bo'lsa rag'bat sanga.

Bu to'rt ish bila rub'i maskun aro
Cholinmoq ne tong, ko'si davlat sanga.

Ulug' shoir qit'alarida ko'tarilgan axloqiy-ma'rifiy fikrlar bu beqiyos san'at namunalarining bugungi kunda maqollar, qanotli iboralar tarzida jamiyatimiz hayotida muqimlashishi uchun sabab bo'lgan. Ba'zi misollar:

Viqor gavhariyu hilm ma'dani bo'lako'r,
Desangki, qilg'ay itoat sanga gado ila shoh.

Yana:

Biyik maqomig'a ulkim tilar sabot kerak,
Ki egrilikni qo'yub tuzluk aylasa qonun.

Yana:

Xiromon suda soyir bo'lmoqu uchmoq havo uzra,
Ajab ermas qachonkim, rostravliq qilsa ozoda.

Navoiy o'z qit'alarining ahamiyati haqida shunday yozadi:

Mundoq muqattaotkim, men yig'misham erur,
Har bir hadiqai xirad aylar uchun farog'.
Majmo'in o'yla kishvare anglaki, sathini,
Hikmat suyidin aylamisham qit'a-qit'a bog'.

Bayoni: Men yiqqan qit'alarining har biri osoyishta yashash uchun yaralgan bilim bog'laridir. Ularning barchasini bir mamlakat deb taysan etsang, har bir qit'ani donishmandlik suvi bilan sug'orilgan bog' deb bil.

Devonlarda **ruboiy** janridagi asarlarga keng o'rin berilgan va ularda aksariyati ruboiyi taronadir. Xususan, "Badoe' ul-bidoya" devonidan ruboiy o'rin olgan. Bu ruboiylar orasida tabiat mo'jizalarining go'zal tasviri berilgan mo'jaz lavhalar uchraydi. Misol:

Suv ko'zgusini bog' aro aylarda shitob
Siymob qilur erdi taharruk ila tob.
Day qildi bu siymobni andoq ko'zgu,
Kim ko'zgu aning qoshida bo'lg'ay siymob.

Bayon: Bog'da ko'zguidek jilolanib turgan suv yuzida simob o'ynay edi. Yoki bir sho'la simobdek suv yuzida jilolanar edi. Qish sovug'ini shiddati bu simobni shunday bir ko'zguga aylantirdi-ki, uning tiniqligini ko'rgan ko'zgu simobdek erib ketdi.

Gul vaqti muyassar o'lsa gulfom qadah,
Andin so'ng tutsa gulandom qadah,
Man' aylasa garchi ahli islom qadah,
Kofirmen agar qilmasam oshom qadah.

Bayon: Bahor faslida menga bir gulchegara yor gul rangli qadah tutsa yu, men din ahli may ichishni man etganligi tufayli uni olib no'sh etmasam kofir bo'lay, dindan kechay!

Xuddi shu mazmundagi bir ruboiyda shoir o'z ijodiy uslubiga xos so'z o'yini qiladi. Shoir mug'bacha obrazida, albatta, dayr piri, ya'ni bu dunyodagi bir ma'rifiy yo'l boshchini nazarda tutadi, jomu may obrazlarida ham, albatta, ma'rifiy suhbatlar, pok muhabbatga intilish nazarda tutiladi. Ammo ushbu ruboiyda bizni o'ziga tortgan hodisa shoir adabiy-estetik prinsiplariga xos so'z o'yinidir. Shoir bir jom may haqqiga jonini beryapti, ikki jom may uchun esa ikki dunyosini hadya etmoqda. Ilohiy muhabbat zavqidan bir tomchisini to'kkanimdan ko'ra, qonim to'kilsin, demoqda ulug' shoir:

Ber jomu ol, ey mug'bacha, jonimni ivaz,
Qo'sh tutqilu, ol ikki jahonimni ivaz,
Oni sumururda qatrae tomsa agar,
Sen ham to'k aning o'miga qonimni ivaz.

Shoimning bu mazmundagi ma'rifiy fikrlari ijtimoiylashgan tarzda ba'zi ruboiylarda namoyon bo'ladi:

Kim istasa saltanat, saxodur anga shart,
Har va'daki, aylasa vafodur anga shart.
Kim faqr talab qilsa, fanodur anga shart,
Ollig'a nekim kelsa, rizodur anga shart.

Bayon: Podshoh bo'lishni istagan kishi saxovatli, va'dasiga vafo qiluvchi bo'lishi kerak. Faqirlik, darveshlik da'vo qilgan kimsa esa, Allohdan neki kelsa rizo bo'lib, shukr qilib, maqsadi - hayotiy talablar va ehtiyojlar yukidan o'zini xalos etmoq bo'lishi kerak.

Aksariyat ruboiylarda dunyoviy muhabbatning zavqbaxsh onlari tasviri yoki va'dasiga vafo qilmagan mahbubaga itob, uning taqdiriga ishora motivlari seziladi:

Bir sori sorig' po'lovu men tutsog' yo'l,
Ne tog'u ne tuz desang, ne obodu ne cho'l,

Yirtuq kepanaktin chiqorub yolong qo'l,
Ul qochsavu men qovsamu, men qochsamu ul.

Bir gul g'amidin dedim qo'yay bag'rima dog',
Berg'aymu debon atri dimog'img'a farog',
Bargin chu mulavvas ayladi bum ila zog',
Endi ani islamoqqa yuz hayf dimog'.

Lug'az (topishmoq) janridagi she'rlar qalam, tanga, igna, yumurtqa va h. lar haqida. Ularda ham shoir har bir narsa – predmet o'ziga xos xususiyatini badiiy so'z yoki usul bilan bayon etib boradi. Masalan, topishmoqlarda Navoiyga xos hazil tarzidagi tasvirlar uchraydi. Masalan, igna haqidagi lug'azda hazil aralashgan shunday bayt bor:

Pardai ismatda har gulruhki ursun lofi zuhd,
Ko'nglakining darzi-darzi ichra ko'rmushlar ani,

ya'ni, hayo pardasi bilan o'ralgan gulyuzli go'zal o'zining zohidligi, pokizaligi haqida har qancha maqtanmasin, u kiygan ko'ylakning qatlariga igna kirganligini odamlar ko'rishgan.

“Xazoyin ul-maoniy” devonlariga ulug' shoiming **muammo**, turk fard, qasida janrlaridagi asarlari ham kiritilgan.

Shoiming eng mo'jaz san'at asarlari bo'lmish **fardlarda** navoiy zakovat, mahorat, dilrabo va ruhafzo jibilliy nazokat namoyon bo'ladi. Masalan, mumtoz sharq poetikasida ko'zning tashbehi aksariyat qo'lib esa obi hayot manbai sifatida tilga olinadi. Navoiy ana shu an'ana ommaviylashib ketgan tashbehlardan quyidagicha sahli mumtane yaratgan:

Ikki ko'zingu labing g'amidin
Men xasta o'lib-o'lib, tirildim.

Baytda o'lib-o'lib so'zining ikki bor takrorlanishi – har ko'zing uchun bir marta jon berdim, ammo labing xayoli meni tiriltirdi, degan ma'noni ifodalaydi.

Belu og'zingdin, dedilarkim, degil afsonae,
Boshladim filholkim: “Bir bor edi, bir yo'q edi”.

Baytda “bir bor” deganda ingichka belni, “yo'q” deganda og'izni anglash lozim. Quyidagi fardda ham o'ziga xos, yangi so'z o'yini ishlatilgan:

O'q edi, ey tongki, otting jonima vuslat tuni,
Bu jihatdin yoruma dermen seni har subhidam.

Fardning birinchi ma'nosi: ey tong, vuslat (yor vasli nasib etgan) tun jonimga o'q otting. Shu boisdan men seni “yorishma”, deb qarg'ayman.

Ikkinchi ma'nosi: vasl tuni jonimga otgan o'qingni, ey tong, har subhidam yoringa aytib berib, shikoyat qilaman.

Alisher Navoiy ijodida lirik janrlarning poetik jihatdan shu tariqa mukammal darajadagi takomili uni Sharq mumtoz she'riyatini yangi taraqqiyot bosqichiga olib chiqqanligidan dalolat beradi.

Mavzuni mustahkamlash uchun savollar:

1. Turkiy tildagi xalqchil she'riyatning turkiy mumtoz she'riyat darajasiga yetishi jarayoni haqida so'zlab bering.
2. Alisher Navoiy Husayniyning ijodi turkiy she'riyatni mumtoz adabiyot poetikasi qonun-qoidalari doirasiga kirishi uchun katta ahamiyatga ega bo'lganligini qanday tushuntirib beradi?
3. Alisher Navoiyning «turkona» atamasiga bo'lgan munosabatini qanday tushuntirish mumkin?
4. Alisher Navoiy «Mezon ul-avzon» da qo'shiqlarning necha turini tavsiflab beradi?
5. Shayx Ahmad Taroziyning «Funun ul-balog'a» nomli asarining topilishi va ilmiy jamoatchilikka taqdim etilishi haqida so'zlab bering?

6. «Xazoyin ul-maoniyy» devonlariga tartib berish davrida ruhidagi g'azallar mavqeyini Navoiy qay tariqa belgilaydi?
7. Hirot adabiy muhitida shoyon bo'lgan lirik janrlar haqida muhohir bering.
8. Ulug' shoir sharq musammachilik an'alariga qanday yutuq kiritdi?
9. Shoir tarjebandlari badiiyati haqida so'zlab bering?
10. Navoiyning mumtoz adabiyotda kichik lirik janrlar taraqqiyot sohasiga qo'shgan yangiligi nimadan iborat edi?

Zaruriy adabiyotlar:

1. Алишер Навоий. МАТ. 20 жилдлик. 3-жилд. – Тошкент: ФАН, 1988. 616 б.
2. Алишер Навоий. МАТ. 20 жилдлик. 14-жилд. – Тошкент: ФАН, 1998. 304 б.
3. Алишер Навоий. МАТ. 20 жилдлик. 17-жилд. – Тошкент: ФАН, 2001. 520 б.
4. Алишер Навоий: комуший лугат. 1-2 жилдлар. – Тошкент: ФАН, 2016.
5. Абдуғафуров А. Навоий сатираси. 1-китоб. – Тошкент: Камолот, 1991. 173 б.
6. Иззат Султон. Навоийнинг қалб дафтари. – Тошкент: Камолот, 1991. 173 б.
7. Исҳоқов Ё. Сўз санъати сўзлиги. – Тошкент: Зарқалам - 2006. 144 б.
8. Олимов М. Рисолаи аруз. – Тошкент: Ёзувчи, 2002. 88 б.
9. Стеблева И.В. Ритм и смысл в классической тюркской поэзии. – Москва: Наука, 1993.
10. Ҳайитметов А. Навоийнинг ижодий методи масалалари. – Тошкент: ФАН, 1963. 173 б.
11. Ҳайитметов А. Шарқ адабиётининг ижодий методи тарихидан. – Тошкент: Фан, 1970. 331 б.
12. Ҳожиахмедов А. Навоий арузи нафосати. – Тошкент: Фан, 2000. 288 б.

ALISHER NAVOIY G'AZALLARINI SHARHLAB O'RGANISH TAMOIYILLARI

1.

“G'aroyib us-sig'ar”, 4-g'azal:

Ey hamd o'lub mahol fasohat bilan⁶⁶ sanga,
Andoqki, qurb taqvovu toat bilan sanga.

Topmoq ajib fikru taxayyul⁶⁷ bila seni,
yetmak mahol aqlu farosat bilan sanga.

Chun koinot zubdasi ojiz ko'rib o'zni,
Hamd eta olmascha⁶⁸ balog'at bilan sanga.

Izhorij azj bizdin adab tarkidur, base,
Yuz ming qusur⁶⁹ nuqsu kasofat bilan sanga.

Har tiyra ro'zgorki, vaslingg'a yo'l topib
Sendin yetib charog'i hidoyat bilan sanga.⁷⁰

Lutfung rafiqim o'lmasa⁷¹ ne hadki, yetkamen
Boshtin ayog' gunohu zalolat bilan sanga.

⁶⁶ Ҳазал вазнга тушиши учун бу сўз тақтигда “лан” деб ўқилиб, бир узун хижо (ватад) саналса мақсадга мувофиқ бўлади.
⁶⁷ Бу сўз ҳам МАТда “таҳайюл” шаклида берилган. Бундай шаклда сўз маъно билдирмайди, “таҳайюл” дейилса тўғри бўлади, “хаёл” сўздан ясалган.
⁶⁸ Бу мисра шундай ўқилса, ҳам мазмун, ҳам вазн жиҳатидан ғализ бўлмайди.
⁶⁹ Нашр матнида бу сўз охирида келган “у” (“кусуру”) кўшимчаси вазнга путур етказмоқда.
⁷⁰ Нашр матнидаги “чароғи” сўзи вазнга тушмаяпти. Бу сўз “роҳи” тарзида ўқилса, мазмунга ҳам, вазнга ҳам зарар етмайди.
⁷¹ Бу сўз “ўлса” шаклини мазмунан ва вазн жиҳатидан талаб қилади.

Lutf aylagilki, mumkin emas qilmasang qabul,⁷²
yetmak tamomi umr ibodat bilan sanga.

Chun sendin o'zga yo'q panohim, qochmayin netay,⁷³
Jurmu gunahdin ohu nadomat bilan sanga.

Isyoni ko'p Navoiyning-u, yo'q uyotikim,⁷⁴
Istar yetishsa muncha xijolat bilan sanga.

LUG'AT:

Hamd – 1. Maqtov, madh; 2. Shukr, tashakkur, rahmat; 3. Madh sano, maqtash va sano aytish.

Mahol – 1. Qiyin, og'ir; 2. Vaqt, zamon.

Fasohat – so'zning ochiq, ravshan, chiroyli va qoidaga muvofiq bo'lishi.

Qurb – 1. Yaqinlik, yaqin bo'lish; 2. Qobiliyat; 3. Loyiqlik.

Taxayyul – xayol surish, o'ylash, tasavvur.

Balog'at – yetuklik, barkamollik, benuqsonlik; notiqlik.

Ajz – 1. Ojizlik, zaiflik, kuchsizlik, notavonlik; iqtidorsizlik; 2. Xastalik; 3. Ojizlikni, xoksorlikni tan olish.

Kasofat – 1. Dag'allik, qo'pollik; g'alizlik; 2. Ifloslik, yomonlik; 3. Xiralik, tutilish (quyosh).

Hidoyat – to'g'ri yo'l ko'rsatish, to'g'ri yo'l topish, to'g'ri yo'lga kirish.

Zalolat – xorlik, pastlik, haqirlik, tubanlik; gumrohlik, yo'ldan ozganlik.

Nadomat – pushaymon, afsuslanish, taassuf.

Xijolat – uyalish; sharmanda bo'lmoq.

⁷² Бу мисрада ҳам бир хижо ортик.
⁷³ Бу мисрада ҳам вазн сакта.
⁷⁴ Мисра куйидагича ўқилса, вазн мукаммал бўлади: “Исёни кўп Навоийнинг йўқ ётиким”.

G'azal bahri: rajazi musaddasi solim
Mustafilun mustafilun mustafilun

G'azalning nasriy bayoni

Matla': Ey parvardigor, Seni nihoyatda chiroyli va mazmunli so'zlar bilan maqtash mushkul;

Sidqu ixlos, toat-ibodat bilan Senga yaqinlik hosil qilish ham mushkul bo'lgani kabi.

2. Fikru mushohada, xayollarga berilish bilan ham Seni topib bo'lmaydi;

Aqlu farosatni ishga solib ham Senga yetmoq mushkul.

3. Koinotdagi bor mavjudot Sening qudrating oldida ojiz;

Barcha mavjudot har qancha benuqson bo'lmasin, Sening maqtovingni keltira olmaydi.

4. Biz odobni tark etgan - odobsizlar Sening qoshingda o'z ojizligimizni izhor etamiz;

Bizning yuz ming qusurimiz, nuqsonlarimiz va yomonliklarimiz bor.

5. Dunyo hayotida qorong'ulikda qolganlar Sening vaslingga yo'l topsalar;

Bu Sening o'zingdan yetgan hidoyat nuri tufaylidir.

6. Menga ham Sening marhamating yor bo'lmasa, yetmoqqa haddim bormi;

Umrinning boshidan oxiriga qadar gunohga botib, adashgan bo'lsam?

7. O'zing mendan marhamatingni darig' tutma, qabul etmasang imkoni yo'qki;

Umrin davomida ibodat qilsam ham Senga yetolmayman.

8. Sendan boshqa panohim yo'q, Sening dargohingga qarab qochmasam qandoq qilaman;

Gunohlarim ko'pligidan o'zimni o'zim ayblashdan boshqa ishim yo'q.

Maqta': Navoiy Senga ko'p noto'g'ri so'zlarni aytdi
qiladi, ammo bundan uyalmaydi ham;

U qattiq xijolat bilan bo'lsa ham Sening dargoh
yetishishni istaydi.

G'azalning umumiy mazmuni

Ushbu g'azal "hamd" atalib, Xoliqi Mutlaq, ya'ni biz bilmagan koinotdagi hamda undan tashqaridagi barcha mavjudot yaratgan, yagona, misli yo'q, azaliy va abadiy bor Zot – Haq madhiga bag'ishlangan. Shoir g'azal matlaidanoq Buyuk, Yaratganga hamd aytish mas'uliyati naqadar og'ir ekanligini Behamto Zotga hamd aytish mas'uliyati naqadar og'ir ekanligini bayon etadi. Xuddi taqvo (kuchli iymon) va toat (ibodat) yaratganga qurbat (yaqinlik) hosil qilish qanchalik og'ir bo'lsa, fashohatli til, ya'ni chiroyli va qoidaga muvofiq so'z bilan maqtash ham shunchalik mushkuldir. Ikkinchi baytdagi "topmas so'zi "tanimoq" ma'nosini beradi: Haq taoloni na fikr, na xayol tasavvur bilan, na aqliy (dunyoviy) ilm va fahm-farosat bilan tanimoq, anglamoq mumkin.

Bag'oyat yetuklik, betakrorlik, barkamollik, benuqsonlik bilan Haqning o'zi tomonidan yaratilgan koinotdagi bor mavjudotning Uning maqtovini munosib tarzda ayta olmaydi, kuchi-qur'at yetmaydi.

Shu bois behisob kamchiliklari, xatolari, yomonliklari bilan turib, "Yaratganga hamd aytaman", deya beadablik qilgan jannatlik mavjudot, shu qatorda inson ham o'z ojizligini, notavonligini iqtidorsizligini tan olishga majbur. Shu ma'noda navoiyshunos olim I. Haqqulov shunday yozadilar: "Navoiy nazmiy va nasriy asarlaridagi murojaatlarida, ayniqsa, "Munojot" asarida Tangrinning komil sifatlarini ta'riflash barobarida o'zining ojizligini, uning bo'lgan ehtiyojlarini izhor qiladi. Sharq she'riyatida aynan mana shu

"ojizlik izhori" an'anaviy bayon usullaridan bo'lib, komil insonga xos bo'lmish fazilatlaridan sanalgan."⁷⁵

Hayotda adashgan, turmushi qorong'ulikda qolgan har insonga O'zing hidoyat (to'g'ri yo'l) chirog'ini marhamat aylasang, u ushbu chirog' bilan haqiqiy to'g'ri yo'lni – Sening visolingga eltadigan ma'rifat yo'lini topib oladi, demoqda shoir.

"Men ham boshdan oyog'im gunohu, gumrohman, to'g'ri yo'ldan ozganman, menga lutfing-marhamating yor bo'lmasa, dargohingga yetolmayman." Bu baytda shoir o'zi mansub bo'lgan naqshbandiya tariqatining bir shaxobchasi bo'lmish malomatiya nuqtai nazaridan o'zini o'zi malomat qilmoqda. O'zini har narsadan past va xor ko'rish, biror kichik gunohidan ham qattiq uyalish, pushaymonlik, o'zini Haq yaratgan mukammallik ichida nomunosib his etish malomatiylarning tafakkur tarzi edi. Navoiyning piri va eng yaqin do'sti Abdurahmon Jomiyning tariqatdagi yo'nalishi naqshbandiyai-malomatiya bo'lgan.

Endi shoir Yaratganga sidq bilan munojot qilmoqda: O'zing menga lutf qilg'ilki (mehr bilan qaragil va ehson qilg'ilki), o'zim bir umrlik toat-ibodat bilan ham senga yetolmayman (roziligingni topolmayman). Bu yerda shoir Yusuf Xos Hojibning "Qutadg'u bilik" asarida keltirilgan va keyinchalik xalq maqoliga aylanib ketgan "Tangrini toat bila topmas quli" so'zlari mazmuniga ishora etmoqda.

Shoir o'zini malomat etishda mubolag'a qilaveradi, o'zini benuqson Oliy dargohga munosib ko'rmaydi. Ammo shuncha nokomillik bilan ham o'zi intiladigan boshqa dargoh yo'qligini biladi, shu dargohga qochadi, shu dargohdan panoh tilaydi. Bu fikrlarni bayon etar ekan, Navoiy bevosita Qur'oni karimning ochuvchi "Fotiha" surasi 4-5 oyati karimalari (ma'nosi): "Sengagina ibodat qilamiz, Sendangina madad kutamiz" mazmuniga va 114- "An-Nos" surai karimasi 1-3 oyati karimalari: "Ayting: panohiga

⁷⁵ Иброҳим Ҳаққул. Навоийга қайтиш. – Тошкент: "ТАФАККУР", 2016. 20-б. 117

qochaman insonlar Rabbining, insonlar Podshohining, insonlar Ilohining" ma'no-mazmuniga ishora qiladi.

Maqta'da aqli, salohiyati, iymoni va ichki madaniyati bag'ri yuksak insonning Tangri taolo oldidagi xijolati eng baland nuqta ko'tariladi. Zero, xijolat hissi, tushunchasi, holati faqat ichki dunyosi boy, ma'rifatli insonlarda rivojlangan bo'ladi. Xijolat tuyg'usi ham Yaratganning o'zi tanlagan insonlarga in'om etadigan katta ehsoni. Bu hisni hayoti davomida biror marta tuymagan insonlar ham bor, juda ko'p. Navoiy - xijolatda, oddiy bir inson sifatida xatosi ko'p. Ammo uning o'zi topib olgan va intilgan dargohi bitta - shu dargohga yetish uning hayotiy istagi!

G'azal matnidagi ba'zi nomukammalliklar shoir devonida ko'chirgan xattotlar e'tiborsizligi natijasida yuz bergan bo'lishi mumkin. Shunday ekan, yosh navoiyshunoslar oldida Alis Navoiy she'riyati ilmiy-tanqidiy matnini yaratish vazifasi doim bo'lib qolaveradi.

2.

"G'aroyib us-sig'ar", 5-g'azal:

Iloho, podshoho, kirdigoro,
Sanga ochug' nihonu oshkoro.

Sabur ismi bila qilsang tajalliy,
Qilib Namrudg'a yuz ming mudoro.

Qachonkim zohir etsang "tanzi'-ul-mulk",
Skandarning bo'lub mag'lubi Doro.

Yo'ling muhlik toshi yoquti ahmar,
Eshiging tiyra gardi mushki soro.

Suho bo'lsa shabistonigda toli',
Bo'lub nuri quyoshdek olamoro.

Navoiy nafs zulmotig'a qolmish,
Sen o'lmay Xizri rah chiqmoq ne, yoro?!

Qiyomatda gunohin avf etarg'a,
Rasulingni shafi' et, kirdigoro!

LUG'AT:-

Sabur - sabirli, toquti, chidamli, bardoshli

Tajalliy - ko'rinish, jilvalanish

Namrud - rivoyatlarga ko'ra, **DAVLA** ambar *Yorolitti*

alayhissalomni o'tda kuydirmoqchi bo'lgan podshoh

Mudoro - 1. Murosa qilish, chiqishish, kelishish, iltifot, lutf; 2. Sulh tuzmoq, yarashmoq

Muhlik - o'ldiruvchi, halok qiluvchi; halokatli.

Ahmar - qizil

Suho - 1. Hulkar to'plamidagi yulduzlarning eng xirasi; 2. Juda kichik, arzimas

Shafi' - himoyachi, vositachi

G'azal bahri: hazaji musaddasi maqsuri aruz va zarb
Mafo'iylun mafo'iylun mafo'iyl

G'azalning nasriy bayoni

Matla': Yo Alloh, Yo barcha O'zing tomoningdan mavjud etilgan mulk, borliq saltanatining podshohi, Yo Yaratguchim! Barcha yashirin va oshkor mavjudlik va holatlar faqat O'zinggagina ayon.

2. "Sabrli" degan isming bilan borliqda aks etgan podshoh Namrud ismli dushman bilan ham yuz ming bor madda madoro qilasan.

3. Qachonki Qur'oni karimingda marhamat qilganmi, birovdan mulkin tortib olmoqchi bo'lsang. Dorodek shu podshoh ham Iskandardek yosh yigit oldida mag'lub bo'lgan.

4. Senga eltadigan yo'l halokatli, toshlari qizil yopon Eshiging xushbo'y mushk gardlaridan qorayib ketgan.

5. Sho'lasida juda kuchsiz bo'lgan Suhayl yulduzi qorontuningda nur sochsa. Qudratingdan quyoshdek butun olam yoritadi.

6. Navoiy nafs yuki ostida qorong'ulikda qoladi. Qorong'ulikdan O'zing unga yo'ldosh bo'lsangina olam oladi.

Maqta': Qiyomat kuni Navoiyning gunohlarini avf etiladi. Rasulingni uning gunohlarini so'rab olguvchi qilgini. Yaratguchi Tangri taolo!

G'azalning umumiy mazmuni

Bu – munojot tipidagi g'azal bo'lib, Alisher Navoiyning yoshlik yillarida ijod etilgan. "Ilk devon"ning ochuvchi g'azali. G'azal Buyuk Yaratguchining sifatleri tavsifi bilan boshlanadi. O'zi yaratgan maxluqotini O'zi mukammal biladi, Undan hayrat narsa pinhon qolmaydi.

Haq taolo ismlari va sifatleri bilan dunyoda jilvalanib turadigan Agari Sabur (sabrli, toqat qiluvchi) ismi bilan shu'lalashadi. O'zining sevimli do'sti, payg'ambari Namrud alayhissalomni o'tda kuydirmoqchi bo'lgan podshoh Namrud alayhilla'naning ham istagini bajaradi. Rivoyatlarda, Burhoniddin Rabg'uziyning "Qisas ul-anbiyo" asarida keltirilishicha, Ibrohim alayhissalom inson qo'li bilan yasalgan

butlarga emas, yagona va misli yo'q Tangri taologa ibodat qilishga da'vat etganlari uchun, butparastlar ibodatxonalaridagi butlarni sindirib tashlaganlari uchun qavmning g'azabiga uchraydilar va Namrud ul zotni o'tda kuydirmoqchi bo'ladi. Payg'ambar sabr qiladilar va tangridan madad bo'lib, o't balosidan qutuladilar. Shunda Namrud "Men Ibrohimning xudosini otib o'ldiraman", deb niyat qiladi. Bir savat yasatib, uning to'rt chetiga to'rtta qushni bog'lab, ularni go'sht bilan boqib, osmonga ko'tariladi va tangrini otish uchun o'q o'qtalib turadi. Shunda buyuk va behamto Tangri taolo do'stining dushmani bo'lmish kimsaning ham ko'ngliga qarab, falakda bir baliq timsolini namoyon qiladi. Nodon Namrud: "ana Ibrohimning xudosini ko'rdim", deydi va o'q uzadi. Haq taolo baliqdan qon oqqandek manzarani unga ko'rsatadi. Namrud: "otgan o'qim xudoga tegdi", deya xayol qiladi va yerga tushadi. Hazrat Navoiy Namrud alayhilla'na Haq taoloning Sabur, ya'ni mohiyat e'tibori bilan "sabr qiluvchi" ismi dunyo yuzida jilvalanib turgan bir paytda niyatini amalga oshirmoqchi bo'lganini va Haq taolo u bilan murosa-mudoro qilib, jaholatga o'z hikmati bilan sabr qilib, istagini berganini poetik ifoda etmoqdalar. Ammo shundan so'ng o'z adolatini namoyon etarok, Haq taolo uni ojiz bir pashsha zulmiga duchor etib, halok qiladi; u "abadiy o'zimizniki", deb o'ylagan mulkini ham tashlab ketadi. Baytda shoir Tangri taoloning Sabur sifatini tafsir qilib, Odil sifatiga ishora etmoqda.

Keyingi baytda shoir Haq taoloning yana bir sifatini madh etish uchun Qur'oni karimning "Oli-Imron" surasi 26-oyati karimasidan iqtibos olib, Mutlaq mulk va davlat egasi bo'lgan Tangri taoloning istagan kishisiga mulk ato etmog'i va istagan kishisidan bu mulkni tortib olmog'i, istaganini aziz va istaganini xor qilmog'i, bor yaxshilik uning qo'lida ekanligi va albatta Uning O'zigina barcha narsaga qodir zot ekanligini o'quvchiga eslatadi. Shayx Abdulaziz Mansurning "Tafsir"ida (Toshkent: "Ma'naviyat", 2002) keltirilishicha, "tanzi' ul-mulk" – "istagan kishidandan bu mulkni tortib olursan", degan ma'noni anglatadi. Hazrat avvalgi

baytdagi Namrud taqdiriga ishora etar ekanlar, agar har namrud qodir parvardigor istasa, Dorodek shavkatli va ulug' bir shoir "mulkni (toju taxt, mamlakatni) tortib olib", uni Iskandardek yig'itning oldida mag'lub qiladi, degan fikrni bayon etadilar. Baytda shoir oyati karima nihoyasidagi "innaka 'ala kulli shay' qadiyr" kalimalari mazmuniga ko'ra, Haq taoloning Qodir sifatini tasvif etadilar.

Keyingi bayt majoziy tasvir, tashbehu mubolag'alar bilan yaratilgan yuksak badiiy mahorat namunasi bo'lib, unda chuqur ma'rifiy mazmun o'z ifodasini topgan. Ma'rifat - Haq taolo dargohiga intiluvchilarning yo'li. Shoir baytda ana shu yo'lni nazarda tutmoqda. Ammo bu yo'lni bosib o'tish nihoyatda qiyin va tushloq. Bu yo'ldagi toshlarning har biri qip-qizil yoqut bo'lib qimmatbaho. Buning siri shundaki, bu yo'lda yurgan odamlar oshiqlikning muhabbat shavqidani bag'irlari erib, ko'zlaridan oq yulduz qon yoshlari tufayli oyoqlari ostidagi oddiy toshlar bebaho qiyon yoqutlarga aylangan! Muhlik, ya'ni insonni vujudan halok etuvchi uning dunyoviy nafsini ham o'ldiruvchi bu yo'lning nihoyasida Qodir dargoh eshigi mavjud. Bu eshik Haqqa bo'lgan muhabbatdan keluvchi tanlari tuproq kabi to'kilgan, borliqlaridan poklik va sidqu va ifori, hidlarigina qolgan, toza mushkka aylanganlarning g'uboridan qorayib ketgan.

Suho yoki Suhayl - eng kuchsiz nur taratuvchi yulduz. Ammo shoir nazdida shu yulduzcha Haqning tungi osmoniga loyiq ko'rinadigan nuri Quyosh nuri singari kuchli bo'lmog'i shubhasiz.

Navoiy maqta'da o'zining dunyoviy ehtiyojlar yuki ostidagi qolganligini, orzu-istaklarning qorong'u yo'lida qolmoqdaligini ammo niyati ma'rifat ekanligini bayon etadi. Shubhasiz, ushbu yo'lda shoirning yagona Do'sti, yagona Yori - Haq taoloning o'z hamroh bo'lmog'i lozim. Agar shunday bo'lmasa, yo'lni chiqmoqdan ma'no yo'q. Baytda Hazrat Navoiy Qur'oni karimdan kelgan Muso alayhissalom va Xizr alayhirrahma qissasiga ishora etmoqdalar.

Navoiy g'azallari ichidan birgina shu munojot g'azalda maqta'dan keyin yana bir bayt keltiriladi. Bu bayt bilan shoir Haq taolo ibodatida bardavom, sidqu vafosi chegarasiz, intilishi to'xtamas ekanligini ifoda etmoqchi bo'lgandir. G'azalni yakunlar ekan, shoir islom shariati odobiga rioya qiladi, ya'ni Haq taologa hamd aytilgan choqda, uning sevimli payg'ambari, habibi Rasuli akram (s.a.v.)ni tilga olmaslikning iloji yo'qligini biladi. mo'minlikning birinchi talabi - kalimai shahodatni nazarda tutadi. Shoir dunyoviy hayot nihoyasidagi hisob-kitob kunida mahshargohda Haqning sevimli do'sti himoyasida hozir bo'lishni so'rab, munojot qiladi.

G'azalning lirik qahramoni - shoirning o'zi. G'azalning shoir yoshlik yillarida, Hirotdan Samarqandga ketishidan oldin yaratilganligini nazarda tutsak, uning Haq taolo xulqi bilan xulqlanishni istab, o'ziga sabr tilaganligini, Droni yenggan Iskandar, kuchsizgina Suho yulduzi timsollarida o'zini tasavvur etganligini mushohada qilishimiz mumkin. Ammo bizning bu kuchsiz mushohadamiz "shoir shunday demoqda", mazmunidagi fikrni anglatmaydi.

3.

"G'aroyib us-sig'ar", 6-g'azal:

Ey, nubuvvat xaylig'a xotam baniy Odam aro,
Gar alar xotam, sen ul otkim, erur xotam aro.

Yuz eshiging tufrog'ig'a surta olg'aymenmu deb,
Charx qasridin quyosh har kun tushar olam aro.

Anjum ichra orazing me'roj shomi o'ylakim,
Tushsa durri shabcharog'ye har taraf shabnam aro.

Ne uchun kiymish qaro haryon solib jaybig'a chok,
Furqatingdin Ka'ba gar qolmaydurur motam aro.

Sof ko'nglida yuzung mehrini go'yo asramish,
Tush chog'i har kun quyosh aksi emas Zam-zam aro.

Mash'ale bo'lmish malak ilgida ravzang boshig'a,
Oy charog'i kechalar bu nilgun toram aro.

Qum emas Bathodakim, mehri jamoling hajridin,
Zarra-zarra jismi bir-birdin to'kuldi g'am aro.

Yo'l emas, Yasribda yirtibdur yuzin tirnog'ila,
Maqdaming to yetmadi ul vodiysi xurram aro.

Itlaring maxsus mahzundur Navoiy, koshki
Kirsa bu mahrum ham ul zumrai mahram aro.

LUG'AT :

Nubuvvat – nabiyluk, payg'ambarlar guruhi, Haq
insoniyatga yuborgan elchilar guruhi
Xotam – muhr
Jayb – 1. Cho'ntak, kissa; 2. Yoqa, kiyimning yoqasi; 3. Yoq
yaqinlik
Ka'ba – 1. Makka shahridagi ziyoratgoh, muqaddas sayilgoh
musulmonlar qiblasi; 2. Ko'ngil.
Zam-zam – 1. Qo'shish, jamlash; 2. Makkai mukarrama
muqaddas quduq
Batho – Makkai makarrama atrofidagi Batho vodiysi
Yasrib – Madina shahrining qadimgi nomi
Nilgun toram – ko'k rangli osmon gumbazi

G'azal bahri: ramali musammani maqsur
Foilotun foilotun foilotun foilon

G'azalning nasriy bayoni

Matla': Ey Odam bolalari ichidan tanlangan nabiyalar to'piga bosilgan muhr. Agar ular muhr bo'lsalar, sen o'sha muhr o'rtasida o'yib yozilgan otsan.

2. Sening eshiging tuprog'iga yuzini surtish umidida. Qasrga o'hshash falaklardan Quyosh har kun olamga, dunyoga tushadi.

3. Me'rojga ko'tarilganingda Sening yuzing go'yoki yulduzlar ichida shabnam orasidagi kechani yorituvchi dur kabi edi.

4. Nega yoqalarini chok etib, egniga qora kiymasin Ka'baki, Sening furqatingda motamda qoldi-ku!

5. Go'yoki pokiza ko'nglida Sening yuzingga bo'lgan muhabbatini asragandek; Zamzam qudug'i suvi yuzida aks etgan nur aslo quyosh nuri emas.

6. Qabring boshida farishtalar ko'tarib turgan mash'ala kechalari ko'm-ko'k osmonda nur sochib turgan Oydir.

7. Batho vodiysidagi qumlar albatta qum emas, balki jamoling mehrini sog'inib, g'amga botib, zarra-zarra bo'lib to'kilib ketgan jismlardir.

8. Yasrib shahri tomon cho'zilgan yo'llar ham yo'l emas, balki yuzlarini tirnoqlari bilan yirtib; Sening muborak qadamingni orzulab turgan shodu xurram bir vodiysidir.

Maqta': Eshigingdagi itlaring Sening xususiy mulking, shu sababdan ham Navoiy hazin, g'amda qolgandirki; Qaniydi u ham shunday baxtdan mahrum bo'lmay, Sening xonadoning mulki bo'lsa edi!

Navbatdagi baytda Makkai mukarrama yaqinidagi vodiysi haqida fikr boradiki, payg'ambar alayhissalom hijratlarini (Makkadan chiqib ketishlarini) sezib, Batho vodi qumlar endi qum emas, balki nabi hajrida zarra-zarra to'kilgan jismlardir.

Yasrib – Madinai munavvaraning qadimgi nomi. Tani ma'lumki, payg'ambar alayhissalom 50 yoshlarida Madinai mukarramadan chiqib, ul zoti oliyni nihoyatda sevgan madaniyat – ansorlar huzuriga yo'l oladilar va muborak umrlarining o'nta qadar (o'n uch yil) shu yerda qoladilar. Madinaliklar Hamid Muhammad habibulloh (a.)ni betoqatlik bilan kutadilar, ul o'zbek pokka yetishgach, yuksak ehtirom ko'rsatadilar. Baytda Madinai olib boruvchi yo'llar yo'l emas, yer o'z yuzlarini payg'ambar qadamlarini orzulab pora-pora qilgandan qolgan timoq izini deyilmoqda. yer - tashxis san'ati bilan jonlantirilmoqda, "yer yo'lib borib" iborasi tashbehi po'shida vositasida yashirin iyhom qilinmoqda.

Nihoyat, lirik qahramon g'azalning maqta'ida payg'ambar alayhissalom eshigidagi itlarga havas bilan qaraganligini izhor etgan. Chunki, itlar sharafligini dargoh uchun xos bo'lib, lirik qahramon eshigi sharaftan mahrumdir.

4.

“G'aroyib us-sig'ar”, 7-g'azal:

Zihye javlangahing aflok uza maydoni “av adno”,
Buroqingg'a to'quz gunbad bu to'qquz gunbadi xazro.

Qilib chun xay gulobi mayli na'layning, bo'lib andin
Malak ra'nolarining jabhasig'a charx sandalso.

Esib rahmat nasimi chun damodam sunbuling sori,
Bo'lub ruhonilar jaybi labolab anbari soro.

Falak qolib buroqingdin, emas vasfi falaksur'at,
Qamar yorub jamolingdin, emas na'ting qamarsiymo.

Yuzungdin anjum, anjumdin quyosh nur iktisob aylab,
Aningdekkim, quyoshdin oyu, oydin qiyrung g'abro.

Falak vodiylari qat'ig'a azming chun surub markab,
Xirad paykig'a ham avval qadamda ranj o'lub paydo.

Rafiqing toyir andoqkim Sulaymon ollida hudhud,
Buroqing soyir anjum shohi ustinda sipehroso.

Qilib bu sayr aro ma'shuq vasli ko'yida manzil,
Tilab sargashta ushshoqig'a ham rahmat uyin ma'vo.

Navoiy xush ko'rar olamni oting zikridin, yo'qsa,
Anga do'zax aro o'tdekturur dunyovu mo fiho.

LUG'AT :

- Zihi – go'zal, yoqimli, ko'ngilga matlub; yaxshi, qanday
yaxshi; ofarin; xuddi o'zi, juda, eng
Av-adno – pastroq, yaqinroq
Buroq – Muhammad alayhissalomni me'roj kechasi ko'kka olib
chiqqan ot suratidagi farishta
Xazro – ko'k, yashil; osmon
Xay – ter tomchisi
Na'layn – etik, juft kavush, poyafzal
Jabha – peshona, manglay; yuz, oy yuzli
Anbar – xushbo'y modda, yoqimli hid
Iktisob – o'rganish, kasb qilish, qo'lga kiritish, qozonish
Qiyrgun – qoramoy rangli, qop-qora, tim qora
G'abro – yer, yer yuzi, yer shari

Payk xabarchi, jarchi; elchi
Sipchroso osmon, falak kabi; baland, yuksak
Mo fiho undagi, uning ichidagi

G'azal bahri: hazaji musammani solim
Mafo'iyun mafo'iyun mafo'iyun mafo'iyun

G'azalning nasriy bayoni

Matla': Sening bag'oyat chiroyli javlon uruvchi maydon
falaklar uzradir, falaklar undan pastroqdir; Ko'm-ko'x
qavatli osmon Sen mingan Buroq ismli ot uchun go'yo
gumbaz kabidir.

2. Gul suvidek xushbo'y tering kovushlaring sari oqar
undan qolgan izdan andoza olib; Chiroyli bo'yli farishta
peshonalariga aylanuvchi (charx) sandal daraxti yan
tikqadlikni taqdir qilgandir.

3. Har nafas sunbul kabi kokillaring tomonga rahmat sh
esib turadiki; Bundan ruhlar yoqalari anbar kabi xushbo'y
bilan labolab to'ladilar.

4. Aylanuvchi osmonlar tezlikda Sening Buroq
yetolmadilar, shu boisdan endi tez aylanuvchi,
uchuvchilarni "falaklarga o'xshaydi", deb maqtab bo'lmay
Xuddi shuningdek Oy yorug'likni Sening jamoliga
olibdiki, endi Seni vasf etganda "oyyuzli" deb maqtash
nojoizdir.

5. Yuzingdan yulduzlar, yulduzlar nuri sochib
o'rganib olishibdi; B
6. Osmon
Aql

7. Sening Do'sting Sulaymon payg'ambar yonida uchib yurgan
Hudhud kabidir; Buroq oting esa yulduzlar shohi – Oy ustida
osmon kabidir.

8. Bu sayrdan maqsading sevgili Do'sting ko'chasiga borish
edi; Uning sargardon kezgan oshiqlari uchun ham rahmat uyini
tilash edi.

Maqta': Navoiy bu olamni faqat Sening otingni tinmay
qaytarishdan bahra topgani, lazzat tuygani uchungina xush
ko'radi; Aks holda bu yo'q bo'lib ketuvchi dunyo uning uchun
do'zax ichidagi olov kabidir.

G'azalning umumiy mazmuni

Bu g'azal ham na't bo'lib, boshidan oxiriga qadar Muhammad
alayhissalomning Me'roj kechasidagi mo'jizalari vasfiga
bag'ishlangan. Matla'da payg'ambar alayhissalom aylanadigan,
javlon uradigan go'zal maydon falaklar uzra bo'lib, to'qqiz qavat
osmon ham uning afsonaviy oti – farishta Buroq parvozidan
pastroqda qoladi, deyilmoqda.

Gul suvi yanglig' tering tomchisi poyafzaling sari oqar ekan,
charx go'zalqadli farishtalarning peshonasiga undan andoza olib
"sandalso" – sandal daraxti kabi xushqomatlik, zebolik,
xushbichimlilikni taqdir qildi.

Dam-badam shamolda tebrangan sochlaring sari rahmat nasimi
(shamoli) esib, tarqalar ekan, yo'lingda, osmonlarda uchragan
payg'ambarlar ruhlarining yoqalari anbarin xushbo'y hiddan labolab
to'lib boradi.

Falaklar Buroqing parvozidan nastda qoldilar, endi yuksaklikni
vasf etgan otingning shu'lasidan
shbeh

Payg'ambar yuzini ko'rib yulduzlar, yulduzlardan quyoshni taratishni kasb qilishgani kabi quyoshdan oy, oydan esa qop-qop yer nurga chulg'anadi.

Me'roj tuni falaklar osha parvoz qilish uchun ot surganingda aql elchisi buni tushunmay, ranjidi.

Me'roj tuni sayrida Sening rafiqing – Hazrati Jabroil alayhissalom xuddi Sulaymon alayhissalom yonidagi Hudhud kabi edi. Buroqing parvozi esa yulduzlar shohi – Oydan ham yuksalib osmonlardan oshib ketdi.

Payg'ambar alayhissalom bu sayr ichida o'zlari sevgan Zohir dargohida bo'ldilar, sovg'alar oldilar, o'zlarini nur ichida ko'rdilar. Ammo tilaklari - barcha Haq oshiqclariga, ma'rifattalab insonlarga rahmat uyidan, rahmat nazaridan nasiba tilash edi.

Maqta'da Navoiy sevimli rahnamomiz Rasuli akram (s.a.v.) nomlarini tilida takror etish bilangina bu olamni xush ko'rish bayon etadi. Chunki, u bu oliy zotni shu olamda tanidi, qattiq meh qo'ydi, ergashdi. Agar shunday bo'lmaganda, bu dunyo va uning ichidagi bor mavjudot shoir ko'ziga do'zax ichidagi o'tib dahshatli, noxush bo'lib ko'rinar edi.

5.

“G'aroyib us-sig'ar”, 10-g'azal:

Sinsa ko'nglumda o'qung surtib isig' qondin anga,
Pay masallik chirmag'aymen rishtai jondin anga.

Bodai la'ling mizoji ruhparvardur base,
Go'yiyo mamzuj etibsen obi hayvondin anga.

O'qi ko'nglim sho'lasin gah sokin etti, gohi tez,
Gah o'tun bo'ldi, gahye su urdi paykondin anga.

Dardu g'am bo'stonining tovusidur ko'nglim qushi,
Gul bo'lib jismimda keskan na'l har yondin anga.

Ne kabutar yeta olur ul quyoshqa, ne nasim,
Ey ko'ngul, holingni e'lom ayla afg'ondin anga.

Ko'zga to kirmish xayoling sovug' ohim vahmidin,
Bog'lamishmen qo'ryo⁷⁶ har sori mujgondin anga.

Ey Navoiy, yig'lamoq ohimg'a taskin bermadi,
Vah, bu ne o'tdurki, yo'q ta'sir to'fondin anga.

LUG'AT :

Mizoj – 1. Tabiat, xulq, atvor; 2. Holat, ahvol
Mamzuj – aralash, aralashtirilgan, maxlut
Na'l – 1. Taqa; 2. Etik tovoniga qoqiladigan temir nag'al; 3. Kovush, sandaliya; 4. Taqa shaklidagi tamg'a
E'lom – e'lon qilish, bildirish, ma'lum qilish
Qo'ryo – 1. Chodir, kapa; 2. Xarobaxona; vayrona

G'azal bahri: ramali musammaf maqsur
Foilotun foilotun foilotun foilon

G'azalning nasriy bayoni
Matla': Ko'nglimga otgan o'qing (chiroyli kipriging orzusi, nazaring yoki biror og'iz so'zing) unga qadalib sinib qoldi. Men ko'nglimning o'q tekkan yeridan oqqan qonni unga surttim va;

⁷⁶ Bu s'uz matnda “k'ure” shaklida berilgan b'ulib, ma'no anglatmaydi. Baitning mazmunan t'ug'ri matni “Aliшер Navoiy asarlari tili izohli lug'ati”, IY. t., 91-betda (To'shkent: “FAN”, 1985) berilgan. Avvalgi matnda vaznda ham saktalik yoz bergan b'ulib, ANATIL matnda vazn mukammal namo'n b'ulgan.

2. Lablaring sharbati yoki shirin so'zlaringning tabiati ko'nglini ko'taruvchi;

Og'zingdan chiqqan sharbatni tayyorlashda (ma'noli so'z aytishda) tiriklik suvidan foydalanganga o'xshaysan.

3. Ko'nglinga tushgan o'q ba'zan unga sokinlik baxsh etadi, ba'zan esa shunday ham yonib turgan ko'nglim olovini yanada alangalatti;

Bu holdan ko'nglim ba'zan o'tin bo'lib yonib tugadi, ba'zan unga kiprikdagi ko'z yoshlari bilan suv sepildi.

4. Mening ko'nglimning qushi dardu g'am bo'stonida to'ng'ib kabi xirom etadi;

Jismimda nag'al shaklidek o'yilgan gullar bo'lib, bu shu to'ng'ib patlaridagi gullarga o'xshaydi.

5. Quyosh kabi yuksaklikdagi ma'shuqaga na kabutar uchib yeta oladi, na bir shamol;

Ey ko'ngul, endi fig'on chekki, faqat sening kuchli fig'onlik ahvolingni unga yetkaza oladi.

6. Sovuq "oh"lar urganimdan qo'rqib, Xayoling ko'zlarini ichiga kirib oldi;

Men esa darhol kipriklarimdan bir chodir yasab, uni ihotada qo'ydim.

Maqta': Ey navo qilguvchi, har qancha yig'laganing baxsh ohing o'ti pasaymadi;

Bu qanday o't ekanki, to'fon ham (to'fondek kuchli ko'z yoshlari ham) uni o'chirolmasa?!

G'azalning umumiy mazmuni

Bu g'azal matla'dan maqta'ga qadar oshiq qalbidagi hijron g'amining turli holat, ko'rinish, ma'no va mazmundagi poeziya

ma'shuqa xayoli bilan band, uning qarshisida hoziru nozir. Ammo ma'shuqa jafokor – bir nazari bilan kiprik o'qini oshiq ko'nglini mo'ljallab otadi. O'q mo'ljalga qadalib, sinib qoladi. Endi oshiqning holi ne kechadi? Shoirning maqsadi ham bechora oshiqning ana shu ahvolini sharhlab, tasvirlab berish va shu munosabat bilan "o'z dardini ham aytib yig'lash".

Bechora oshiq "tilla topgan majnundek" ma'shuqasi tomondan kelgan o'q sinig'ini (kamon o'qi, deb tasavvur qilamiz) ko'ngli zaxmi (o'q qadalgan joydagi yara)dan oqqan issiq qon bilan bo'yaydi. Shundan so'ng jonining iplari bilan uni chirmab-o'raydi. Tasvirda Navoiy insoniyat va hayvonot tanasida suyak atrofi pay bilan o'ralganligiga ishora etmoqda. Ammo bu poetik detal Navoiy davri tarixnavislaridan yetib kelgan bir hodisani ham esga soladi. O'sha davr zodagonlari uchun tansiq taom tayyorlanganda jonliq iligini payga o'rab, sho'rvaga solib pishirishar ekan. Bu - Hazrat Navoiyning ham sevimli taomlaridan biri bo'lgan ekan. Balki oshiq ko'ngliga kirib qolgan o'q sinig'ining noyob, tansiq, zodagonlargagina xos bir narsa ekanligini ta'kidlash uchun shoir shunday tashbeh tanlagandir?

Ma'shuqa la'lining bodasi, ya'ni la'ldek qimmatbaho og'zidan chiqqan mast etuvchi so'zlar tabiati inson ruhini ko'tarib yuboruvchi xislatga ega. Oshiq nazarida ma'shuqaning jonbaxsh etuvchi nutqi uning mizoji yaratilishida – to'rt unsur mutanosibligi yuzaga keltirilishi jarayonida moddaga tiriklik suvidan ham qo'shib, aralashtirib yuborilganligi boisidandir. Shu daqiqada "ko'ngilga qadalgan o'qdek nazar", "ruhparvar jonbaxsh nutq" tashbehlari o'quvchini shoir bir piri ma'rifat haqida so'z yuritmayaptimikin, degan fikrga olib keladi.

Keyingi bayt mazmuni yuqoridagi fikrlarimizni yanada mustahkamlash uchun xizmat qiladi. Ko'ngilga qadalgan o'q – pir nazari yoki uning ruhparvar kalomi oshiq ko'nglidagi muhabbat

shavqiga goh taskin beradi (bu muridi zohiri va botimini muqaddas turuvchi pirning tadbiri, tarbiya uslubi), goh muhabbat bilan alangalatadi. O'q – jismi jihatidan ko'ngil ichida goh o'tim bo'lishi, ya'ni kiprikdan bo'lganligi jihatidan ko'z yoshlarini ko'ngildagi shavq o'tiga taskin beradi.

Ko'ngilga qadalgan o'q tasviri tugagach, lirik qahramon ko'ngli tasvirini chizadi. Bu ko'ngil nihoyatda go'zal bir qiyofa mazmunga ega. Uning qiyofasining go'zalligi tovus kabi jisimidagi gul shaklida bosilgan tamg'alar tovus qanotidagi shakllar kabidir. Oshiq ko'ngil qushining go'zal mazmuni – eng taqchil, topilmas bir bo'ston – dardu g'am bo'stonida tovus xiromon etayotganidir.

Endigi baytda shoir yana ko'ngil murodi, maqsadi bayon boshlaydi. Ma'shuqa shu qadar yuksakki, ungacha xabarchi kabutar ham, shamol ham yeta olmaydi. Faqat oshiq ko'ngil fig'oni chekib o'z holini bayon etsagina, ma'shuqa parvo qilishi mumkin. Mutafakkir shoirning bu tashbehi ham "ko'ngil fig'oni" vositasida faqat xos oshiqlar holi bayon etiladi, degan mushohadaga keladi.

Navbatdagi baytda shoir yana favqulodda go'zal mazmuni badiiy lavha yaratmoqda. Unda avvalgi baytdagi fikrning davomi sifatida oshiqning "fig'onlar chekib, sovuq tortganligi" mubolag'a bilan tasvirlanadi. Bu ko'ngil fig'oni qadar kuchli, vahimali edi-ki, ko'ngilda muqim turgan ma'shuqa xayoli undan qochib chiqadi va endi oshiq ko'zlarini maskan tutmaydi. Oshiq ham "vaqtni g'animat bilib" ma'shuqa xayoli yashiringan ko'zlari atrofiga o'zining kipriklaridan bir chodir bog'lab qo'yadi.

Maqta'da o'quvchi ko'z o'ngida yana donishmand Navoiy namoyon bo'ladi. U ko'z yoshlarini to'fonga taslim bo'lmaydi. Shu o't to'fonga "bo'y bermaydi", to'fonga taslim bo'lmaydi. Shoir o'quvchisi tasavvurida oshiq qalbidagi abadiy o'chmas bir haqida tushuncha hosil qilar ekan, bunday "o't" bevosita ma'no

yo'lchisigagina taalluqli bo'lishi mumkinligiga ham ishora etadi. Binobarin, ulug' shoirning zukko o'quvchisi ushbu g'azalning har bir baytidan ilmi ma'rifatga tegishli ramz va ishoralarni topib olaveradi va bu topilmalar faqat uning o'zigagina tegishli bo'lib qoladi.

6.

"G'aroyib us-sig'ar", 373-g'azal:

Yordin kelmish manga bir turfa maktub, ey ko'ngul
Kim, erur har satri, bal har harfi marg'ub, ey ko'ngul.

Lafz yo'q, har harfi jon hirzi, dag'i har nuqtasi
Mardumak yanglig' biaynih ko'zga matlub, ey ko'ngul.

Ayladim tumor agar tumor etar dafi junun,
Bu meni qilmish junun ilgida mag'lub, ey ko'ngul.

Safhada ermas muhabbat sharhikim, kelmish kiyib
Hullayi kofurgun bir turfa mahub, ey ko'ngul.

Asru ko'p takror etardin ul parivash nomasin,
Bo'lmisham el ichra majnunluqqa mansub, ey ko'ngul.

G'ayrdin saffhangni qilg'il pok, ya'ni aylama,
Xotiring lavhini har xat birla ma'yub, ey ko'ngul.

G'amdin ozod o'ldi xattidin Navoiy, bermasa
Begiga qulluqqa xat bo'lg'aymu mahsub, ey ko'ngul.

LUG'AT :

- Marg'ub – yoqimli, sevimli, ma'qul; dilkash, xushro'y
Hirz – 1. Saqlaydigan, asraydigan; 2. Sehr-joduni qaytaradi; 3.
Tumon o'rnini bosadi
Biaynih – xuddi o'zi, aynan
Hulla – bezakli kiyim, ziynat libosi; nafis matodan tikilgan kiyim
Ma'yub – mayib, aybli
Mahsub – hisobga olingan, sherik, bir qatordagi

G'azal bahri: ramali musammani solimi mahzuf
Foilotun foilotun foilotun foilon

Baytlarning nasriy bayoni:

- Matla':** Ey ko'nglim, menga yorimdan bir ajoyib maktub keltir
Uning har satrigina emas, balki har harfi dilga yoqimli.
2. Gap yo'q, maktubning har harfi mening jonimni balo-qazodan
asraguchi tumor, ko'zimning qorachig'idek xuddi.
3. Shuning uchun uni bo'yninga tumor qilib osdim. Ammo
tumor devonalikni ketkizsa, bu xat meni devona qilmoqda;
4. Chunki maktub sahifasida muhabbat mavzuidagi so'zlarni
emas, balki oq harir libos kiygan ajoyib bir mahjubani
ko'rmoqdaman;
5. Bu maktubni takror-takror o'qiyverib, nomim devonaga chiqib
6. Ey ko'nglim, shu bir maktub tufayli o'z sahifangni nopok
etma, xotirangni har bir xat bilan aybli qilib qo'yma;
Maqta': Navoiy shu xatni oldi-yu, g'amdan ozod bo'ldi. Agar
mahbuba shu xatni bermasa, Navoiyni "qulim", deb hisoblama
edi.

G'azalning umumiy ma'no-mazmuni:

Alisher Navoiy she'riyatining asosiy qismi "Xazoyin ul-maoniy" devonlar majmuidan joy olgan. Uning she'riyati mavzusi uch qismga bo'linadi: falsafiy-tasavvufiy mavzu, ijtimoiy mavzu va ishq-muhabbat mavzusi.

Navoiyning tushunchasida ishq – eng oliyjanob insoniy fazilat. U g'ayriixtiyoriy ravishda yuzaga kelgan pokiza his-tuyg'udir. Shoir "Mahbub ul-qulub" asarida yozishicha, ishq shunday bir yulduzdirki, bashar farzandlari ko'zining nuri va ravshanligi undan, so'ngra, u bir quyoshdirki, qayg'uli xotiralar tikanzori undan chaman hosil qiladi. Xullas, ishq – kishilik tojining bezagi va inson ishq bilan baholanadi. Muallif ishq haqida keng va ibratli ta'rif bergach, uni uch qismga bo'ladi: avom (oddiy kishilar) ishq, xavos (xos – oliy maqsadga intilgan kishilar) ishq va pok (mutlaqo ozodlikka erishgan kishilar) ishq. "Xazoyin ul-maoniy" devonlarida ishqning ana shu uchala qismiga ham taalluqli she'rlar anchagina. Shoirning "Hayrat ul-abror" dostonida ta'rifi keltirilgan, "Sittai zaruriya" nomli forsiy qasidalar majmui tarkibiga kiruvchi "Qasidai Ruhul – qudsi tavhidi bori taolo" asarida podshoh tarzida tasvirlangan "ko'ngul" obrazi biz tahliliga kirishgan g'azalning asosiy obrazlaridan biridir. Navoiy lirik she'rlarida ko'ngulning xilma-xil holatlardagi tasvirlarini chizish bilan o'zining falsafiy, axloqiy fikrlarini nafis tarannum etishga erishadi. Shoirning ayrim g'azallarida ko'ngul lirik qahramonning eng yaqin musohibi, muhibi tarzida g'aydalanadi. U lirik qahramon bilan o'zining eng nozik tuyg'ularini o'rtoqlashadi:

Yordin kelmish manga bir turfa maktub, ey ko'ngul
Kim, erur har satri, bal har harfi marg'ub, ey ko'ngul.
Lafz yo'q, har harfi jon hirzi, dag'i har nuqtasi
Mardumak yanglig' biaynih ko'zga matlub, ey ko'ngul.
Mazkur baytlarda yordan kelgan maktubning oshiq qalbida
o'yg'otgan tug'yoni mubolag'a va inkor hamda musalsal tashbeh

san'atlari vositasida juda nafis ochib berilgan. Matla'da ma'shuqa maktubi ta'riflanar ekan, bunday ta'rif oshiqning o'zini ham qoniqtirmaydi. U maktubni yanada asosliroq ta'riflashga kirishadi: "Yo'q-yo'q, xatning har so'zi emas, balki har bir harfi jonimni balar qazodan asraguchi tumordir. Uning har bir nuqtasi esa (arab alifbosidagi harf usti va ostiga qo'yiladigan nuqtalarni tasavvur qiling) ko'z qorachig'i yanglig' aziz va sevimlidir", degan fikrlarni bayon etadi. Baytda shoir favqulodda chiroyli bir sintaktik usul qo'llaydi, u so'zining boshida oddiy xalq tilida mavjud bo'lgan bir iborani keltiradi, ya'ni "kalka" qiladi: "lafz yo'q" – "gap yo'q" (olifta, o'ziga ishonchi kuchli yigitlar qo'llaydigan ibora). Ko'z qorachig'ini esa harflardagi nuqtalarga qiyoslaydi.

Uchinchi baytda yana bir favqulodda poetik fikr bayon etiladi. Ma'lumki, tumor insonning fe'lidagi telbalik asarlarini ketkizsa, ma'shuqaning maktubidan qilingan tumor aksincha oshiqni majnun, ya'ni telbalikka muhtalo etadi, kasallik qo'lida mag'lub qilib qo'yadi.

Buyuk shoir g'azal matla'sida tasvirlangan fikrni tadrifiy rivojlantira borib, shunday poetik fikrlarni bayon etadiki, o'quvchi tasavvuri bunday badiiy tasvir qarshisida mo'jizaviy bir holatga yuzma-yuz kelib qolgandek lol bo'lib qoladi. Shoirning tasviri, unda mahbuba tumor qilingan xatning mo'jizasi shunda emishki, unda oppoq libos o'z muhabbati sharhini yozgan emas ekan. Balki o'zi oppoq libos kiyib, ajoyib mahbuba qiyofasida oshiqning oldiga kelgan ekan.

Safhada ermas muhabbat sharhikim, kelmish kiyib Hullayi kofurgun bir turfa mahbub, ey ko'ngul. She'ning davomida lirik qahramonning o'sha parivash nomasini qayta-qayta o'qiyverishi (yoki kofurgun – oppoq libosli mahbubani takror-takror ko'raverishi) tufayli el orasida nomi "majnun" – telbaga chiqib qolganligi bayon etiladi. Baytda "parivash" va "majnun" so'zlari vositasida tanosub san'ati ham yaratilgan. Zero, el orasida pari insonga uchrasa, uning aqlu hushini olib devona qilib qo'yadi, degan rivoyat shoyondir. Ana shu

voqeyalardan keyin navbatdagi baytda lirik qahramon ko'ngulga nasihat qiladi: "shuncha ko'rguliklarni boshingdan kechirding, endi hayoting daftari sahifasini pokla, xayolingni har bir xat bilan band qilaverma!". Maqta'dan oldingi bu falsafiy bayt tasavvufiy mazmun kasb etadi. Shoir "go'zallikni ko'rdingmi, u tufayli ishq tug'yonini boshingdan kechirdingmi, endi shu bebaho ne'matlarining, hikmatning, qudratning mushohadasiga o't. Xayolingdan o'tkinchi havaslarni chiqarib tashla, "o'tmaguchi", vaqtincha bo'lmagan mukammal "ishq tug'yoni" bilan band bo'l", demoqchidek bo'ladi.

G'azalning maqta'sida "xat" so'zini ikki ma'noda qo'llashdan iborat yana bir badiiy san'at – iyhom ishlatilgan. Birinchi misrani "ma'shuqa xati tufayli Navoiy g'amdan ozod bo'ldi", degan ma'noda tushunish mumkin. Yana bir ma'noda "Navoiy yorning xattini – labi g'amidan mayin tuklarni ko'rib, zavqu shavqqa to'ldi, hijron Oxirgi misrada esa "xat" so'zi uchinchisi ma'noda qo'llanilgan. Ya'ni, lirik qahramonning xo'jayini – begi – ma'shuqasi uni g'amdan (mehnat-mashaqqatlardan, tutqunlikdan, qullikdan) ozod etgach, "endi sen ozodsan", deb tilxat bermasa bo'lmaydi-ku! Bu narsa beklilik va qullik o'rtasidagi sheriklik qoidasidir, degan fikr anglashiladi. Shu tariqa nuktadon Navoiy ko'ngul obrazi vositasida majoziy ishqning turfa bir lavhasini yaratadi.

7.

"G'aroyib us-sig'ar", 144-g'azal:

Jonim oromi uchun qosidki jonondin kelur,
Go'yo⁷⁷ jonparvar nasime obi hayvondir kelur.

⁷⁷ Shoirning XX jildlik MATida bu s'uz "g'uyin" tarzida berilgan (3-jild, 132-b.). Misra shu tarzda u'qilsa, vaznda saktalik yoz beradi. Aruz fanining s'ruk nazariyotchisi b'ulmi sh Navoiy u'z g'azallarida bunday holatga mutlaqo' i'yl k'uyimagan. Bu xato e' hattotlar e'tiborsizligi, e'ki transliteratsiya jara'finida sodir b'ulgan. "G'uyin" s'uzidagi ikkinchi "yo'" x'ujosi ham aslida 141

Noma qosid ilgidin, qosid habibim ollidin,
Mujdai jon yeldinu yel mohi Kan'ondin kelur.

Va'dai vasliki jonondin kelur hijron kuni,
Tindurur ko'nglimni so'z yanglig'kim, ul jondin kelur.

Gavharedekdurki, chiqmish xomasining no'gidin,
Noma uzra shodlig' ashkimki, mujgondin kelur.

Shodlig'din jon nisor etsam, ne tongkim, bu xabar
Ham ko'nguldin, filmasal, ham ko'nglum olg'ondin kelur.

Vahki, mazmunidur ahli dard sargardonlig'i,
Har balo maktubikim, bu charxi gardondin kelur.

Deb emush nomamg'a qilmaydur Navoiy jon nisor,
Anda jon bo'lsa qachon bu nav' ish ondin⁷⁸ kelur.

L U G' A T :

Qosid – elchi, xabarchi; qasd qiluvchi, niyat etuvchi
Obi hayvon – tiriklik suvi, abadiy hayot bag'ishlovchi suv
Nasim – shabada, mayin esuvchi shamol
Mujda - xabar
Xoma – qalam

G'azal bahri: ramali musammani solimi mahzuf
Foilotun foilotun foilotun foilun

узун бўлгани ҳа
Бобур ай
туши

Baytlarning nasriy bayoni:

Matla': Mening jonimga orom bo'lib jononimdan bir xabarchi keldi. Bu hodisa go'yo hayot baxsh etuvchi suvdan esgan mayin shabadaga o'xshaydi;

1. Xabarchi menga xat keltirdi, xat bir do'stim tomonidan yozilgan. Xatni olgach, Kan'on osmonidagi oydan esgan shabada menga jon keltirgandek bo'ldi;
2. Xatda vasl va'da qilingan edi, bu esa jonimdan chiqqan so'zga o'xshab ko'nglimni tinchlantirdi;
3. Shodligimdan yig'ladim. Kiprigimdan tomgan yosh go'yoki uning qalami uchidan chiqqan gavharlarga o'xshar edi;
4. Ham ko'nglimdan, ham ko'nglim olgan yorimdan kelgan bu xabar uchun jonimni hadya qilsam ham arziydi;
5. Xatning mazmuni dard elining ovorayu sarsonligi vasfidan iborat. Ma'lumki, dardu balo sharhi yozilgan maktublar osmondan keladi;

Maqta': Xat nihoyasida "Navoiy bu xatim uchun jonini fido qilmaydimi?", debti. Axir unda jonning o'zi bo'lsa, bunday ish uning qo'lidan keladi.

G'azalning umumiy ma'no-mazmuni:

Bu g'azalda xabarchi keltirgan maktub tufayli sevimli do'stini sog'ingan lirik qahramonning qalbida tug'yon urgan quvonch hissiyotlari badiiy aks ettiriladi. G'azal xabarchidan kelgan maktub haqida o'q...

me... Noma-shundan noma shunday Noma-ku... ldi.

Ana shu misra mazmunidan g'azal lirik qahramonning do'stidan-habibidan olgan maktub munosabati bilan yozilganligini mushohada qilamiz. Chunki, xat yuborgan kimsa "mahbuba" emas, "habib" deyilmoqda. Bu o'rta asr lirik she'riyati uslubi bo'lgan ma'shuqadan o'zgaga nisbatan ham mubolag'aviy va go'zal istilohlar qo'llanilishi uning badiiy xususiyatlaridan biridir.

Noma o'zi bilan xushbo'y bir nasim olib keldiki, go'yo le nasim Kan'on osmonidagi Oydan xabar bermoqda. E'tibor qilinsa ayni shu fikrlarni ifodalashda muallif yonma-yon qo'yish (parallelizm), yashirin o'xshatish (tashbehi po'shida) va talim san'atlarini tasvir vositasiga aylantiradi. Chunki, Mohi Kan'on istilohi ostida shoir Hazrati Ya'qub va Hazrati Yusuf (alayhimussalom) qissasi voqyealariga ishora qilmoqda. Qissa mazmunini eslang. Unga ko'ra, yo'qolib ketgan payg'ambarning hajrida g'am chekaverib, ko'zlari ko'r bo'lib qolgan payg'ambarning bolasining hayotligi daragi yetkazilishi munosabati bilan chekashodlik, quvonch hadya etiladi. "Kan'on osmonidagi noma" deyilganda esa Yusuf alayhissalomning do'stini Yusuf (a.) podshoh tutiladi. Lirik qahramon o'zining sevimli do'stini Yusuf (a.) podshoh g'oyatda go'zal, do'sti va Yusuf alayhissalomni esa osmonidagi oydek go'zal, deb ta'riflamoqda. Bu gapda yana Yusuf (a.) podshoh bo'lgan mamlakat - Misr va uning otasi makon tutgan yer - Kan'on orasidagi uzoq masofaga ham ishora etilmoqda. Demak, agar g'azal shoirning hayotiy taassurotlari asosida yozilgan bo'lsa, bu Mashhad va Hirot, Hirot va Mashhad, Samarqand va Hirot, Astrobod va Hirot oralig'idagi uzoq masofadan kelgan noma ishora etadi.

Navbatdagi baytda yor tomonidan vasl va'da qilib yuborilgan maktub hijron azobida o'rtanayotgan oshiqqa jon bag'ishlovchi jarangdor so'z sifatida baholanadi. Lirik qahramon nazdida mazkur xatni yozayotganda uning habibi qalamining uchidan tomayotgan har tomchi siyoh - gavhardir. Lekin, oddiy gavhar tomchisi emas.

Xatni o'qiyotganda oshiq kipriklaridan tomgan shodlik yoshlariga o'xshagan gavhardir.

Keyingi baytda nomada qandaydir xabar bo'lganligini mushohada etamiz. Shoir "bu xabar mening ko'nglimdan va ko'nglim olganimdan keldi", demoqdaki, demak, shoir ko'nglida shu xabarni tugib, kutib yurgan va u nihoyat uning ko'ngli to'ridagi do'stidan keldi.

Navbatdagi misralarda habib yuborgan maktub mazmuni ahli dard kishilarining nomaqbul jamiyatda chekayotgan azoblari bayonidan iborat ekanligi aytiladi. "Ahli dard", ya'ni jamiyatning asl farzandlari boshiga tushgan dardu balolar charxi gardondan ekanligi qayd qilinib, yorning maktubiga jiddiy ijtimoiy-siyosiy libos kiydiriladi.

G'azal maqta'si ham o'zining milliy ruhi bilan xalqimizga xos so'z o'yini (askiya) uslubidan yaxshi foydalanilganligi jihatidan diqqatni tortadi. Baytning mazmuniga ko'ra maktub egasi "mening nomamga Navoiy jonini nisor qilmaydi", degan mazmunda qochirim qiladi. Bu qochirimga esa muallif: "koshkiydi, menda jon bo'lsa, bunday ish qo'limdan kelardi, yo'q jonni qanday qilib xatingizga nisor etay", degan javob qaytaradi. Chunki, u hijron azoblarini torta-torta allaqachon jonsiz tanaga aylanib qolgan edi. Baytda "Anda jon" iborasini iyhom qilib, shoir "Yorim Andijonda bo'lsa (yoki andijonlik bo'lsa), shuncha yo'lga jonni nisor qilib yuborish qanday qo'limdan kelsin", degan mazmunni ham bayon etadi. Ana shu oxirgi misra mazmunidan buyuk Navoiy bu g'azalni Samarqanddan, Zahiriddin Muhammad Bobur Mirzodan kelgan maktub munosabati bilan yozmadimi ekan?, Bobur Mirzoni o'g'lini va yosh podshoh Yusuf alayhissalomga o'xshatmadimi ekan, degan mulohazalar yuzaga keladi. Tarixiy manbalardan ma'lumki, ulug' shoir o'z davrining iqtidor va iste'dod sohiblariga nisbatan nihoyat darajada e'tiborli bo'lgan, ularni tarbiyalash, qo'llab-quvvatlashda g'ayrat va himmat ko'rsatgan. Ayniqsa, badiiy ijod sohasida

iqtidorli bo'lgan temuriy shahzodalarni juda qadrlagan, ijodiy ishlariga rag'batlantirgan. U "Xamsa" dostonlarida Badiuzzamon Mirzoga, Shohg'arib Mirzoga nasihatlar qiladi. Yosh Hisor hukmdori, Boburning amakasining o'g'li Sulton Mas'ud Mirzoga maktub va duolar bitilgan ruboiylar yo'llaydi, bu haqda "Munshaot"dan joy olgan 102-maktub guvohlik beradi. Ulug' shoirning xuddi shunday marhamati Zahiriddin Muhammad Bobur Mirzoga ham nasib etadi. Bu haqda "Boburnoma"da uning o'zi yozadi: "Bu ikkinchi navbat Samarqandni olg'onda Alisherbek tirik edi. Bir navbat manga kitobati ham kelib edi. Men ham bir kitobati yiborib edim, orqasida turkiy bayt aytib, bitib yiborib edim. Javob kelguncha tafriqa va g'avg'o bo'ldi". O'sha "tafriqa va g'avg'o"da Bobur Mirzoga yetib kelmagan Hazrat Mir g'azallaridan biri shu g'azal emasmikin?

Navoiy g'azali oxirgi misrasidagi "Anda jon" iborasi o'yg'otgan mulohazalarni Bobur Mirzo devonidan joy olgan va oxirgi misrasida xuddi shunday "anda jonidur" iborasi qo'llanilgan bir g'azal ham quvvatlagandek tasavvur o'yg'otadi. G'azal:

Bahor ayyomidur dog'i yigitlikning avonidur,
Ketur soqiy, sharobi nobkim – ishrat zamonidur.

Gahi sahro uzori lola shaklidan erur gulgun,
Gahi sahni chaman gul chehrasidin arg'uvoniydur.

Yana sahni chaman bo'ldi munaqqash rangu gullardin,
Magarkim sun'ning naqqoshig'a rang imtihonidur.

Yuzung, ey sarv, jonim gulshanining toza gulzori,
Qading, ey gul, hayotim bog'ining sarvi ravonidur.

Ne yerda bo'lsang, ey gul, andadur chun joni Boburning,
G'aribingg'a tarahhum aylag'ilkim, andajonidur.

Maqaladagi "Ne yerda bo'lsang, ey gul" iborasi g'azal bog'ishlangan shaxs muallif yonida emas, balki undan uzoqroqda bo'lganligini anglatadi. "G'aribingg'a tarahhum aylag'ilkim, andajonidur" misrasida ham maktub Samarqanddan yo'llanganligi, bobosining poytaxti bo'lsa ham, yosh podshoh hali o'zini g'arib-musofir his etib, joni uzoqlardagi yori bilan birga ekanligini, iyhom san'atini nazarda tutsak, o'zi asli "andijoniy" - andijonlik ekanligini bayon etmayaptimi ekan? Bobur Mirzoning Hazrat Navoiyga "bitib yiborgan turkiy bayt"i keyinchalik shu badiiy barkamol, betakror g'azal tarzida yuzaga kelmadimi ekan? Hazrat ham yosh hukmdorning "andajoniy" iborasiga payrav qilib yuqoridagi g'azallarini bitmadimi ekanlar? Albatta, qariyb olti asrlik tarix bo'lganda ham ikki "naziri yo'q" ijodkorning bu ikki g'azali bir-birini taqozo etishi, to'ldirishi haqiqatga yaqin.

Navoiy g'azalida "jon" va "ko'ngul" so'zlarining bir necha bor takrorlanishidan iborat san'atlar ham mavjudki, bular she'r badiiy mukammalligini ta'minlashga xizmat qilgan.

8.

"G'aroyib us sig'ar", 183-g'azal:

Fig'onki, yor vafo ahlig'a sitam qiladur,
Niyozu ajz gunohig'a muttaham qiladur.

Naimi vaslig'a xo'y aylagan ko'ngullarni,
Asiri hajr etibon mubtaloi g'am qiladur.

Raqib behuda taqriri birla yuz taqsir,
Zaif g'amzadalar otig'a raqam qiladur.

Ne hukm qilsa vafo ahli jurmida g'am emas,
Bu zulm erurki, jafu ahlini hakam qiladur.

O'z ilgi birla o'ltursa bok yo'q, vahkim,
Raqib ollida aftodavu dijam qiladur.

Muhabbat ahlini, vo hasrato, ko'p o'rtab,
Alarning ohi o'tidin haros kam qiladur.

Chu gul vafosiz erur, necha asrasam, vahkim,
Ko'ngul qushi bu gulistondin emdi ram qiladur.

Zamona o'q kibi tuzlarni sindurub, "yo"dek,
Alarki egridurur, shahg'a muhtaram qiladur.

Navoiy o'lgay edi bo'lmasa umidi visol,
Bu qasdlarki, anga hajr dam-badam qiladur.

L U G' A T :

Niyoz – 1. Ehtiyoj, muhtojlik; 2. Yalinish, yolvorish, iltijo; 3. Atash,
nazr qilish

Ajz – 1. Ojizlik, zaiflik, kuchsizlik, notavonlik, iqtidorsizlik; 2.
Xastalik; 3. Ojizlikni xoksorlikni tan olish

Na'im – ne'mat, farovonlik; shodlik, xurramlik

Taqrir – muqarrar qilish, tasdiqlash, bayon qilish, so'zlash

Taqsir – qusur, kamchiliklar, ayblar

Jurm – gunoh, xato

Dijam – xorlik, kamsitilish

Haros – qo'rquv, vahima, qattiq hayajon

G'azal bahri: mujtassi (musammani) maxbuni maqtu'
mafoilun failotun mafoilun fa'lun⁷⁹

⁷⁹ Фазалнинг баъзи, хусусан 2, 5, 7, 9 мисралари матнда хатолик бўлганлиги сабабли вазнга тушмайди. Матн хатоликларини эса кўлэзма нусхаларни солиштириб, аниқлаш мумкин.

G'azalning nasriy bayoni:

Matla': Fig'on chekaman, nega yor vafolilarga sitam qiladi,
ojizliklarini tan oldirib, o'ziga yalintiradi?

2. Visoli ne'matidan umidvor bo'lgan ko'ngullarni hijroni
g'amiga muftalo qiladi?

3. Vafoli oshiqlar raqibi esa behuda so'zlar bilan bechoralar
nomiga yuzlab qusurlarni yozadi.

4. Yor vafolilar ayblari uchun nima jazo tayinlasa ham mayli,
ammo u vafolilarga jafokorlarni hakam qiladi.

5. Yor oshiqlarini o'z qo'li bilan o'ldirsa ham mayli, ammo u
ularni raqib oldida xo'rlaydi, kamsitadi.

6. Yor shu oshiqlarini ishq o'tida yondirib, ular urgan "oh"lar
o'tidan o'z harosoti - g'azabini kamaytiradi.

7. "Qancha asrasam ham gul vafosiz ekan, ko'nglim qushi endi
bu gulistondan ketadi".

8. Vafosiz dunyo, zamona ham o'qdek to'g'ri yuruvchilarni
yoydek sindirib, egrilarni shoh oldida hurmatli qiladi.

Maqta': Agar ko'nglidagi yoriga yetish umidi bo'lmaganda, bu
hijron qasdidan allaqachon Navoiy o'lib ketgan bo'lur edi.

G'azalning umumiy ma'no-mazmuni:

Navoiy ijodida lirik qahramon ruhiy holati, kayfiyatining chuqur
mohirona tasviri, uning muallif g'oyaviy maqsadi bilan uyg'un ifodasi
asosida qurilgan mukammal ichki kompozitsion ustunga ega bo'lgan
g'azallar nihoyatda ko'p. Bu g'azalda ulug' shoir ijodxonasi – ijodiy
laboratoriyasiga xos bo'lgan badiiy usul – o'z g'azallarini qayta ko'rib
chiqish va zarur ko'ringan o'rinlarni tahrir qilish hodisasi amalga oshirilgan
bo'lib, bu g'azal kompozitsiyasida "poetik gradatsiya"ni yoki hissiy
kechinmalarning bosqichli tasvirini yetiltirish uchun xizmat qilgan. Bu
g'azal «Badoe' ul-bidoya» devonida 175-o'rinda, «Navodir un-nihoya»da
esa 248-o'rinda berilgan bo'lib, ikki devonda ham sakkiz baytlidir.
«G'aroyib us-sig'ar»ga to'qqiz baytli shaklda 183-o'rinda kiritilgan. G'azal

sharhi hol tipida yorning sitamkor, zolim ekanligidan qattiq shikoyat bilan boshlanadi. Matla'dan to'rtinchi baytga qadar oshiqning ma'shaposi qilmishlaridan zorlanishi sekin-asta yuqori pardalarga ko'tarila boradi:

1-bayt: yor vafodor oshiqlarini go'yo bevafoqlikda, zaif-notavonlikda ayblab, tuhmat qiladi.

2-bayt: visoli ne'matiga umid qilgan ko'ngullarni hijroni dardiga asir qilib, g'amga muhtalo qiladi.

3-bayt: raqib esa bechora g'amzadalar nomiga yuz qusur - xatirni tirkab qo'yadi.

4-bayt: yor vafodorlar aybi uchun qanday hukm chiqarsa ham mayli bu ne zulmki, ularga jafokorlarni hakam qiladi.

Ana shu baytlardan so'ng g'azalning keyingi devondagi matniga kiritgan yangi baytida shoir lirik qahramonning zulmpesha yonida shikoyatini eng avj pardaga chiqaradi. G'azalning birinchi, ikkinchi baytlarida jafokor yor va jabrdiyda oshiqlar munosabatlari bayon etilsa uchinchi baytda - raqib obrazi kiritilgan. Bu obraz tasviri va u bilan bog'liq lirik qahramon noroziliklari aks etgan mulohazalar to'rtinchi baytda ham davom ettiriladi. Yangi kiritilgan beshinchi baytda birato'la oshiq, ma'shaposi va raqib obrazlari bevosita ishtirok etib, ularning har biri o'zining eng xarakterli holatiga, xususiy jihatlarining mukammal tavsifiga erishadi. Ya'ni Yor - oshiqqa yolg'iz o'zigina zulm qilmay, uni raqib ta'qibiga ham ro'baro' qiladi.

Oshiq - bemehr yordan va uning zulmi tufayli g'olib raqibidan ranj tortadi.
Raqib - mag'lub oshiq ahvolini mamnuniyat bilan kuzatadi.

Ana shu mulohazalar nuqtai nazaridan bu bayt lirik qahramon hissiyotlari tasvirining g'azaldagi eng baland nuqtasi deb hisoblansa arziydi:

O'z ilgi birla gar o'ltursa bok yo'q, vahkim,
Raqib ollida aftodavu dijam qiladur.

Bu baytdan keyin keluvchi bayt ham badiiy tasvirda oshiq iztiroblarining kulminatsion maqomini ifoda etadi:

Muhabbat ahlini, vo hasrato, kuyub, o'rtab,
Alarning ohi o'tidin haros kam qiladur

Keyingi baytlarda lirik qahramon hissiyotlarining badiiy tasvir matnining hayotiy qonuniyatlar va o'zining tajribalan asosida chiqqan mulohazalari, ijtimoiy fikrlariga o'rin beradi. G'azalning yettinchi baytda gulning vafosizligi ma'lumku, endi ko'ngul qushi bu gulistondan ketadi, yetti bu bevafo va muvaqqat dunyo go'zalligiga bog'lanib qolmaydi, degan mazmundagi ham ikki shaxs muhabbatiga, ham umuman bu yuksak insoniy tuyg'uning ijtimoiy mohiyatiga taalluqli fikr aytilsa, sakkizinchi bayt muhabbat mavzuidan xoli tarzda shoiming chuqur ijtimoiy-falsafiy ma'no kasb etuvchi mulohazasi bilan sug'orilgandir.

Zamona o'q kibi tuzlarni sindurub «yo» dek,
Alarki egridurur shahga muhtaram qiladur.

Maqta'da lirik qahramon hissiy kechinmalarida nolishdan ko'ra umidvorlik ustun turadi. U o'z ishqida shunchalar qoyimki, visoldan umidini hiyech qachon o'zmaydi. Shuning uchun ham bu dunyodagi ayriliqlarning tinimsiz qasdlari benatija qolaveradi. Chunki shoir umid qilgan visol bu - Haq jamoliga vosil bo'lmoq. Haq taolo O'zining muqaddas Kalomida - kalomullohda tanlangan, ya'ni O'zining hikmati va inoyati tufayli komillik kasb etgan bandalariga oliy dargohida visol va'da qilgan. (Xususan, Qur'oni karim Baqara surasining 1-5 oyati karimalari).

Ko'rib o'tayotganimiz g'azaldagi kabi lirik qahramon hissiyotlarining gradatsiya (bosqichma-bosqich ko'tarila borish) va degradatsiya (bosqichma-bosqich tushish yoki qaytish) prinsipi asosidagi badiiy ifodasi Navoiyning yetti baytli g'azallaridan ko'ra, kattaroq hajmdagi, to'qqiz va undan ortiq baytli g'azallarida ko'proq uchraydi.

Shoir g'azallarining ichki mazmun-mundarijaviy tuzilmasiga oid tasvir usullarida ko'zga tashlangan xususiyatni yuqorida tahlilga tortgan g'azalimiz misolida sxematik tarzda qo'yidagicha ifodalash mumkin:

sharhi hol tipida yorning sitamkor, zolim ekanligidan qattiq shikoyat bilan boshlanadi. Matla'dan to'rtinchi baytga qadar oshiqning ma'shuqs qilmishlaridan zorlanishi sekin-asta yuqori pardalarga ko'tarila boradi.

1-bayt: yor vafodor oshiqlarini go'yo bevafolekda, zaif-notavonlik ayblab, tuhmat qiladi.

2-bayt: visoli ne'matiga umid qilgan ko'ngullarni hijroni dardiga asir qilib, g'amga muhtalo qiladi.

3-bayt: raqib esa bechora g'amzadalar nomiga yuz qusur - xatir tirkab qo'yadi.

4-bayt: yor vafodorlar aybi uchun qanday hukm chiqarsa ham mayfi bu ne zulmki, ularga jafokorlarni hakam qiladi.

Ana shu baytlardan so'ng g'azalning keyingi devondagi manzili kiritgan yangi baytida shoir lirik qahramonning zulmpesha yoridan shikoyatini eng avj pardaga chiqaradi. G'azalning birinchi, ikkinchi baytlarida jafokor yor va jabrdiyda oshiqlar munosabatlari bayon etilsa uchinchi baytda - raqib obrazi kiritilgan. Bu obraz tasviri va u bilan bog'liq lirik qahramon noroziliklari aks etgan mulohazalar to'rtinchi baytda ham davom ettiriladi. Yangi kiritilgan beshinchi baytda birato'la oshiq, ma'shuqs va raqib obrazlari bevosita ishtirok etib, ularning har biri o'zining eng xarakterli holatiga, xususiyl jihatlarining mukammal tavsifiga erishadi. Ya'ni Yor - oshiqqa yolg'iz o'zigina zulm qilmay, uni raqib ta'qibiga ham ro'baro' qiladi.

Oshiq - bemehr yordan va uning zulmi tufayli g'olib raqibidan ranj tortadi.
Raqib - mag'lub oshiq ahvolini mamnuniyat bilan kuzatadi.

Ana shu mulohazalar nuqtai nazaridan bu bayt lirik qahramon hissiyotlari tasvirining g'azaldagi eng baland nuqtasi deb hisoblanga arziydi:

O'z ilgi birla gar o'ltursa bok yo'q, vahkim,
Raqib ollida aftodavu dijam qiladur.

Bu baytdan keyin keluvchi bayt ham badiiy tasvirda oshiq iztiroblarining kulminatsion maqomini ifoda etadi:

Muhabbat ahlini, vo hasrato, kuyub, o'rtab,
Alaming ohi o'tidin haros kam qiladur.


Keyingi baytlarda lirik qahramon hissiyotlarining badiiy tasvir mallifning hayotiy qonuniyatlar va o'zining tajribalari asosida chiqargan zulosalari, ijtimoiyl fikrlariga o'rin beradi. G'azalning yettinchi baytida «g'ulning vafosizligi ma'lumku, endi ko'ngul qushi bu gulistondan ketadi, ya'ni bu bevafo va muvaqqat dunyo go'zalligiga bog'lanib qolmaydi», degan mazmundagi ham ikki shaxs muhabbatiga, ham umuman bu yuksak insoniy tuyg'uning ijtimoiyl mohiyatiga taalluqli fikr aytilsa, sakkizinchi bayt muhabbat mavzuidan xoli tarzda shoiming chuqur ijtimoiyl-falsafiy ma'no kasb etuvchi mulohazasi bilan sug'orilgandir.

Zamona o'q kibi tuzlarni sindurub «yo» dek,
Alarki egridurur shahga muhtaram qiladur.

Maqta'da lirik qahramon hissiyl kechinmalarida nolishdan ko'ra umidvorlik ustun turadi. U o'z ishqida shunchalar qoyimki, visoldan umidini hych qachon o'zmaydi. Shuning uchun ham bu dunyodagi ayriliqlarning tinimsiz qasdlari benatija qolaveradi. Chunki shoir umid qilgan visol bu - Haq jamoliga vosil bo'lmoq. Haq taolo O'zining muqaddas Kalomida - kalomullohda tanlangan, ya'ni O'zining hikmati va inoyati tufayli komillik kasb etgan bandalariga oliyl dargohida visol va'da qilgan. (Xususan, Qur'oni karim Baqara surasining 1-5 oyati karimalari).

Ko'rib o'tayotganimiz g'azaldagi kabi lirik qahramon hissiyotlarining gradatsiya (bosqichma-bosqich ko'tarila borish) va degradatsiya (bosqichma-bosqich tushish yoki qaytish) prinsipi asosidagi badiiy ifodasi Navoiyning yetti baytli g'azallaridan ko'ra, kattaroq hajmdagi, to'qqiz va undan ortiq baytli g'azallarida ko'proq uchraydi.

Shoir g'azallarining ichki mazmun-mundarijaviyl tuzilmasiga oid tasvir usullarida ko'zga tashlangan xususiyatni yuqorida tahlilga tortgan g'azalimiz misolida sxematik tarzda qo'yidagicha ifodalash mumkin:



Navoiy g'azallari kompozitsiyasida ko'zga tashlangan lirik qahramon emosional holatining badiiy tasviriga aloqador bunday xususiyatni shoirning turli mavzu va mazmundagi g'azallarida ham kuzatish mumkin.

9.

“G'aroyib us-sig'ar”, 242-g'azal:

Zihi kamol ila kavnayn naqshig'a naqqosh,
Mukavvanot vujudin vujuding aylab fosh.

Vujuding ayladi mavjud ulusnikim, bo'lmas,
Vujud zarrag'a mavjud bo'lmag'uncha quyosh.

Sanga yetishmasa tong yo'q bu aqli zulmoniy
Ki, mehr sham'iga parvona bo'lmas xuffosh.

Qayu pariyy'aki qilding yuzin quyosh, berding
Ko'ngul jununi uchun anbarin hilol ila qosh.

Angaki, bo'ldi junun ishq ichinda yog'durdung
Xirad qushini uchirmoqqa tifflardin tosh.

Aningki, ko'nglida ishq axgarini⁸⁰ yoshurdung,
Nihoniy o'tin ulug' tinmog'idin etting fosh.

Muvasvasiki⁸¹, maoshini aql ila tuzdung,
Fano yo'lida ayading berurg'a aqli maosh.

⁸⁰ Bu s'uz nashrda “axgarini” tarzida berilgan. S'uzning t'ug'ri varianti: “axgarini”, ya'ni “kuolini” degani.

⁸¹ Bu s'uz nashrda “muvasvasiki” tarzida berilgan. Uni “muvasvasiki” deb esa t'ug'ri b'uladi, chunki s'uzning u'zagi “vasvasa”.

Hakimi qudrating ollida charx ila anjum,
Muhaqqar o'ylaki, xashxoshu donai xashxosh.

Yo'lungda o'ldi Navoiyu bo'ldi tufrog' ham,
Yopushsa erdi bu ko'y itlari ayog'ig'a kosh.

LUG'AT :

Zihi – go'zal, yoqimli, ko'ngilga matlub; yaxshi, qanday yaxshi;
ofarin

Kavnayn – ikki dunyo, jismoniy va ruhoniylar olam; bu dunyo va
oxirat

Mukavvanot

G'azalning nasriy bayoni :

1. Oliy go'zallik va komillik bilan ikki dunyo naqshini chekkan Naqqosh – butun yaratilmishlar Sening mavjudliging tufayli yuzaga kelgan;
2. Uls Sening istaging tufayli vujudga kelgan. Quyosh bo'lmasa nur zarrasi qaerdan paydo bo'lsin?
3. Zulmatdek qorong'ulikda kezib yurgan bu aql Seni topolmasa, ayb emas – ko'rshapalak Quyosh atrofida ucha olmaydi-da!
4. O'z go'zalligingdan nusxa olib, biror pari yuzini quyoshdek ko'rkam qilsang, ko'ngillar shavqini yanada toshirish uchun yangi chiqqan oydek egik qosh ham ato aylading;
5. Shavqingda devona bo'lganlar boshidan aql qushini uchirmoq uchun ushoq bolalar qo'ldan ularning boshlariga tosh yog'dirding;
6. Bir oshig'ing qalbiga ishq olovini yozgan va yashirsang, uning bu naqshini ko'rgan shaytonning hammasi Sening vasling bo'ladi. Uning o'z aqli bilan tuzgan naqshini ko'rding;

qudrating oldida O'zing yaratganlaring –
yulduzlar va yulduzlar bor-yo'g'i bir ko'knor
qadr-qimmatga ega emas;
shabbating, shavqingda Navoiy fano bo'ldi –
o'ldi va tuproqqa aylandi. Endi koshki Sening
yurgan itlar oyoqlariga shu tuproq yopishsa edi?!

G'azalning umumiy mazmuni :

Bu g'azal ulug' shoir Haq taolo madhida ijod etgan
barkamol namunalardan biridir. Haq taolo
qudrati zuhuriga bo'lgan hayratini qalbiga sig'dira olmagan
shoir bu holatini fasohatli nutqi bilan ifoda etmoqchi bo'ladi.

Yaratguchi qudrati, hikmati, san'ati kamolini mushohada etib, qalbida jo'sh urayotgan muhabbatini idora eta olmaydi va beixtiyor qo'lga qalam oladi. Uning qaynab toshayotgan tuyg'ulari buloq singari yorib chiqish uchun yo'l izlaydi.

Hamd Buyuk Yaratguchining yagonaligini, u dunyo va oxiratni barkamol san'at bilan yaratganligini, butun mavjudot uning aksidangina iborat bo'lib, u o'z ko'rku kamolini shu tarzda namoyon etayotganligini vasf etish bilan boshlanadi. Haq taoloni shu tarzda idrok etish sharq islom ilmidagi "tavhid" (arabcha "vahada" fe'lidan - birlik, yagonalik) deyiladi.

Tavhid masalasida shoirning dunyoqarashi qanday? Tasavvuf ta'limotining nazariy masalalaridan bo'lmish «tavhid» tushunchasi Navoiy she'riyatida ancha chuqur ifodasini topgan. Uning komil e'tiqodiga ko'ra, Yaratguchi tabiatga, borliqqa o'z chiroyini, san'atini yoygandir. (Oybek, V. Zohidov, I. Sulton, M. Oripov, A. Qayumov, I. Haqqul, R. Vohidov asarlarini eslang). Xususan, "Go'zallikning dastlabki talabi o'zini namoyon etishidir. Tangri go'zalligida esa oliy va ilohiy sifatlar mavjud bo'lib, Olloh insonni ana shu go'zallikni ko'rish, idrok etish va sevish uchun yaratgandi."⁸³ Bu - vahdati vujud, panteizm. Panteizm g'oyasi Hazrat Navoiydan ancha oldin, meloddan avvalgi beshinchi asrlarda yunon falsafasida ham yuzaga kelgan bo'lib, bu falsafiy mushohadaning ijodkori Aflotun (Platon) edi. Ammo, Navoiy yunon faylasuflarining falsafiy mushohadalaridan farqli ravishda chuqur asoslangan islomiy ilmlar, irfoniy va tasavvufiy nazariy qarashlarga tayanadi va shu nuqtai nazardan katta farq qiladi. Bu panteizm yunon olimlari dunyoqarashlaridan mukammal ilm - islomiy farq eng avvalo ulug' shoirning namoyon bo'ladi. Shu boisdan Navoiy manbalarga tayanganligida namoyon bo'ladi. Shu boisdan Navoiy tushunchasidagi in'ikos (akslanish) - afltuncha "Haq to'liq tabiatga yoyilgan, tabiatdan chetda mavjud emas", mazmunidagi g'oyani rad etadi. Hazrat Navoiy panteizmning sharqda yirik mutasavvuf olimi

⁸³ Иброҳим Ҳаққул. Навоийга қайтиш. 3-китоб. Кўрсатилган нашр, 16-б.
156

Ibn Arabiy asoslagan va takomiliga yetkizgan "vahdati vujud" (yagona mavjudlik) konsepsiyasini yoglaydi va ko'pincha shu nuqtai nazardan o'z san'iy fikrini ifodalaydi. Xususan, o'rganilayotgan g'azal ma'no va mazmuni haqida fikrini ifodalaydi. Xususan, o'rganilayotgan g'azal ma'no va mazmuni haqida fikrini ifodalaydi. Xususan, o'rganilayotgan g'azal ma'no va mazmuni haqida fikrini ifodalaydi.

Yaratguchi vujudining in'ikosi, zarrasidir, degan fikr bo'l. Bu vahdati vujud demakdir:

Zihye kamol ila kavnayn naqshig'a naqqosh,
Mukavvanot vujudin vujuding aylab fosh.

Keyingi baytga esa, Ibn Arabiy asoslab bergan butun koinot, tabiat Alloh taolodan paydo bo'lgan, degan g'oya chuqurlashtirilib, tabiat Haqning sho'lananishidir, ammo mohiyat jihatidan Yaratuvchi bilan bir emas, degan mazmun singdirilgan. Bu - vahdati mavjud ta'limoti:

Vujuding ayladi mavjud ulusnikim, bo'lmas
Vujud zarrag'a mavjud bo'lmag'uncha quyosh.

Navoiy she'riyatida tavhidning vahdati shuhud xususiyatiga ko'proq e'tibor qaratiladi. Vahdati shuhud - ruhoniyl bir hol sifatida olamda mavjud har narsada Allohni mushohada etmoqdir. Ya'ni, Imom Rabboniy (q.s.) ta'limotiga ko'ra, Yaratguchining zoti va ismi, sifatleri alohida borliqlardir. Koinot Haq taoloning o'zi emas, balki sifatlerinin tajalliysi (ko'rinishi) va zuhuri (aks etishi) dan iboratdir. Forobiy ushbu in'ikosni «Substansiya va aksidensiya» deya ta'riflaydi: «Bilgilki, (olamda) substansiya va aksidensiya hamda substansiya aksidensiyanl yaratuvchi marhamatli ijodkordan boshqa hych narsa yo'qdir».⁸⁴ Ya'ni, Yaratguchi Haq - mutlaq

⁸⁴ Форобий. Рисолалар. Тош: «Фан», 1975. 50-б. 157

borliq, yaratilmish olam esa, nisbiy borliqdir. Yirik o'zbek navoiyshunoslari buni shunday aniq va sodda til bilan tushuntirishadi: "Navoiy... real olam, tabiat, butun mavjudot yagona zotning, bir xil moyaning, birgina borliqning - ilohiy substansiyaning shu mavjudotlar shaklida ko'rinishidir, to'g'rirog'i shular sifatidagi tazohiridir. Bir vaqtlar bo'lgan ediki, unda xudo hali "o'zi o'zida" edi, - miqdor jihatidan benihoyat, sifat jihatidan xilma-xil va shaklan behisob konkret narsalarning imkoniyatlarini o'zida saqlar, shu imkoniyatlarning mujassamiday yashar edi... Navoiy tili bilan aytganda, - g'uncha edi. Lekin u shu holatda qola olmadi, to'g'rirog'i, qolgisi kelmadi. U o'zidagi bu yashirin imkoniyatlarni, boyliklarni chinlikka aylantirmoqchi, ro'yobga chiqarmoqchi, o'z mazmunini, o'z abstrakt mohiyatini konkretlikka aylantirmoqchi, guldek ochilmoqchi, o'z husnini va mahoratini namoyon va namoyish ettirmoqchi va shu bilan o'z husnini, o'z jamolini chin go'zalliklar, voqye'liklar orqali ko'rib tamocho qilmoqchi, bahramand bo'lmoqchi bo'ldi... Uning o'zi, - deydi Navoiy "Saddi Iskandariy"da - shu rang-barang buyumlar dunyosida, shu go'zal tabiatda (har bir chaman gulida, insonda, quyoshda, oyda va hokazo) "bir tilsim" bo'lib yashirindi."⁸⁵ Barcha yaratganlarining a'losi bo'lmish insonga esa (do'sti sifatida) O'zini tanishga intilish, sirlari xazinasiga mahram bo'lish, O'zigagina ixlos va ibodat qilish vazifasini yukladi. U barcha yaratganlari ichidan insonni do'st sifatida tanladi. Shu boisdan ham ulug' shoir "Lison ut-tayr" dostonida yozishicha: "Bunday shohning (xudoga ishora ekanligini yodingizdan chiqarmang!) maqsadi uning husniga shaydo bo'lganlarning, unga intilganlarning, uni axtarganlarning va bu yo'lda azob chekayotganlarning orzularini qondirish edi..."⁸⁶

Ulug' shoirning komil e'tiqodiga ko'ra, ana shunday tengsiz va behamto Haq taoloni insonning qorong'uliklarda kezib yurgan aqli tushuna olmaydiki, ko'zi yorug'likni ko'ra olmaydigan, vujudini

⁸⁵ В. Зоҳидов. Ўзбек адабиёти тарихидан. - Тошкент: Ўз. Дав. БАН, 1961. 18-б.
⁸⁶ Шу асар, 33-6.

niqini sezmaydigan ko'rshapalakni (ya'ni, aqlni) tabiatan nur va nurga intiluvchi parvonaga (komil insonga) qiyoslab bo'ladimi?"

Sanga yetishmasa tong yo'q bu aqli zulmoniy
Ki, mehr sham'iga parvona bo'lmadi xuffosh

Vahdati shuhud falsafasi qalban qilinadigan mushohada, zavq va hol vositasida erishiladigan ma'rifatdir. Parivash yuzini quyosh nifatida mushohada qilish ko'ngul jununiga sabab bo'ladi

Qayu parig'aki qilding yuzin quyosh, berding
Ko'ngul jununi uchun anbarin hilol ila qosh.

Ma'rifat (Haq taoloni tanish) yo'lida o'zligini yo'qotib, majnun qiyofasiga kirganlarga yosh bolalar (aqli kamlar)ni ro'baro' qilib qo'ydingki, ular otgan toshlardan majnun boshidagi aql qushlari tamom uchib ketdilar (bolalarning ko'chada devonani ko'rib, unga tosh o'tib, tegishishlariga ishora).

Ammo, demoqda ulug' shoir, bir sevgan bandangning ko'ngliga muhabbat shavqini pinhona solib qo'yding va bu kuchli muhabbat o'lovi shiddatini o'zing yashirmading, o'z holiga qo'yib qo'yding va nihoyat, oshkor bo'lishiga mone'lik qilmading. (Bu "oshkoralik", balki Hazratning ushbu g'azallari tug'ilishi jarayonidir).

Bir vasvasaga soluvchi, ya'ni dargohingdan quvilib, insonlar ko'ngliga notug'ri fikrlar soluvchi hayotini ham barkamol aql bilan tuzding, ammo fano (yo'qlik) sari yo'nalmoq davlatini, fano tushunib yetmoq uchun aql davlatini undan ayading.

Shunday hayratlarga soluvchi qudrating oldida o'zing yaratgan falak va undagi yulduzlar juda haqir va ko'rimsizki, ko'knori donasiga o'xshaydi.

Navoiy ma'rifating yo'lida to'kilib, tuproq bo'lishni orzu qiladi, hyech bo'lmaganda, shu tuproq holda ma'rifating ko'chasida yurgan itlar oyog'iga yopishsa ham koshki edi!

Mirzo Abdulqodir Bedilning bu sohadagi qarashlariga ko'ra, insonda uch quvvat mujassamlikda namoyon bo'lar ekan: jismoniy quvvat, aql-idrok quvvati va ruhiy quvvat. Tavhidga erishishda bu

erib yo'q bo'lib ketadigan kesakdan ham, yig'ib olinib, g'ijimlab tashlanadigan qog'ozdan ham xor, subutsiz ekan.

G'azalda o'z davri ijtimoiy masalalariga, muammolariga munosabat to'g'ridan-to'g'ri bayon etilmaganligi bois, uni so'z irfoniy mazmunga ega, dedik. Ammo, islom shariati va tasavvuf ta'limoti shoir yashagan davrning yetakchi mafkurasi bo'lganligi ayon-ku. Shunday ekan, jamiyatning eng chuqur fikrlovchi a'zolari - so'fiylar tarbiyasiga kirishgan shoir, avvalo, o'z ilmi, ijodi va piri faoliyati bilan jamiyat pokligi va barqarorligi uchun xizmat qiladi. Ushbu g'azalida Navoiy pir sifatida namoyon bo'ladi.

Navoiyning o'z davri ijtimoiy hayoti masalalariga sufiyona nigoz bilan qay tariqa munosabat bildirganligi diqqatga sazovor. Ma'lumki, shoir ilmiy va badiiy ijodida, davlat arbobi sifatida ijtimoiy faoliyatida islom sarchashmalari bo'lmish Qur'oni Karim va hadisi shariflardagi umumbashariy g'oyalarga tayandi, tasavvuf nazariyasi, uning ilmiy-g'oyaviy asosi bo'lmish irfoniy-badiiy ta'limotini chuqur o'rgandi va targ'ib etdi. Uning irfoniy-badiiy tafakkuri taraqqiyoti islom ma'naviyatini keng idrok qilish va uni o'z ijodiy va ijtimoiy faoliyatida targ'ib etish g'oyalari bilan bevosita bog'liqdir.

G'azalning avvalgi uch baytida shoir mufassir olim sifatida namoyon bo'ladi. U Qur'oni karim oyatlariga asoslanib yer qiyomat kunida titroqqa tushib, tekis yoyilib qolishi, tog'lar jundek titilib ketishi, osmon yer ustidan sidirib olinib, g'ijimlanishi hodisalariga ishora qiladi. Albatta, inson jismi ham xuddi shunday bebaqo.

Jism uyini yo'qlik seli vayron qilsa ham, obod qilsa ham Farq yo'q. To'rt unsur - havo, suv, tuproq, olovdan yaratilgan vujud o'zidagi nafs yukidan qutulmas ekan, shu vujud sahibi hatto to'rt ilohiy kitob - Tavrot, Zabur, Injil, Qur'oni Karimni yod bilsa ham hiych qanday foyda ko'rmaydi.

G'azalning bundan keyingi baytlarida Navoiyni endi tasavvuf olimi sifatida ko'ramiz.

Lirik qahramon navbatdagi baytda sufiyona mushohadaga berilib, Tangri taoloni ta'rifu vasf bilan idrok etmoqchi bo'ladi. Ammo, buning ham imkoni yo'q. Oddiy ko'z bilan Quyoshni ko'rib bo'lmaganidek, oddiy til Yaratguchi sifatlarini munosib tarzda vasf etishdan ojiz.

Dunyo ne'matlariga mayl etmaydigan pokiza xilqatlar - farishtalarning ruhiy ozig'i Tangri taolo zikridir. Haq yo'liga qadam qo'ygan el poklar safiga qo'shilmog' uchun xuddi shunday oziqqa rag'bat etmog'i darkor.

Har qanday tariqat tarbiyasining asoslaridan biri - zikrdir. Tariqatlarni bir-biridan farqlovchi unsur ham zikr. Pir e'tiqodiga ko'ra dil pokizaligi zikr bilandir. Zikr - botin sabog'i bo'lib, zohiriy saboqlardan ko'ra muhimroqdir. Zikr mevasi esa ma'rifatdir. «Ma'rifat lazzati dilda bo'ladi, - deyiladi Xoja Muhiddinxonning (q.s.) «Maktubot» laridan joy olgan bir maktubda, - Ma'rifat lazzati hamma lazzatlardan yaxshiroq va xushroqdir. Ma'rifat samarasi esa muhabbatdir».⁸⁸

Keyingi baytda Hazrat Navoiy Haq taoloning sevimli do'sti, Haqni sevganlarning ham sevimli do'sti Muhammad (a.) Kalomulloh - Qur'oni karimni qiroat qilganlarida masihanfos Iso ham onadan tug'ilgan gung kabi bo'ladi, degan fikrni bayon etmoqdalar:

Gar habibim qilsa izhori kalom, ey piri dayr,
Isoyi Maryamni ul dam gungi modarzod bil.

Fard bo'lmoq - nafs yukidan, o'zligidan ajralmoq demak. Nafs ketgach, ruh qoladi. «Bilsinlarkim, - deydilar shayx Muhiddinxon (q.s.), - ilm ruhning ta'siridan hosil bo'ladi. Ammo, Haq subhonahu va ta'olo oinaday pok qalbga nazar qiladi». «Maktubot» dagi yana bir tanbehda shunday deyiladi: banda va Haq taolo o'rtasida uch nur bor. Avval - nuri ilmki, uni egallagach, yo'lni ko'radi; ikkinchi nuri

⁸⁸ Шайх Мухйиндин Ургутий. Мактубот. Тош: Мовароуннахр, 2006. 73-6.
165

2. Maktub a'lo sifatli ip bilan chirmalgan edi. U qizil rangda ekan, qon yosh to'kuvchi ko'zim tomirlaridek yig'layotgan ko'zlarim ichida asradim.
3. Zaiplikdan o'sha ipdek bo'lib qolgan notavon jismim shu qonli yosh oqimlari orasida qolgandek ko'rindi.
4. Bu maktub emas, balki meni asraydigan tumordek ediki, g'amlarim aysh etib turgan hazin hasrat uyiga kirib kelgan edi.
5. Bu bir maktub bo'lsa, u albatta jononimdan aziz emas, ammo mening jonimdan aziz! Chunki u mening jononimdan menga kelgan tuhfadir.
6. Ey ne'mat beruvchi, bu "hasana" – go'zal maktub bois men gadoning maqsadimni hosil ayla! Mening vayronamda bu yanglig' xazinani hyech kim topa olmaydi.
7. Ey Navoiy, maqsadingni ro'yobga chiqaruvchi maktub yetib keldi, ko'nglingni shod et. Bu sendan sog'inch-hijron g'amlarini ketkazuvchi ozodlik xatidir.

G'azalning umumiy mazmuni:

Ushbu g'azalning mazmuni tushunarli, tili sodda, uslubi ravon. Mubayyin, ya'ni fikrlarini bayon etuvchi shaxs sog'inch ichida yurganida yaqin insonidan qimmatbaho ip bilan chirmalgan bir maktub oladi. Bu maktubi oliy shu qadar uzoq kutilgan va qadri ediki, muallif uni barcha yomonliklardan asraydigan tumor kabi qabul etdi. Bu maktub uni yaqin kishisi bilan bog'lagan go'zal tuhfa edi. G'azal maqta'sidan ma'lum bo'ladiki, lirik qahramonning asl maqsadi shu noma edi. Noma yetib keldi, endi u ozodlikka chiqadi. G'azal mazmunidan uning ikki yaqin do'st orasidagi munosabatlar bilan bog'liqligi ayon bo'ladi. O'quvchi xayolida Navoiy hazratlari bu g'azalni Samarqandda ekanliklarida yangi taxtga chiqqan do'stlari Husayn Boyqarodan olganliklari yoki Astrobodda hokim bo'lgan yillarida Hirotdan kelgan biror maktub

munosabati bilan yozganliklari mumkinligi haqidagi mulohazalar o'tadi. Hazratning Samarqanddaliklarida Husayn Boyqaro 1469 yilning ramazon oyi birinchi kunida Hirot taxtiga chiqqach, Samarqand hokimi Ahmad Hojibekka maktub yozib, Alisher Navoiyni Hirotga kelishini so'ratganligi ma'lum. Balki shu maktub bahona ushbu g'azal yozilganidir.

G'azal "Navodir un-nihoya" va "Navodir ush-shabob" devonlarida matnda bir oz farqlar bilan joylashtirilgan. Baytlararo mazmunan bog'liqlik nuqtai nazaridan o'tkazilgan tahlil ushbu g'azal joylashtirilgan devonlarda matn yuzasidan ko'zga tashlanadigan tafovutlarning bir necha ko'rinishda uchrashini ko'rsatadi. Masalan, «Navodir un-nihoya» devoniga kirgan bu g'azalning ikkinchi va to'rtinchi baytlari o'mi almashib kelishi ham mazkur ma'nodagi mulohazalarni taqozo etadi. Chunonchi, g'azal birinchi baytida chirmalgan maktub yetib kelishi haqida so'z boradi. Ikkinchi, uchinchi baytlarda esa shu maktubni chirmagan yoki bog'lagan iplar - rishta bilan bog'liq tasvir beriladi. To'rtinchi bayt mazmunan yana maktub ta'rifiga bag'ishlangan. G'azalning boshqa variantida esa noma bilan bog'liq badiiy ifodalar aks etgan birinchi - to'rtinchi baytlar matla' va undan keyingi o'rinda birin-ketin, rishta tavsifidagi ikki bayt esa uchinchi-to'rtinchi bayt tarzida birin-ketin keltirilgan. G'azalning keyingi uch bayti ham noma obrazi asosida yaratilgan badiiy lavhalar bilan ziynatlangan.

14.

«Navodir un-nihoya», 43 - g'azal:

Kimsa hargiz ko'rmadi chun ahli davrondin vafo,
Ulki davron ofatidur ne tama' andin vafo.

Jonimu umrumdur ul oy bevafo bo'lsa ne tong,
Qayda ko'rmish kimsa hargiz umr ila jondin vafo.

Gar vafo qilsang erur andinki, bordursen pari,
Yo'qsa kim olamda ko'rmish nav'i insondin vafo.

Vahki, davron ahlidin juz bevafo'lig' ko'rmadi,
Har nechakim ko'rdilar men zori hayrondin vafo.

Chun vafo gulbargi davron bog'ida ochilmadi,
Bejihatur kimki istar bu gulistondin vafo.

Kimsa ko'nglun kimsadin istab vafo oldurmasun,
Kim, menga xud yetmadi ul ko'nglim olg'ondin vafo.

Ey Navoiy, gar vafosiz chiqti ul sultoni husn,
Topting eldinkim, tilarsen emdi sultondin vafo.

LUG'AT:

Juz (juzv, juz') – bo'lak, boshqa, o'zga; mayda, oz, biror narsaning bir qismi
bir donasi; a'zo, badan a'zolari
Bejihatur – sababsiz, o'rinsiz, behuda

G'azal bahri: ramali musammani maqsur
Foilotun foilotun foilotun foilon

G'azalning nasriy bayoni:

1. Biror kishi bu zamona ahlidan vafo ko'rmagan ekan, zamona balo-ofati bo'lgan kuchli shaxslardan vafo umid qilish mumkinmi?
2. Mening hayotim, umrimning mazmuni bo'lgan oyyuzli yor bevafo bo'lsa, hyech ajablanarli joyi yo'q. Biror kishining umri va jonidan vafo ko'rgani ma'lummi?
3. Agar sen vafodorlik da'vo qilayotgan bo'lsang, demak pari jinsidansan. Shunday bo'lmasa, inson zotidan bu olamda vafo ko'rgan birov bormikin?

4. Men zori hayron kimsadan har qancha vafo ko'rsalarida,
ammo davron ahlidan ham zarracha bevafo'lig'
ko'rmadilar.⁹²

5. Bu dunyo bog'ida vafo guli ochilmagan. Kimki dunyo
gulistonidan vafo gulini qidirsar, demak u behuda umrida

6. Biror kishi boshqa birovdan vafo istab ko'nglimni mahzun
qilmasin. Menga ham ko'nglim olgan kimsadan vafo
qaytmadi.

7. Ey Navoiy, o'sha husn sultoni vafosiz chiqqan bo'lsa, xafa
bo'lma. Eldan vafo topdingmiki, sultondan toparding?!

G'azalning umumiy mazmuni:

Bu - Navoiy hazratlarining ijtimoiy ruhdagi g'azallaridan biri. Ulug' shoir insoniy jamiyatda eng taqchil fazilatlardan biri bo'lmish – vafo va sadoqat xususida so'z yuritmoqda. Sodda va ravon yozilgan bu g'azal shoimi qattiq ranjitgan biror hodisa munosabati bilan yozilgan bo'lishi mumkin. Shoiming fikrlarini chuqurroq anglash uchun uning adabiy-estetik tamoyillaridan bo'lmish – maqta' va undan oldin kelayotgan bayt mazmuni va mavqeyiga e'tibor qaratsak.

Navoiy g'azaliyotida maqta' va maqta'dan oldingi o'rinda kelib, mazmun va uslub jihatidan nisbiy mustaqillik ruhiga ega bo'lgan baytlar muhim va uslub jihatidan egallaydi. Shoiming g'azal mavzui va mazmuni yuzasidan chiqqan mantiqiy xulosasini yoki tasvir ob'ektiga nisbatan bo'lgan sub'ektiv munosabatini, xususan, uning muhim falsafiy-ijtimoiy g'oyalari ifoda etuvchi maqta'dan oldingi baytlarni A.Hayitmetov lirik chekinish sifatidagi baytlar deb atagan. Yo'Is'hoqovning fikricha esa, «Navoiyning muhim falsafiy, ijtimoiy fikr va xulosalarini yuksak emotsional formada ifoda etgan epigrama baytlarini (poetik jihatdan) g'azal ichiga

⁹² Шу байт матнида қайсидир сўз нотўғри ёзилган бўлиши мумкин. Чунки Навоий поэтик услубида бундай тушунилиши қийин фикр мавжуд эмас.

joylashgan o'ziga xos she'riy janr deb atash mumkin». ⁹³ Navoiyning g'azal kompozitsiyasidagi har bir alohida olingan baytlar va semantik bo'laklarni yakuniy mantiqiy xulosa vositasida yaxlit lirik asar qilib birlashtiruvchi maqta' va maqta'dan oldingi baytlarga bo'lgan ijodiy munosabati g'azallar matn nusxalarida ham ko'rinadi. Jumladan, shoirning «Badoe' ul-bidoya» va «Navodir un-nihoya» tarkibiga kirgan maqta'i bo'lmagan g'azallari maqta' bilan ta'minlangan. «Badoe' ul-bidoya» asarining 43-o'rinida kiritilgan biz tahlil etayotgan g'azal kompozitsiyasi shunday bo'lga bunga misol bo'la oladi. Bu g'azal kompozitsiyasi shoirning ijtimoiy-falsafiy mulohazalari asosida qurilgan bo'lib, uslub jihatidan ham o'ziga xoslikka ega. Ya'ni, g'azal baytlaridagi misra'lararo bog'lanish o'ziga xos original bir qonuniyatga bo'ysundirilgan. Ana shu jihatdan, ya'ni misra'larning uslubiy bog'lanishi yuzasidan g'azalni uch qismga ajratish mumkin. Chunonchi, birinchi, ikkinchi, uchinchi baytlarning birinchi misralarida shoirning iboratimiz xulosaviy fikrlari berilib, ikkinchi misralar ularni bir tomondan izahlab kelsa, ikkinchi tomondan, yana bir bor nihoya, keksatliq tarzidagi umumlashma xulosalardan iboratdir. Baytlarda misralar o'zaro ritorik so'roqlar vositasida intonatsiya yo'li bilan bog'lanadi. E'tibor qiling:

Kimsa hargiz ko'rmadi chun ahli davrondin vafo,
Ulki davron ofatidur ne tama' andin vafo?!

Jonimu umrumdurur ul oy bevafo bo'lsa ne tong,
Qayda ko'rmish kimsa hargiz umr ila jondin vafo?!

Gar vafo qilsang erur andinki, bordursen pari,
Yo'qsa kim olamda ko'rmish nav'i insondin vafo?!

G'azalning keyingi ikki bayti (4-5) chuqur ijtimoiy mazmunda shoirning davron va davron ahlidan, bevafo yordan («yor» tushunchasi bu yerda keng ma'noda, ya'ni, barcha lirik qahramon «ko'nglini olishi» mumkin bo'lgan shaxslar ma'nosida) shikoyati motivlari bilan yo'g'rilgandir. Bu baytlarda avvalgi baytlardan farqli o'laroq, xulosaviy fikrlar ikkinchi

⁹³ Исхоқов Ё. Навоий поэтикаси. — Тошкент: «Фан», 1970, 63-б.

qismidagi baytlar kabi maqta'da misralarning ritorik so'roq vositasida bog'lanishi she'r kompozitsiyasida badiiy tasvir yaxlitligini ta'minlaydi. Shu o'rinda bir savol tug'iladi: nega Navoiy g'azalni «Badoe' ul-bidoya» va devoniga maqta'siz holda kiritgan? Uning «Navodir un-nihoya» va «Favoyid ul-kibar» nusxalariga esa chiqarib olingan maqta'ni qaytadan qo'shgan?

Maqta'ni g'azalning umumiy mazmunidan uzilgan holda olib qarasa, u shoiming biror real voqyea-hodisa munosabati bilan yozgan epigrammasi tarzida namoyon bo'ladi. Ammo, u mazkur g'azal nihoyasiga joylashtirilgan ekan, bu taassurot g'azalning umumiy ruhida ham aks etadi. Bu esa bevosita g'azalning yozilish davri haqidagi mulohazalarning o'yg'onishiga sabab bo'ladi.

Albatta, Navoiy maqta'da sulton obrazini tasodifan kiritmagan. Shoiming barcha janrlardagi lirik asarlarida bo'lgani kabi sulton obrazi bu baytda ham o'zining hayotdagi real prototipiga egadek ko'rinadi. Shunday bo'lmaganda, Navoiy bu obrazni umumlashma, tipik obraz sifatida o'tining ko'plik grammatik formasida berishi yoki g'oyaviy fikrlari xulosasi uchun boshqa obrazlar, badiiy lavhalardan foydalanishi mumkin edi. Demak, baytdagi fikr yo'nalishi real sultonga qaratilgan.

Agar maqta'ning «Navodir un-nihoya» devoni tartib berilishi davrida g'azalga qayta qo'shilganligiga e'tibor bersak, uning 80-yillar o'rtalarida shoir davlat ishlaridan rasman o'zini chetga olib, sulton va amaldorlar bilan bo'lgan munosabatlardan qattiq charchagan damlardagi kayfiyati ifodasi bo'lishi mumkin, degan xulosa chiqadi. Chunki, maqta'da shoiming zamona sultonidan norozi holdagi ruhiy kayfiyati ravshan aks etib turibdi.

G'azal shoiming yoshlik⁷¹⁾ davriga taalluqli. Shoiming yoshlik va yigitlik davri biografiasida bevosita iz qoldirgan sultonlar - unga nihoyatda g'amxo'r bo'lgan Muhammad Sulton, uning ukasi Abulqosim Bobur Mirzo va yosh shoiming Hiroti uchinchi marta tark etishiga bevosita sababchi bo'lgan Abusaid Mirzolardir. Agar g'azal Navoiyning mamlakat sultonidan vafot kutmagan bir davrda, ya'ni Samarqand safari oldidan yozilganligi ehtimolini e'tiborga oladigan bo'lsak, «Badoe' ul-bidoya» ga tartib berish davrida Navoiy ma'lum mulohazalar nuqtai nazaridan uni g'azal tarkibiga

kiritmagan bo'lishi mumkin. Chunki, Sulton Husayn Boyqaroning bevosita g'amxo'rliги va rahnamoligi ostida o'zining birinchi rasmiy devoniga tartib berayotgan shoir bu devonga eldan va sultondan qattiq shikoyat pafosi ufurib turgan baytni kiritishni istihola qilgan. Keyinchalik esa, «Navodir un-nihoya» ni tuzish davrida g'azal kompozitsiyasi butunligini o'ylab, uni qaytadan g'azal tarkibiga kiritgan. Ana shu mulohazalar quyidagi xulosalarni chiqarishga imkon beradi: ko'zda tutilayotgan g'azal Navoiyning ijtimoiy-ma'rifiy yo'sindagi tadriji g'azallaridan biridir. Uch variantda bo'lgan bu g'azalning keyingi variantidagi maqta' o'quvchi diqqatini bevosita muallifning hayoti bilan bog'liq munosabatlar doirasiga tortib, g'azalning umumiy ruhiga voqyeabandlik xususiyatini kiritadi. Bundan tashqari, Navoiyning maqta' yozilgan davrdagi falsafiy-siyosiy qarashlarini ham ifoda etadi. Navoiyning yoshlik lirikasiga tegishli bo'lgan bu g'azal u bu davrda katta muhabbat qo'ygan podshohlar («Har gadokim bo'ryoi faqr enur kisvat ango» va «Ilk devon» dagi boshqa g'azallarni eslang) - Muhammad Sulton (1456) va Abulqosim Bobur Mirzo (1457) vafotlaridan keyin, 1464 yilda Mashhaddan Hirotga qaytib, og'ir qiyinchiliklarni boshidan kechirayotgan bir davrda yaratilgandir. "G'azalning «Ilk devon» dan joy olganligi Navoiyning Samarqand safari oldidan, ya'ni, 1464-1465/66 yillar oralig'ida yozilganligini tasdiqlaydi. Bu esa juda muhimdir. Ma'lumki, «Ilk devon» da shoiming bolalik va yigitlik chog'ida yozgan she'rlari aralash holda joylashtirilgan. H.Sulaymonov ilmiy tadqiqotlarida esa bu devonga kirgan she'rlarning hammasi bolalik (yoshlik) davriga oid, deb qaralgan. Navoiyshunoslik fanining vazifasi imkoni boricha shoiming bolalik va yigitlik davrida yozgan she'rlarini bir-biridan farqlab berishdir.»⁹⁴ Keltirilgan g'azal, fikrimizcha, «biz (Navoiyning - S.D.) 15-16 yoshgacha bo'lgan davrini bolalik, undan keyingi davmi yigitlik davriga taalluqlidir. Demak, Navoiy Navoiyning yoshlik emas, balki yigitlik davriga taalluqlidir. Demak, Navoiy lirikasi xususiyatlarini izchil o'rganish orqali ayrim g'azallar matnlaridagi rang-barangliklar vositasida shoir biografiasining ba'zi jihatlariga oid muhim ma'lumotlarga ega bo'lish mumkin, shuningdek, g'azallardagi poetik

⁹⁴ Хайитметов А. Навоий лирикаси. — Тошкент: "Фан", 1971. 6-6.
⁹⁵ Шу асар, шу саҳифа.

usullar va badiiy tasvir xususiyatlarini ham chuqurroq tekshirish imkoniyati paydo bo'ladi.

Bu g'azal xususida yana shuni aytish munkinki, u shoir ko'ngliga mahjub she'rlardan biri bo'lgan. Keyinchalik Navoiyning bu g'azalga musaddas bog'lab "Badoe' - ul - bidoya" devoniga kiritishi buning isbotidir.

15.

«Badoe' ul-bidoya», 54 - g'azal

Sochsa anjumdin falak boshing'g'a yuz ming durri nob,
Jolayi g'am, bilki, yog'durg'ay bir ofatlig' sahob.

Ne g'araz bu jolani yog'dursa andin o'zgakim,
Umr naxlin sindurub, tan gulbunin qilg'ay xarob.

Ro'ziy ortug' bo'lmag'in har kimki bilg'ay charxdin,
Zol yanglig'durki roziq charxini qilg'ay xitob.

Ofarinish bahridin gardun hubobi besh emas,
Bormu imkon kimsaga bir qatra suv bermak hubob?

Bo'lsa erdi qudratikim lahzae topqay qaror,
Tunu kun tinmay bu nav' etkaymu erdi iztirob?

Ul dog'i o'z holig'a hayron erur andog'ki men,
Anda ham sargashtaliq andoqki menda pechu tob.

Jismi oning ham havodis zarbasidin nilgun,
Topmayin maqsudini mendek necha aylab shitob.

Qudrat ilgida bo'lub ul ham zabun andoqki men,
Olmay ul mendin hisob, andoqki men andin hisob.

Ey Navoiy solik ersang haq vujudin bil vujud,
Mosivallohni adam, vallohu a'lam bissavob.

L U G' A T :

Naxl – nihol

Tan gulbuni – bu yerda: badanning guldek go'zal va pok kulbasi

Zol – qariya (kampir, chol); bir kechalik oy, hilol; adashgan, gumroh, yo'ldan ozgan; yomonlikka yo'llovchi

Gardun – osmon toqlari; dunyo, olam, jahon; arava; yuksak, baland

Hubob – suv yuzida paydo bo'ladigan pufakchalar; osmon gumbazi; foniylar; aylana

Besh emas – ortiq emas

Havodis – hodisalar, voqeyalar, kundalik o'zgarishlar; ko'ngil g'ashlik hodisasi;

Nilgun – ko'k rangli, ko'k rangli gumbaz, osmon

Solik – yo'lga kirgan, yo'lda yurgan; tasavvuf yo'liga kirgan; zobid; obid; musofir; g'arib; ogoh musofir; sufiylik ixtiyor qilganlar; yo'l topish uchun urinmoq, yo'llanmoq

Mosivalloh – xudodan boshqa

Vallohu a'lam bissavob – to'g'risini Alloh yaxshiroq biladi

G'azal bahri: ramali musammani mahzuf
Foilotun foilotun foilotun foilon

G'azalning nasriy bayoni:

1. Falak boshingdan yuz minglab durdek yulduzlarini sochib turgan bo'lsa ham, ehtiyot bo'l, bitta ofatli bulut g'am jalalarini yog'dirishi mumkin.

2. Jala yog'dirishdan uning maqsadi nima? Albatta sening umring niholini sindirib, guldek taningni xarob qilishdan o'zga narsa emas.
3. Rizq nasibasi ortiq yoki kam bo'lishini har kim ham taqdiran deb bilar ekan, Adashgan gumrohlar kabi charx (taqdir) ga nolib xitob qiladi.
4. Yaratilish dengizidan osmon toqlari ustun emas, Dengiz turganda uning yuzida suzib yurgan hubob biror kimsaga suv bera olarmidi?!
5. Agar uning kuchi-qudrati bo'lsa, buncha suv yuzida beqaror suzguncha, biror lahza to'xtab, biror yerda qaror toparmidi? Kechayu kunduz bu tariqa iztirob chekmasmidi?!
6. **Shu boisdandir balki, u ham xuddi men kabi o'z holiga hayron.** U ham boshini har tomonga urmoqda, men aylanib-o'rgulganim kabi.
7. Uning jismi ham har turli hodisalar zarbasidan ko'karib ketgan, xuddi men kabi har qancha g'ayrat qilsa ham maqsadini topolmayapti.
8. U ham taqdir qo'lida mendek zabun, u mendan hol so'rayolmaganidek, men ham undan hol so'rayolmayman.
9. Ey Navoiy, haq yo'lida yurishni ixtiyor etgan solik bo'lsang, o'z vujuding borligini unut va faqat haq vujudini mushohala et, xudodan boshqani yo'q bo'luvchi bil. Yana Alloh bilguvchiroqdir.

G'azalning umumiy mazmuni:

Inson umrini Hazrat Alisher Navoiy bir yo'l deb tasavvur etadilar. Hayoti davomida hech qanday yo'lni ko'rmay, bilmay o'tib ketadiganlar ham bor. Ammo, shoirning tinglovchisi, dil yoruvchisi, hamdardi - mazmun bor yo'lni maqsad qilgan, ya'ni, hayotni oson va chiroyli tarzda o'tkazish uchun zaminlar bor yo'lni topishga qasd qilgan «ahli xirad», «ahli hush» – aql egalaridir.

Shoir tafakkurining mo'jizasi shundaki, unga ko'ra, ma'no va hikmat istab yo'lga chiqqan xiradmand asl ma'noni topgach, hushu xirad unga ortiqcha ekanini tushunadi va bu yukdan o'zini xalos etadi. U ma'noni aql bilan emas, pokiza tuyg'u bilan his etadi. Aql yo'lchini ma'no eshigiga qadar yetaklab keladi. Shunda unga namoyon bo'lgan mukammal mohiyatning bir zarrasigina uni oshiqqa aylantiradi. Shundan boshqa hamma narsadan u bezor, hamma narsa uning uchun bee'tibor bo'lib qoladi. Uning ahvoli xuddi quyosh yanglig' yonishdangina iborat bo'ladi. Bu yonishga na aql, na hush, na fahm, na his parda bo'la oladi, uni pinhon tutishning imkoni yo'q:

Mehrim o'tin hushu aqlu fahmu his yoshurmadi,
Mehri lomi' to'rt burqa' keynidin pinhon emas.

Hazrat she'riyatlarida vasf etilgan barcha oshiqlar hayotdan chin ma'no istab yo'lga chiqqan soliklardir. Ular shoir devonlarida turli badiiy timsollar sifatida namoyon bo'ladilar. Hazrat Navoiyning shunday hammaslaklaridan biri – Hubob ekan!
«Badoe' ul-bido'ya» devonidan o'rin olgan bu g'azalda shoir taqdir haqida fikr yuritadi. Chuqur mushohadaga chorlovchi bu g'azal shoir uslubida juda kam ko'rinadigan hodisa – matla'sidanoq o'git bilan boshlanadi. Taqdir hukmi o'zgaras, deya saboq beradi shoir, garchi falak yorqin dur singari yulduzlarini boshingdan to'kib tursa ham, emin bo'lmaki, bitta ofatlar bilan to'yingan bulut ustingdan g'am jalalarini yog'dirishi mumkin:

Sochsa anjumdin falak boshingga yuz ming durri nob,
Jolayi g'am, bilki, yog'durg'ay bir ofatliq sahob.

Balo yog'diruvchi bulutning bunday qilishdan maqsadi,
albatta, sening umring niholini sindirib, gul xirman yanglig'
taningni xarob qilishdan o'zga narsa emas:

Ne g'araz bu jolani yog'dursa andin o'zgakim,
Umr naxlin sindurub, tan gulbunin qilg'ay xarob.

Keyingi baytda Hazrat yana taqdir hukmi va Yaratguvchi hikmati xususida mushohadaga beriladilar. Rizqu ro'zi ortiq yoki kam bo'lishini har kim taqdiridan ko'radi. Adashgan, gumrohlar ham qilgan o'zlari qilgan amallarini yaratguvchi taqdiri deb biladilar. Shu nuqtada shoirning jabar va qadar masalalariga munosabati yaqqol namoyon bo'ladi. Ustoz adabiyotshunos olim Yoqubjon Is'hoqov Navoiyning islomiy, shar'iy dunyoqarashida jabariya va qadariya aqidalarining o'rni, namoyon bo'lishi, ijodidagi talqini xususida ravshan dalillangan tadqiqotlar yaratib, aniq xulosalarini bayon etganlar.⁹⁶ Albatta, ahli sunna val-jamoa e'tiqodidagi shoir jabariya tariqida ham, qadariya tariqida ham bo'lmagan. Ya'ni, har bir yaratilmish avvaldan belgilangan ilohiy taqdir bilan dunyoga keladi. Jabar ahli o'zlarini to'la mahkumi hukm hisoblab, hayotguzaronlikda hych qanday mas'uliyat his etmaydilar. Ahli sunna esa insonga berilgan idrok, erk, tanlov huquqi nuqtai nazaridan taqdirga o'zgartirish kiritilishi mumkin, deb hisoblaydi. Masalan, inson umrining qanchaligi taqdir qilingan. Uni Yaratguvchigina belgilaydi. Ammo, o'zining hukmiga o'zi marhamati bilan o'zgartirishlar ham kiritib turadi. Masalan, sadaqa qilgan insonning umrini uzaytiradi (bu uzayish asosan umrning barakasida ko'rinadi), har yili qadr kechasida insonning bir yillik amallari hisob-kitobi yuzasidan kelgusi bir yillik taqdiri belgilanadi. Bunda mutlaq adolat namoyon bo'ladiki, Imom al-Buxoriy hazratlari o'zlarining "Al-jomi' as-sahih" asarlarida keltirishlaricha, payg'ambar alayhissalom o'zlarining hadisi shariflarida shunday xabar qiladilar: «Musulmonlar dunyoda yaxshilik ko'rsalar, Allohga hamd aytsin. Agar yomonlik ko'rarsalar, o'zlaridan ko'rsin, qilmishlari ularga qaytarilmishdir». Binobarin, yaxshilikni

⁹⁶Исҳоқов Ё. Нақибандия ва ўзбек адабиёти. –Т.: Абдулла Қодирий номидаги ХМН, 2002, 47-91-бетлар.

insonlarga faqat yaxshilik istovchi Yaratguvchidan, yomonlik ham Yaratguvchidan, ammo ba'zan insonning o'z fe'li va amali ham bunga sabab bo'ladi, deb bilgan shoir biz anglashga intilayotgan baytda Zol timsolini iyhom qiladi. Zol – hayotda adashganlar o'zlarining gumrohliklarini Yaratguvchi hukmidan bilib, unga xitob qilgan ekanlar, haqiqatan, "e'tiqodda ham adashibdilar", deydi shoir:

Ro'ziy ortug' bo'lmag'in har kimki bilgay charxdin,
Zol yanglig'durki roziq charxini qilg'ay xitob.

Shoir Yaratguvchini dengizga qiyos qiladi. Hubob – har yil kech sumbulada suv yuzida aylanib, suzib chiqib ketadigan suv pufakchalari. Hubobning suv yuzida suzgani – u dengizdan ustun, yuqori degani emas. Chunki, suv – hayot manbai dengizdir. Qani hubob biror kimsaga bir qatra suv bersinchi?

Ofarinish bahridin gardun hubobi besh emas,
Bormu imkon kimsaga bir qatra suv bermak hubob?

Hubob dengizdan hosil bo'ladi. Uning yaratilishi ham, imon-ixtiyori ham, taqdiri ham dengizga bog'liq. U o'zi uchun biror narsa qila olish qudratiga ega bo'lmaganligi sababidan o'z holiga hayron, boshini har tarafga uradi. Ana shu o'rinda shoirning qo'liga qalam olishi siri ochiladi. Shoir o'zini hubob timsolida tasavvur qiladi. Hubobning suv yuzida sirg'alib ketishidan maqsadi noma'lum. Haqiqat tolibining esa maqsadi ma'lum, ammo har qancha g'ayrat qilmasin, qasd qilganini topmog'i noma'lum. Shoir hubob taqdiri vasfini davom ettiradi:

Bo'lsa erdi qudratikim lahzae topqay qaror,
Tunu kun tinmay bu nav' etgaymu erdi iztirob?

Ul dog'i o'z holig'a hayron erur andog'ki men,
Anda ham sargashtaliq andoqki menda pechu tob.

Jismi oning ham havodis zarbasidin nilgun,
Topmayin maqsudini mendek necha aylab shitob.

«Nilgun» so'zini iyhom qilib, shoir hubobning ko'kishtob rangi va tolibning hayot zarbalaridan ko'karib ketgan taniga ishora qilyapti. Shoir keyingi baytda ham o'zining taqdirini hubob taqdiri bilan solishtirishda davom etadi. Taqdir qo'lidagi ikki sargashta bir-biriga hisob ham bermaydi, so'ramaydi ham:

Qudrat ilgida bo'lub ul ham zabun andoqki men,
Olmay ul mendin hisob, andoqki men andin hisob.

Maqta'da yana shoirning taqdir masalasidagi nuqtai nazari aniq, ravshan namoyon bo'ladi. U – solik, o'zini qiyoslagani hubob ham – solik. Hubob dengizdan hosil bo'ladi, demak, o'z manbaiga – dengizga intilmog'i lozim. Navoiy esa, faqatgina Haq vujud mavjud ekanligini tushunsin. Shu vujuddan mavjudlik topgan hamma narsa – mosivalloh, ya'ni yo'q bo'lib ketguvchidir. Solik aql va ilhom bilan Haqni tanidi, uning borlig'ida yo'q bo'lib ketishga intildi va bu borada ham Haq taoloning o'ziga tavakkul qildi:

Ey Navoiy, solik ersang Haq vujudin bil vujud,
Mosivallohnin adam, vallohu a'lam bis-savob.

Shu tariqa, Yaratganning benihoya ojiz, sirli va yashirin mo'jizasi bo'lmish hubob Navoiy she'riyatining betakror badiiy timsollaridan biri sifatida yangi ma'no kasb etadi. Haqiqatan ham, hubobni hamma ham ko'ravermaydi. U yilda bir marta qish chillasi kelishidan oldin, kech tiyramohda dengiz, daryo yuzidan ko'kish ko'piklar yig'indisi shaklida suzib qayoqqadir o'tib ketadi. Uni

Yaratgan istaganlargina ko'rib qoladi. Xuddi shunday Yaratgan odamlar nazdida ojiz, sirli, yashirin mo'jiza bo'lmish orifini ham o'zi tanlaganlargagina tanitadi. G'ayr, begonalar ko'zidan rashk pardasi bilan to'sib qo'yadi. Orifni, solikni, tolibni taniganlar, ba'zan holini, ba'zan so'zlarini anglaganlar esa, u va Yaratgan orasidagi sirni muqaddas deb bilmoqlari, omonat saqlamoqlari lozim. Agar, aksincha bo'lsa, boshlariga ofat yetmog'i ehtimoli bor. «Lison ut-tayr» da shoir shu ma'noda ogohlantiradi:

Shart bukim, anglag'on sharh etmagay,
To tilidin boshqa ofat yetmagay.

Donishmand Navoiy shu g'azali orqali Tangri taolo o'zi yaratgan barcha maxluqot va maxluqot gultoji bo'lmish insonlar orasidan tanlaganlari bilangina sirlashadi, ma'rifatidan bahramand etadi, demoqchi.

Bu - Navoiy e'tiqod qilgan vahdatul vujud ta'limoti. Navoiy she'riyati muxlisi ham shoir dardini tinglash uchun tanlandimi, demak, sohibe'tibor bo'libdi.

16.

“Badoe' ul-bidoya”, 215 - g'azal:

Menda bir o'tdurki, gar dam ursam aflok o'rtanur,
Asrasam ko'nglumda jonu, jismi g'amnok o'rtanur.

Mehr emas ohim o'tidin ko'kka yetmish bir sharar,
Ayb emastur gar desam, dam ursam, aflok o'rtanur.

Bas tanim o'rtarg'a qonlig' novaking, hijronni qo'y,
Barq ne hojat, bir uchqun birla xoshok o'rtanur.

Sham' o'tin mohiyatin anglay degan parvonadek,
Orazing mehrini fahm aylarda idrok o'rtanur.

Ishq aro ko'nglum necha talpinsa ortar sho'lasi,
O'tqa tushgan telba qilg'on soyi topok o'rtanur.

Ashk yub jismim kuduratdin, qurutmish oh o'ti,
Lam'ae tushgach uzoring barqidin pok o'rtanur.

Ey Navoiy, chun rutabdek otashin la'li aro
Xasta ko'nglum tushti, tong yo'q, gar bo'lub chok o'rtanur.

L U G' A T :

Novak – o'q, kamon o'qi; kiprik; o'q otmoq, jarohatlamoq

Topok – tipichilash, bezovtalanish

Kudurat – xiralik, g'ashlik, xafalanish; g'am, qayg'u; g'ubor;

Lam'a – shu'la, nur; malohat yog'dusi; sharq quyoshi, nuri;

sevgili yor

Rutab – ho'l, nam

G'azal bahri: ramali musammani mahzuf

Foilotun foilotun foilotun foilun

G'azalning nasriy bayoni:

1. Ichimda shunday o't borki, bir nafas chiqarsam, osmonu falaklar alanga olib ketadi. Agar uni yuzaga chiqarmay ko'nglimda asrasam, g'amda qolgan jonu jismim kuyadi.
2. Osmonda turgan narsa Quyosh emas, balki men "oh" urganimda ko'kka uchgan bir o't. Shu boisdan, har bir nafasim o'tidan falaklar yonadi, desam ayb bo'lmas.
3. Tanimni kuydirib yuborish uchun bir dona qonga bo'yalgan kiprik o'qing yetarli, hijron haqida gapirmay quyaqol.

Chaqmoqning ne hojati bor, xashakdek tanim yonib ketishi uchun bitta uchqun ham kifoya.

4. Xuddi sham sho'lasi mohiyatini anglamoqchi bo'lgan parvonadek, quyoshdek yuzingni fahmiga sig'dirolmay aqlu idrokim kuyib kul bo'ldi.

5. Ko'nglim ishqing sari qancha talpinsa, shuncha sho'lalanadi, xuddi olov ustiga yiqilib tushgan telba har qancha tipirchilagani sari ko'proq kuyayotgandek.

6. Ko'z yoshlarim jismimdagi g'am-qayg'u g'uborlarini yuvib yubordi, ohlarim o'ti qurutdi. Chaqmoq kabi yuzingdan uchgan bir sho'la sabab butunlay kuyib ketdi.

7. Ey Navoiy, la'ldak yonib turgan ho'l lablari orasiga xasta ko'nglim tushib qoldi. Hyech ajablanadigan yeri yo'q, endi u yorilib-yorilib o'rtanadi, yonadi.

G'azalning umumiy mazmuni:

Adabiyotshunos olim Yo.Is'hoqov "Naqshbandiya ta'limoti va o'zbek adabiyoti" nomli kitobida "...poktiynat va pokravish oshiq uchun majoz – haqiqatga erishish vositasi, o'sha yo'ldagi ko'prik", deya ta'lim berar ekan, payg'ambar (s.a.v.) ning "majoz haqiqatning ko'prigidir", degan mashhur hadislariga tayanadi va Hazrati Bahouddin Balogardonning mazkur hadis haqidagi fikrlarini keltiradi: "Aytar edilar: "Al-majozu qantaratu-l-haqiqat" shu narsaga ishoraki, barcha zohiriy va botiniy amallar, so'z va fe'l sen uchun hijobdir, to bu yo'lda yuruvchi bulardan kechib o'tmasa, haqiqatga yeta olmaydi".⁹⁷ Sharq orifona she'riyatida bo'lgani kabi Alisher Navoiy ijodida ham "mazhar ishq" ("ishqi majoziy") va "manba muhabbati" ("muhabbati haqiqiy") bir-birini taqozo etadi,

⁹⁷ Исҳоқов Ё. Нақшбандия таълимоти ва ўзбек адабиёти. – Тошкент: Абдулла Кодирий н-ги ХМН, 2002. 21-б. 197

uyg'unlashadi, ammo ular orasidagi farq inkor etilmaydi. Shoimning biz e'tibor qaratayotgan g'azali bunga misol bo'la oladi.

G'azal ishqiy mavzuda yozilgan. Unda oshiqning mahbuba sog'inchi, hijroni iztiroblari tasvirlanadi. Uchinchi baytga yetgach, oshiqning "jonu jismidagi g'am" sabablaridan biri mahbubaning chiroyli kipriklari ekanligi ayon bo'ladi. Oshiq o'zining ojiz tanini xas-xashakka, ma'shuqaning uzun kipriklari va bir nazarini xashakni bir chaqnash bilan kuydirib yuboruvchi chaqmoqqa o'xshatadi.

G'azalning to'rtinchi bayti esa mohiyatni ayon etadi. Birinchi baytda bevosita tasavvuf ramz va timsollaridan so'z ochadi. Birinchi misrada ongsiz parvona mo'jiza ko'ringan Sham' haqiqatini his etmoq uchun o'zini unga urib, uning tanida kuyib, erib ketganligi va maqsadga yetganligiga ishora etilsa, ikkinchi misrada bevosita Yaratguchi timsoli paydo bo'ladi. Shoir oshiqning Mutlaq Go'zallik sohibi bo'lmish Xoliqqa mehrini shu timsollar va ular taqdiriga tashbeh etadi. Ishq haqiqatini anglash yo'lida mashaqqat chekayotgan oshiq uchun aql-idrok ham ojiz ekanligini bayon etadi. Bu tasavvufning o'zak masalalaridan biri. Tangrini toat bilan ham, aql-idrok bilan ham topib bo'lmaydi. Yaratguchini ilm bilan, aql kuchi bilan tanib olaman, deyish metafizika tarafdorlari aqidasi. Tasavvufda esa Tangrini topish uchun toat, aql-idrok bilan birga pok, ravshan va kuyuk ko'ngil kerak. Haqqa oshiqning yoki ma'rifattalab orifning qalbi mahbuba jilva qiluvchi makon va uni muhabbat otashi yoritadi. Tasavvuf bilimdoni buni shunday tushuntiradi: "...orif qalbining ma'rifati va u orqali ilohiy ruh manbaining beqiyos go'zalligini idrok etishga faqat qalb va ruh qodirdir; aqliy mushohada, mantiqiy-tafakkuriy bilish usuli bunga qodir emas". Olimning yana ta'kidlashicha, "Navoiy ibora-timsollarida har doim ikki ma'no – orif qalbi va ruhi mutlaq birgalikda ko'zda tutiladi, zero orif qalbi oliy zot manbaiga olib boradigan bir vosita, ko'prik deb qaralgan".⁹⁸

⁹⁸ Najmiddin Komilov. Kўrsatilgan asar, 164-bet.
198

Keyingi bayt Navoiy qalami badiiy qudratini beqiyos tarzda namoyon etgan. Tasavvuringizga keltiring, ko'ngil shaxslantirilyapti: Ko'ngil – telba, u olovga yiqilib tushdi. Kuyar ekan, u qancha ko'p tipirchilasa, gulxan o'ti shu'lasini shuncha ziyoda bo'ladi:

Ishq aro ko'nglum necha tolpinsa ortar shu'lasini,
O'tqa tushqon telba qilg'an soyi topok o'rtanur.

Keyingi bayt yana haq yo'liga yuruvchiga ko'rsatma – Haq oshig'i o'z jismini ko'z yoshlari bilan yuvib poklamog'i, ko'p "oh" tortaverganidan uning jismi qurib, chaqmoqdan bir uchqun tushishi bilan kuyib kul bo'lmog'i lozim. Chaqmoq - baytda mahbuba (Xoliq) timsoli. Oshiqning talab yo'lida tinimsiz ko'z yoshi to'kmog'i lozimligi tariqatda qalb poklanishining asosiy vositasi hisoblanadi. Naqshbandiya tariqatining XIX asr oxiri XX asr boshlaridagi yirik murshidlaridan biri Xoja Muhyiddinxon Urgutiy (q.s.) o'zining "Maktubot" asarida ma'rifattalabning dili kuyuk, ko'zi mudom yoshli, tani iztirob ichida bo'lmog'i lozim ekanligini ta'kidlaydi.⁹⁹ So'z yuritilgan bayt:

Ashk yub jismim kuduratdin, qurutmish oh o'ti,
Lam'ae tushgach, uzoring barqidin pok o'rtanur.

Navoiy ko'p g'azallarida ko'zyoshlari timsolini rang-barang mazmun ifodasi uchun istifoda etadi. Chunonchi, bir g'azalida u ko'z yoshlarini bebaho durga qiyoslaydi va favqulodda qiziq bir lavha yaratadi. Bu lavhadan shunday ma'no anglanadi: ko'zyoshlarimni, garchi ular durlarga o'xshasalar-da, ishqimga mahram qila olmayman. Buning sababi shuki, ularning asli yaratilishlari ko'z yoshi, qimmatbaho javohirotdan emas. Yana bir

⁹⁹ Qarang: Шайх Мухиддинхон Ургутий. Мактубот. – Тошкент: Мавароуннахр, 2006.

sababi, ular ishqqa mahramlikka hali kichik yoshlik qiladilar.
“Yosh” soʻzidan shoir iyhom sanʼatini yaratadi. Sharhlangan bayt:

Koʻz yoshim durri yatimin mahrami ishq aylamon,
Har nechakim pok gavhardur, valekin yosh erur.

Oʻrganayotgan asosiy gʻazalga qaytsak. Gʻazal maqtaʼida shoir
“mening xastalikdan terga botib, hoʻl, nam boʻlib (rutab) yotgan
koʻnglim maʼshuqamning olovday yonib turgan lablariga tushti, olov
barcha narsani kuydirib, kul qilgani kabi, koʻnglimni ham kuydirib,
tuproq qilib yubordi”, degan mazmundagi fikrni ayon etadi. “Xok”,
“tuproq”, “adam” soʻzlari maʼnosini “yoʻqlik” ekaniga ishora etar
ekan, shoir maqsad yoʻlida oshiq oʻzligini mahv etmoqligi
lozimligini ham aytganday boʻladi:

Ey Navoiy, chun rutabdek otashin laʼli aro
Xasta koʻnglum tushti, tong yoʻq, gar boʻlib xok oʻrtanur.

Maʼlum boʻlganidek, ushbu gʻazalda zohiran dunyoviy ishq
kuylangan. Ammo undagi zohiriy maʼno-mazmun ijodkor asosiy
maqsadini ochib beruvchi kalitdir. Modomiki, “real dunyo Mutlaq
ruh inʼikosi ekan, demak uni sevish va undan bahra olish mumkin.
Shu asosda insonning insonga muhabbati ham tabiiy va zaruriy deb
topilgan, yaʼni majoziy ishq orqali ilohiy ishqqa qarab borish.
Navoiy oʻzini ana shu “ishqi majoziy” kuychilari sirasiga
kiritadi”.¹⁰⁰

Hazrat Alisher Navoiy sheʼriyati faqatgina kishiga estetik zavq
beruvchi vosita boʻlmay, insonning ongi, shuurini uygʻotuvchi,
tafakkurini charxlovchi, ilmi va dunyoqarashini boyituvchi,
eʼtiqodini oshiruvchi noyob ilmiy manbadir.

¹⁰⁰ Нажмиддин Комилов . Кўрсатилган асар, 171-б.
200

17.

“Badoeʼ ul-bidoya”, 641 - gʻazal:

Vahki, umrum borcha zoyiʼ boʻldi el komi bila,
Bodai nob oʻrnida xunoba oshomi bila.

Kimsa yuz yil komronliq qilsa, bilkim, arzimas
Dahr aro bir lahza boʻlmoqqa birov komi bila.

Zahrni oʻz komi birla ichsa ondin yaxshikim,
Ichsa hayvon sharbatin nokomliq jomi bila.

Yuz dilorom aylagandin ravza hibsi yaxshiroq
Boʻlmoq oʻz vayroni ichra koʻngli oromi bila.

Ey koʻngul, el subhi ayshi sori boqma, xoʻy qil
Fardligʻ vayronida mehnat qaro shomi bila.

Qushqa yung maskan aro xushroqdurur ozodligʻ,
Boʻlgʻonidin band aro sayyod ipak domi bila.

Boʻlmoq itlar munʼimi tan toʻma aylab yaxshiroq,
Tanni qilgʻuncha samin nokaslar inʼomi bila.

Johu markab birla, eykim, bormading maqsad yoʻlin,
Qatʼ oʻlur betoʻshaligʻ zodi fano komi bila.

Ey Navoiy, huzn ila oʻtkar qoriliq mehnatin,
Chun yigitlik bordi ayshu ishrat ayyomi bila.

L U Gʻ A T :

fasl

Ravza – bogʻ, bogʻcha; jannat; mozor; ziyoratgoh; bob, boʻlim

Hibs (habs) – qamash; hibsga solish; qamoqxon, zindon

Fardlig' – yagonalik, birlik, toqlik

Mun'imi – ne'mat beruvchi, rizq beruvchi, saxovatli

Joh – mansab, amal, martaba; davlat, boylik; buyuklik, sha'n-sharaf, shavkat, e'tibor

Beto'shalig' – oziq-ovqatsizlik, yemak-ichmaksizlik; yo'l anjomisizlik

Zodi – oziq-ovqat; dastmoya; ruhiy ozuqa; safar asbobi; bola, farzand, avlod

Huzn – ham, qayg'u, xafalik, g'amginlik

G'azal bahri: ramali musammani mahzuf

Foilotun foilotun foilotun foilun

G'azalning nasriy bayoni:

1. Essiz, butun hayotim el murodi maqsadi yo'lida zoyi' bo'ldi. Tiniq sharob o'rnida qon yuttim.
2. Ammo xulosam shu bo'ldiki, biror kimsa yuz yil davru davron surganining shodligi bir lahza birovning dardiga hamdard bo'lish xursandchiligiga arzimas ekan.
3. Tiriklik suvini birovning qo'lidan ichkandan ko'ra, o'z og'zi bilan zahar ichgan yaxshiroqdir.
4. Yuzlab go'zallar bilan ko'ngilxushlik qilgandan ko'ra, o'z bog'ida sokin bo'lgani, vayrona bo'lsa ham, o'z xonadonida bitta ko'ngliga orom beruvchi yor bilan birga bo'lgani yaxshi.
5. Ey ko'ngil, elning subh kabi rohat va farog'at ichida ekanliklari bilan ishing bo'lmasin. Yakka o'zing vayronangda qaro shom kabi mehnat, ya'ni g'am ichra bo'lgil.
6. Qush ovchining ipak qafasidan ko'ra, tikanlardan yasalgan uyasida o'zini ozod sezadi.

1. Odamgarchiligi yo'q, pasttabiatli zotlarning sovg'alarini kiyib, tanni bezatgandan ko'ra, itning tuvagiga solingan taomga sherik bo'lgan yaxshiroq

8. Ey inson, mansab-martaba, ulov bilan band bo'lib, haqiqiy maqsad yo'lga kirmading. Ammo bu yo'lning safar anjomi, ruhiy ozuqasi – o'zlikdan qutulib, yo'qlikni maqsad qilmoqdir.

9. Ey Navoiy, endi qariligingni hazinlik, g'am bilan o'tkaz. Chunki yigitliging ayyomi ayshu ishrat bilan o'tib ketdi.

G'azalning umumiy mazmuni:

Alisher Navoiy o'z umri va jamiyat hayotiga nazar tashlar bilan, uning bebaho hamda inson uchun baxt manbai emashligiga shonch hosil qiladi. Biroq, u jamiyatdan yuz o'girishni xayoliga keltirmaydi. Balki, qanoat, sabr kabi fazilatlar vositasida insonni yaxshi axloq va ibratli hayotga tashviq etadi. Uning bunday fikrlari Navoiy ruh-dagi she'rlarida o'z aksini topgan. Alisher Navoiyning qarashlariga ko'ra, Tangri-taolo yaratgan narsalar ichida eng sharaflisi insondir. Inson o'ziga nasib etilgan umrni behuda emas, engli kechirishi, shu bilan birga u erkin va xudo manzuri bo'lishi bo'zimidir. Shoir shaxs erkinligi masalasini bir necha yo'nalish bo'yicha ta'riflab beradi. Birinchidan, inson ijtimoiy jihatdan ham, ijtimoiy jihatdan ham erkin bo'lishi kerak:

Qushqa yung maskan aro xushroqdurur ozodliq,
Bo'lg'onidin band aro sayyod ipak domi bila.

Zahrni o'z komi birla ichsa andin yaxshikim,
Ichsa hayvon sharbatin nokomliq jomi bila.

Ikkinchidan, erkinlik shaxsning o'z vatani bilan bevosita bog'liq bo'lib turgan paytda qo'lga kiritiladi. Ya'ni, inson o'z sevimli maskanidan chekkada haqiqiy erkin bo'la olmaydi:

Yuz dilorom aylagandin ravza hibsi yaxshiroq,
Bo'lmoq o'z vayroni ichra ko'ngli oromi bila.

Masalaning boshqa, uchinchi bir tomoni ham borki, shaxs ozodligi faqat ijtimoiy, siyosiy yoki iqtisodiy jihatdan birovga mute' bo'lmaslikdangina iborat emas. Shaxs komil erkin bo'lishi uchun o'zini ruhan poklashi, harom-harishdan, barcha salbiy xususiyatlardan nafratlanishi, adolat, haqiqat sari intilishi lozim. Chunki, ruhiy poklikka mol-davlatga ortiqcha hirs qo'yish bilan ham, mansab yoki birovning qo'llashi bilan ham erishib bo'lmaydi. Biz yuqorida keltirib o'tgan baytlar mavjud bo'lgan g'azalning davomida ham shunday fikrlar bayon etilgan satrlar mavjud. Navoiyning bunday orifona g'azallarida katta ma'rifiy, axloqiy ahamiyatga molik fikrlar uchraydi:

Bo'lmoq itlar mun'imi tan to'ma aylab yaxshiroq,

Tanni qilg'uncha samin nokaslar in'omi bila.

Shu tariqa, Hazrat Alisher Navoiy o'zining pandu o'gitlardan iborat ushbu g'azalida shaxs erkinligi konsepsiyasini mukammal bayon etib beradi.

18.

“Badoe' ul-bidoya”, 598 - g'azal:

yetishti bayramu daf' etti ro'za qayg'usin,
Shamol musqili yog'utti boda ko'zgunin.

Sipehr jomi hiloliga jilva berdi magar,
Ki boda zabt eta olmas nashot kulgusin.

Magari qildi shabistonga azm shohidi ro'd,
Ki to'kti charx ayog'iga axtar injusin

Dalil rohi shafaq rangu jomi miynoni,
Shafaq mayini ko'ru charx jomi miynusin

Farog'ate tilar ersang, kup og'zi xishtini ol,
Ushat bu xisht bila zuhd nangu nomusin

Saharki, xalq Musallog'a yuz qo'yar, xush tut,
Borurga dayri fano sari tong qorong'usin

Navoiy, ich qadahu foniy o'lki, topti baqo,
Biravki, topmadilar el so'rog'u belgusin

L U G' A T :

Musqil – sayqal, jilo beruvchi; yorituvchi
Yog'utmoq – yog'dirmoq

Nashot – shodlik, xursandchilik

Jom (jomi miyno) – qadah, may piyolasi; bu yerda: shafaq

Kup – xum, may quyiladigan katta sopol idish

Musallo – namoz o'qiydigan joy, masjid, namozgoh; joynamoz

G'azal bahri: hazaji musammani maqsur

Mafo'iylun mafo'iylun mafo'iylun mafo'iyl

G'azalning nasriy bayoni:

1. Ramazon hayiti keldi-yu, ro'za tutish mashaqqatini
ketcakzdi. Yana sharobning tiniq yuzida yangi oy nuri o'ynay
boshladi.

qalbida kechayotgan bu hayajonlardan qat'iy nazar, tabiat bayram tongini qarshilayveradi:

Sipehr jomi hiloliga jilva berdi magar,
Ki boda zabt eta olmas nashot kulgusin.

Falak shu qadar qorong'u bo'ldiki, jomi hiloliy (may to'la jomga o'xshab ko'ringan Oy) nihoyatda jilolandi, chunki qora rang oqlikni yanada ravshanroq ko'rsatadi. Vaholanki, bayram tongi zavqi, shodligini boda ham bosa olmaydi. Iyd shohidi bo'lmish yangi Oy qorong'u tunda paydo bo'lishi bilan charx uning suyunchisiga inju kabi yulduzlarini sochib yuboradi:

Magarki qildi shabistonga azm shohidi iyd,
Ki to'kti charx ayog'iga axtar injusin.

Shoir iyd tuni manzarasini tasvirlar ekan, yana yangi tashbeh, yangi lavhalar chizishda davom etadi: zangori jom rangiga shafaqning zangori yo'li guvoh bo'ldi, lekin, sen shafaq mayini va falakning shisharang jomini solishtirib ko'rchi, qay biri ustun ekan:

Dalil rohi shafaq rangu jomi miynoni,
Shafaq mayini ko'ru charx jomi miynusin.

Shundan keyingi baytlarda shoir o'z ijodiy an'anasiga ko'ra lirik tasvirdan chekinib, she'rga ijtimoiy-falsafiy tus beradi:

Farog'ate tilar ersang, kup og'zi xishtini ol,
Ushat bu xisht bila zuhd nangu nomusin.

Kup – may solinadigan idish, uning og'ziga g'isht («xisht» - forscha so'z, turkiysi «kirpich») qo'yib qo'yiladi. Baytning zohiriy ma'nosi shuki, kup og'zi g'ishtini ol-da, shu bilan ta'magir zohidning nomusini urib sindir, riyokordan qutulib ko'ngling taskin

ni, deyiladi. *Biror baytga chaqurmoq e'tibor qilsak, uning* ma'nosi ham ayon bo'ladi: kup og'zi g'ishtini ol, uning iydagi vahdat sharobidan ichsang. Yorga yetishasan va farog'at topasan. Sening bunday baxtdan sarafrozu sarxushligingni ko'rib, masaba zohid uyatu nomusdan adoi tamom bo'lsin. Keyingi baytda shoir fikrini davom ettirib, mubolag'a qiladi: sahar chog'i xalq vahdat qilish uchun joynamozga bosh qo'yar ekan, sen bu damni e'timot bil va o'tkinchi riyoiy dunyodan qochib qol:

Saharki, xalq Musallog'a yuz qo'yar, xush tut,
Borurga dayri fano sari tong qorong'usin.

Tasavvufning hayotsevar naqshbandiya tariqatiga mansub bo'lgan Navoiyning eng kichik fardlaridan tortib barcha asarlarida shu tariqatning o'zak masalalari targ'ib etiladi. Mazkur g'azalda ham hayot ne'matlaridan voz kechib, umrni yolg'iz toat-ibodat bilan o'zida o'tkazish Yaratganning xohish-istagiga ham zid ekanligi haqqida o'z fikrini bildiradi. Hali naqshbandiylik tariqati dunyoga kelishidan ancha ilgari Yusuf Bolosog'uniy aytgan «Tangrini toat ila topmas quli» hikmati – ibodat dildan bo'lishi lozimligi, namoyishkorona ibodat esa shuhrattalablik, munofiqlikdan boshqa narsa emas ekanligini uqtiradi. Xuddi shu ma'noda mashhur so'fiy Jaloliddin Rumiy tariqat yo'liga kirgan so'fiylarga shunday deydi: «Muftilar har qancha fatvo bersalar ham, sen olimning fatvosiga quloq os». Zero, Olohni tanimay turib, gumrohona ado etilgan ro'za ham, namoz ham suratdan o'zga narsa emas ekan. Haqiqiy ibodat Haq vaslidan ogohlik bilan pinhona qilingan ibodatdir. Naqshbandiylik tariqati yo'lichisi o'zi qarda, qay maqomda va qay tarzda bo'lmasin, biror dam tangri ibodatidan forig' bo'lmaydi va bu faqat uning o'zigagina ayondir. U tangri qoshida juda ulug' martabada bo'lishi mumkin, lekin bundan xalq bexabar bo'lishi lozim. Uning talabi gumnomlikdir. Ya'ni, shuhratdan, xalqqa tanilishdan qochish. Chunki, shuhrat dilni

o'ldiruvchidir. Hazrat Navoiy mansub bo'lgan so'fiylik tariqatining xuddi ana shu hukmi biz tahlil etayotgan g'azalning maqta'sida namoyon bo'ladi:

Navoiy, ich qadahu foniy o'lki, topti baqo,
Biravki, topmadilar el so'rog'u belgusin.

Navoiyning mazkur she'ri zohiran ramazon hayiti shodligiga bag'ishlangan g'azal namunasi bo'lib ko'rinsa-da, aslida uning har baytida shoirning g'oyaviy intilishlari, ideallari aks etib, misralarda pinhona yotgan navoiyona *dard uchqunlari ziyrak she'rxo'ni hayratga soladi. Hazrat Navoiy ijodlari boqiy hayratdir. Xullas, Hazrat Alisher Navoiyning ulug'ligi shundaki, u she'rlarida INSON haqida fikr yuritadi. Bu fikr doirasi esa har qanday milliy, diniy, mazhabiy, mafkuraviy hududlarni yorib chiqadi. Shu nuqtai nazardan uning har bitta bayti katta bir risolaviy tadqiqotni talab qiladi.*

19.

“Navodir un-nihoya”, 132 - g'azal:

Ey jamoling mehridin ravshan azaldin to abad,
Zarra yanglig' ul yorug'luq ichra sargardon xirad.

Kunhi zotingdin xirad gar bo'lsa a'mo ne ajab,
Zarrag'a yuz ming quyosh mohiyatin bilmak ne had.

Ham xirad nuri topib husning quyoshidin dimog',
Ham vara' zo'ri olib zikring g'izosidin jasad.

Senga tolib kimki azmi Ka'ba aylar yo'qsa dayr,
Sen murodi kimki zikr ichra sanam der yo samad.

Xalq raddi ne ziyon topqong'a lutfungdin qabul,
El qabulidin ne sud oniki qahring qilsa rad

Bo'lmag'ay mumkin zalolat chohidin chiqmoq kishi,
Lutfung ilgi rishtai tavfiq ila qilmay madad.

Quvvatingning ojizi gar pili tan, gar sheri zo'r,
San'atingning sho'lasi gar gulshin, gar sar'iqad.

*Ham munejot ahlining ko'nglida biymning behisob,
Ham xarobat ahli joninda umiding be'adad.*

Jurmu isyon chohidin chiqmoq Navoiy iltimos
Sendin aylar, negakim, yo'qtur sanga kufvan ahad.

L U G' A T :

Xirad – aql, fikr, idrok, donish; tushuncha
Kunh – asl haqiqat, mohiyat; zot asli, mohiyati, o'zligi
A'mo – ko'r, so'qir; bilimsiz, nodon, bexabar; ojizlik qilmoq
Vara' – taqvo, parhyezkorlik, xudojo'ylik
G'izo – oziq-ovqat, yegulik, taom
Samad – abadiy, jovidon; xudo sifatlaridan biri
Biym – xavf-xatar, qo'rqinch, vahm, tahluka; bu yerda:
xavotirli umid
Kufvan ahad – (kufv – teng, barobar, o'xshash); bu yerda:
(aslida “kufuvan ahad”) **yo'qtur sanga kufvan ahad – senga hyech**
bir teng yo'qdir

G'azal bahri: ramali musammani mahzuf
Foilotun foilotun foilotun foilun

G'azalning nasriy bayoni:

1. Ey parvardigori oliy, jamoling quyoshidan azaliy va abadiy borliq nurga cho'mdi. Ammo bu nur ichida mening aqlu tafakkurim nur manbaini **topolmay va hyech narsani tushunmay** sargardon kezmoqda.
2. Zoting mohiyatini anglamoq yo'lida aql ko'r, ojiz bo'lsa, hyech ajablanarli yeri yo'q. Kichik bir zarra yuz mingdan ham ziyod quyosh mohiyatini anglamog'i mumkinmi?!
3. Aql nuri sening husning quyoshidan kuch olmish, Taqvoning kuchi sening zikring tufaylidir.
4. Ka'ba sari azimat aylagan mo'min ham, dunyo ishqida bo'lgan inson ham sening marhamatingdan umidvor, talabgor. "Sanam" deb zikr etuvchi butparastning ham, "Samad" deb seni etuvchining ham ibodatdan yagona murodi sensan!
5. O'z **lutfu marhamating bilan siylaganing insonni xalq rad** etsa, buning unga hyech ziyoni yo'q. Binobarin, o'z qahru g'azabing bilan rad qilib turganing insonni el e'zozlar ekan, buning unga hyech bir foydasi bo'lmaydi.
6. Agar sen marhamatli qo'llaring bilan tavfiq ipini uzatmas ekansan, hyech bir kimsa zalolat – tubanlik chohidan chiqa olmaydi.
7. Sening betimsol quvvatingning eng ojiz bir ko'rinishi filtanli maxluq yoki kuchli sher bo'lishi mumkin. San'atingning bir ko'rinishi esa bir gulyuzli yoki bir sarvqadli go'zal bo'lishi mumkin.
8. Senga yalinib iltijo qiluvchilarning ko'nglida xavotir to'la umid behisob. Xarobotda tinimsiz zikru ibodat bilan mashg'ul sufiylar joni ichra umiding behad, behisob.
9. Navoiy ham bu dunyoga kelib qilgan gunohu isyonlari chohidan chiqmoq uchun sengagina yalinadi. Chunki

borliq yo'qliqda senga teng keluvchi yo'qdir!!! Ma'nosi:
O'zing yagona yaratguchisan!

G'azalning umumiy mazmuni:

Ushbu g'azal Hazrat Navoiyning munojot ruhidagi hamdlaridan biridir. Shoir Buyuk Yaratguchini qator mushohadali misollar keltirib, birinchi sifatlab maqtar ekan, shu hamdlar mag'ziga o'zining umidli iltijolarini ham singdirib yuboradi. Matla'da aql hamma narsani ham bilavermaydi, qadri yetmaydi, ayniqsa ko'z bilan ko'rib bo'lmaydigan g'oyibni bilolmaydi, mazmunidagi tezis yotadi. Bu fikmi shoir bir o'rinda shunday bildirgan: Aql g'ayb ilmida a'modurur, Ne bilg'usi, tongla kelur nedurur. Keyingi baytda bu fikr rivojlantiriladi: bir zarra yuz quyoshni anglamoqqa qodirmi?! Endi "Aql – nurdir", degan mazmun yangi o'xshatishlar bilan bildiriladi. Ya'ni, u sening husning quyoshidan bir zarra nur olgani bois shuncha havolanib ketti. G'azalning keyingi baytlarini shoir fikriy laboratoriyasida sodir bo'lgan bir hodisa sharhi vositasi bilan tushunishga harakat qilamiz.

Shoirming bu mashhur hamdi ham ikki matnda mavjud. Navoiy e'tiqodi, ilohiyotni falsafiy idrok etishi yoxud panteizmi barkamol namoyon bo'lgan ushbu g'azalning to'rtinchi bayti «Navodir un-nihoya» devonida quyidagicha:

Senga tolib kimki azmi Ka'ba aylar, yo'qsa dayr,
Sen murodi kimki zikr ichra sanam der, yo samad.

«Navodir ush-shabob» da baytdagi «zikr» so'zi o'mida «dayr» so'zi keladi. Chunki, Yaratguchining sifatlaridan biri bo'lmish «samad» so'zi zikr ichida aytiladi. Zikr musulmon avliyolarining ibodat turlaridan biri. Demak, «dayr» so'zining ikkinchi misra'da qaytarilishi birinchi misra'dagi fikrning mantiqiy davomini ta'minlaydi. Ya'ni, baytda har misra'da mustaqil, xabar mazmunidagi tugal fikrlar ifoda etilib, birinchi misra' mazmuni

quyidagichadir: «Ka'ba sari otlanganlar ham, «dayr» deguvchilar ham sendan umidvor, marhamatingga intizordurlar».


Ikkinchi misra'da g'azalning birinchi variantidagi «zikr ichida sanam yoki samad» deguchi iboralari - ibodat etuvchilar ma'nosida tushuniladi. Bayt kompozitsiyasi psixologik parallelizm san'ati asosida qurilganligi bois, bu misra'da «sanam» deguvchi butparast obrazi ham ishtirok etadi. Baytning g'azal birinchi variantidagi leksik-stilistik strukturasi ushbu kontrast obrazlar joylashuvining sxematik ko'rinishi quyidagicha:

I-misra':

Ka'ba sari
otlangan mo'min

“Dayr” –dunyo
deguvchi shahxs

II-misra':




«Zikr» so'zi «sanam» yoki «samad» deguchi shaxsni «ibodat etuvchi», degan ma'noda tushunishga olib keladi. Demak, baytning ikkinchi misra'sida ikki xil tafakkurdagi obidlar obrazi namoyon bo'ladi (ya'ni, butparast va mo'min). Misra'da tazod obidlarning diniy dunyoqarashi yuzasidagina yaratilgan. Ammo, baytning birinchi misra'sida tom ma'noda ikki qarama-qarshi obraz tasvirlangan. Fikr grammatik ifodasidagi «yo'qsa» - fe'li mohiyatan butunlay qarama-qarshi shaxslar xususida gap ketayotganligini ta'kidlaydi, ya'ni ular Alloh taolaga intiluvchi mo'min va foni dunyoga mayl qo'ygan dunyoparast obrazlaridir.

Matnda «zikr» so'zi o'miga «dayr» so'zi keltirilgach esa, ikkinchi misra'da ham undan oldingi tasvir muqobalasida kontrast obrazlarning yorqin ifodasiga erishiladi. Bu o'rinda baytning birinchi misra'sida «dayr» - ibodatgoh, ikkinchi misra'da esa dunyo, borliq ma'nosida keladi. Misra'ning yangi variantida «sanam» so'zi real ma'shuqa obraziga ishora etib, unda bir ma'nodagi (ya'ni, ibodat etuvchi ma'nosidagi) ikki obraz emas, balki bir-

ninga tamoman zid bo'lgan - o'tkinchi dunyo havasidagi dunyoparast va Alloh taolo talabida bo'lgan orif obrazlari ishtirok etadi.

Bundan tashqari, baytda «Sen murodi kimki dayr ichra sanam der, yo samad» deyish bilan shoir g'oyaviy maqsadining mubolag'ali, yuksak emosional formadagi ifodasiga ham erishiladi. Chunki, zikr etuvchining murodi - u butga sig'inadimi yoki yagona Xoliqqami - Yaratguchiga intilishdan iboratdir. Ammo, keyingi matndagi fikr «obid mo'min ham, dayrda bir sanam ishqiga muftalo oshiq ham Sendan marhamat kutadi», degan ma'noni bildiradi. Shu jihatdan baytning keyingi matni sxematik ko'rinishi quyidagi ko'rinishda bo'ladi:



Demak, bu matn variantida baytda psixologik parallelizmning mukammal ko'rinishda aks etishi, shu munosabat bilan tasdir san'atining ham chiroyli namunasi ko'zga tashlanadi.

G'azalning beshinchi baytida ko'ringan tafovutlar ham fikrni sodda, xalqona ifodalash maqsadida saralanishi mumkin. «Navodir un-nihoya» da:

Xalq raddi ne ziyon topg'ong'a lutfungdin qabul,
El qabulidin ne sud oniki qahring qilsa rad.

«Navodir ush-shabob» da:

Xalq raddidin ne g'am topg'ong'a lutfungdin qabul,
El qabulidin ne sud oniki qahring qilsa rad.

Baytda «xalq raddi ne ziyon» jumlasining «xalq raddidin ne g'am» birikmasi o'mida kelishi bilan tasviring mubolag'ali ifodasiga erishiladi. G'azalning yettinchi bayti matnlari qiyosida ham xuddi shunday - mubolag'aning kuchaytirilgani hodisasini sezish mumkin. Ya'ni, fil tanli

pahlavon ham, eng kuchli sher ham sening quvvating oldida ojiz, hych narsaga arzimaydi. Guljabin va sarvqad go'zallar esa san'atkorligingning birgina qirrasidir, deyiladi baytning birinchi ko'rinishida. Uning keyingi shaklida esa guljabin va sarvqadlar haqidagi fikr yanada rivojlantirilib, ularning faqat tashqi tavsifi emas, balki botiniy kamoloti ham, ya'ni, tangri taologa shukr aytuvchi ekanliklari ham ta'riflanadi:

Quvvatingning ojizi gar piltan, gar sheri zo'r,
San'atingning sho'basi gar guljabin, gar sarvqad.

Tabdiliy matn:

Quvvatingning ojizi gar piltan, gar sheri zo'r,
Minnatingning shokiri gar guljabin, gar sarvqad.

G'azal shoiming tangri taologa bo'lgan dardli iltijosi bilan tugaydi:

Jurmu isyon chohidin chiqmoq Navoiy, iltimos
Sendin aylar, negakim, yo'qtur senga kufvan ahad.

20.

“G'aroyib us-sig'ar” 338 - g'azal:

Hajri tobi ichra kim ko'rdi bu jismi zordek,
Kim topibdur barq shakli o'tqa tushg'on tordek.

Ey kabutar, tavq paydo aylagung qumri kibi,
So'zliq nomamni ossam bo'yunungga tumordek.

Bo'ldi yuz ming pora jismimda so'ngak, qon qolmadi,
Molishi hajringdin o'lmishmen siqilg'on nordek.

216

Vah, ne hijrondurki, ham avval tunining tonglasi
Bo'lmisham yillar malolat tortqon bemordek.

Ey ko'ngul, dayr ichra ul kofimi sevding, bilki yo'q
Rishtai¹⁰¹ o'zni anga bog'lar uchun zunnordek.

Yor agar hampoyu po barjo esa bu davrida,
Boshig'a har lahza evtulmak bo'lur pargordek.

Har so'ngak yonimda bo'lmish bir teshuk g'am bazmida
Har birig'a o'zga yanglig' nola musiqordek.

Boda ichmakka maqome istar ersang, ey rafiq,
Manzile bu ishg'a bo'lmas kulbai xammordek.

Har dam ul oy hajrida o'vorlig' istar ko'ngul,
Ey Navoiy, qo'y oni har qayda borsa bordek.

L U G' A T :

Tavq – bo'yinbog', bo'yinga osadigan ziynat; tuzoq; ba'zi qushlarning bo'ynidagi halqa shaklidagi chiziq; tomoq osig'i; la'nat
tavqi, aybdorlarni qiynash uchun bo'yniga kiygiziladigan yog'och
bo'yunturuq; baqbaqa chizig'i, aylanasi
Molishi hajr – ishqalash, suykash; jazolash, azoblash, qiynash;
jazo, tanbeh
Zunnor – xristian dinidagilar beliga bog'laydigan chilvir,
belbog'; but, o'ziga sig'intiruvchi, tortuvchi
Hampo – hamqadam, hamroh
Pargor – sirkul, pargar
Musiqor – muzika asbobi; xush ovozli afsonaviy qush
Kulbai xammor - mayxona

¹⁰¹ Бу сўз “риштае” тарзида ёзилиши керак. “Риштаи” ибора яшаш учун ишлатилади.

217

G'azal bahri: ramali musammani maqsur

Foilotun foilotun foilotun foilun

G'azalning nasriy bayoni:

1. Hajr, ya'ni uzoq sog'inishning zo'ridan mening zor jismim xuddi olovga tushgan qildek to'lg'onadi. Biror kimsa olovga tushgan qilning chaqmoq shakli kabi kuyganini ko'ribtimi?
2. Ey beg'am kabutar, agar bo'yingga kuyib turgan xatimni osib qo'ysam, u sening bo'yingda xuddi qumriniki kabi bezakli bo'yinbog' bo'ladi.
3. Jismimdagi suyaklarim yuz pora bo'lib ushalib ketti, hatto qonim qolmadi. Bu holatda jismim hajring azoblaridan siqib tashlangan anordek bo'lib ko'rinadi.
4. Bu ne qattiq hijron bo'ldiki, yillar davomida ertayu kech azobda bo'lgan bemordek bo'lib qoldim.
5. Ey ko'nglim, bu dunyoda bir kofirni sevdin, ammo bilki o'zingni unga bog'lashing uchun zunnor kabi bir ip ham yo'q.
6. Yor agar men bilan hamroh, hamqadam bo'lsa, har lahza xuddi pargordek uning boshidan o'rgilaman.
7. Xuddi afsonaviy qush tumshug'idek jismimdagi suyaklarim teshuk bo'lib g'am bazmida har biri bir turli nola qiladi.
8. Ey do'stim, sharob ichmak uchun biror martabali yer istasang, mayxonadan bo'lak yer bunga munosib manzil bo'lolmas.
9. Ko'nglim o'sha oyyuzli nigorni sog'inib ovorayu sarson bo'lishni istaydi. Ey Navoiy, uni qo'y, mayli, qaerga borgisi kelsa, boraversin.

G'azalning umumiy mazmuni:

Bu g'azalda ham asosan majoziy ishq tarannum etiladi. Biroq, unda shayxning ma'shuqaga bo'lgan *yolqinli muhabbati, orzu umidlari, visol* kabi optimistik tuyg'ular ifodasidan farqli o'laroq, hijron ahvoblari, lirik qahramonning qayg'uli holati, umidsizlikka uchragan dil atroflari singari motivlar ustunlik qiladi. G'azal Hazrat Navoiyning ikki devoni "Navodir un-nihoya" devonida 436-o'rinda va "G'aroyib us-sig'ar" devonida 338-o'rinda mavjud. «Navodir un-nihoya» devonidan joy olgan g'azalning uch baytidan so'ng uning "G'aroyib us-sig'ar" devonidagi matnida bir bayt qo'shilgan. G'azal umumiy mazmun-mohiyatini, keling afsonaviy tarzda, ana shu bitta qo'shilgan bayt munosabati bilan tushunishga harakat qilaylik.

Bo'ldi yuz ming pora jismimda so'ngak, qon qolmadi,
Molishi hajringda o'lmishmen siqilg'on nordek

Baytidan so'ng shoir g'azal yangi variantiga, ya'ni o'zi uning "G'aroyib us-sig'ar" devoniga 338-o'rinda joylashtirilgan matniga:

Vah, ne hijrondurki, ham avval tunining tonglasi
Bo'lmisham yillar malolat tortqon bemordek

baytini joylashtiradi.

Ushbu g'azallarning barcha baytlarida lirik qahramon mahzun kayfiyatining, ma'shuqasidan ham, zamonadan ham, zamonahlikdan ham norozi, iztirobli holatining izchil, dinamik ifodasi aks etadi. Aynan ana shu 9 baytli g'azallarda Navoiy she'riyatining o'ziga xos kompozitsion yetukligi, betakrorligini belgilovchi bir xususiyat ko'zga tashlanadi. Ya'ni, Navoiy g'azallari semantik strukturasi ularning g'oyaviy pafosi bilan bog'liq tarzda badiiy tasvirning bosqichli usuli qo'llaniladi. Bizning taxminimizga ko'ra, bunday matn variantlari ijodkorning o'ziga ham tegishli bo'lishi mumkin. Chunki, bunday g'azallar tafovutli variantlari hosil bo'lishida

nihoyatda bilimdon va zukko bir san'atkor muharrirning qo'li borligi shubhasiz. Ammo, bu o'rinda shu narsani ham nazardan qochirmasligimiz lozimki, g'azallarning nokomil ko'rinishlari paydo bo'lishida kotiblarning ishtiroki ham bo'lgan, ya'ni g'azal kompozitsion mukammalligi uchun xizmat qiluvchi muhim mavqe'ga ega bo'lgan ba'zi baytlar e'tiborsizlik bilan tushirib qoldirilgan. Har holda biz poetik matn takomili ko'zda tutilgan variant talqiniga kirishar ekanmiz, agar bunda ijodkor tahriri bor bo'lsa, biz buyuk san'atkorning badiiy tasvir sohasidagi yana bir kashfiyoti, yangi tasvir usulini ochib berishga muvaffaq bo'lamiz.

Biz mulohaza etayotgan tasvir usulining mohiyati shundan iboratki, shoir o'z g'oya-maqsadining badiiy fikr vositasidagi manzum ifodasini tasvirning turli ko'rinishlari orqali bosqichma-bosqich yoki baytma-bayt rivojlantira boradi. Muayyan bosqichga yetgach, ana shu bosqichgacha bo'lgan semantik-emotsional ifoda yo'nalishi asta-sekinlik bilan yana o'zining boshlanishidagi vaziyatga qaytayotgandek tasavvur o'yg'otadi. Ya'ni, bunday tasvir ko'rinishida ijodkor she'rning garmonik markazini tashkil etuvchi nuqtaning bo'lishligiga ahamiyat beradi. Masalan, u ayrim ishqiyy g'azallarida leksik elementlar vositasida, murakkab stilistik tarkib bilan, badiiy san'at vositalari ko'magida g'azalda sub'ektiv emotsional tasvimi kuchaytira boradi. G'azal kulminatsiyasiga, yoki bu o'rinda garmonik markaziga, desak mosroq bo'lar, yetgach esa, simmetrik qaytish boshlanadi. Ya'ni, lirik qahramon o'z hissiyotlarini asta-sekin jilovlay boradi. Shundan so'ng, shoiming g'oyaviy maqsadi, she'r mavzui va mazmuni nuqtai nazaridan kelib chiqadigan mantiqiy xulosaga navbat keladi. Badiiy tasvirning bunday xususiyati g'azalga nisbatan hajman katta poetik janrlar - qasidalarda, o'rta asrlar arab poeziyasidagi xamriyat, hajviy-satirik xarakterdagi lirik qissalarda uchraydi. Mazkur tasvir usuli o'rta asrlar arab klassik adabiyoti tadqiqotchilari e'tiborini jalb etib, bunday kompozitsiyaga asoslanib yaratilgan asarlar «garmoniya prinsiplari»ga amal qilingan holda dunyoga kelgan asarlar, deb ta'riflanadi. Arabshunoslar o'z kuzatuvlarini qo'yidagi mulohazalar bilan asoslashga harakat qiladilar: butun koinot ma'lum bir mutanosiblik asosida qurilgan, shunday o'zaro mutanosiblik - garmoniya va «tartiblilikka» insoniyat jamiyati va inson shaxsi ham

ilmog'i kerak. So'z esa, ayniqsa, badiiy so'z, insonning uni boshqa matnlardan ajratib turuvchi yagona sifatidir. Demak, so'z ham, fikr ham vosita ana shu prinsip yuzasidan shakllanmog'i, aytilmog'i kerak.¹⁰²

Yuqorida tilga olingan tasvir uslubi uni bevosita istifoda etib yaratilgan garmoniya va simmetriya talablari asosida) asarlar vositasida arab klassikasida o'ziga xos tendensiya sifatida ko'zga tashlanadi. Shu nuqtai nazardan u muhim g'oyaviy-estetik ahamiyat kam kasb etgan. Bu prinsip arabshunoslikda «gradatsiya» termini bilan izohlanadi: «Vajnam kompozitsionnyy principom byla takje gradatsiya, narastanie ot nachala k seredine, a zatem spad ot serediny k koncu (v etom sluchae vozmojny razlichnye varianty v zavisimosti ot janra, napravlenosti proizvedeniya, masterstva i talanta avtora, odnako obuyaya sxema ostaetsya imenno takoy). Eta sistema kompozitsii xarakterna i dlya prozaicheskix i dlya poeticheskix janrov, osobenno dlya «poslaniy», v chastnosti satiricheskogo xaraktera».¹⁰³

Shu tipdagi kompozitsion sistemani Navoiyning muayyan syujetga asoslangan liro-epik asarlari, dostonlaridagi ayrim o'rinlarda ham kuzatish mumkin.

Navoiy she'ri variantlarini ularning kompozitsiyasi yuzasidan o'rganish uning ba'zi g'azallarida ana shu ta'riflangan tasvir uslubining amal qilganligi hollarini ko'rsatdi. Jumladan, yuqorida keltirilgan g'azallarga murojaat etaylik:

Hajr tobi ichra kim ko'rdi bu jismi zordek,
Kim topibdi barq shakli o'tqa tushgan tordek

matlai bilan boshlanuvchi g'azalning birinchi, ikkinchi baytlarida lirik qahramon hijronli iztiroblarining badiiy tasviri ikki badiiy lavha orqali bayon etiladi. Birinchi baytdagi «kim ko'rdi», «kim topibdi» kabi ritorik so'roqlar oshiq tortayotgan hijron dardining emotsional tavsifini yoki tasvirning

¹⁰² Бу ҳақда қаранг: Куделин А.Б. Средневековая арабская поэтика. — М.: Наука, 1983. 108-110-с.

¹⁰³ Шидфар Б.Я. Образная система арабской классической литературы (У-ХП вв). — М.: Наука, 1979. 112-с.

emotsional qobig'ini tashkil etsa, qofiyadagi - dek qo'shimchasi, yoki tashbeh vositasi bilan o'quvchiga qaratilgan bunday ta'sir yanada kuchaytiriladi. Ana shu komponentlarsiz bayt mazmunini idrok qilib ko'rsak, u oddiy xabar gapdan iborat bo'lib qoladi.

Ikkinchi baytda kabutarni tavfiqli qumriga qiyos qilib, uning bo'yniga tumor o'rinda oshiq dili harorati sezilib turgan xatini osish orqali lirik qahramon hissiyotlarining badiiy tasviri yana bir bosqichga ko'tariladi. G'azalning uchinchi bayti avvalgi ikki baytga nisbatan yanada kuchliroq, dramatik holat tasviri bilan davom ettiriladi: jismimdagi suyaklarim yuz ming pora bo'ldi, qonim qolmadi; hajringda ezilib, siqilgan anordek bo'lib qoldim, deydi shoir.

G'azalning birinchi variantida bu baytdan keyin keladigan to'rtinchi bayt shoiming ko'ngulga murojaati bilan boshlanadi va hissiy kechinmalar tasviri darajasiga ko'ra oldingi baytga nisbatan ancha kuchsizroqdir. Bu baytda, ey ko'ngul, kofimi sevding, biroq uning beliga o'zni bog'lashing uchun bir ip ham yo'q, degan ma'no ifodalangan. Ana shu o'rinda shoir g'azalga tahrir kiritishni lozim topadi. Yuqorida ta'kidlaganimizdek, gradatsiya, ya'ni, sekin-asta kuchayib, yuksala borish va eng yuqori bosqichga yetgach, asta-sekin pasayish, qaytish prinsipiga ko'ra, to'rtinchi baytga nisbatan emotsional tasvir jihatidan kuchliroq bo'lgan uchinchi baytdan keyin shu nuqtai nazardan yanada mukammalroq, baquvvatroq bir bayt kiritiladi. Nazarimizda ana shu bayt lirik qahramon his-tuyg'ulari ifodasining garmonik markazini tashkil etadi. Baytda «vah» undov so'zining qo'llanilishi, «ne hijrondurki?!» deya ritorik so'roq qo'yilishi lirik qahramon hissiyotlarining kulminatsion bosqichga chiqayotganligidan darak beradi. Mana o'sha bayt:

Vah, ne hijrondurki, ham avval tunining tonglasi
Bo'lmisham yillar malolat tortqon bemordek.

G'azalning oltinchi baytida oshiqning yoridan shikoyati bayon etilib, yettinchi baytda esa uning har bir suyagi yonidan bir teshik bo'lib, jismining bu abgor holatini g'am bazmida nola qiluvchi musiqa asbobiga o'xshatadi.

Bayt, maqta'dan oldin keluvchi sakkizinchi baytda g'azal uchinchi, yettinchi baytlarida ko'zga tashlangani kabi oshiq psixologik holatining badiiy tasviri ko'rinmaydi, balki shoiming do'stga murojaati bilan boshlanuvchi lirik chekinish mazmunidagi fikr bayon etiladi. Ya'ni, ey do'st, qor boda ichmoqchi bo'lsang, kulbai xammor, ya'ni may sotuvchining uyiga bor, deydi shoir. Maqta'da lirik qahramon - shoir his-tuyg'ulari, bayajonlari tasvirining undan oldingi baytga nisbatan ham bir pog'ona pasayganini ko'ramiz. Endi shoir dil izhorining poyoniga yetayotganini yetgach, unga yakun yasaydi, yuqoridagi sharhi holidan kelib chiqadigan mantiqiy xulosasini bayon etadi:

Har dam ul oy hajrida ovoraliq' istar ko'ngul.

Ey Navoiy, qo'y oni har qayda borsa bordek.

Bu o'rinda shuni alohida ta'kidlamog' lozimki, maqta'da his-tuyg'ular tasviri pasayishi mumkin, ammo badiiy fikr ifodasi maqta'da avj nuqtaga, shoir maqsadi bayonidan iborat bo'lgan kulminatsiyaga chiqadi.

Navoiy ijodida lirik qahramon ruhiy holati, kayfiyatining chuqur mohirona tasviri, uning muallif g'oyaviy maqsadi bilan uyg'un ifodasi asosida qurilgan bunday mukammal ichki kompozitsion ustunga ega bo'lgan g'azallar nihoyatda ko'pdir.

SO'NGSO'Z

Alisher Navoiy o'rta asrning o'ziga xos muhitida yashab, ijod etdi. U hayot kechirgan davr – ro'nessans, ya'ni inson go'zalligi va har sohadagi mukammalligini kashf etish davri edi. Tashqi ko'rinishdan nihoyatda mukammal yaratilgan insonning ichki dunyosi va shu ichki dunyoni ifodalovchi tili ham go'zal bo'lishi lozim edi. Shu boisdan ham she'riyat bu davrning ruhiyatiga aylangan edi. Navoiy insoniyatni ma'rifatlantiruvchi o'lmas ijodi bilan ana shu romantik sharoitga hayotiy realistik oqimni olib kirdi va she'riyatni o'z davrining faol, kurashchan, insonparvar kuchlaridan biriga aylantirdi. Xuroson Vaziri a'zami Nizomiddin Mir Alisher Navoiy uchun aynan shu narsa kerak edi. Buyuk shoir ijodining umrboqiyiligi va umumbashariyligi ham uning yetuklikka intilgan inson va jamiyat muammolarini ko'tarib chiqishida, bu muammolarning betakror asarlarda ajoyib yechim topishida namoyon bo'ladi. Shu jihatdan buyuk Alisher Navoiy serqirra ijodini chuqur o'rganish, bu bebaho xazinaga tinimsiz murojaat etish yosh avlod ma'naviyatini boyitadi, ularni zamonasining to'g'ri fikrlovchi, ongli va toza vijdonli kishilar sifatida shakllanishlari uchun xizmat qiladi.

GLOSSARIY

- Av-adno** – pastroq, yaqinroq
Ajz – 1. Ojizlik, zaiflik, kuchsizlik, notavonlik, iqtidorsizlik; 2. Xastalik; 3. Ojizlikni xoksorlikni tan olish
Anbar – xushbo'y modda, yoqimli hid
Anbarin – anbar (xushbo'y modda) tusli, xushbo'y, muattar, anbar aralashtirilgan; qorong'i kecha
Anfos – damlar, nafaslar; til, ovoq, so'z, so'zlash ohangi
Asru – juda, nihoyatda; juda ko'p, behisob; tez, qattiq
Axgar – laxcha cho'g', olov; oshiq
Ahmar – qizil
A'mo – ko'r, so'qir; bilimsiz, nodon, bexabar; ojizlik qilmoq
Balog'at – yetuklik, barkamollik, benuqsonlik; notiqlik.
Batho – Makkai makarrama atrofidagi Batho vodiysi
Bejihat – sababsiz, o'rinsiz, behuda
Beto'shalig' – oziq-ovqatsizlik, yemak-ichmaksizlik; yo'l anjomisizlik
Besh emas – ortiq emas
Biaynih – xuddi o'zi, aynan
Biyim – xavf-xatar, qo'rqinch, vahm, tahlika; bu yerda: xavotirli umid
Buroq – Muhammad alayhissalomni me'roj kechasi ko'kka olib chiqqan ot suratidagi farishta
Vallohu a'lam bissavob – to'g'risini Alloh yaxshiroq biladi
Vara' – taqvo, parhyezkorlik, xudojo'ylik
Vasila – yo'l, vosita, sabab, bahona, bois; tuhfa, sovg'a
Gardun – osmon toqlari; dunyo, olam, jahon; arava; yuksak, baland
Dijam – xorlik, kamsitilish
Yog'utmoq – yog'dirmoq
Jabha – peshona, manglay; yuz, oy yuzli
Jayb – 1. Cho'ntak, kissa; 2. Yoqa, kiyimning yoqasi; 3. Yon, yaqinlik
Jom (jomi miyno) – qadah, may piyolasi; bu yerda: shafaq rangli jom
Joh – mansab, amal, martaba; davlat, boylik; buyuklik, sha'n-sharaf, shavkat, e'tibor
Juz (juzv, juz') – bo'lak, boshqa, o'zga; mayda, oz, biror narsaning bir qismi, bir donasi; a'zo, badan a'zolari
Junun – jinnilik, aqlidan ozganlik, savdoyilik; oshiqlik, beqarorlik

Jurm – gunoh, xato
Zalolat – xorlik, pastlik, haqirlik, tubanlik; gumrohlik, yo‘ldan ozganlik.
Zam-zam – 1. Qo‘shish, jamlash; 2. Makkai mukarramadagi muqaddas quduq
Zarqu riyo – aldov, makr, riyo, hiyla; munofiqlik, ikkiyuzlamalik, g‘iybat, fisqu-fasod; tezak; qahr, g‘azab, jirkanch, yoqmas
Zihi – go‘zal, yoqimli, ko‘ngilga matlub; yaxshi, qanday yaxshi; ofarin
Zod – bola, farzand, avlod;
Zodi – oziq-ovqat; dastmoya; ruhiy ozuqa; safar asbobi; bola, farzand, avlod
Zol – qariya (kampir, chol); bir kechalik oy, hilol; adashgan, gumroh, yo‘ldan ozgan; yomonlikka yo‘llovchi
Zulmoniy – qorng‘i, qop-qorong‘ilikka mansub, zulmatli
Zunnor – xristian dinidagilar beliga bog‘laydigan chilvir, belbog‘; but, o‘ziga sig‘intiruvchi, tortuvchi
Zunnor – xristian dinidagilarning beliga bog‘laydigan chilvir, belbog‘; but, o‘ziga sig‘intiruvchi, tortuvchi
Iktisob – o‘rganish, kasb qilish, qo‘lga kiritish, qozonish
Ilg – “ilik” - qo‘l
Ilhod – dinsizlik, xudoga ishonmaslik;
Irshod – to‘g‘ri yo‘l ko‘rsatish, rahbarlik qilish;
Istishhod – misol keltirish, dalil, isbot
Kavnayn – ikki dunyo, jismoniy va ruhoniylar olam; bu dunyo va oxirat
Kasofat – 1. Dag‘allik, qo‘pollik; g‘alizlik; 2. Ifloslik, yomonlik; 3. Xiralik, tutilish (quyosh)
Ka‘ba – 1. Makka shahridagi ziyoratgoh, muqaddas sayilgoh, musulmonlar qiblasi; 2. Ko‘ngil
Kirdigoro – yaratuvchi, xudo, tangri taolo
Koj – shapaloq; iztirob, aziyat
Kudurat – xiralik, g‘ashlik, xafalanish; g‘am, qayg‘u; g‘ubor;
Kulbai xammor - mayxona
Kulbai ehzon – hazin uy, g‘am, hasrat uyi
Kunh – asl haqiqat, mohiyat; zot asli, mohiyati, o‘zligi
Kup – xum, may quyiladigan katta sopol idish

Kufvan ahad – (kufv – teng, barobar, o‘xshash); bu yerda: (aslida “kufuvan ahad”) yo‘qtur sanga kufvan ahad – senga hyech bir teng yo‘qdir
Lam‘a – shu‘la, nur; malohat yog‘dusi; sharq quyoshi, nuri; sevgili yor
Mamzuj – aralash, aralastirilgan, maxlut
Marg‘ub – yoqimli, sevimli, ma‘qul; dilkash, xushro‘y
Mahol – 1. Qiyin, og‘ir; 2. Vaqt, zamon.
Mahsub – hisobga olingan, sherik, bir qatordagi
Ma‘yub – mayib, aybli
Mizoj – 1. Tabiat, xulq, atvor; 2. Holat, ahvol
Miy‘od – muddat, vaqt;
Mo fiho – undagi, uning ichidagi
Molishi hajr – ishqalash, suykash; jazolash, azoblash, qiynash; jazo, tanbeh
Mosivalloh – xudodan boshqa
Muvasvasa – vasvasaga soluvchi, vasvasa qiluvchi
Mudoro – 1. Murosa qilish, chiqish, kelishish, iltifot, lutf; 2. Sulh tuzmoq, yarashmoq
Mujda - xabar
Mukavvanot – vujudga keltirilgan, vujudga kelgan, mavjudot, maxluqot
Mukaddar – xiralangan, zang bosgan; xafa, g‘amgin, mahzun
Mun‘im – ne‘mat beruvchi, rizq beruvchi, saxovatli
Mo‘r - chumoli
Musallo – namoz o‘qiydigan joy, masjid, namozgoh; joynamoz
Musiqor – muzika asbobi; xush ovozli afsonaviy qush
Musqil – sayqal, jilo beruvchi; yorituvchi
Muhaqqar – haqirlangan, tahqirlangan; arziyas, kam, ozgina; past, kichkina
Muhlik – o‘ldiruvchi, halok qiluvchi; halokatli
Nadomat – pushaymon, afsuslanish, taassuf
Namrud – rivoyatlarga ko‘ra, payg‘ambar Ibrohim alayhissalomni o‘tda kuydirmoqchi bo‘lgan podshoh
Nasim – shabada, mayin esuvchi shamol
Naxl – nihol
Nashot – shodlik, xursandchilik

Na'im – ne'mat, farovonlik; shodlik, xurramlik
Na'l – taqa; etik va kovushning tagiga qoqiladigan temir nag'al; kavush, sandaliya; taqa shaklidagi tamg'a
Na'layn – etik, juft kavush, poyafzal
Niyoz – 1. Ehtiyoj, muhtojlik; 2. Yalinish, yolvorish, iltijo; 3. Atash, nazr qilish
Nilgun – ko'k rangli, ko'k rangli gumbaz, osmon
Nilgun toram – ko'k rangli osmon gumbazi Zihi – go'zal, yoqimli, ko'ngilga matlub; yaxshi, qanday yaxshi; ofarin; xuddi o'zi, juda, eng
Nihoniy – maxfiy, pinhoni
Novak – o'q, kamon o'qi; kiprik; o'q otmoq, jarohatlamoq
Nubuvvat – nabiylik, payg'ambarlar guruhi, Haq taolo insoniyatga yuborgan elchilar guruhi
Obi hayvon – tiriklik suvi, abadiy hayot bag'ishlovchi suv
Payk – xabarchi, jarchi; elchi
Pargor – sirkul, pargar
Ruq'a – xat, maktub; yamoq
Rutab – ho'l, nam Ravza – bog', bog'cha; jannat; mozor, ziyoratgoh; bob, bo'lim fasl
Sabur – sabrli, toqatli, chidamli, bardoshli
Samad – abadiy, jovidon; xudo sifatlaridan biri
Safo (ahli safo) – ko'ngli sof, pokiza kishilar; sufiylar
Sidq (ahli sidq) – sodiqlar, sadoqatlilar, to'g'rilar
Sipehroso – osmon, falak kabi; baland, yuksak
Solik – yo'lga kirgan, yo'lda yurgan; tasavvuf yo'liga kirgan; zohid; obid; musofir; g'arib; ogoh musofir; sufiylik ixtiyor qilganlar; yo'l topish uchun urinmoq, yo'llanmoq
Suho – 1. Hulkar to'plamidagi yulduzlarning eng xirasi; 2. Juda kichik, arzimaz
Tavq – bo'yinbog', bo'yinga osadigan ziynat; tuzoq; ba'zi qushlarning bo'ynidagi halqa shaklidagi chiziq; tomoq osig'i; la'nat tavqi, aybdorlarni qiynash uchun bo'yniga kiygiziladigan yog'och bo'yunturuq; baqbaqa chizig'i, aylanasi
Tag'ayyur – o'zgarish, boshqa tusga kirish; g'azablanmoq
Tajalliy – ko'rinish, jilvalanish

Taqir – muqarrar qilish, tasdiqlash, bayon qilish, so'zlash
Taqsir – qusur, kamchiliklar, ayblar
Tan gulbuni – bu yerda: badanning guldek go'zal va pok kulbasi
Taxayyul – xayol surish, o'ylash, tasavvut.
Tifl – bola, bolalar
Topok – tipichilash, bezovtalanish
Fano – baqosizlik, yo'q bo'lish, o'lish; o'zlikdan kechish, o'zni unutish, tasavvuf yo'liga kirish; o'lim, ajal
Fard – yolg'iz, yakka, tanho; ajragan, xoli; ma'no jihatidan mustaqil yakka bayt;
Fardlig' – yagonalik, birlik, toqlik
Fasohat – so'zning ochiq, ravshan, chiroyli va qoidaga muvofiq bo'lishi.
Foniy – baqosizlik, yo'q bo'lish, o'lish; o'zlikdan kechish, o'zni unutish, tasavvuf yo'liga kirish;
Xazro – ko'k, yashil; osmon
Xay – ter tomchisi
Xashxosh – ko'knori o'simligi, ko'knori urug'i
Xijolat – uyalish; sharmanda bo'lmoq.
Xirad – aql
Xoma – qalam
Xotam – muhr
Xuffosh – ko'rshapalak
Shar' – shariat;
Shafi' – himoyachi, vositachi
E'lom – e'lon qilish, bildirish, ma'lum qilish
Yasrib – Madina shahrining qadimgi nomi
Qiyrgun – qoramoy rangli, qop-qora, tim qora
Qosid – elchi, xabarchi; qasd qiluvchi, niyat etuvchi
Qurb – 1. Yaqinlik, yaqin bo'lish; 2. Qobiliyat; 3. Loyiqlik
Qo'ryo – 1. Chodir, kapa; 2. Xarobaxona; vayrona
G'abro – yer, yer yuzi, yer shari
G'afat – hushyorsizlik, har narsaga befarq qarashlik; loqayd qiladigan, sergaklikni yo'qotadigan uyqu
G'izo – oziq-ovqat, yegulik, taom

G'ussa – g'am, qayg'u Za'f – quvvatsizlik, holsizlik, xastalik, kasallik
Havodis – hodisalar, voqyealar, kundalik o'zgarishlar; ko'ngil g'ashlik hodisasi;
Hamd – 1. Maqto'v, madh; 2. Shukr, tashakkur, rahmat; 3. Madhu sano, maqtash va sano aytish.
Hampo – hamqadam, hamroh
Haros – qo'rquv, vahima, qattiq hayajon
Hibs (habs) – qamash; hibsga solish; qamoqxonona, zindon
Hidoyat – to'g'ri yo'l ko'rsatish, to'g'ri yo'l topish, to'g'ri yo'lga kirish.
Hirz – 1. Saqlaydigan, asraydigan; 2. Sehr-joduni qaytaradi; 3. Tumon o'rmini bosadi
Hubob – suv yuzida paydo bo'ladigan pufakchalar; osmon gumbazi; foniy dunyo; aylana
Huzn – ham, qayg'u, xafalik, g'amginlik
Hulla – bezakli kiyim, ziynat libosi; nafis matodan tikilgan kiyim

ADABIYOTLAR RO'YXATI

1. Абдуғафуров А. «Хазойин ул-маоний» жумбоқлари //Ўзбек тили ва адабиёти. - 1998, №6.- Б.3-10.
2. Абдуғафуров А. «Хазойин ул-маоний» жумбоқлари// Ўзбек тили ва адабиёти. - 2000.- № 5.- Б.3-11.
3. Абдуғафуров А. Буюк бешлик сабоқлари. – Тошкент: Адабиёт ва санъат, 1995. 184 б.
4. Абдуғафуров А. Навоий сатираси. 1-китоб. - Тошкент: ФАН - 1966. 316 б
5. Абдуллаев В. Навоий Самарқандда. - Тошкент: Бадний адабиёт, 1968. 136 б.
6. Абдурахмон Жомий ва Алишер Навоий. Тошкент: ФАН, 1966. 152 б.
7. Алишер Навоий асарлари тилининг изоҳли луғати. IV томлик. - Тошкент: Ўз ФА - 1983-1984-1985. Т. 1. - 1983-656 б; Т. 2. - 1983-642 б; Т. 3. - 1984-622 б; Т. 4. - 1985-646 б.
8. Алишер Навоий ижодий меросини ўрганиш проблемалари. Илмий мақолалар тўплами. - Самарқанд: СамДУ, 1990. 182 б.
9. Алишер Навоий. Илк девон. Факсимил нашр.
10. Алишер Навоий. МАТ. 20 жилдлик. 14-жилд. – Тошкент: Фан, 1998. 304 б.
11. Алишер Навоий. МАТ. 20 жилдлик. 17-жилд. – Тошкент: Фан, 2001. 520 б.
12. Алишер Навоий. МАТ. 20 жилдлик. 3-жилд. – Тошкент: Фан, 1988. 616 б.
13. Алишер Навоий. МАТ. XX томлик. 1-6 томлар. -Тошкент: ФАН - 1987-1990. Т. 1. - 1987-724 б; Т. 2. - 1987-620 б; Т. 3. - 1988-614 б; Т. 4. - 1989-558 б; Т.5. – 1990 542 б; Т.6. - 1990-366 б.
14. Алишер Навоий: комусий луғат. 1-2 жилдлар. – Тошкент: Sharq, 2016.
15. Атоуллох Хусайний. Бадойиъу-с-санойиъ. - Тошкент: Адабиёт ва санъат, 1981. 400 б.
16. Бертельс Е.Э. Избранные труды. «Наваи и Джами». – М., Наука, 1965. С.164.
17. Бобур Захириддин Муҳаммад. Бобурнома. / Ҳозирги ўзбек тилига В. Раҳмонов ва К.Муллахўжаева таъдилди. – Тошкент: МА НАВИҲАТ, 2004.
18. Бобур Захириддин. Мухтасар. / Нашрга тайёрловчи С. Ҳасанов. – Тошкент: Фан, 1971. 413 б.
19. Болтабоев Ҳ. Мумтоз сўз кадри. – Тошкент: АДОЛАТ, 2004.
20. Борев Ю.Б. Теоретическая история литературы./ Теория литературы. Т.4: Литературный процесс. – Москва, 2001.

33. Имомидзаров М. Навоийишуносликка кириш. – Тошкент: Заркалам - 2006. 144 б.
34. Каримова Ф. Ўзбек адабиётида дебоча. (НДА). Тошкент, 1993.
35. Комилов Н. Маънолар оламига сафар. – Тошкент: “TAMADDUN”, 2012. 316 б.
36. Куделин В.Г. Средневековая арабская поэтика. - Москва: Наука, 1991. 362 с.
37. Қаюмов А. Алишер Навоий. – Тошкент: Камалак, 1991. 173 б.
38. Мирзоев А.М. Рудаки и развитие газели. – Сталинабад: Таджикгосиздат, 1958. 71 с.
39. Мусульманкулов Р. Персидско-таджикская поэтика X-XV вв. - Москва: Наука, 1989. 240 с.
40. Мухиддинов М. Комил инсон – адабиёт идеали. – Тошкент: Маънавият – 2005. 208 б.
41. Олимов М. Рисолаи аруз. – Тошкент: Ёзувчи, 2002. 88 б.
42. Османов М.Н. Стиль персидско- таджикской литературы. (X-XII вв). - Москва: Наука, 1971. 267 с.
43. Пардаева И. Алишер Навоий тарихий асарлари бадиияти. Ф.ф.ФДД. /Самарқанд, 2018.
44. Проблемы арабской культуры. - Москва: Наука, 1987. 392 с.
45. Проблемы восточного стихосложения. - Москва: Наука, 1973. 184 с.
46. Проблемы исторической поэтики литератур Востока. - Москва: Наука, 1988. 312 с.
47. Раззоков А. Алишер Навоий шеъриятида илм ва маърифат талқини. Ф.ф.ФДД. /Қарши, 2019.

36. Стеблева И.В. Жизнь и литература доисламских турков. – Москва: “Восточная литература”, 2007.
37. Сулаймонова Ф. Айёмин висоли улди ширин... – Тошкент: Фан, 1997.
38. Теория жанров литератур Востока. – Москва: “Восточная литература”, 1998.
39. Филлмор Ч. Основные проблемы лексической семантики. // Новое в зарубежной лингвистике. Вып. XII. – Москва, 1983. С. 32-34.
40. Холмуминов Ж., Ҳазраткулов Ж. Форсий адабиётнинг жаҳон адабиётдаги ўрни. – Тошкент: “Yangi asg avlodi”, 2012.
41. Шайхзода М. Асарлар. VI томлик. 4 т.: Ҳазраткулов Ж. – Тошкент: Бадий адабиёт, 1972. 372 б.
42. Шарқ мумтоз поэтикаси. Манба ва талқинлар – Тошкент: Ozbekiston milliy ensiklopediyasi, 2006. 429 б.
43. Шомухамедов Ш.М. Форс-тожик адабиёти тарихидан қисқача курс: Ўқув қўлланма. – Тошкент: ТошДШУ, 1987.
44. Шидфар Б.Я. Образная система арабской классической литературы (VI-XII вв). – Москва: Наука, 1979. 254 с.
45. Шпет Г.Г. Внутренняя форма слова. – Москва: Наука, 1927. 136 с.
46. Шпет Г.Г. Герменевтика и её проблемы. – Москва: Наука, 1923. 128 с.
47. Эргашев К. Некоторые аспекты государственной деятельности Алишера Навои. – Тошкент: Фан, 2009.
48. Юсупова Д. Ўзбек мумтоз ва миллий уйғониш адабиёти (Алишер Навоий даври). – Тошкент: “TAMADDUN”, 2016. 302 б.
49. Ўзбек мумтоз адабиёти намуналари. 1-2 жилд. – Тошкент: Фан, 2005, 2007.

70. Қаюмов А. Асарлар. 10 жилдлик. – Тошкент: “MUMTOZ SOZ”, 2007-2010.
71. Ганиева С. Навоий ёдга олган асарлар. – Тошкент, 2009.
72. Куронов Д. Адабиётшуносликка кириш. – Тошкент: Фан, 2007. 227 б.
73. Ҳайитметов А. Навоий лирикаси. – Тошкент: ФАН, 1975.
74. Ҳайитметов А. Навоийнинг ижодий методи масалалари. – Тошкент: ФАН, 1963. - 173 б.
75. Ҳайитметов А. Шарқ адабиётининг ижодий методи тарихидан. – Тошкент: Фан, 1970. 331 б.
76. Ҳакимов М. Навоий асарлари кўлёмаларининг тавсифи. - Тошкент: ФАН, 1983. 199 б.
77. Ҳаққулов И. Ғазал гулшани. – Тошкент: ФАН, 1991. 70 б.
78. Ҳаққулов И. Тасаввуф ва шеърият. – Тошкент: Адабиёт ва санъат, 1989. – 240 б.
79. Ҳаққулов И. Шеърият – рухий муносабат. – Тошкент: Адабиёт ва санъат, 1989. 240 б.
80. Ҳаққулов Иброҳим. Навоийга қайтиш. 3-китоб. - Тошкент: “TAMADDUN”, 2016. 316 б.
81. Ҳасанов С. Бобурнинг “Аруз рисоласи” асари. – Тошкент: Фан, 1981. 132 б.
82. Ҳожиаҳмедов А. Навоий арузи нафосати. – Тошкент: Фан, 2006. 288 б.
83. www.ziyonet.uz
84. www.literature.uz

NAVOIYSHUNOSLIK

**ALISHER NAVOIY G'AZALLARINI
SHARHLAB O'RGANISH**

Universitetlarning 5120100 – filologiya va tillarni
o'qitish (o'zbek filologiyasi), pedagogika institutlarining
o'zbek tili va adabiyoti fakultetlari uchun o'quv qo'llanma

Muharrir
Musahhih
Texnik muharrir

J. Bozorova
L. Xoshimov
N. Isroilov

2019 yil 20 dekabrda tahririy-nashriyot bo'limiga qabul qilindi.
2019 yil 27 dekabrda original-maketdan bosishga ruxsat etildi.
Qog'oz bichimi 60x84_{1/16}. "Times new roman" garniturasini. Offset qog'ozi.
Shartli bosma tabog'i – 14,75.
Adadi 100 nusxa. Buyurtma № 12/8.

ISBN – 978-9943-6316-7-0

SamDU tahririy-nashriyot bo'limida chop etildi.
140104, Samarqand sh., Universitet xiyoboni, 15.



